



L.V. .A. 26.

BIBLIOTECA NAZ.

Vittorio Emanuele III

LV

A

26

NAPOLI





RERUM
TRANSYLVANI-
CARUM.

LIBRI QUATUOR,

Continentes res gestas PRINCIPUM
ejusdem ab ANNO 1629. us-
que ad An. 1663.

Authore

JOANNE BETLENIO,
COMITE Comitatus Albensis, regni
Transylvaniæ CONSILIARIO, CAN-
CELLARIO, ac Sedis Siculicalis Ud-
varhely CAPITANEO Su-
premo, &c.



Anno Salutis M. DC. LXIV.





CELSISSIMO PRINCIPI,

Domino Domino

MICHAELI APAFI,

Dei gratiâ Principi Transylva-
niæ, partium regni Hungariæ

Dñ & Sicularum

Comiti, &c.

*Domino suo Clementissimo hu-
milime offert, &c.*



Ampar hume-
ris meis o-
n^o, Princeps
Celsissime, te
jubente subeo, dum af-
flictiones regni tui, qui-

bus

EPISTOLA

bus ab adolescentiâ meâ
 ad præsens usq; confli-
 ctatur miserêque labo-
 rat, tenui calamo Euro-
 pæ in propatulum me
 producere jubes. Terret
 quidem non nihil fateor
 imbecillitatis propriæ
 conscium ponderis im-
 positi gravitas, verùm
 tibi jubenti cum non li-
 ceat non parere, in Do-
 mino qui in ipso fiden-
 tes, seipsis plerumque
 validiores reddit, effi-
 citq;

DEDICATORIA.

citq; , ut cum divo Pſal-
te in eo ſperantes , mu-
rum alioquin vix pervi-
um tranſilire poſſint ,
ſpem collocās , id quod
per Celfitudinem Tu-
am erat imperatum ,
non ut rerum à me exe-
giſſet magnitudo , ju-
bentisq; congruebat
dignitati, ſed ut præſta-
ri per me potuit, Deo fa-
vente publicæ bono-
rum cenſuræ ſubjicio.
Teſtor Deum , nullâ

EPISTOLA

ambitione, scribendi-
que pruritu, eo minus
quempiam obtrectandi
intentione, ne jussis tu-
is, Celsissime Princeps,
refragari negligam, im-
pulsus, cui, si quempiam
in regno tuo eidem o-
peri insudare innotuif-
set, honestissima memet
excusandi suppetebat
occasio, sed reliquis in-
ter tot pericula aut solâ
vitæ curâ occupatis, aut
præ metu extabescen-
tibus

DEDICATORIA:

tibus, rudi res nostras
Minervâ orbi Christia-
no sistere, famæq; (quæ
rarò aut nūquam in suâ
simplicitate per natio-
nes circumferri solet)
vitia, è mentibus natio-
num excutere æquiùs
duxi. Non quidem ne-
gotium cui insisto peri-
culi expers perspiciens,
dum vivus de vivis, aut
iis qui inter tot pericula
fato functi, posterì ta-
men eorum etiamnum

EPISTOLA

rerum nonnihil potiun-
tur, scripsisse præsumse-
rim; Verùm justitiâ cau-
se suffultus, patrocini ó-
que Celsitudinis Vestræ
munitus, intrepidus rei
admoveo manus.

Nec video, quod alii
dicere aut facere non e-
rubuerunt, cur genuinè
idem exponere verear?
Qui enim quicquid
vult dicit vel facit, ea
(ut ait ille) quæ non vel-
let audiat & experiatur
neces-

DEDICATORIA.

neceſſe eſt. Diſcant præ-
 terea cuncti, non ſem-
 per ea quæ palato arri-
 dent, ſed quæ æquitati
 honeſtatiq̃ue conſona
 ſunt, in verſatili hâc
 mundi Comœdiâ aliis
 ſcribenda relinquere,
 aliàs ſeu bene, ſive per-
 peram factorum non
 defuturam apud poſte-
 ros memoriam. Ve-
 ſtram quoque Celſitu-
 dinem lynceis procul

ſ 5 dubio

EPISTOLA

dubio oculis quid in
quoquam imitandum ,
quid evitandum , quiq;
rerum scopuli amoven-
di, in rerum Transylva-
nicarum speculo per-
vestigaturam nil ambi-
go , quod faciendo tam
quieti afflictissimæ suæ
patriæ , quàm propriæ
consultum fore credat
existimationi , futu-
rúmque procul dubio ,
ut præsens nunc ætas ,
ferá-

DEDICATORIA:

seráque tandem posteritas, non vitæ Tuæ Celsitudinis , (ut de nonnullis factum) sed mortui, dum in humanis esse desierit , indoleant , quod tamen ad nepotum meorum & aliorum tempora divina differat bonitas, Téque præter propriam & aliorum expectationem ad hoc principatûs fastigium evecto regnan-

¶ 6 te,

EPIST.DEDICATOR.

te, post tot calamitates
exantlatas Halcyonis
dies Ecclesiæ suæ largi-
atur, precatur:

Ejusdem Celsitudinis Tuæ

obsequentiss. Serv.

JOAN. BETLEN.

PRÆ-

PRÆFATIO AD
LECTOREM.

Sublunaria quælibet
mutationi esse obno-
xia sapientes cuncti asse-
runt, insipientes inviti
sentire patique coguntur.
Quod principium absq̃ ul-
lis subintelligentiarum ex-
ceptionumq̃ annexionibus
adeo latè patere certum est,
ut non solum res inanimas,
bruta ac feras, verum ho-
minem quoq̃, singularem

Dei omnipotentis creaturam, quam animâ rationali, eâq; divinis dotibus ornatâ donare dignatus est, sub hoc gemere iugo cæcus est qui non videat.

Nec in hominibus distinctim per individua cōsideratis hic mutationum finis? Univerſæ quin potius terrarum nationes, singula ſecula, quælibet provincia, ac regna, triftia mutationum humanarū posteris præbēt præbuerūtq;
doct.

AD LECTOREM.

documenta. Cujus utinam
in afflictissima natione Hū-
garica domestica cum mœ-
rore animi non sentire ex-
empla ! Quæ extraordina-
ria Dei clementia pro in-
cultis Scythiæ solitudinibus
terra omnium bonorum
copiæ affluente beata , in-
clytis ac victoriosissimis
diu superba Regibus versa
nunc rerum fortuna , pro-
vinciis compluribus, fortä-
litiis vix numerandis per
barbaros occupatis, Tran-
sylva-

*sylvaniâ provinciarum
coronæ ejusdem opulentissi-
ma, fortissima, extremè la-
borante, imò agonizante,
ne reliquiæ quidem ipsius,
inter tot minas apparatusq;
hostium salutem sibi polli-
ceri possunt.*

*Totius quocirca Europæ
sermonibus res nostras teri,
in negotioq; tot tragicis vi-
cissitudinibus insignito, ab
iis qui longè dissi, incertis-
q; fidem adhibentes rumo-
ribus, precipitando de nobis
iudicium, nunc hos, nunc*

AD LECTOREM.

illos, quandoq₃ totum Trā-
 sylvæ regnum traduci perspi-
 ciens, eosq₃ hoc errore libera-
 re satagens, res Transylvæ
 tragicasq₃ à decessu Princi-
 pis Betlenii, eius mutatiões
 orbi Christiano in veritate,
 illibatāq₃ fretus cōscientia,
 palam reddere decrevi.
 Imbecillitatis quidem pro-
 pria non nescius, quippe cui
 bimo patre orbato sub vi-
 triciq₃ literarum rudis tu-
 tela educato, nunquam ex-
 tra limites Transylvaniæ
 Musas salutare licuit, si

PRÆFATIO

itaq₃ verborum lenociniis
 subtiliq₃ fucatarum rerum
 lepore, mi lector, temet ob-
 lectare contendis, procul
 hinc faceſſe, monitum te
 velim; hîc, nil niſi tristes
 rerum mutationes, cruēta
 prælia, fortalitiorum non-
 nullorum obſidiones ac oc-
 cupationes, tres intra bien-
 nium Principes ferro per-
 emptos, centum ad minimū
 Chriſtianorum millia in
 captivitatem aſſerta, cha-
 riſſimaq₃ patriæ meæ (Trā-
 ſylvaniæ) niſi Deus aver-

AD LECTOREM.

tat, exitium rudi simpliciq;
 stylo exposita habebis, quæ
 si libuerit perlecta poli; sal-
 tem intelligar, obtinui
 quod optabam.

Sed longè ponderosius
 superesse videtur impedi-
 mentum? Dum te diver-
 sius in parte, vel in toto, hæc
 audiuisse obiicias. Certum
 est, habet non nihil ponderis
 obiectio; interim sic me vi-
 disse, sensisse, de iisq; quorū
 (ut ait Virgilius) magna
 pars fui, non ea quæ huic
 aut illi placent, sed quæ ve-

PRÆFATIO

*ra sunt, rara Principis no-
 striclementissimi bonitate,
 quo regnante non saltem
 sentire, verum etiam vera
 scribere absq; periculi metu
 fas esset, scripsisse intelligas;
 Qui verò præconceptæ opi-
 nioni velificando veritati
 fidem adhibere renuit, cœ-
 cuciat pro lubitu per me li-
 cet, veritatis autem intel-
 ligendæ desiderio qui tangi-
 tur, hic res nostras nudè de-
 scriptas, iudicium autem
 de iis omnibus integrum
 vobis relictum, habebit,*

AD LECTOREM.

præmonitis tamen, modestè
Et Christianâ charitate de
iis ferre sententiam, qui in-
ter duos orbis Monarchas
(ipsi invalidi) siti, nunc
hujus, nunc illius partis re-
bus prævalescentibus, in-
terdum ab alterutro intol-
lerabilius pressi oneribus,
nisi perire maluissent, ex-
tremâ rerum necessitate
(quæ cunctis mortalibus
predominatur) ipsos non
immeritò excusante, patro-
nos nonnunquam mutare
coacti sunt.

PRÆFATIO

Utinam te, mi Lector,
 Transylvania, nos Trans-
 ylvanos, Vienna Austria,
 Lutetia Parisiorum, aut
 Madridi incolas, solum de-
 cennium haberet! tu de no-
 bis, nosq; de te, exactis illis
 annis, iustissimum procul
 dubio ferremus iudicium;
 Sed vos in altâ pace, alienis
 hætenus non immixti pe-
 riculis, perpetuam distan-
 tiam locorû fisci, ab incur-
 sionibus potentissima illius
 nationis, quæ nationē Hū-
 garicam obtrivit, reliqui-

AD LECTOREM.

asq³ eius in dies deglutire
nititur, forsā speratis pa-
cem? Utinam non vos fal-
lat sibi plus iusto plerumq³
placens humani iudicii im-
becillitas! In eo enim Euro-
pæ angulo Transylvania
regnum sitū credas, cuius
incolumitas securitati ve-
stræ connexa est, eiusdemq³
exitium (quod divina a-
vertat bonitas) circumsi-
tarum nationum ruinam
secum trahet. Sed hæc di-
xisse satis.


Deus, qui (sceleribus

nostris ita promerentibus)
flagellis hisce paternis nos
ad resipiscentiam excitat,
nostri misertus, pauculis
qui inter tot clades super-
sumus, jam tandem largi-
atur pacem, vos verò Chri-
stiani lectores in eâ qua
nunc gaudetis tranquilli-
tate diu florentes cōservet.

Vestri studiosissimus & ser-
 vitor paratissimus,

JOANNES BETLENIUS,

Comes Com. Alb. regni Transf.
Consil. Canc. ac Sed. Sic. Vd-
varhely Cap. Sup.



RERVM

TRANSYLVANI- CARVM

LIBER PRIMVS.

PROOEMIUM.



Ransylvaniam à princi-
pio inclyti Reges Hunga-
riæ possedêre. Postquam
verò colluvies Turcarû,
perfidiâ discordiâq; Græ-
corum ex Asiâ in Europam trajecisset,
oppressisq; iis, quorum ope trajecerat,
paulatim ulterius serpendo, vicinos
Reges, ac populos immuni prostrasset
rabie, tandem Regibus quoq; ac regno
Hungariæ, eidemq; subiectæ Transyl-
vaniæ negotium faceßere cepit; Cùm
quibus quàm variâ per complures años
fortunâ dimicatû, gloriosissimæq; olim
Nationi quo pacto Mohacsiana clades

A

fata-

fatalem acceleraſſet periodum, à compluribus memorata ſunt.

Nec deſuêre ſucceſſivis quoq; temporibus inſignia ingenia, quorum labore, Joannis Szepuſienſis (qui deinde nomen regis obtinuit) contra Ferdinandum ejus nominis primum (Romanorum Imperatorem) res geſtæ, ejusdemq; cum Solimano Turcarum Imperatore, (quâ ſe regnumq; Tranſylvaniæ ſub certis conditionibus tributarium fecit) confederatio inita, orbi Chriſtiano manifeſtata ſunt.

Nec avulſo à Coronâ Hungariæ, Tranſylvaniæ regno, Stephani, Chriſtophori, ac Sigifmundi Bathoreorum, Stephani Bocskaii, Sigifmundi Rakocſi, Gabrielis Bathorei, ac Gabrielis itidem Betlenii, Principum Tranſylvaniæ res geſtas, bellaq; tam externa quam civilia Europa ignorat.

Mihi fixum, res ac umbratilem, poſt deceſſum mariti ſui Cathari-næ Brandenburgicæ, Stephaniq; , Gabrielis

brielis Betlenii uterini fratris principatum, Georgiiq; Rakocii Senioris, ad eandem provecti dignitatem, acta, ac decessum verbo complecti.

De successore tandem & filio ipsius ejusdem nominis paulò fusiùs: connexionibusq; rerum sic exigentibus, quæ vicissitudines, qui hominum actus, in eam, quâ nunc jacet, vastitatem præcipitavere Transylvaniam, quiq; post infelicem Rakocii casum, in Principatu, tragicisque Transylvaniæ actibus Successores ipsi fuere, absq; omni fugo, in veritate perscribere.

BREVIARIVM LIBRI

PRIMI.

GAbriele Betlenio decedente, Catharina Brandenburgica in Principatu succedit, quæ anno nondû expleto renūciare cogitur. Cui Stephanus Betlenius Gabrielis frater, qui antequam in Principem eligeretur, diffusus suffragiis Statuum, per filium Stephanum, generumq; Davidem

Zolyomium, *Georgium Rakocium* ex *Hungariâ* ad Principatum capeffendum invitat, quo iter ingreffo, ipfe interim in Principem eligitur, verum utri ex duobus Regnicola adherere vellent permit- tens, ipfi *Rakocius* præponitur, privatamq; cogitur denuò amplecti vitam. *Catharina Rakocius Munkacium* & *Fogaras* arces adimit. *Zolyomium* in carceratum bonis omnibus exuit. *Filius Stephani Betlen Petrum* sub prætextu homicidii cujusdam persequitur, exacerbatuſ pater ad *Turcas* tranſit, unde bellum contra *Turcas* ortum, quod per contræctum finitum. Per leges à ſe conditas potiorem *Trãſylvania* partem Nobilibus adimens uxori filiſq; distribuit. Cum *Svecis* confederatione in *tâ Hungariam* invadit, quibus in *Moravia* relictis pacem cum Imperatore *Romanorum* init. Defuncto *Viãdiſlao* Rege *Polonia*, dum regnum ejus ambit, fato fungitur, & ibaq; fuliatumulatur. Geſta hac annis decem & novem.

LIBRI PRIMI

SECTIO I.

PRINcipe Betlenio
[1629.] (qui deci-
mooctavo regiminis
sui anno fato fun-
ctus longè florenti-
us quam acceperat,
reliquisse videbatur regnum) è vi-
vis sublato, diversi in totâ Transylva-
niâ erant animorum affectus, nonnul-
lis (qui per leges regni aliquâ poenâ
sub eo mulctati) lætis simul ac muta-
tioni applaudentibus, pluribus (inter
quos Stephanus, ejus frater Germanus,
totiusq; regni eodem vivente Guber-
nator, una cum filiis Stephano ac Pe-
tro Betleniis) eum ex animo deflenti-
bus; Catharina Brandeburgica, quam
jampridem in Generalibus regni Co-
mitiis Successorem Principem (non
Principissam) creaverat, profusæ er-

ga omnes liberalitatis, sed imbecillitate sexûs malè consultoribus facilè obnoxia Regni habenas auspicari videbatur.

Unde ambitione inter se proceres laborare, jubere potiùs, quàm quippiam à fceminâ Principe impetrare.

Nec quievêre diu inter eos hi animorum motus; post paucos enim menses, dum ad procuranda regni negotia, Generalibus interessent in civitate Saxonicali Medgyes Comitiiis, ne apud ipsosmet quidem hujus tumultûs aucthores certam ob causam, parvum abfuit, quia ferro in urbe inter se dimicatum, plurimis (imò omnibus) lenitatem regentis accusantibus, quâ probè utentibus, felicissimè cuncta in tranquillitate fluere poterant.

Altera itaque denuò in civitatem Claudiopolim [1630.] (defectibus quasi publicis consulturi) Comitia indicunt, Catharinam Brandenburgicam Principem, tanquam tantæ imparem

rem moli, Regno in iis cedere jubentes, de futuro tamen Principe necdum inter se concordēs, paret illa non momentibus, *sed jubentibus, in bonāq; pecuniaria per dispositionem decedentis mariti sibi legata, quae tanta non imparia erant dignitati recessuram se spondet*; Nec Stephanus interim Betlenius (qui regni erat Gubernator) de Principatu obtinendo Statuum fidebat suffragiis, ne itaq; cuiuspiam invitus subesset, alteri quin potius ipse conferre videretur imperium, *Davidem Zolyomium (cui filiam elocaverat) ac Stephanum filium, utrosq; in Regno opibus ac Clientelis potentes, in Hungariam ad Georgium Rakocium, Saros-Patakini in propriis degentem bonis, cum occultis mittens mandatis, suam suorumq; in obtinendo Principatu opem ei offert.*

Erat luculenta quæ offerebatur conditio, maximam offerentium potentiā eam obtinendi addente spem, nec diu cunctatum, movit cum consultoribus

ad iter dictum Rakocius; *Hæc dum in iisdem Comitibus Regnicolis innotuêri, reclamatum ex templo à potioribus, communibusq; cunctorum suffragiis Stephano Betlenio (Regni Gubernatori) hætenus de favore eorum dubitanti Principatus oblatus est, legati insuper qui Rakocium in propria redire, Zolyomiumq; ac Stephanum Betlenium juniorem, intermissâ legatione, ad complexus patris, novi Principis, redire juberent, missi.*

Verùm in Hungariæ partes regno Transylvaniæ unitas penetraverat Rakocius, à Stephanoq; Betlenio juniore itineris ipsius suatore & comite, magnâ cum solennitate explosionibusq; tormentorum, in arcem Varadiensem, ipso met istius insignis fortalitii, Supremi Commendantis (nos Capitaneum appellamus) tenente munus, introductus erat, ac quo solennior in Transylvaniam fieret ingressus, aliquot Hajdonum millia (hi erant liberi sub Principatu Transylvaniæ equites, nullique præ-

præter Principem, nisi Capitaneo Varadiensi subjecti) congregata habebat.

Horruerunt legatione Statuum Regni auditâ, tam Rakocius, quàm toties dicti ejus comites, irrita q; fuit legatio; tandem ut Princeps Stephanus Betlenius ac Rakocius inermes in certo convenirent loco, placuit.

Aderant cum Betlenio plerique ex proceribus regni, cum Rakocio Zolyomius ac Stephanus Betlenius junior, filius jam electi Principis, ubi, ut altera indicerentur Regni Comitia, cunctorumque denuò suffragiis Principatus submitteretur, cautum ab utrisque.

Non cessabat interim Rakocius promissis ac largitionibus suffragia potentiorum eblandiri, multis, quo certior esset promissi fides, chirographa transmittens. Principe interim Stephano Betlenio divinæ saltem providentiæ se committente, precibusque vacante.

SECTIO II.

Indicūtur itaq; (largitionibus ac promissis Rakocii multis jam occupatis) [1630] Generalia in civitatem Saxonicalem Sespurgiensē regni Comitia; Princeps Stephanus Betlenius ipse urbem ingreditur; Rakocius eventum rei Varadini præstolans, majoribusque ac majoribus in dies quoslibet, dumodò in partes suas pelliecti sibi suffragarentur, promissis obruens, per legatos causam suam agit. Rem semel conclusam, dubiæ multorum voluntati submittendo, malè sibi consuluisse hic tandem sentit Princeps Betlenius, verum quoniam medendi nec tempus, nec modus suppetebat, promissis stare cogitur. Dum itaque suffragia de futuro colliguntur Principe, *Legatus Catharinæ Brandenburgicæ Principissæ, Joannes Keményius, universis, (si legantem spectes) dignitate præstantior, sententiam promovere jubetur; qui à Principissâ, digni-*

gnitate Principali (ut ipsa prætendebat) per Stephanum Betlenium , clienteq₃ ejus exutâ, vicemq₃ pro vice reddere sat agente, edoctus, multis cum laudibus commendatum Betlenio Rakocium præposuit ; acclamatum continuò ab iis qui suffragia sua venundantes, promissis se opulentos somniabant, nec à reliquis in tanto illorum ardore contradictum.

Sic itaq₃; Princeps Stephanus Betlenius dum solis fudit Diis ac probitati, dignitate per proprios exutus filios, per legatos literasq₃; Rakocii juramentales, se pro patre ab eo honorari, nullisq₃; unquam damnis ipsum suosq₃; affici, asscuratus, in propria secedere cogitur.

Quæ qualiter observata fuere patebunt.

Læto hujus rei nuncio audito Princeps Rakocius, Varadino se movens, multis Magnatum ac Procerum, præcipuè verò eorum, qui pollicitationibus illecti libertatem suffragiorum

vendiderant, obviis, Albam Juliam properat, ibiq; juramento, quod certis sub conditionibus priùs Transylvaniæ Principes Statibus deponere, ac recipi ab iis juramentum ita tandem exigere solent, persoluto, amplis Zolyomium, tanquam præcipuum sui Principatûs authorem, bonis donat; Stephanum Betlenium juniorem, ipsius pariter promotorem, ac itineris comitem, Zolyomioq; longè potentio-rem, multis verborum honoribus laudatû, cui par merito præmium à se minimè posse persolvi fatetur, bene de se sperare jubet, ex frequentia quoq; reliquorum expectantium, partim extemplò, partim successivè nonnullos bonis terrestribus donat, compluribus tamen præter vacuas imaginationes nihil domum reportantibus.

Congratulatur Principatui ejus novo [1631] primùm per literas, mox ipsamet Principem Rakocium inviscendo (miseratione sanè, bonorum digna)
Prin-

Principissa Catharina Brandeburgica, ipsi, filiis, ac Principissa, regalia offert munera, celebrantur inter se per dies complures convivium, & quo testatorem erga domum Rakocianam sinceritatem suam redderet, filio Principis Rakocii, Sigismundo in filium adoptato, arcem Munkacsensem, (quam tum Tokai & Fogaras arcibus ex legatione Principis Betlenii, decedentis mariti sui tenebat) sub certis, à Principeq; Rakocio ut placuit insertis conditionibus legat; Quas paucis elapsis mensibus, ab eadem violatas Princeps Rakocius prætendens, (Supremo arcis ejusdem Munkacsensis Capitaneo Joanne Balling hæram excludente) occupat, consequenter, iteratum denuò cum misellâ, quo pacto contentari debeat iniens contractum, Fogaras in adimit.

S E C T I O III.

NEc Zolyomius [1632] à Principe Rakocio donatis diu frui potuit

tuit bonis, naturâ enim inquietissimus, secundam non potuit patienter ferre fortunam, abususq; favore Principis, qui eum, tam Aulicis quàm Campestribus exercitibus Generalem præfecerat, selectissimos ex iis qui sibi subiecti erant in exercitu Principis, milites clam exauctoratos sibi met congregat, ultraq; privatum ipsius statum satis magnam eorum copiam ex flore totius Principis militiæ selectam circa se alit, nec deerant turbulentæ inter pocula voces, quandoq; relictâ patriâ, una cum proprio exercitu Succis in Imperio bellum gerentibus se associaturum jactat, accedebant oppressiones vicinorum nobilium, quorum adempta præter jus & æquum bona, nec à Principe, nec à Regni Statibus admonitus reddere voluerat.

Hæc Principi Rakocio cognita, alioquin etiam ad suspiciones (sicuti omnium ferme Principum mos est) facile pronò, magnam peperere sollicitudi-

nem, quippe quem talia machinantem, nec pati tutum, nec tot clientelis ac opibus fultum ulcisci facile erat, verum fata facilem invenere viam, Stephano Betlenio juniore, Zolyomii cognato, eidemque amicissimo, omnium quos Transylvanos tunc sol vidit, prudentiam, magnanimitate, rei que tam bellicae quam politicae peritiâ, praestantiore, repentino è vivis morbo sublato, quo decedente animosius contra eum Rakocio per leges regni animadvertere licuit, in Generalibus itaque regni Comitibus convictus, Kôvarinum in captivitatem mittitur, ubi duodeviginti annis exactis, sepulcro libertatem obtinuit.

Proceribus regni, per quos sententia contra eum proferri debebat, quibus haec omnia se distributurum Princeps Rakocius promiserat, ridiculè delusis, bona ipsius, tam per Principem Rakocium collata, quam haereditaria, inter filios dicti Principis distributa.

Continuata post resignationem Principis

cipatûs ipsius, (tanquam inter patrem & filium) inter Stephanum Betlenium, Principemque Rakocium aliquandiu concordia, paulatim elanguescere, ac in apertas inimicitias prorumpere cepit, assentatoribus, quorum grege magnatum aulæ semper scatere solent, utriusq; suspensiones augentibus. Amicitia itaque ac viciniæ potentioris diffusus Stephanus Betlenius, relictis sub Procuratoribus Transylvanicis suis bonis, in partes Hungariæ vicinioresecedit, filio unico superstite Comite Petro Betlenio (qui se juncta possidebat bona) in Transylvaniâ relictis.

Sed fatalis inter eos discordia, subsequuturis tumultibus ac bellis, rebus minimis ansam præbentibus, ne sic quidem vitari potuit. Habebat enim dictus Comes Petrus Betlenius administratorem quendam bonorum suorum, per quem defraudatus, dum rerum ab eo rationem exigit, depeculatoremq; deprehendit, repentinâ commotus irâ,
 bacel-

bacello graviter vulnerat, ex quo paucos post dies moritur. Principem Rakocium ac Stephanũ Betlenium, audito hujus facinoris rumore, diversi movêre affectus; *Hic tanquam vir probitate insignis, inopinato filii casui vehementer indoluit, occisiq; juvenis senem patrem per viros honestos ac probos cum luculentâ contentatione reconciliare conatur.* Ille lætus arripit hanc contra familiam Betlenianam nocendi occasionem, celeriq; expedito tabellario, longè majora occisi hominis seni patri (que tamen nunquam præstitit) promittendo, vetuit eum (qui alioquin jam assenserat) cum Comite Betlenio concordare; *Et quo speciosior, Christianoque digna Principe hac ejus actio videretur, innoxii se profusionem sanguinis non posse pati asserebat.* Demandatur per eum severè Vice Comitibus (sub quorum directione regio illa ubi dictus Comes residebat erat) *ne tanquam homicidam juxta constitutiones regni perse-*
qui

qui differrent. Quo audito Stephanus Betlenius, [1836] intentione Principis Rakocii perspectâ, de saluteq; (nisi extrema experiretur) unici filii desperans, ipso è Transylvania clàm Ecse-dinum (quam arcem in ditione Regis Hungariæ possidebat) evocato, ibidemq; relicto, Budam in ditionem Turcarum Imperatoris se confert, de indignâ (ut pratendebat) suâ, suorumq; imò totius regni oppressione apud Vezerrum Budensem querens, ad Ottomanicam quoque Portam expedit legatos, per quos fidelibus servitiis Gabrielis Betlenii fratris sui (jam fato functi) pramemoratis, suas ac regni Transylvaniæ afflictiones prolixis desflens verbis, auxilia potentissimi Turcarum Imperatoris implorat. Nec fuêre preces irritæ. Magnatis cujusdam Transylvani Moylis Szekely (qui à dicto Principe Rakocio offensus, relicta jam pridem patriâ, Constantinopolim se recipiens, Imperatoriam aulam contra

tra eum incitare nitebatur) verba, cùm legationi huic summam astruerent fidem. Princeps quoq; Rakocius audito Stephani Betlenii (quem tanquam piũ & lenem, nunquam talia ausurum sibi persuadens, oportunum injuriæ crederat) discessu, vehementer animo perturbatur, Comitia regni cogit ; *Ibi de discessu ejus (non sine lachrymis) queritur, quæcunq; is contra se acta prætenderet, Christiano zelo, legibusq; regni obstrictum se fecisse asserens; rogat insuper, tam tributo, quàm armis justæ suæ causæ Regni Status deesse nolint; Obtinuit quod optabat. Missi sine morâ, qui honorificis verbis Betlenium, ut in patriam cum sufficienti securitate redeat hortarentur, Budam è primoribus regni Legati. Sed sine fructu.*

Bellum enim Constantinopoli contra Rakocium erat denunciatum, Purpuratoq; Budensi, ut confestim Betlenium in Transylvaniam reduceret, armisq; Rakocium ejiceret, demandatum.

tum. Tentavit precibus ac promissis lenire Turcarum indignationem Rakocius, verum ne auditi quidem legati. Movit itaq; Varadinum versus cum Betlenio Purpuratus Budensis, habuitq; juxta oppidum Szalonta, sub Generali Sigismundo Kornis, obviam partem exercitus Rakociani, cum qua circa occasum solis congressus, multis utrinque caesis, tragicum habuit pugna exitum, utrisq; tanquam victis, unde venerant ingenti cum pavore refugientibus. Recollecto Purpuratus Budensis exercitu, Lippam juxta castra metatur, Principe Rakocio cum exercitu Transylvanico juxta arcem Jeneiensem castra figente. Unde per legatos mutuo tractatu ex annuentia Ottomanicae Portae inito, tandem renovatum inter Principem Rakocium, Betleniumq; foedus, redditaq; omnia eidem, suisq; bona, ita tamen, ut semper alter alteri diffideret, nec unquam usq; ad decessum alterutrius amicitia
inter

inter eos coalescere posset.

SECTIO IV.

Sedato bello, potioribusq; regni pro-
scribis, qui libertatibus ejus invigi-
lare poterant, occulto Dei judicio intra
exiguum temporis spatium fato fun-
ctis, aliam opes suas Princeps Rakocius
augendi ingreditur viam. Nonnullas
per clientes suos in publicis regni con-
gregationibus, primâ quidem fronte
salutares, sed (ut exitus docuit) reverâ
exitiosas, quibus tam nobilitas, quàm
reliqui Regni Status irretiri possent,
conditæ leges; Quo, quis aut externis
possessionibus, aut ære opulentior, exi-
tiosior. Nulla generalis, aut particula-
ris Statuum congregatio, ubi Directo-
rum, Advocatorumq; Fiscalium clamo-
res non perstreperent, villis, possessio-
nibus, prædiis, aliisque bonis compluri-
mi exuuntur, adeò ut (si cædes homi-
num eximas) Tiberii, Corneliiq; Ta-
citi putes rediisse tempora; Nec leges
Ma-

Majestatis defunt, quibus nonnulli oppressi signanter (ut exemplum habeas) quidam ex proceribus Transylvaniæ, Gothardus Kún dictus, propter verbum contingenter prolatum damnatus, omnibusq; bonis exutus, in carcere vitam finiit, nullâ sub quovis prætextu convictos, spe clementiæ Principis alente. Adjudicata per tot ambages Ei'co bona, filiis conjugiq; per Principem donantur. Potioribus, fructuosioribusq; regni partibus, talibus compendiis occupatis, regnum quod per electionem obtinuerat, in hæreditarium, (imò patrimonium) vertere allaborat. Admovet etiam manus summæ, quam satis grandem, partim in erectionem Collegii Albani, partim ad extraordinarias Regni necessitates sublevandas Princeps Betlenius legaverat.

Quibusdam (è converso) Ecclesiasticorû, à Principe Betlenio ordinatos proventus annuatim subministrans, imò nonnullis augens, Tempia quoq;
non

non pauca temporum injuria desolata
reædificat, quod per compendium Ec-
clesiæ ademerat, partim restituisse visus.

Tandem ad majora externaq; ani-
mum erigit, [1644.] federe per oc-
cultos internuncios cum Suecis, con-
tra Imperatorem Romanorum in Impe-
rio bellum gerentibus inito, bellum
Hungariam ac illinc Moraviam versus
møvet, Cæsarianis instantibus semper
cedens, retrocedentium rursus terga
per antecessores suos indefinēter lace-
sēns, protractoq; hoc astu per complu-
res menses bello, tandem in Moraviâ
Suecis, qui sub Campimarschallo Le-
onhardo Torstēzonio obsidioni Brin-
nienti insudabant, appropinquat; ipse
juxta fluvium Hungariæ Moraviæq;
conterminū, cum mole exercitūs sub-
sistens, filium Sigismundum cum flo-
re totius exercitūs, tormentisq; præ-
grandibus, ad expugnandam (una cum
Suecis) Brinnam mittit, magnaq; muri
parte vi tormentorum funditūs con-
vulsâ,

vulsâ, vehemens quidē, sed multis Hungarorum, paucioribus Suecorū, sclop-petorum procellâ obrutis, Commendante urbis Zuza dexterrimè rem gerente, incaſſum tentatus inſultus. Sueci tandem ibi relictis, ab Imperatore majoribus Imperii negotiis occupato, pro ſe filiisq; ſuis arces Tokai, ac Regecz; pro reformatis (ſive Evangelicis) certorum templorum reſtitutionē facilè obtinet, conſectoq; præter ſuam & omnium opinionem tam facilè bello, in Tranſylvaniam redit, ubi filius ejusdem nominis jam pridem in ſucceſſorē electus, ſolitoq; more inauguratus, interea Regni habenis præſuerat. Ne tamen [1646] alternantis fortunæ vi-ces experiri deſineret, novæ à Portâ Ottomanicâ conſeſtim ſunt ſubſequutæ difficultates; Ut non ampliùs decem, ſed quindecim millia nummorum aureorum annuatim pro regno penderet, eadem non ſine minis imperante, cū tantam ſemper antecēſſores Tranſylvaniæ

vanæ Principes (præter unicum Gabrielem Betleniū, cui propter fidelissima obsequia quinque ista millia relaxata fuissent) persolvisse assereret. Exigua erat quæ jubebatur summa, se tamen (vel ab universis regni Statibus exoratus) nunquam persoluturum per Sanctam Trinitatem jurat, unde apertæ jam Turcarum comminationes, detenti ejus legati, bellumq; cathegoricè (non regno sed Principi Rakocio) denunciatum, nec ultio longè dilata fuisset, nisi Amuratem crudelissimum Turcarum Imperatorem, [1647] expugnationi prius Babylonis intentum, ingentiq; cum fastu victrices copias Constantinopolim reducentem, singulari Dei bonitate præter omnium opinionem mors præpropera rapuisset.

S E C T I O V.

MUtato Imperatore, retepuit paululum conceptus contra Principem Rakocium furor, de Ottomanica

B. tamen.

tamen ipse diffidens clementiâ, Suecorum denuò, aliorumq; Christianorum principum fulcire se nititur confederatione : Expeditusq; ad eam tractandâ ab eo Michaël Mikes, Vice Capitaneus, dum Poloniâ transire festinat, Vladislai Poloniæ Regis decessu audito, siue (ut assererat) à plerisq; nec infimæ fortis Polonis persuasus, siue neminem qui defuncto Regi succederet Principe Rakocio digniorem sibimet imaginatus, commisso ipsi negotio interrupto, ad eum per quem missus erat, redit ; *A Joanne Casimiro defuncti Regis fratre, munerisq; ejus competitore, universos regni Status alienos, ipsi verò adeò faventes, ut exoratus veriùs, quàm admissus dici foret, refert, ne itaque fortuna amplexus offerenti desit, hortatur.* Exhilaratur ille, de Principatu ob furorem Turcarum non nihil anxius, sublimius honoris fastigium divinitus sibi destinatum credens ; Nec in re tanti momenti, operæ aut sumptibus par-

cen-

cendum censet ; Franciscus itaq; Betlenius Comes Comitatus Albenſis, Supremus Aulae Marſchalchus ac Regni Conſiliarius, cum grandi ad redimenda Magnatum ſuffragia argenti ſummâ Varſaviam ab eo mittitur, qui potiori pecuniæ parte incaſſum profuſâ, à Repub. Polonâ, dum exaudiri laborat, lethali principem Rakocium correptum morbo audit, interrupto itaque labore, regreditur. Invenit exanime principis ſui corpus, qui regno ab externi hoſtis populatione intacto relicto, in humanis eſſe deſiit, [1648] inſigni q; à filiis ac uxore pompâ in primario Reſormatorum (ſive Evangelicorum) templo Albæ Juliæ tumultatur.

LIBER SECVNDVS.

BREVIARIVM LIBRI SECVNDI.

Georgio Rakocio ſeniore è vivis ſublato, 1648. filio ejusdē nō inisvivēte adhuc

patre electus, succedit, qui nulla fermè bona Nobilibus Trăşylvanicis adimit, adēpta tamen per patrē nemini restituit, Ottomanica Portareconciliatur. Basilium Moldavia Principem sede principali exturbat, Stephanū quendam ejus (ancellariū substituit, qui ab Ottomanicā Portā confirmatur. Constantino Valachia Transalpina Principi confederato suo, cōtra Szemenios, stipendiarios ipsiusmet pedites, (sed per quos captivatus erat) opem fert, iisq₃ profligatis, restituit. Annuo ab utrisq₃ tributo honoratur. Bellum Polonia infert, Cracoviam, Bristiam occupat. Regreditur. Pacem (sed coactus) cum iis facit. Exercitu in Podoliā (qui totus à Chamo Tartarorum captus aut casus) cum Joanne Kemenyio, Supremo suo Generali relicto, cum paucis fugā domum se recipit. Propter bellū Polonicum ab Ottomanicā Portā damnatur. Principatui sub certis conditionibus renunciat. Franciscus Redei in Principem eligitur, quem Princeps Rakocius opprimat. Principatum recuperat. Purpuratū
Bu-

Budensem profligat. *Chamus Tartarorum* Transylvaniam populatur, urit. *Supremus* *Vezerus* arcem *fenciensensem* deditione capit. *Barcsaium* Principem constituit. *Rakocius* factione multorum *suffulus* Transylvaniam recuperat, *Barcsaium* persequitur. Qui *Temesvarinum* ad *Turcas* se confert. *Isdem* per *Constantinum* quendam exulem *Valachiae* Principem *Moldaviam* occupat, sed rejicitur. Cum *Mihne Valachiae Transalpinae* Principe *fedus* contra *Turcas* init, *auxiliaq;* eidem mittit, sed incassum. Apud locum (qui *Porta ferrea antiquis*) pugnam cum *Szeidi Amhet* *Purpurato Budensi*, qui *Barcsaium* ex mandato *Portae Ottomanicae* restituere nitebatur, init, sed profligatur. Retrocedente *di-cto Purpurato*, *Barcsaiusq;* civitatem *Saxonicalem Cibiniensem* ingressus, urbem obsidione sat longam fatigat, sed sine fructu. Superveniente denuo *Szejdio*, inter civitatem *Claudiopolim*, arcemq; *Gyalu*, fortissime contra eum pugnat, sed lethaliter vulneratus, paucos post dies *Karadini* humanis

exemptus est. Gesta hac annis duodecim.

SECTIO I.



Ilius Georgii Rakocii Senioris, ejusdem nominis, jampridem in Principem electus, solitoq; more inauguratus, in Principatu succedit, qui austeritate tenacitateq; patris universos offensos probè sciens, (agente adhuc in vivis eo) multos muneribus, plures promissis delinitos, meliori de se spe impleverat, applaudebant quocirca cuncti regimini ipsius. Verùm nihil à quopiam se adempturum promittens, ademptas per genitorem aliis possessiones, ipsiq; ac germano suo fratri Sigismundo, nec non matri eorundem distributas, insigni cum meliora sperantium dolore neini restituit. Stabiliendo tamen Principatui suo dextrè providebat, Purpuratorum enim Turcicorū animis ingentibus placatis muneribus, per eos Ottomanicam portam reconciliare non præ-

prætermittit; Tributū quindecim millium aureorum, quod per tres annos genitor ipsius persolvere neglexerat, (regalibus superadditis muneribus) sine tergiversatione persolvit.

Reconciliata itaq; Porta, tutaq; (saltem quiescere potuisset) fuere illinc omnia. Blandiente quin potius amplius fortunâ, supra prædecessorum Principum gloriam, ac opes, feliciter cuncta tam domi quàm foris ipsi affluxere. Valachia Transalpinę ac Moldavia Principibus annum pendere non erubescens tributum, legationibusq; cunctorum ferme Principum Christianorum eundem fatigantibus. Tot obsequiis fortunæ delinitus Princeps, vix secundam poterat temperanter ferre fortunam, quin potius computationibus ac luxu tota personabat ejus aula.

Dissensio interim [1653] inter Rakocium ac Basilium Moldavia Principem occultas ob causas orta, in apertum erupit belli incendium; Misloq;

dictus Princeps cum certa exercitûs parte Joanne Kemenyio, Supremo suo Generali, eum exturbat, qui à Kozacis (olim Coronę Polonicę subjectis, nunc autem rebellibus) adjutus, Joannem Kemenyium ejicit, regnum recuperat. Ampliori sub Stephano Petkio Generali suo denuò exercitu misso, reparat bellum rakocius, profligatoq; ac fuga elapso Basilio, auxiliares Kozacorum copias, juxta arcem Szucsua obsessas, una cum arce fame ad deditionem cogit, thesauroque Basilii grandi potitus, Cancellarium ipsius (Stephanum nomine) regno præficit, qui præter omnium opinionem, (ingenti summa Portę Ottomanicę persolutâ) in Principatu confirmatur.

Rebellio præterea Szemeniorum (hi sunt ex natione Tracum collecti pedites, audax & expeditum, verum inconstans ac seditiosum militiæ genus) contra Principem Valachię Transalpinæ (proprium eorum dominum)

con-

confederatum Rakocii orta, à luxu ad bellum eum avocavit, qui (raro exemplo) proceribus regni compluribus occisis, eorumq; bonis expilatis, ærario quoq; Principis proprii nefarias injicere manus, prædâq; per scelus partâ ditati, ipso Principe in vincula conjecto, quendam è primoribus invitum coëgère regimen suscipere.

Tanti facinoris rumore ad Rakocium perlato, extemplò cogit copias, nefariumq; scelus ulturus ingreditur Transalpinam. Elabitur interea à custodiâ Szemeniorû captivus Valachiæ Transalpinæ Princeps Constantinus, paucosq; post dies (profligatis tamen prius ut patebit Szemeniis,) incolumis ad Rakocium pervenit. Szemenii, afflictaq; eorum, audito Rakocii in regnû ingressu [1655] ex improvîso cum in castris incautum aggredi statuunt, vitatisq; antecessoribus Rakocianis, dormiente circa meridiē in tentorio (juxta oppidum ploest) Principe, ab excubiis

priùs visi quàm auditi, paratam quo circa Szemenii in manibus videbantur habere victoriam, nisi vino omnes obruti phrenetizarent veriùs, quàm more militari pugnam capefferent, resistentibus itaq; nonnullis cohortibus, reliquis ad pugnam se parandi tempus datum, quibus supervenientibus, colluvies ista barbarorum, instar pecudum sine labore maetata, captus etiam ac palo insutus pseudoprinceps ab iis impositus, Princeps Moldaviæ Stephanus, Constantinum secum ducens, (qui ex captivitate Szemeniorum elapsus ad eum se receperat) sequenti post pugnam die cum auxiliaribus supervenit copiis. Seru si hostibus arrisisset fortuna auxiliu.

SECTIO II.

Constantinum Valachiæ Transalpinæ à se tunc restitutum, Stephanumque Moldaviæ Principes latis per complures dies cōviviis excipit. Rakocius, nec verba ejus jaçantia plena, demissæ

missæ ex adverso convivarum Principum sui oblationes inter computationes defunt, quibus tandem exactis redit in Transylvaniam, arridente fortunâ paulo altiores reportans spiritus Rakocius.

Ne tamén fortuna (sui similis) læta tristibus miscere prætermitteret. Ante triumphum dicti Principis Transalpien. Illustrissimus Comes Sigismundus Rakocius, germanus ejus frater, qui è Serenissimorum Reni Palatinorum familiâ, Henriettam, noñullos ante menses uxorem duxerat, eadem paucos post nuptiarum dies decedente, ipse quoq; variolorum morbo correptus, ingenti cum bonorum dolore, juvenis magnanimus, sapiens, magnæq; meritò capax fortunæ in humanis esse desiit.

Bellum interim inter Polonos, ac Chamum Tartarorum Præcopitarum Principem, ipsiq; contra proprium Regem ac Dominum adhærentes Kozakos ortû, famam nominis sui illustrio-

rem reddendi, singularem Rakocio præbuit occasionē, rumore enim istius ad eum perlato, selectorum ē stipendiariis suis equitum aliquot millia per legatum Joannē Betleniū Regi ac Regno Poloniæ non rogatus offert; grata erat, imminente tunc maximè hoste, hæc ipsius promptitudo, relictq; sub Commandante Michaële Mikes in castris Poloniçis Hungari, confecto tandem bello non indonati rediēre. Franciscus præterea principis Rakocii filius, compluresq; ē Magnatibus Transylvanicis Poloniæ Nobilitatis albo inserti.

Gliscebant interim, turbantibus cuncta rebellibus Kozacis, à finibus autem Prusciæ Suecis irrumpentibus, denudò in Poloniâ bella, auxilium ac societatem armorum Rakocii utrisque ambientibus, sed prælata ab ipso Suecorum ac Kozacorum amicitia omnem præstiti antea erga Polonos officii memoriam oblitteravit.

Cujus ut belli origo lectorem eo minus

nus fugiat, res paulò altius repetenda. Georgio Rakocio seniore, (quem regnum Poloniæ ambientem, mors inopina rapuerat) non mediocres ad fastigium regiminis polonici se accingentem, fecisse apparatus, certum est, qui ad filium ejus translati, desiderium quoque regni pectori ejus infudere, quod tamen occasionibus destitutum necessitas celare coëgit.

Suecicis Kozakicisq; tumultibus (ut præmissum) interea in Poloniâ gliscen-
tibus, legatus Albertus Pramorski, Referendarius tunc Serenissimæ Reipub. Polonæ, nunc Supremus Cancellarius, certam in subsidium ejusdem summam à Principe Rakocio petens, nomine Serenissimi Regis adoptionem filio ipsius sub certis offert conditionibus de quo dum inter partes cōveniri nequivisset, invitatum ac tandem delusum se expostulans Princeps Rakocius, armis illatâ (ut prætendebat) injuriâ ulcisci decrevit. Accingit itaq; ad bellum se [1657.]

Polonicam. Quod tamen nec Chamū tartarorum, qui ex hoste amicus Polonorum factus erat, nec Ottomanicam Portam latere potuit, prohibitoria ab utrisq; ex templō missæ literæ, sed contemptæ, iterata limites jam Poloniæ ingressō, nisi reditum maturaret, atrocibus superadditis minis, denuò mandata, sed cum fastu rejecta. Nec Sacratissima Romanorum Imperatoria Majestas per Reverendissimum Dominum Georgium Szelepcseni Regni Hungariæ Cancellarium, ac Episcopum Nitriensem, (antequam ad extrema esset deventum) semet interponere dedignata est, verū trahebat jam suum fatū Principem maturabatq;. Obstinatus itaq; adjunctis Kozacis ac Succis longè latèq; diu grassatus, tradentibus Suecis Cracoviam occupat, præsidioq; satis grandi (sub Commendante Joanne Betlenio) munit, Bristiā deditione captam Andræ Gaudi Colonello suo custodiendam tradit, qui soli mirabili Dei pro-

providentiâ , è publicâ quasi clade sepositi, confectâ tandem pace , reliquis per Tartaros cæsis aut captis incolumes dimissi in Transylvaniam rediêre.

Ulteriùs de cætero progressus, confederatis ejus tanquam cautioribus ad tutiora regressis, solus cû suis relictus, diuq; per loca deserta ac avia oberrans, toto fermè exercitu fame cõfecto, circumvolantibus Polonis, juxta præscriptas ab ipsis conditiones, [1658] ingenti sub juramento promissâ summâ (quam tamen, violatum à Polonis contractum prætendens, hætenus nõ persolvit) obsidibusq; Stephano Apasio ac Georgio Gerõfio Primatibus Transylvanicis relictis, pacem facere cogitur.

SECTIO III.

IMminentis præterea cum toto suorum robore , Tartarorum Chami rumore perterritus, in Podoliâ relictò cum exercitu Joanne Kemenyio Supremo suo Generali, cum trecentorû circiter

citer comitivâ, continuato per complures dies itinere, Maramarosinum (provinciam regno Transylvaniæ unitam) tandêmq; Ecse dinum (ubi conjunx filiûsq; ejuserant) inglorius redit. Exercitus verò cum Joanne Kemenyio relictus ab innumerâ Tartarorum multitudine circumventus, quamvis (si numerum Tartarorum spectes) ad cò exilis, ut cum decem, imò pluribus uni pugnandum esset, famêq; vehementer laboraret, fortiter tamen primo die impetum Tartarorum sustinuit, sequenti verò, dum ab hoste pugna reparatur, Szemeniis, quorum nonnullas cohortes inter stipendiarios Rakocius aluerat, stationem suam non solùm deferentibus, imò apertè ad hostes transfugiendo, locum irrumpendi præbentibus, universis cæsis aut captis, profligatus. Szemenii quoq; pariter in captivitatem asserti, digno proditoris præmio donati.

Expeditionē ejus infaustam fore, indubi-

dubitata, eaq; complura signa prodiderant. Maramarosinum enim (Transylvaniæ provinciam Poloniæ regno continendam) ipso cum exercitu ingressio, (qualia mense Januario in iis locis fieri solent & hæctenus duraverant) frigora in largas versa pluvias, ipsummet Principem cum parte exercitus ad speculandum iter prægressum, per integros sex dies nec ipso regredi, nec reliquis subsequi valentibus à toto secluserant exercitu. Quo tandem ingenti cum hominum ac pecorum ruinâ junctus, immensæ in alpe, qua transeundum erat, nives, ad eò oclusere iter, ut plaustra vix ingenti cum labore ergatarum beneficio transportarentur, ipsâ naturâ, ne in exitium rueret, retrahente eum. Poloniam ingressus, gravissimo per complures septimanas vexatus est morbo. Generosioribus equis, quos in deliciis alebat, (nullo antea morbi indicio viso) decem selectioribus per eos dies morbo absumptis. Cracoviâ (tra-

den-

dentibus Suecis) insigni cum pompâ ingressus, dum (solum quasi occupaturus) palatia regia adiit, ex equo descendendo, eliso è capite pileo, non sine stupore circumstantium cecidit supinus. Non procul à civitate Zavicost, dum dictus Princeps Regi Sueciæ militari cum solennitate conjungitur, in loco plano, nec tales casus ordinariè metuendo, carpento ambo insidentes subversi, non diu eos in Poloniâ duraturos ab utrisq; exercitibus judicati sunt. Nec plura, sed minoris momenti decurrant portenta, quæ prolixitatis vitandæ gratiâ prætermittimus. Sed divinæ providentiæ fatalis dispositio nec agnoscî, nec vitari ab eo poterat.

Rakocius nec animo nec corpore satis sanus paucos post dies Szamosujvarinum ingressus, Generalia regni Statibus Comitia indicit. *Congregantur quæ supererant eorum reliquia, ut tot miserorum, quorum captivitatis (non necessarium suscipiendo bellum) causa*
exti-

extitisset misereretur, thesaurumque in Transylvaniâ congestum, pro iis quorum ope congegserat, effundere non dubitaret, ac insuper Ottomanica Portæ furorem, ulterius contra eum favire volentis, nullis sumptibus parcendo lenire satageret, orabatur. Sed ne tot quidem malis edoctus, obstinatum poterat mutare animum, Deo fatalem Transylvanos & eum puniendi accelerante periodum. Se ad utrumque negotium ultra triginta millia imperialium non habere juramento confirmat. Sponte ante biduum Regni Statibus promissam libertatis restitutionem revocare ac denegare non erubescit. Cum stupore hæc cernentibus cunctis, adeoque offensis, ut non finitis solito more Comitibus, nec valedicto ut mos aliàs erat Principe, dilaberentur universi. Superveniunt paucos post dies cum mandatis Imperatoris Turcici, propriâ manu subscriptis, literis præterea Chamî Tartarorum ac Supremi Portæ & Budensis Purpu-

Purpuratorum, legati, quibus unanimis erat continentia, imperatumque Statibus regni, ut in locum Principis Rakocii, propter rebellionem ac inobedientiam suam metumque, contra Polonos Ottomanicæ Portæ amicos bellum dæmonati, alium patrioritu eligerent, cuius confirmatio (nullo superimposito onere) promittebatur. Superaddita interim, nisi pacerent, atroces minæ, extremaque pericula.

SECTIO IV.

MOVÊRE hæc obstinatum Rakocii Principis animum, cum imbecillitatis suæ (si molem illam Turcicam æquipares) probè conscius, armis se regnum manu tenere posse diffideret; Comitibus itaque regni Statibus Albam Juliam indicit, cedit sponte regno, in eamque eodem annuente itur sententiam, ut alius eligatur Princeps, pro ipso interim in Ottomanicâ Portâ intercedatur, ubi veniâ impetratâ, re-

censtunc electus princeps Franciscus Redei, vir pius, mitis, omniumque iudicio reliquis regni Magnatibus hoc honore dignior, ad pristinum redeat parendi statum. Interim dum sententia portæ expectatur, princeps Rakocius in bonis sibi vi pactorum concessis, tanquam privatus vivat, directioni regni se minimè immisceat, neq; titulum principis usurpet, omnibus principatûs exercitiis in Franciscum Redei translatis; hæc omnia verbo suo principali, sub bonaque fide Christianâ observaturum, literis chirographo & sigillo solito munitis, quæ in Capitulo Albeni Transylvaniæ extant, se obstringit princeps Rakocius; Statibus quoq; regni, pactis se staturos, eodem modo spondentibus. Dissolutis Comitibus, dictoq; principe Rakocio in privata sua bona secedente, promovendis ejus negotiis, extraordinarius ad Ottomanicam portam legatus, Franciscus Keresztesi destinatur.

Mitti-

Mittitur etiam eodem de negotio ad purpuratum Budensem Sigismundus Banffi, utrique vix auditi incassum laboravêre. *Interea recens electus Princeps Franciscus Redei, prasidiarios in arcibus regni finitimis, Fiscalibusque, quæ vi pactorum Principi Rakocio data non erant, imò iis se cessurum obstrictus erat, in nomen regnicolarum suumque jurare mandat, ne vel reconciliatâ Portâ Ottomanicâ, ipsi absque consensu regnicolarum, sed cum iisdem ad obsequium Principis Rakocii redeant, juramenti formula inferens; Qui tamen instigante Principe Rakocio, contraq; pacta id fieri prætendente, juramentum præstare recusarunt, Francisco Gyulai Vice Capiteano Varadiensi, non nativo, nec per Articulos regni patriæ insito homine, præterque leges huic muneri præposito, rebellionis ante alios auctore. Sequitur auctoritatem ejus, una cum sibi subjectis Vice Capiteanus Boros Jencieñ Ladislaus Ujlaki, de quibus*

bus paulò uberiùs dicendum. Dum mandatis Ottomanicæ Portæ, de amovendo Rakocio, non confestim parent Status, & quamvis novo Principe Francisco Redei electo obediisse videntur, interim tamen reconciliationem ac restitutionem Principis Rakocii urgent, priinùm à Purpurato Budensi, consequenter à supremo etiam Vezario arx Jenô præter omnium spem postulari incipit. Lætus arripit occasionem Princeps Rakocius, auxilium itaque & defensionem contra vim Turcarum ipsis promittit, vitamque ac mortem cum iis conjunctam se habiturum jurat, quibus infœlicissimi persuasi, ab obsequio regni recedentes, juramentum præstare neglexerunt.

*Consequenter Szamosujvarien quoq;
Capitaneus Georgius Banffi, juramento se Rakocio devinctum pratendens,
(quasi Principatui sub certis conditionibus renunciante Rakocio, juramentum tam ipsius, quam reliquorum non esset deter-*

determinatum & suspensum) jurare renuit.

Princeps etiam Rakocius, quia nulla de juramento à praesidiariis, sub praedictorum non ine recens exigendo specifica in contractu facta fuisset mentio, violatum à Statibus regni pactum, nullisq; amplius se conditionibus obstrictum prætendens, titulum Principis confestim usurpare coepit. Contra, Regnicola non à se, novoq; Principe, sed à Rakocio violatum contractum talibus argumentis asserebant. Licet enim expressè vi pactorum cautum esset, Principem Rakocium omnes finitimas Fiscalesq; arces, sibi non concessas, manibus regni ac novi Principis resignare debere, nunquam tamen id ipsum prestitisse, sub suâ quin potius directione semper reservatas à juramento novo Principi, Regnoq; prestando arcessisse, quamvis directioni omni cessisset, solamq; futuram Turcicam gratiam, exindeq; postliminio reddituram suam dignitatem reservasset. Et licet juramenti for-

ti formula (quod praesidarii prestare debebant) insertum esset, etiam si Ottomannica Porta Principi Rakocio reconciliata fuerit, ipsis non sejunctim, sed cum toto regno ad obsequium ejus redire licere, minime tamen exinde violatum esse contractum, cum integrum regni corpus, non autem distinctim membra ejus contractum inierint, ejus itaq; esset initi cum ipso pacti memorem & effectuatorem esse. Alioquin ab omnibus electus Princeps à singulis abdicaretur, & de contractu ab universis inito, à singulis judicaretur, unde quanta enormitates? quae fraudes?

SECTIO V.

Turbatis itaq; jam rebus, contractuq; ab alterutrâ parte manifestè violato, Princeps Rakocius ad omnes Status, Comitatus, Sedes Siculicales, Saxonicalesq;, ac Civitates, ut Princeps, scribit, ut sibi legitimo eorum Principi pareant, armaque adversus Otto-

C mani-

manicam portam, (contra quam suffici-
entia se habere media asserit) suscipiant,
imperat. Quibus auditis, electus Prin-
ceps Franciscus Redei Generalia regni
Comitia in civitatem Saxonicalem
Medgyes indicit, quæ tumultibus plena
futura, quolibet facile prævidente, ele-
ctus Princeps ac Consiliarii, ut armatâ
manu, ac præsidio sufficienti fulti Co-
mitia adirent, à plerisque monebantur;
Verùm cum boni publici amorem,
Statuumque regni in eo consensum,
contra tales tumultus sufficiens puta-
rent esse præsidium, bona freti consci-
entia, Divinæq; providentiæ exitum
rei committentes, ne contra pacta
fecisse meritò argui possent, ad statu-
tum ingrediuntur diem.

Jam factionibus totum laborabat
regnum, Magnates, Proceres, reliqui-
que Status inter se dissidentes, quidam
huic, alii alteri è duobus principibus
favebant, plures exitium regni prævi-
dentes, insciique quid agerent, taciti
mœre-

moerebant, percussis regnicolarū animis, statuitur tamen ab universis, contra pacta fecisse Principem Rakocium, nec admittendum, nec jam regnicolas pactis ac juramentis ulterius teneri: demonstrantur itaque per literas excessus, & maximè quòd non solùm pactum nuper cum Statibus regni initum violasset, verùm universos contra Ottomanisam Portam (à quā regnum minimè avulsurum in primordio regiminis juraverat) ad arma ciendo, contra juramentum quoque tempore inaugurationis prestitum fecisset. Quæ Dionysio Banffi (uni è Primatibus regni) perferendæ traduntur, ut à ceptis desisteret, potentissimamque Turcarum nationem ad excidium suum, & regni, ne provocaret, admonentes.

Redit legatus in cassum perfectio itinere, promissa varia, si recipiatur, minus, varias minas, imò exitium regni Statibus reportans. Offerebat inter cætera Princeps Rakocius, si ipso rece-

pto, hostis Transylvaniam ingrediatur, in publicâ regnicolarum congregatione flexis genibus, eo quo Statibus placuerit mortis genere oppetere se paratum, cuius promissi nulla vel apud infimos fides; Quin potiùs Sedibus Siculicalibus (in quibus præcipuum Transylvanicæ militiæ robur) ut in succursum armati extemplò adessent, imperatum; Sedibus Siculicalibus Udvarhely, Marus, & Aranyas, tepidiùs quàm necessitas, angustiaque temporum flagitabant, obtemperantibus, & ad subveniendû paratis. Sedibus verò Siculicalibus Csik, cum filialibus, ac Sepsi, Kezdi, & Orbai, in Rakocium magis pronis, ob idque iussa detractantibus; Præcipuis (cum quibusdam) Clemente ac Georgio Mikes, istius scissionis authoribus. Congregatis quinimò Georgius Mikes nonnullis, insciis invitisque iis, quos in istis regionibus patriæ ac quietis amantes rebatur, communi istarum Sedium nomine

mine clam literas ad Rakocium perscribit, ad occupandum principatum hortatur, auxiliatricesque istarum Sedium copias ad rem perficiendam offert, quarum literarum ipse met lator, propensissimum erga Principem Rakocium ipsorum studium prolixè commendat, animatq; adhuc dubitantem, utrum mediocribus copiis (quales tunc habebat) rem tanti momenti aggredi præsumeret; Satis itaq; jam animatus, tepideque regni Status rebus propriis consulere perspiciciens, Medgyesinum ex inopinato aggredi, Statulq; cum electo Principe omni auxilio destitutos armis sibi subicere decernit. Regnicolæ ex adverso arctiores indies res, nullamq; subsidiorum spem cernentes, iteratam cum promissis sat luculentis ad Principem Rakocium destinant legationem, eandemque perficiendam Accatio Barcsai, tunc regni Præsidi, mox autem (ut inferius patebit) Principi, commendant, sed duriore exitu; *Re-*

tentis enim contra omne jus gentium Princeps Rakocius legatis, contra regni Status illuc congregatos Medgyesinum celeriter ducit exercitum, nocteque superuenit; Inter cætera, liberam in Comitibus suffragandi facultatem à Statibus ademptam querens; Quasi verò libertas suffragiorum sub armis potius quàm remoto eorum metu fieri posset. Omnibus qui machinationes istas improbaverant præsentissimum erat exitium, & quoniam resistere non poterant, legatione in campum missâ, in urbem eum recepêre, ita tamen, ut nunquam se contra Ottomanicam Portam arma laturos apertè declararent; Lætus accipit ille conditionem, amnistiâque rebus retroactis datâ, Principem nuper electum Franciscum Redei, prius tamen, ampliùs vel Ottomanicâ Portâ jubente Principatum minimè subitutum, juramento obstrictum, in propria bona incolumem dimittit.

SËCTIO

SECTIO VI.

HÆc in Portâ Ottomanicâ audita, regnum Transylvaniæ hætenus innocuum existimatum, in partes admissæ cum Rakocio culpæ traxêre, iramq; antea contra principem solum conceptam non lenivêre, sed in suam & totius regni perniciem maturavêre. Novi itaque à Budensi ac Temesvarien- si Purpuratis legati, nova missa literæ, ostenditur admissa culpa, regni Stati- bus Principem Rakocium, tanquam re- bellem, contraque voluntatem Ottoma- nicæ Porta receptum deferere impera- tur, nisi obedierint adduntur minæ, ex- tremumque regni exitium. Perterritus his princeps Rakocius, comitia de- nuò Albam Juliam indicit, ubi nihil de sumâ rei conclusum, hoc unicum me- moratu dignum actum: Offert se Prin- cept Rakocius, si Porta Ottomanica li- teras fidejussorias (*Athname* ipsis di- Etas) de non augendo annuo tributo, non.

occupandis regni limitibus, conservandisq; ejusdem libertatibus, juxta Athname Sultani Sulimanni, dederit, valedicto principatu, in privatum se redigere statum paratum esse, jubereque ut conformes eâ de re predictis Purpuratis transmitterentur literæ. Improbatur tacitè à cunctis, sed ne hiscere quidem audentibus. Missæ literæ iram in furorem, non gratiam, vertère Interea Princeps Rakocius Michaëlem Mikes (quem Cancellariatûs munere ornaverat) cum secretis ad Regem Hungariæ mandatis mittit, qui ut à regnicolis quoque pro legato agnoscat, literasque ferat credentiales, optat, nec obtinet.

Sub iisdem Comitibus appulerunt ex vinculis Crimænsibus à Joanne Keményo ad Status regni literæ per Reverendum Stephanum Sellyei ex captivitate fide jubente se solutum, ac servitorem ejusdem Petrum Szigeti latæ, que de apparatu minisque Tartarorum regni-

regnicolas præmonebant, secretiora verò (quæ certissima fuisse eventus docuit) oretenus referenda mandaverat, Principem ipsum ne regnum funditus everteret, hortabatur. Relata hæc cuncta per eos Principi, verùm quia regno, non verò ipsi consultum videbatur, severissimis minis additis tacere jussi, sicuti Petrus Szigeti paucis post mensibus coram plurimis testatus est. Ne his quidem desierunt Turcæ regni Status (Principe Rakocio trahente) ad exitium proprium obstinatos, futuri præmonere periculi.

Congregabantur interim movebanturque in perniciem deplorandæ Transylvaniæ, ex universa ferè Europa Asiaque exercitus, sed nec tantæ molis indubitatus rumor, ut caducæ renūciando dignitati, tot Christianorum millibus per & propter ipsum perituris consuleret, Principem Rakocium movere potuit, quin potiùs non solùm à regnicolis, verùm ipsis etiam Consiliariis,

mirabili per principem industriâ, cuncta hæc celabantur. Generalia ultimumque ferè patriæ excidium præcedanea denuò Comitia per ipsum indicuntur, *causa Comitiorum adventus Tartarici, Budensisque legatorum, qui ex superabundanti, quamvis obstinatis, prius gratiam, quam pœnam offerebant, erat, experiri præterea Princeps ipse, utrum regnicolæ armia contra Ottomanicam Portam secum sumpturi essent, auebat. Verum impares se adgerendum contra Turcas bellum, & (quia ita Deo visum esset) jugum potius, licet grave, se subituros, quam arma moturos declarant universi, quin potius ut regno cedere, quam se ac universos in extremam velit præcipitare perniciem, demissè orant. Promittit se recessurum Princeps Rakocius, (pro cessionem recessum usurpans,) receditque (non renunciat) in partes regni Turcis viciniore ac instructo cum exercitu versus arcem Jenõ, illinc septem equitum, & duo millia ped-*

tum,

tum, [1658] tormenta^{que} campe-
stria octo secum habens, Budensis pur-
purati castra versus, quæ quinque Hun-
garicis distabant milliaribus, properat.
Purpuratus verò Budensis (Chinan Pas-
sa) homo mollis, nec ad arma natus, ni-
hil^{que} ea de re ut Rakocius cum inva-
dere præsumeret, cogitans, vix tertia
militum sibi subjectorum parte in ca-
stris præsentem, Purpurato verò Temes-
variensi (ut qui vir militaris ipsum floc-
ciperet) cum toto suorum robore
absente, non satis instructas habebat
copias, quem ultra quinque millia utri-
usq; generis armatorum in castris non
habuisse ipse vidi. Et (quod facilem
Principi Rakocio incruentamq; pepe-
rit victoriam) audito Principis Rakocii
fermè imminētis rumore, expavescens,
cum toto peditatu, parteq; equitatûs,
in angustiis viæ Lippam versus ten-
dentis subsistens, reliquos ultra spa-
tium integri milliaris misit obviam
Hungaris, qui instructo ac ad pugnam

more militari disposito appropinquantes exercitu, quamprimum à Turcis visi sunt, panico omnes timore perculsi, fugâ sibi consulentes, pauci armis, plures in fluvium Marusium, tunc largiores solito volventem undas, præcipitati periêre. Tam facilem adeptus victoriam Princeps Rakocius, tentat iterum de obtinendâ Portæ clementiâ per literas Purpuratum Budensem, satis grandem intercedenti summam promittens, de rebusque jam factis (quas extrema extorsisset necessitas) semet modestis excusans verbis, sed irritus fuit labor. Partâ cum victoriâ prædâque retrocedit Varadinum versus, ac illinc Tasnadinum se confert Princeps Rakocius, ubi tamdiu moram trahit, donec Chamus Tartarorum, ac utriusque Valachiæ Principes Transylvaniam ingrederentur, Supremusque Vezerius archi Jenö immineret, ut inferius patebit.

SECTIO

SECTIO VII.

MOverat jam molem Asiæ, [1658].
 Europæq; Supremus Vezorius,
 arcique Jerō cum centum circiter ar-
 matorum millibus, tormentorumque
 ingenti apparatu immincebat, parte ve-
 rò ab alterâ Chamus Tartarorum, ad-
 junctis utriusque Valachiæ principi-
 bus, in finibus Transylvaniæ erat, *dum*
timore perculsi Status regni, Georgium
Banffi Comitem Comitatus Dobocensis,
Franciscum Daniel Regium Sedis Si-
culicalis Udvarhely Judicem Joannem
Lues totius universitatis Saxonicalis
Comitem, Regiumque civitatis Cibi-
niensis Judicem, deprecaturi per eos ex-
trema regni excidium legatos ad Supre-
mum Vezorium destinant. Sed Georgius
 Banffi sive timore, sive occultiore, eâ-
 q; incognitâ præpeditus causâ se sub-
 ducens, Acatius Barsai regni totius
 Præses, ac Comes Comitatus Hunya-
 diensis vicem ejus sponte subiens, (de

discessu, legationisq̃ suæ summâ, ex itinere principem Rakocium certificat, qui ex proventu salis fodinarum Transylvanicarum viatico ipsi ordinato, per literas propriâ suâ manu (quas ego & alii plerique vidimus) scriptas causam suam tractandam enixè ei comendat) cum prædictis Supremum Vezerium, tunc juxta arcem Jenô, quam ante adventum legatorum tertio die deditio-
ne ceperat, sedentem adit, totam interea Transylvaniam innumerâ Tartarorum ipsiq̃ adjunctarum nationum colluvie igne ferroq̃ vastante. Quis hîc innumeras Transylvaniæ clades, ruinas, excidia castellorum, oppidorum, captivata, vel crudeli data neci utriusque sexûs centum (ad minimum) Christianorum millia, integras regni regiones, uni quasi igni involutas, irritas fugas, deprehensos recessus, ardua montium ac scopulorum indagata, innumeraq̃; alia belli mala, animo complecti, aut calamo depingere posset?

Majo-

Majorem melioremque Transylvaniae partem periisse, in favillasque redactam dixisse sufficiat.

Nectamen Transylvaniae, similiter arci Jenô, cujus campos proprio se tin-ctum sanguine non semel juraverat, suppetias tulit princeps Rakocius, sed nemine vim propulsante, afflictisque opem ferente, satietas nil aliud vastationis regni finem imposuit. Occupata per eosdem dies sunt Caransebes ac Lugas oppida, una cum circumjacente regione per ejusdem Supremi Vezerii ablegatos. Alia atque alia latibula, recessusque sylvarum, ac caretarum cum suis pro salute propria quærente principe Rakocio: Qui tamen, ne amissæ arcis Jenô ignominia ipsi inureretur, Vice Capitaneum ejusdem Ladislaum Ujlaki, unâ cum quatuor officialibus, tanquam festinatione deditionis succursum suum prævertissent, paucis post diebus capitibus plecti jussit, quamvis ne trigessimam quidem partem exerci-
tûs

tûs hostilis suorum numerus æquaret , cum pauculis autem suis cohortibus, quas circa se habebat, contra Supremum Vezerium, Tartarorumq; Chammum , ac numerosissimos eorundem exercitus pugnare quis consultum iudicasset?

Destitutæ sic omni spe, ad singulosque expavescentes rumores, ac extrema quæq; expectantes Transylvanorû reliquiæ, misericordiam Supremi Vezerii per legatos supradictos implorât, [1658] quæ tamen non secus , nisi ingenti impositâ summâ, tributo aînuoq; aucto, imposito insuper (contra liberâ hætenusq; observatam Principum electionem) in Principem Acatio Barcsaio, datur; Retrocedente quidẽ paucos post dies cum proprio exercitu Supremo Vezerio, Chamo autem Tartarorum, circa Caransebes ac Lugas exitum introductionis principis Barcsaii opperiente. Non desunt plerique qui occultis principem Barcsaium à Supremo

mo

mo Vezerio largitionibus principatum obtinuiffe calumnientur.

Alii verò (qui in iisdem castris erant præfentes) metu mortis compulsum subiiffe afferunt, nos incerti, iudicium hujus rei aliis relinquimus. Suscipit versus Transylvaniam, cum sibi adjuncto Supremi Vezerii Kapucsi Pafsa, iter Princeps Barcsaius, Principem Rakocium de exitu legationis suæ certificans, convocatorias præterea ad Generalia regni Comitia, in civitate Saxo-nicali Sespurgienfi celebranda literas universis regni Statibus & Ordinibus transmittens.

Convenêre ad præfixum diem, tam ex Comitatibus, quàm Sedibus Saxo-nicalibus universis legati; Sedes etiam Siculicales per legatos ex primoribus suorum selectos solito aderant more, solus Stephanus petki Sedium Siculicalium Csik, Gyirgyo, & Kaszon Capitaneus, (qui Rakocii Principis Consiliarius ac Supremus aulæ præfectus) ob-
cau-

causam sibi soli notam aberat. *Propo-*
nit infœlicem legationis suæ exitum,
multam ingentem, auctum tributum;
impositum se Principem præsentibus
Statibus Princeps Barcsaius, si armis se
contra Ottomanicam Portam pares ag-
noscerent, sive alia superessent resistendi
media, sponte se cessurum promittens,
quamdiu principatûs titulo fungeretur,
nunquam se cum Principe Rakocio col-
laturum per traditas quidem Supremo
Vezerio literas jurasse, verum deposito
istò munere, cum eodem, salvâ conscien-
tiâ posse conveniri, ait. Speciosa hæc,
sed nisi isdem princeps à Supremo Ve-
zerio impositus recipiatur, extremum
interim minatur exitium ipsi adjunctus
Kapucsi passa, efficaces reddente ipsius
minas, Chami juxta Caransebes in vi-
ciniâ adhuc morantis præsentia. Nemi-
ne itaque hîscere aucto, recipitur, soli-
tumque præstat regnicolis juramen-
tum; Qui dum reciprocum ipsi præsta-
re inciperent, quamvis cunctas contra-
ctûs

Etis nuper cum eo initi conditiones
per principem Rakocium crederent
violatas, imò per & propter ipsum se
periisse assererent, nihilominus inno-
centiam suam orbi Christiano testatam
reddere volentes, futuræ portæ clemē-
tiæ postlininioq; redituræ ejus digni-
tatis spem tunc quoque ipsi reservavē-
re, quod ut lucidiùs pateat, verbotenus
inseri placuit; Conditio juramento
Statuum, tunc principi Barsais juran-
tium inserta hæc erat: *Hoc etiam non
prætermisso, si Illustrissimum Principem
Dominum Georgium Rakocium Porta
fulgidam gratiam recipiet, saluum mi-
hi sit ad fidelitatem suæ Celsitudinis redi-
re. Itatamen si sua Celsitudo inter ea tem-
poris nullam contra regnum hostilitatem
mouetur, nec ullis occasionibus & modis
impedimento erit, quin Porta Ottomani-
ca obsequi possimus, & tunc quoque liber-
tatum nostrarum defectibus, secundum
placitare regni medebitur.*

SECTIO

S E C T I O VIII.

I*Nauguratus Princeps Barcsaius literas sub iisdem Comitibus Stephano Petkio mittit, ut beneficii à Principe Rakocio accepti memor, causa ejus promovenda insistat, hortatur; quod utrum ad expiscandum scripserit hominem, aut occultè (sed syncerè) rem Principis Rakocii promovere voluerit, ipse novit, certum est usque ad exitum Comitiorum Petkium minimè compa-
ruisse.*

*Missus sub iisdem Comitibus ad eum à Principe Rakocio cubicularius ipsius Michaël Teleki, juvenis versutissimi ingenii, per quem multis ejus beneficiis recensitis, ut non sibi, sed veteri ipsius hero piscetur admonitus; omnia se facturum, nec sua sed Rakocii dignitati consulturum libentissimè promittit, promissa sanctè observaturum, per literas juramentales clam missas spondens, nec id ipsum, quod inter reliquas conditio-
nes*

nes Principibus Transylvanicis præscribi solitas, nunquam cum quopiam de transferendo principatu se tractaturū ante paucos dies solenniter jurasset, mente revolvens. Adjunctus ipsi ad stabilendū ejus principatū cum duobus millibus Turcarum erat Haczî Mustafa Begus, homo callidus, Hungaricæque peritus linguæ, quocum, finitis regni Comitibus, Sespurgo movens, Marosvasarhelyinum se confert; Fiscales regni arces suæ potestatis factururus, arceque Szamosujvariensi, Supremo ejus Capitaneo Georgio Banfi sub certis dedente conditionibus, potitur. Paulò ulterius Hungariam versus progressus, juxta fluvium Samosium, in oppido Des, Georgium Kapi ac Alexandrum Bik legatos Principis Rakocii habuit obvios, qui in præsentiam Consiliariorum nomine Domini sui, ut ipsi matrique (vidua Principisse) collata, per Principem Rakocium seniore bonaliberè possidere, ac quicumque è Transylvaniâ Nobilita-

bilitate servitio ejus addicere se voluerint, indemnibus id facere liceat, desideravêre; Habuit occulta quoque cum prædictis legatis Princeps Barcsaius (sed de rebus nobis ignotis) colloquia. Pro voto legatorum data resolutio, juramentales literæ (de promissis observandis) per eosdem transmissæ. Ipso Principe Barcsaio, se ante datas Principi Rakocio literas præcedenti die, ad Ottomanicam Portam, ut Rakociana familia bona adimere, jubetur, scripsisse, nec ampliùs scripturum (cum hanc specificè juramentalibus inferuerit literis, quòd de adimendis prædictis bonis Portam minimè sollicitaturus sit) mihi aliisque referente. Desino Marosvafarhelyinum iterum redit, ibique Generalia in præsentia supremi Vezerii Kapıcsı Passæ, ac Hacı Mustafa Begi, celebrat regni Comitia. Concluditur, quicumque Transylvanorum servitio Principis Rakocii addicti erant, sub amissione omnium honorum ad præfixum redeant diem.

De

De modalitatibus præterea summæ Portæ Ottomanicæ, persolvendæ sancitur, universis regni Statibus, præter Siculos Csikieneses, jâ consentientibus, qui licet per legatos præsentessent, in Principem tamen Rakocium proni, absque ullâ concludendi plenipotentia missis legatis, exploratores veriùs quàm legati dici poterant. Aberat Stephanus quoque Petkivius supremus eorum Capitaneus, qui Comitiam adeundi intentione se movens, Haczi Mustafa Begum (inaudito antea exemplo). Comitiam regni ingressum, inhonestisquæ nonnullos verbis tractantem, subaudiens, medio regressus est itinere. *Sub eisdem Comitibus Princeps Barcsaius Kapucsi Passam Supremi Vexerii apud se commorantem de restitutione Principis Rakocii requirit, ipso in Portâ intercesfore uti volens, se quo renunciare paratum significans, sed incassum.*

Totoque anno Principis Rakocii ad Principem Barcsaium, hujusque ad illum.

illum continuatæ legationes, intermixtis pollicitationibus, affecurationibusque juramento Principis Barcsaii firmatis, adeoque nonnunquam dictus Princeps Rakocio favebat, interdumq; adversabatur, ut idem nolle simul & velle ipsum judicasses. Proximè sequenti hyeme, cum summâ ad contentationem Ottomanicæ Portæ congestâ Constantinopolim legatus Sigismundus Banffi cum adjunctis expeditur, quæ (si inexplabilia eorum spectes desideria) cum insufficiens esset, denuò cum superadditâ Michaël Serenyi expeditur summâ; Non tamen lenita his obsequiis porta, quin potiùs Sigismundus Banffi cum sociis in Jediculam (est nomen carceris) conjectus, arestatus. Lubricus quocirca ad exitium undique pronus regni status, ingentem portâ Ottomanicâ & (quod miserrimum) absq; ullâ si eam persolvere poterit, spe futuræ securitatis, irremissibiliter extorquente summam. Princepe

pe Rakocio principatui inhiante. Csi-
kionsibus eidem adhærentibus ; Nec
tot nostris malis quievêre fata. Conci-
liavit externas insuper inimicitias mēs
Principis quiescere nescia ; inter tot
enim rerum labyrinthos, purpuratum,
Csengi Zade Ali passam (qui arci Jenō
Temesvaroque præerat) consequenter
Valachiæ, Transalpinę principem Mih-
ne dictum, *tanquam occultum fedus ,*
occultamque cum Principe Rakocio ha-
bentes amicitiam , in Portâ accusat , &
dictum quidem Ali passam (ut circum-
stantiæ erant testes) non immeritò.
De Principe Mihne pro certo affirma-
re non ausim, verùm eo, quo tunc in
Portâ accusabatur , paulò pòst se pol-
luisse crimine, rei exitus docuit.

SECTION IX.

NEc princeps Mihne tuendæ suæ
deerat dignitati, quin potius in-
genti summâ conciliatis (non tamen
reconciliatis) in porta purpuratorum
D animis,

animis, occultos Principis Barcsai cum Principe Rakocio juramentalibusque literis firmatos tractatus in lucem prodidit, inconstantibus infidelibusque virosque jam annumerante Portâ Ottomanicâ. Purpurato præterea Budensi Szejdi Amhet Passa, ne ullas Principi Barcsaio contra quemlibet suppeditas, (quod tamen tunc cum latebat) largiretur, demandatum; Propriis quoque armis Principem Barcsaium invadere parabat, dictus Princeps Mihne, quæ ipso instructe Joannes Kemenyius post diuturnos Krimienſis carceris squalores, ingenti litro Chamo Tartarorum promisso Transalpinam ad principem Mihne appulit, audit querentem de Principis Barcsai injuriis eum, videt apparatus contra patriam suam instructos, compatitur patriæ, seque interposito diffidentium Barcsai ac Mihne principum animos ad concordiam juramento utriusque firmatam reducit, semper tamen alter alteri diffidentes,

nunquam syncerè coalescere potuère. Generalia in civitate Saxonicali Sebes regni Comitia rursus celebrat Princeps Barcsaius, in quibus constitutio de Transylvanis sub poenâ capitis & omnium bonorum Principi Rakocio valedicendis denno confirmatur, bona, variis sub coloribus undiquaque per Georgium Rakocium seniore congesta, uxoriq; ac filiis distributa, dispositioni Principis Barcsaii submituntur, quæ partim Fisco reservans, partim nonnullis primatibus distribuens, se quidem distribuere, ipsi verò quibus per eum donantur quo pacto possidere possint, videant, perscripsit Principi Rakocio, tunc in finibus Hungariæ commoranti. Sub iisdem Comitibus lachrymosa, Bihar, Kraszna, & Szolnok mediocris Comitatum querela, de latrociniis, continuisque Principis Rakocii militum (quos aperte aliquid moliturus, utraque privati statum congregaverat) enormitatibus audiuntur, per quos dictorum Comitatum incolæ a-

mnibus se bonis exutos deflentes , auxilium juxta unionem regni à Statibus implorant. Admonetur Princeps Barcsaius , calamitatibus sibi subjectorum (munere suo id ipsum exigente) non desit. Solutis interea Comitibus , publico iterum predictorum Comitatum nomine , Georgius Erdelyi ac Stephanus Oerdög (utriq; ex illis provinciis precipui) Principem Barcsaium in praesentia Consiliarios , ut propter misericordiam Christi ipsis, omnibus jam bonis per Rakocianos exhaustis , & (quod magis dolendum) corporum plerisque ludibria deflentibus , succurrat, exorant.

Ex assensu Consiliarios nec tutum, nec honestum visum est , Principi hæc ulterius pati, tacente enim ac omnia sustinente eo , prævidebant ulterius serpere malum ; Generalis quoque circa bellica per publicas demandatur literas expeditio , parueruntq; cuncti jubenti , Siculis quoque Csikiensibus cum Capitaneo eorum Stephano Petkio,

kio, ad unionē regni jam redeuntibus, caltraq; juxta civitatem Torda (in campo Kereſtes dicto) locata, Stephano Varadi cum mille & ducentis circiter ſtipendiariis equitibus verſus Hungariam ad confinia regni, ut conatibus principis Rakocii, qui irrumperere velle nunciabatur, invigilaret, præmiſſo, *qui per iteratas ut in unum coactos contineat milites, in ſingulaque momenta conatibus Rakocii ſit intentus, admonitus literas, iis ſpretis, tribus ſaltem cohortibus pro ſui cuſtodiā reſervatis, reliquas vicatim diſtribuit, quem noctes diesq; computatione terentem, ac tunc quoque inter convivas & pocula menſæ aſſidentem equites duo, ipſi parentes adeunt, nonnulla Rakocianorum vexilla, quæ ad opprimendum eum miſſa per compendia viarum imminent, ſe non procul viſiſſe jurant, proſiliit ille è convivio vix compos mentis, dictaq; tres cohortes è vico in apertum campum educit, ubi paululū moratus,*

necdum apparente hoste, parvū abfuit
quin eos, per quos rumor hostilis erat
allatus, occideret, depositoque dum
metu denuò Baccho libat, superveniēte
hoste, sine negotio profligatæ cohorte-
tes, ipse lethaliter vulneratus, captusq;
paucos post dies ex vulnere moritur.
Distributæ per pagos reliquæ ejus co-
hortes, (tanquam sine capite exangue
corpus) nihil molitæ, nemine perse-
quente in castra ad Principem rediēre.
Iisdem planè diebus redierat, primū
in propria, mox in castra è captivitate
Crimeni Joannes Kemenyius, cujus
longiorē opinione in Valachiâ Trans-
alpinâ apud Principem Mihne moram
in malam Princeps Barcsaius interpre-
tatus partem, principatui ejus, ipsum
inhiare credens, tot (ut putabat) corri-
valibus impar, ipsi adhuc in Transalpi-
nâ moranti, per literas, ac nuncium suum
Andream Vajna, principatum offert,
nunquam se de transferendo principatu
cum quopiam tractaturum tempore in-
augu-

augurationis solemniter jurasse, non satis memor. Præsente itaque eo, cui absentis oblatum erat prædictus honor, privatim primum ambo, mox præsentibus (inconsultis tamen) Consiliariis, eadem reiteratur materia; Universis tandem regni copiis in campum eductis multis verborum laudibus commendato, seq³ huic muneri longè aptiori Princeps Barcsaius Joanni Kemenyio donat illud munus. Summas is agit gratias, dis flexoq³ ad præsentem exercitus vultu, imparem quamvis tanto se agnoscat oneri, ne tamen unquam patriam sui principatus poeniteat, annisurum promittit. Rogat præterea eundem Princeps Barcsaius, quandoquidem Principem Rakocium ulterius non penetrare, publica intersit quieti, ipsi obviam ire, verbisque ac conditionibus (si fieri posset lenitum) ut ab incepto desisteret, inducere ne g³ avaretur.

SECTIO X.

Lubens subiit hoc iter Joannes Kemenyius, Principi tamen Barcsaio, ut sequenti (Dominico nimirum) die duo milliaria retrocedendo juxta pagum Decse figeret castra, ibiq; eodem moratus die, usque ad matutinas diei Lunæ horas, nullam ab ipso accepturus esset resolutionem, se invitum remoratum, inutilemque sciret suscepisse laborē, dicens. Hac re inter ipsos conclusâ, festinat ad destinatum Kemenyius iter, sequentiq; juxta Samosium fluvium die Principi Rakocio castra ad vicum Suk habenti occurrit. Cujus post discessum, circa ejus diei vespērā quatuordecim vexilla Rakocianorum vidisse, allatum est à nonnullis; castra itaque Principis Barcsaii Rakocium noctu velle invadere, creditum à cunctis. Consultis itaque primoribus, ut eductis in campum opportuneque dispositis cohortibus, imminentem (ut putabant) exciperent hostem, pla-

*placuit, Steteruntque paratae ad pugnam usque ad dimidiam noctem, nullo hoste superveniente, cohortes, quia verò pernoxerat Luna, certoque conclusum erat sequentis diei iter, in castra redire, illincque ad iter se movere tardiosum putantes, eadem nocte versus praefixum à Joanne Kemenyio locum profecti manè appulerunt, totoque Dominico die illic sunt comorati, nullà per Joannem Kemenyium de tractatu sibi commissio certificatione factà. Dila-
bebantur interim à Principe Barcsaio paulatim fermè cuncti; qui tacitum in sinu hætenus fovebant Rakocii Principis amorem, palàm discedebant, nonnulli nobiliù fictis sub causis venià abeundi ab eo petebant; Qui erga ipsum fideiiores, abire inhonestum putantes, manebant quidem, sed nullà cum spe securitatis. Adeoque sensim extenuatus ipsius exercitus, ut præter Magnates, (quorum potior adhuc persistebat numerus) stipendiariosque, pauci su-*

pereissent ; Csikienteses (qui seriùs ad obedientiam Principis Barcsaii redierant) Capitaneo Stephano Pctki affectus eorum moderante reliquis constantiores visi sunt, qui die Lunæ Albam Juliam usque sequuti Principem, annuente eo illinc discéssere. Tendentem Albam versus (die Lunæ) Principem Barcsaium, medio ejus die itinere, assequitur unà cum literis, tabellarius Joannis Kemenyii ; *Scribit Principem Rakocium ad pacem cum eo concludendam paratum, mirarique cur nullo hostili urgente metu retrocesserit. Princeps Barcsajus se quidem pacto cum Joanne Kemenyio (de principatu ipsi donato) ante quadriduum inito libenter staturum, verùm imminentem cum proprio exitio nolle opperiri hostem, rescribit. Literarùmque latori, ipsiusmet Joannis Kemenyii filio Simone (qui in castris secū erat) adjuncto, per eum prolixius eadem de re nunciat. Ingreditur circa occasum Solis eadem die*
cum

cum magnatibus aulæque familiaribus Albam Juliam Princeps Barsajus, copiisque quæ supererant, ut prope urbem castra figant, mandat. Verùm timore magis ac magis percussæ vix dicto audientes fuere.

Duo eodem die ex stipendiariis Principis Barsaii, post occasum Solis supervenere equites, qui Principis Rakocii exercitû in plateis oppidi Enyed (quod duabus Albâ distat milliaribus) cursitasse, seque vix fuga elapsos, sanctè jurabant. Quò Princeps Barsaius audito, Stephanum Petki ac Stephanum Ebeni, (utrosque Consiliarios, Principique Rakocio (aliàs) percharos) Joanni Keményio significare jubet, ipsum quidem Principis Rakocii fidei semet minime commissurum, interim saltem ipsius è regno exitum obtineat, promissi ientacem fore. Expeditisque iis, circa horam noctis primam cum nonnullis procerum, stipendiariisque militibus Alba egressus, (reliquis regni exerci-

tûs dimissis) Devam (ea est arx Tûrcis vicina, duorumque Temesvaro dierum itinere distans) circa ortum Solis ingreditur. Princeps interim Rakocius, quamvis Joannem Kemenyium Gerendinum, in castellum proprium (quod inter oppidum Enyed, & civitatem Tordam, ex cujus viciniâ castra retrocessisse dictum est, situm erat) coalituræ pacis spe plenû remisisset, præmissis tamen Enyedinum versus antecursoribus, ipsoque cum reliquis properante, nitebatur Principem Barcsaium, à cunctis fermè jam desertum assequi; non immeritò quocirca Albâ eum discessisse res ipsa testata est, sed Tordam ingresso, eum Devam se recepisse nunciatur, in eodem itaque (quem is deseruerat) loco juxta civitatem dictam figit castra. Commoranti ibidem eidem, Stephanum Petki, ac Stephanum Ebeni (sibi charissimos) à Principe Barcsaio ad Joannem Kemenyium missos, Gerendini esse, innotescit; quos,

quos, cum certâ equitum manu sub noctem properans, circa ortum Solis in lecto jacentes, lætus salutat, ad seque recipit. Ne interea tractatus, qui inter Principem Rakocium Joannemq; Kemenyium inchoati erant, lectorem lateant, breviter inferere placuit: De Otomanicâ non multum fidens Princeps Rakocius gratiâ, sub alieno tamen nomine Transylvaniam possidere, clientemque simul (ut ipse afferebat) immeritò solium suum usurpantem ulcisci satagens, offerebat Joanni Kemenyio, *ut (per publicas tabulas renunciante Principe Barcsaio) principatum subeat, in bonis tamen utcunque per genitorem ejus congestis indemnem se manuteneat, in omnibus præterea regni negotiis ipsi subsit; breviter, ut titulo tenus Joannes Kemenyius, reverà ipse prædominetur, hic fructus percipiat, ille labores sustineat regni.* Hoc unicum tam diu habuit in proposito, donec Valachiæ Transalpinæ Principem Mihne di-

ætum, apertè contra Turcas rebellasse, confederationemq; suam per legatos ambire audisset, ut paulò post patebit.

SECTIO XI.

Ingressus Devam (ut præmissum) cum nonnullis proceribus, militibusque stipendiariis, ac propriis aulæ familiaribus, Princeps Barcsaius, menstruo stipendiarios donat stipendio, exautoratq; præter Dragonas ac pedites, fermè universos, aulæ quoque familiarium quoscunque præsentis tædebat fortunæ, liberos dimittit. Ad Csen-gi Zade Ali Passam, (à se antea in Ot-tomanica porta, ut præmissum est, accusatum) servitorem quendam Marko dictum, auxilia imploratum expedit. Tendit interea Albam Juliam versus cum exercitu princeps Rakocius, amissaq; spe principem Barcsaium armis opprimendi, cum juramentalibus Stephannum Ebeni, ad eum mittens literis, ad mutuum invitat colloquium, renuit ille,
sive

sive pungente conscientia, sive (ut pretendebat) ne propter incertam futura concordia spem, apud Turcas vel nomen Rakocii exescentes, omni expectatione amissa, auxiliis destitueretur. Urgente verò plurimis egressum ejus verbis Stephano Ebenio, ne nihil fecisse videretur, spondente pro incolumi ejus reditu, ipso, ad Rakocium, utrum tolerabiles proponeret pacis condiciones intelligere optans, Joannem Betlenium expedit. Cujus iter propter fidelitatem erga principem Barcsaium perspecta, apud principem Rakocium exosi, non vacabat periculo; illibata tamen fretus conscientia, prolixè cum assecurante Ebenio, demandatum suscipit iter, Principemq; Rakocium juxta Albam Juliam invenit obvium. Qui ab eo in præsencia Ioannis Kemenyii (quem secum habebat) confestim admissus, credentiales principis Barcsaii exhibet literas, salutatoque Domini sui nomine eo, fatur; *Celsissimus Princeps meus,*

meus, contractus cum Domino Joanne Kemenyio in campo Keresztes initi memor principatui renunciare paratissimus est, verum quanto vel nomen Celsitudinis vestra universa Turcarum natio excretur furore, cum ipsamet probe noverit, invitâ eâ, nec sibi nec regno consultum ac salutare foret de obtinendo laborare principatu, ut itaque recedat, nec in exitium proprium & regni potentissimam provocet nationem, obtestatur per misericordiam Dei. Subrisit his auditis ille, per eundemque Joannem Betlenium hæc ejus à Principe Barcsaio postulata fuere: Ut sincere (non autem fucatè) principatui renunciassse constet, universos regni Status à juramento sibi præstito juxta formulam literarum hac de re per ipsum datarum absolvat confestim. Nec sibi cum Joanne Kemenyio de modalitate futuri ipsius principatus concludendi præscribat. Regno tamen egressurum ne verbo quidem se obstringens. Sub iisdem planè

planè diebus , quadringentis circiter
Turcis ex inopinato oppressis, rebella-
vit contra Ottomanicam Portam Prin-
ceps Valachix Transalpinæ Mihne ,
confederationemque Principis Rako-
cii per legatos ambit. Reportat reso-
lutionem Principis Rakocii Devam
Joannes Betlenius , exhibitisq; litera-
rum evulgendarum paribus, omnis in-
ter Rakocium & Barcsaium principes
coalituræ pacis spes evanescit. Lega-
tos itaque (Devæ interim ipse moraturus)
Andream Barcsai , Germanum
suum fratrem , Joannem Betlenium ,
(quæ sub initio regiminis sui Cancellaria-
tûs munere ornaverant) Michaëlem
Toldalagi, ac Christophorum Pasko,
ad Ottomanicam Portam, auxilium e-
jus imploraturos destinat , & expedit;
periculosissimum erat hoc illis subire
munus, uxores enim ac liberos , reli-
quasq; eorum substantias, quæ in Tran-
sylvania erant, prædæ Rakocianis ces-
suras certo certius prævidebant. *Pleris-*

que

que tamen nobilium, septem præterea Orthodoxæ religionis Ecclesiasticis, ne obedientiam Porte Ottomanicæ debitam exuentes demandatum detractarent iter, totque millium Christianorum (qui propter rebellionem regni, nisi aliqui in fidelitate ejus persistentes superessent, perituri forent) exitii causa essent, sub conscientia urgentibus, tandem parvêre. Pergunt eodem die versus oppidum Turcicum Tót Varadgya, tabellarium interim Márko, quem ad Csengi Zade Ali Passam cum literis à Principe Barcsaio expeditum diximus, habent obvium. Inutilem eorum, nisi Princeps ipsemet Temesvarinum ingrediatur, refert fore laborem, dicti Ali Passa homine ipsi adjuncto hoc ipsum prolixius ex mandato Domini sui asserente. Dubitatur inter legatos, quid opus sit facto, tandem uno è suorum numero Christophoro Pasko ad explorandum Principis Barcsaii animum remisso, continuant destinatum reliqui iter.

iter. Redit is cum tabellario Principis, adjunctoque Csengi Zade Ali Passæ homine Devam, diuque inter abeundi ac manendi consilia hæsitante Principe Barcsaio, tandem circa decimam vespertinam unà cum Comite Ladislao de Csak, Stephano Csengeri Concionatore aulico, mediocrique aulicorum comitativâ præmissos subsequitur legatos, continuatoque per noctem ac sequentem diem itinere, in viciniâ oppidi Turcici Tót Varadgya subsistit. Adeoq; opportunissimo Devâ discedit tempore, ut quingentorum equitum, quos ad interceptiendum ejus iter, selectissimos princeps Rakocius, (solâ suspicione abeundi, nullis indicis permotus) expediverat, adventum, vix quadrante prævenisset. *Occurrit (adjunctis sibi legatis ipsius) Principi Barcsaio sequenti die instructis cum cohortibus Csengi Zade Ali Passæ, congratulatur ejus adventui, quieteque ejus dici refectum, altero Temesvarinum comita-*

mitatur. Ubi ingenti cum solennitate instructoq; toto exercitu obvio excipitur à Purpurato Budensi Szejdi Amhet passâ, in tentoriumque solenniter erectum deducitur, pro sustentatione ejus, suorumque dietim abundè provissum. Diligentissimâ tamen circa tentorium ipsius Janizarorum custodiâ dispositâ, unde (etiâmsi redeundi aut elabendi animus fuisset) vix se hoc potuisse præstare, liquidò constabat.

SECTIO XII.

PRINCIPEM BARCSAIUM è manibus suis elapsum non ultrâ persequens Princeps Rakocius, legatis Principis Mihne pro voto eorum respondet, in propriâque personâ ad sancendum cum eo fedus propediem ad confinia Valachiæ Transalpinæ se iturum promittit. Generalia præterea in civitatem Marosfarhely regni indicit Comitia, Siculi Csikienses, Gyergyiaienses, Kassonienses, Sepsienses, Kezdenses, Orbaienses læti,

læti, Saxonica, Hungaricæque civitates metu perculsæ, nobilitas quid faceret nescia, ex eoque inter spem & metum hæsitans adfuere. princeps ipse Rakocius (duobus illinc milliaribus) in castro Radnotiensi exitum rerum præstolatur, exercitu ejus (qui totus ex colluvie sceleratorum erat congregatus) tam in civitate Vasarhely, quam toto regno cuncta cædibus & rapinis miscente, nec ulla Marosvasarhelyini dies (libertatem quamvis suffragiorum regni Statibus Rakocius promississet) durantibus Comitibus sine cæde præterit. *Congregatis primo Comitiorum die Statibus, Michael Mikes, qui per leges regni Principe Rakocio seniore regnante proscriptus, per intercessionem Joannis Kemenyii cum tribus servis militia aulica primum insertus, tandemque Vice Capitaneatus munere donatus, Principe eodem è vivis sublato per Georgium Rakocium Secundum Cancellariatus honore ornatus, una cum eo patria solum*

verte-

verterat, redieratque, omnem in principatu ejus spem collocans, ut à regni Statibus recipiatur, clarâ voce urget. Laudat hæc dicentem frater ipsius germanus Clemens Mikes, Sedium Siculicallium Sepsi, Kezdi & Orbai substitutus Capitaneus, qui prudentioribus, patriæq; amantioribus rejectis, ex singulis regionum prædictarum vicis, quoscunque ex infimâ hominum fece garulos noverat, gregatim in Comitia secum ducens, quicquid ipse asserebat, tanto cum clamore à suis est acclamatum, ut ne verbum quidem contraria sentientibus proferre fas esset. Similem quoque suorum comitivam, actusque habuit Stephanus Lazar, Csikiensium supremus Judex Regius. Hos itaq; tres Comitia ista celebrasse, reliquos saltem interfuisse non immeritò dixeris.

Sententia tandem ab iis, quibus libertas suffragiorum jam dudum adempta erat, rogatur. *Inter quos Joannes Keme-*

Kemenyius prudentiâ, rebus gestis, auctoritateque reliquis præstantior, durâ sententiam promere jubetur, se, litro suo nondum persoluto, captivum etiamnum esse, discursum quidem suum, non autem sententiam proferre posse, cum captivorebus tanti momenti manus admove- vere non liceat, respondet. Efferbuit hoc auditò Michaël Mikes, acceptorum- que à Joanne Kemenyio beneficiorum immemor, eum, depositâ Phariseorum simulatione, catheticam promat sententiam, urget. Sive natio, sive provincia, sive privata aliqua persona Celsissimum suum Principem Georgium Rakocium, pro Domino suo agnoverint, paratum iis offerre patrocinium, reliquos pro hostibus habiturum, subjungit. Obstupuere his auditis cuncti, compedes præcedenti nocte ferreos, quibus refractarii plecterentur, complures paratos esse scientes, assenseruntq; silendo receptionem principis Rakocii urgentibus. Expediti itaque (qui hoc ipsum ei renun-

renunciarent) legati; accipit ille, quem jam armis extorserat honorem. Ut intercessorias ad Ottomanicam Portam pro se, accusantes autem contra Principem Barcsaium scribant literas, imperat, nemineq; refragari auso, obtinet. Joanni Kemenyio, minimè (ut vulgare Hungarorum proverbium) in cophinum alterius fraga collecturum, spe itaque principatûs se lactare desinat, denunciat. Ad fedus cum Principe Mihne in personâ sancendum ad confinia regni illinc tendit. Joanne Kemenyio, simulato morbo à prædicto se excusante itinere, qui post discessum principis Rakocii, in Hungariam, ad contrahendas cum Baronis cujusdam vidua nuptias egressus, nunquam vivente eo Transylvaniam ingressus est. Appropinquante ad confinia principe Rakocio, princeps Mihne ad vicum Rukar insigni cum solennitate occurrit, sancitum ab utrisque sub juramento fedus; Verùm in regressu, è comiti-
vâ Ra-

vâ Rakocianâ (extraordinario Dei miraculo) plerorumque magnatum lento saltem gradientium passu, crura lapsu equorum fracta, infaustam fore illam confederationem ominata sunt.

S E C T I O XIII.

Ingressus (ut præmissum est) Temesvarinum princeps Barcsaius, eodemque die misso cum literis ad Imperatorem Turcarum tabellario suo, (Marko,) certiozem de suo ac Transylvaniæ statu eum fecit, qui continuato per dies ac noctes itinere, mutatisque ad celeritatem jumentis, in Brussa civitate Asiæ, sibi concreditas reddidit Imperatori literas, cui sub idem fermè tempus, Principem Mihne rebellasse, deletisque nonnullis Turcarum cohortibus, Principi Rakocio se conjunxisse allatum erat. Consuluit plurimum id ipsum Principi Barcsaio, accusationes enim ipsius contra Principem Mihne verissimas, illius autem

E contra

contra eum factas, mera fuisse mendacia, creditum. Princeps itaq; Barcsaius de restitutione, specialiꝑ; gratiã per litteras proprio chirographo Imperatoris munitas, affecuratur. Purpurato præterea Budensi, ut eum tanquam (ut ipsi ajunt) Regem Transylvaniæ, honorificentissimè tractatum, expulso aut occiso Principe Rakocio, in regnum restituat, demandatur. Literis hisce (per dictum Marko) Temesvarinum perlatis, magna fit circa Principem Barcsaium rerum mutatio. Purpuratus Budensis (Szejdi Amhet Passa) eo audito, res retroactas excusat, seque (ex mandato potentissimi sui Imperatoris) in ejus potestate deinceps futurũ promittit. Amovetur custodia Janizarorum. Spẽque brevi in Transylvaniam reditũs impletur: Nec stabiliendis inrerim rebus suis Princeps Rakocius deest, quin potius ut Ottomanicas distrahere posset vires, Michaëlem Mikes, cum certã equitũ, Andream Gaudi, Co-

di, Colonellum suum, selecta Germanorum peditum manu, ad fulciendas principis Mihne contra imminentem hostem copias, expedit, contra quem purpuratum Szilistrensem, Tartarosque Bucsakienses se movisse ferebatur.

Moldaviam quoque ab obsequio Ottomanicæ portæ avulsurus, exulem quendam Valachiæ principem (Constantinum) à quo ingentem multis modis extorserat summam, cum validâ Sæculorum manu, Duce Clemente Mikes, ad eam occupandam ablegat, qui Moldaviam quidem ingressus, exturbato ejus principe, sedem principalem occupat, verum superveniente cum majoribus copiis principe expulso, cum clade ejicitur, ut inferius patebit. Missis interim per rusticum quendam princeps Rakocius Temesvarinû literis, ingratitude principis Barcsaii prolixis exprobrat verbis. *Ignobilitatem præ cateris in despectum proculdubio Turcarum eum adducturus, objiciens,*

quippe qui patris ipsius domus calefactor, ab eoq³ promotus, solum Domini sui usurpare non erubesceret; opes, copias imò vitam suam offert ad obsequium Ottomannicae Portae. Pervenere feliciter eò, quò destinatae erant literae, sed contrarium sortitae effectum.

purpuratus enim Budensis, rustici cujusdam filius, in pueritiâ latro, mox prædo, tandem eorum qui in Asiâ contra Imperatorem Turcarum rebellaverant Dux, non armis, sed oblatâ modernâ ejus dignitate sumpta deposuerat arma, gloriæ quocircâ, non dedecori ignobilitas, apud ignobilem erat. Intellectis itaque principis Rakocii literis, in hæc erupit verba: Nequissimus ille mortalium, ignobilitatem alterius perstringit; cum ex parvis initiis virtutis in altum eniti, quàm ex alto (uti ipsi contigit) propter scelera deturbari, honestius sit. Ego, inquit, rustico natus patre, virtute simul ac honoribus genitores meos prævi.

SECTIO XIV.

Princede Barcsaio Temesvarini commorante, iteratæ à Gabriele Haller, insignis fortalitii Varadiensis Supremo Capitaneo afferuntur literæ, præsidarios jam dudum stipendiis defraudatos, vix dicto esse audientes, quibus nisi solvatur, ne ad Principem Rakocium desciscant, metuendum esse, significat. Verum, jampridem (præter paucos ex præcipuâ nobilitate, qui periculis patriæ præcōsideratis insigne illud totius Christianitatis fortalitium sub nomine Rakocio periturum prævidentes dissensere, ob idque extremum non semel vitæ periculum adire) tam præsidarii, quàm promiscua nobilium illic degentium multitudo, ut inferius patebit, Joanne Racz, Francisco Sztepan, Mich. ëlc Teleki, aliis-que nonnullis impellentibus, ignaro tamen cum suis Principe Barcsaio desciverant. Neq; Vice Capitaneus Mat-

thæus Balog expers hujus erat facti, per quem Hungarici pedites fascinati, Germanis ac Szemeniis peditibus adhuc in fide permanentibus. Rescribit brevi se stipendium transmissurum Princeps Barcsaius, nec diu dilatum; Missus cum duobus millibus & quingentis equitibus Purpuratoque Jencicensi (Csengi Zade Ali Passa dicto) Joannes Betlenius, duo millia Ducatorum ipsis in stipendium adfert, Gabriele Haller de adventu suo prius præmonito, rogatoque ut ad mutuum amici colloquium extra arcem prodire ne gravaretur. Functionis suæ munere hoc ipsum vetante non posse egredi, interim (obsidibus prius acceptis) Vice Capitaneum Matthæum Balog cum adjunctis egressurum, renunciat ille.

S E C T I O XV.

Mittitur itaq; in civitatē Christophorus Pasko, qui Joanni Betlenio aderat, ac Olai Begus Gyulaiensis, quibus

quibus urbem ingressis, supradictus Matthæus Balog Vice Capitaneus, Joannes Racz, ac Franciscus Sztepan urbe egressi, Joannem prius Betlenium adeunt, *utrum arx Varadienſis per Principem Barcsaium Turcis donata sit, sub conscientia ipsis significet, per Deum & conscientiam obtestantur*; ille negat vel mentionem istius rei factam unquam se audivisse, quin potius si in obedientia Ottomanica Porta, fidelitateq; Principis Barcsaii constanter perseveraverint, indubitata salutem, si verò ad Principem Rakocium desciverint, certum fore ipsorum exitium, sit persuasus; nec tamen antequam sincere hæc omnia dixisse per Sanctam Trinitatem jurasset, fides dictis data.

Deducti ad Purpuratum Csengi Zade Ali Passam ipsi, qui, junctis prius dextris, Matthæum Balog, sibi antea notum, per interpretem sic alloquitur: *Matthæe Balog, aliquid vos mali machinari, vultus ipse prodit; interim cau-*

tèrem gerite, in fidelitateque potentissimi Imperatoris , nisi malè vobismet optetis consultum, constanter perseverate.

Si in obsequio potentissimi Imperatoris constantes erimus, tam nos salvos fore, quàm arcem Varadiensem sub potestate nostra relinqui , virum vestra Magnificencia spondere audeat ? quarit ille. Cui Purpuratus : Vestra non subsum potestati, ut necessitas me perjurum committere cogat ; Interim juro per Deum omnipotentem, Cali, Solis, & Luna creatorem, potentissimi mei Imperatoris benedictum caput , saltem in fidelitate persistite, nunquam Turcarum natio Varadinum Hungaris adimet, imò contra quoslibet hostes suppetias feremus. Optimaq; indolis filium sibi assistentem producens ; En (inquam) deducite pro obside filium meum in arcem, si promissa fallimus, eo quo placebit afficere mortis genere. Si verò obsequio Porta Ottomanica rejecto, ad Rakocium desciveritis, non amplius Varadinum vestri

stri juris fore, per eundem Deum omnipotentem juro.

Agit gratias Matthæus Balog, subjungit præterea: Oblationes vestre Magnificencia, fatemur, sunt optima, sed nobis exiguam esse in arce commeatûs copiam, intelligat, longam quocirca moram non expectat imbecillitas nostra. Respondet ille: Saltem fideles estote, nec commeatus, nec subsidia deerunt. Centum currus tritico onusti, imo ducenti, necessitatibus vestris sufficientne? Eo quo desideraveritis die, per me huc mitentur, saltem conceptam (quam jam subolfacio) intermitte proditionem, ne perfidiâ vestrâ insigne hoc fortalitium à natione Hungarorum abalienetis. De-
flexo deinde ad Joannem Betlen vultu, ut stipendium per certum persolvat hominem, literasq; de eo Quietantiales sigillo Capitanei arcis Varadienî munitas accipiat, imperat. Quos, ipsi valedicentes aliquandiu comitatus Joannes Betlenig iterû his alloquitur verbis: Cel

ssimus Princeps Barcsaius, ne extra proprium quidem regnum parcens sumptibus, quantam in stipendium praesidiariorum per me transmiserit summam, ipsi videtis; Universos itaq; & singulos vestrum obtestatur per Deum, etiamsi occultum in pectore foveritis Principis Rakocii amorem, in lucem ne prodite, manete neutrales, nihil sanè ipsi servientes, illi qui in principatu stabilietur cum regno servituri, cum sub nomine Rakocio vos omnes perituros certo certius credat; Stephanum Dobolium, solutionum Fiscalium Scribam, vobiscum in urbem transmittito, cui de summâ per eum persolutâ, date literas Quietantiales. Quibus illi auditis, urbem cum dicto Scribâ ingressi, ademptâque pecuniâ, tam eum quàm supra specificatos remissere obsides. Ne interim sceleri scelus superaddere prætermitterent, universos Hajdonum copias ad opprimendû Joannem Betlenium sibiq; adjunctos, per occultas convocare nituntur literas,

ras, verùm illi, magnificis potiùs verbis, quàm armis Turcas occidere soliti non paruere.

Joannes etiam Betlenius Lippam, illinc Temesvarinum ad principem Barcsaium rediit. Missa Varadinum summa, per eos qui principi Rakocio arcem prodiderant, inter se divisa.

S E C T I O XVI.

JAm Æstas præcipitaverat, necdum tamen purpuratus budensis ultra quatuor millia armatorum habebat in castris, tam longæ itaque pertæsus moræ princeps Barcsaius, Michaëlem Toldalagi primatem Transylvaniæ ad Imperatorem Turcarum denuò mittit, qui Hadrianopoli eo invento, missas ipsi exhibet literas; reddit etiam (quo apud Imperatorem rebus Barcsaii promovendis diligentiorẽ redderet,) Supremo Vezerio literas simul & mille aureos ipsi missos, *pro Sigismundo Banfio in fediculam (ut præmissum est) cum*

*suis conjecto simul intercedens. Tàm accepto munere, quàm fidelitate clientis (ut afferebat) sui auditâ lætatur Summus Vczerius, Sigismundum Banfi cum sociis arresto solutum, dimittit, eademq; die Asscuratorias sub chirographo ab Imperatore de subsidiis obtinet literas, sub mortis pœna Purpurato Budensi, ut confestim cum exturbato Principe Rakocio in Transylvaniam restituat, demandatum, quod si distulerit, jurare potentissimum Imperatorem per Deum immortalem, ipso, subjectisq; ejus prius occisis, alterius negotium hoc conficiendum fidei commissurum. Redditis Michael Toldalagi tàm Principi Barcsaio, quàm Purpurato Budensi literis ille lætus, hic verò expavefactus, in præsentia magnatum Turcicorum expansis literis, ita fatur: *Secordia atque negligentia vestra quantam mihi, vobisque Imperatoris potentissimi indignationem conciliaverit, ipsi videtis, ne itaque immeritas negligentia vestra pœnas ego quoq;**

quoque luam, vel cum propriâ aulicorum comitivâ, iter contra Principem Rakocium aggredi paratus sum, vos videritis, utrum honestè contra hostem pugnando, an propter inobedientiam cum dedecore à proprio interfici præoptetis Domino. Ab universis, ut itineri se accingat, reclamatum, missiq; ex templò Csauzii, qui gregarios castra sequi cogant milites.

S E C T I O XVII.

IPso tandem autumnò, exercitu Turcico satis grandi congregato, mense Novembri movet Transylvaniam versus se cum Principe Barcsaio Purpuratus Budensis. Huszaim Passa, qui Agriensi præsidio præerat, duobus semper miliaribus cum selectâ præmisso manu.

Compositis (ut putabat) regni negotiis, Turcicisq; tantùm conatibus intentus Princeps Rakocius, dispositis in Comitatu (qui Turcis vicinus est) Hunyadiensi copiis, ipse non procul

tunc temporis in oppido Saxonicali (Szaszvaros) morabatur. In viâ, quæ antiquitus porta Ferrea nûcupatur, ingressiûque hostium reliquis magis patet, aggeribus quibusdam erectis, certasq; Dragonum cohortes, ac rusticorum aliquot millia ad prohibendû collocans aditum. Appropinquante dictæ portæ Ferreæ Huszaim Palsâ, purpuratoq; Budensi, cum principe Barcsaio subsequente, situ locorum, erecto aggere, ejusq; custodiâ, per exploratores prius cognitis, facillimum erat per sylvas, iis circumitis, Dragones, rusticosq; ad defensionem ejus relictos à tergo adoriri. Visis rustici ex inopinato à tergo hostibus, panico omnes terrore compulsi, latebris sylvarum salutem quærunt; deserti ab iis Dragones, paululûm restitère, verûm tam numero quàm viribus impares, plerisque cæsis, omnes in fugam compulsi, quos dum acriûs usque ad marginem sylvarum, initiumque camporum persequitur

Huszaim

Huszaim Passa, ex vico Kernyesd non procul illinc distante, octo prodeunt Rakocianorum vexilla, quæ ad subsidium peditum disposita, non prius, verum ex fugâ Draganorum intellexere alpes penetrasse hostem. Huszaim Passa itaq; universas principis Rakocii copias præsentis autumans, subsistit, tres è captivorum numero purpurato Budensi remittens, *acta renunciat, Rakociumque præsentem credens, ut maturè sibi subveniatur, rogat.* Verum cohortes ab ipso visæ terrore pariter perculsæ retrocessere.

Audit his Szcjdi Amhet Passa purpuratus Budensis, nullâ in exercitu suo dispositione factâ, nec distributis in ordines copiis, ut se cuncti extemplò sequantur, imperat, citatoq; proVectus (sicut quorûlibet equorum vires suppetebant) cursu, reliquis subsequenti-bus, alpes (aliàs satis difficiles ac latas) velocissimè transit, Huszainoque qui deposito hostis metu sub alpibus, juxta vicum

vicum quendam eis proximum substit-
terat, conjungitur.

S E C T I O XVIII.

Occupata Portæ Ferreæ, profliga-
torumque Dragonum rumor ad
Principem Rakocium jam pervenerat,
distributas quocirca per vicos univer-
sas suorum copias, celerrimè colligit,
instructumque eodem die versus hostem
ducit exercitum, qui peditatu, tormen-
tis, magnâque cum impedimentis equi-
tatûs parte ultra alpem relictis, si uti
scivisset victoriâ, certo certius erat lō-
gè ipso debilior ; verùm hæc omnia
apud eum ignota. Circa occasum ita-
que Solis, ipsius similiter præsentiam
hoste ignorante, non procul ab eo sub-
stitit. Sequebantur interim singulis fe-
rè quadrantibus Purpuratum Buden-
sem ultra alpes relictæ ejus copię, to-
tus tamen eodem die cum tormentis
aberat peditatus, satis præterea magnus
cum impedimentis restabat equitatus ;
Adito

Adito Purpuratus Budēsis circa vesperam cum Primatibus Turcicis Principis Barcsaii tentorio, quid sequenti die facto opus, tractatum. *Ut eodem, ubi tunc fuere, sequenti quoque die subsequantium militum opperiantur appulsum, placuit universis.* Quia verò de Principe Rakocio (ubinam esset) nihil apud eos constabat, ut Huszaim Passa cum duobus equitum millibus oppidum Haczog versus exploratum, Michaël verò Toldalagi cum mille equitibus sub arcem Kendesiorum (Kolcz dictam) sequenti die eat, congregatosque illuc Nobiles cum plenariâ asssecuratione ad Principem Barcsaium deducat, conclusum. Quies interim in castris utrisq; quamvis vicinis, sed invicem se ignorantibus, fuit. Tres in aurorâ tormentorum explosiones in castris Turcarum auditæ, signum iis ad pugnam se paratum venire significante Principe Rakocio: sed tunc quoque Devæ, aut Hunyadii tormenta explosa creditum à
Turcis,

Turcis, facilem quocirca, si incautos, tormentis, peditatuq; destitutos in castris fuisset adortus, Princeps Rakocius habuisset victoriam. Sed manet inevitabile fatum. Prodeunt lucescente jam die, reliquis pabulum in pagos & campos exeundi facultate permisa, cum tribus equitum millibus, ad destinata abitura loca Huszaim Passa Michaelque Toldalagi. Adit Principem Barsaium cum paucis Purpuratus Budensis, *Utrum se comitari, cum dictaque equitum manu Huszaim Passam ac Michaëlem Toldalagi discedentes, spectare velit, interrogat.* Annuit ille, cum paucisq; sequitur vocantem. Dum itaq; paululum versus campos ab iis fuisset progressum, auriga quidam pabulum egressus, *instructum se vidisse Rakocii exercitum fugaque vix saluti sue consulere potuisse, refert.* De cujus dum verbis dubitatur, Huszaim Passa, Michaelque Toldalagi, relictis in campo prædictis tribus equitum millibus, superve-

perveniunt, à seque Principem Rakocium instructo cum exercitu presentem visum referunt. Non tamen rediit in castra Purpuratus Budensis, verum officialibus quibusdam ad educendum è castris exercitum remissis, toties dictis tribus equitum millibus conjungitur, colliculumque conscendens, exercitum principis Rakocii ipsemet oculis perlustrat. Paratam, si moram trahere desisset, in manibus videbatur habere victoriam princeps Rakocius, verum per complures inutiliter subsistit horas, tempusque purpurato Budensi datum, suos è castris educendi. Cujus moræ hanc demum intelleximus fuisse causam: Exercitus principis Rakocii, dextrum cornu, (si ab Oriente Occasum versus tendentes consideres) rivulum transitu difficillimum habebat ante se, limosa præterea loca, vix singulis (antea) pervia, ut illic exercitum commodè posse traduci nemo incolarum istius regionis sibi persuadere posset, muni-
mento

mento itaque (ut putabat) naturæ plurimum fidens, debiliorem exercitûs sui partem huc collocans, ut per avia illa penetrare volentes, cœnoque implicitos, in ipso transitu opprimeret hostes, destinaverat in animo.

S E C T I O X I X.

PRodibant instructæ interim è castris Turcarum cohortes, quas dum Purpuratus Budensis instruit, peditum quoque pars ipsi jam pugnam inituro supervenit. [1659.] Acies verò utriusque partis hoc ordine erant dispositæ. *Turcicis, Hungaricisque copiis quidam pagus, juxta quem antiquissima cujusdam urbis à Romanis (ut fertur) olim inhabitata, ruinae vestigiaque cernebantur. Princeps Rakocius ab ortu ad occasum, Turca verò ab occasu ortum versus inter se congressuri erant. Infra viciniquicunque dextrum Hungarorum cornu invadere præsumeret, (ut superius) rivulum transire difficilem, uliginosamque transcendunt*
ipsis

ipsi erat loca ; Sinistrum Rakocianorum cornu juxta ruinas (imo in ipsis peditatus antiquæ urbis ruinis collocatus) ingentem transituq³ difficilem ante se fossam habebat : Totum verò exercitum in plurimas, easque non satis validas (si Turcarum, qui paucas sed confertissimas solent in pugna deducere cohortes, consuetudinem consideres) dissipaverat Princeps Rakocius turmas, adeò in latum porrectas, ut amplissimâ istâ planicie occupatâ, utraque cornua montes pertingerent. Purpuratus e contra Budensis, mediocri equitatûs parte, omnique (qui supervenerat) peditatu contra sinistrum Hungarorum cornu inter arbusa, juxta fossam jam dictam collocato, cum unâ sed confertissimâ suorum (quæ ex viginti quatuor vexillis constabat) turmâ, ex colle ubi tam diu steterat, deorsum se flectens, uliginibusq³ ac rivuli impedimētis felicissimè ac celerrimè superatis, adeò vehementer in dextrum Hungarorû cornu in vectus est, ut Sigismundo
Ver,

Vér, primario cohortium istarum Capitaneo ante alios cadente, ex tempore omnes fugam capefferent, subsidiariis quoque ejus cornu aciebus eandem subeuntibus fortunam. Non pugna sed cades jam in illis erat partibus, grassabanturque cedi- bus inter Hungaros victores Turca, sini- stro Rakocianum cornu, in medioq; (in- ter quos erat ipsemet Princeps Rakocius) collocatis cohortibus sine pugna stanti- bus, quos propter predictas difficultates nemo invadere præsumpserat. Videt cla- dem suorum Princeps Rakocius, tribusq; vexillis Hungarorum Onadianorū in la- tus victoris inductus, pratorium Purpu- rati Budensis vexillum, complurimis ex Aulicorum ejus numero casis in fugam vertit, totaq; procul dubio ad internecio- nem delevisset, nisi visā Purpuratus ipse Budensis suorum fugā, à cede Hunga- rorum reversus, vexillifero proprio, Magnateq; quodam propter fugam oc- cis, fugientes suos subsistere coëgisset, tandem victrices quoq; ejus copiae (quæ
hacte-

hactenus dissipatos, è dextro cornu Ungaros ceciderant, spoliarentque) supervenere, quorum adventu extorta denuò è manibus Rakocii victoria, ipseque cum tribus suis cohortibus, nonnullis tamen prius è hostibus per se animosè occisis, fugâ sibi consulere cogitur.

Steterant hactenus immota in sinistro Rakociani exercitus cornu acies, sed illa quoque eodem temporis momento, (deserto integro peditatu) nemine persequente, avolarunt.

Ad opprimendum tandem Principis Rakocii peditatum confluxere circumcirca victores, qui è ruinis prædictæ urbis viriliter aliquandiu se tutati, ad interuersionem tandem cæsi. Periêre tria circiter millia è Rakocianis; centum vigin-
tiquinque, iisque per tres solas Rakocii cohortes cæsis ex parte Turcarum. Occupata octo Principis Rakocii tormenta, quorum nullus eo die usus. Castra eodem loco fixa, lecta per otium spolia, donaque, pro singulis casorum capitibus
per

per Purpuratum Budensem victores.

SECTIO XX.

R Efectus trium dierum quiete victor exercitus, impedimentis, quæ seriùs appulerant, ad se receptis, versus fluvium Sztrigy tendit, transfertq; juxta oppidum Piski (quod unum Devâ distat miliari) castra. Pergit ad videndam, quæ morbo gravi laborabat conjugem, illinc Devam Princeps Barsaius, totoq; sex dies ibidem tempus terit. *Purpurato Budensi, cur profligatum nolit persequi hostem, multum exostulante, cum inutili hac morâ, tempus suos recolligendi dari Principi Rakocio, quilibet perspiceret. Nec occasionibus suis ipse princeps deerat Rakocius, suos enim reparâdi præter propriam opinionem tempus nactus, Turcam, qui non virtute, sed casu victoriam esset adeptus, suæ imbecillitatis conscium, ulterius non audere in viscera regni penetrare, ideoque ibidem opprimen-*

*mendum, evulgat per literas. In magna-
namq; talibus scriptis spem denuo
multorum animos erigit; Movit tan-
dem post inutilem hanc moram Albam
Juliam versus cum Purpurato Budensi
princeps Barcsaius, castraq; juxta op-
pidum Alvincz metatur, Rakocianis
(qui pro excubiis sub directione Joan-
nis Török ibi relictierant) ad Princi-
pem Rakocium penes castellum Rad-
not castra habentem (nemine ex iis
intercepto) se fugâ recipientibus, ob
idq; ubinam princeps Rakocius mo-
ram traheret, Turcis, principeq; Bar-
csaio ignaris. Vincino Albam Juliam,
illinc Tordam versus moto exercitu
Turcico, juxtaq; vicum Decse castra
locante, rusticus quidam ad Principem
Barcsaium ductus, duo circiter millia
peditum ex Hungariâ in succursum
Principis Rakocii properantium, Tur-
carum adventu intellecto, Tordam ver-
sus reversa eadem se horâ vidisse jurat.
Nec dubitetum; Relicto itaque in ca-
F stris*

stris Principe Barcsaio, Purpuratus Budensis celeriter conscenso equo, plurimisque suis sequentibus, assequitur juxta civitatem Tordam prædictos pedites; *Qui eo viso perterriti, tripartito disjuncti, accelerabant iter, pars (quæ fermè tota è tyronibus constabat) relictâ ad dextram civitate, versus montes se recipere capit, verùm Huszaim Passâ cum Agriensibus superveniente, tota concisa est. Pars, relictâ ad levam eadem civitate insequentibus hostibus, juxta salisfodinas periit. Reliqui verò, qui cum Turcis in Hungariâ bellare soliti, veterani ferè omnes, in unum conglobati corpus, viriliter ipsummet Purpuratum Budensem in plateâ dictæ civitatis excepere, complurimisque utrinque casis, superveniente nocte, potiori ex parte incolumes discessere. Rediit Purpuratus Budensis, propter magnatem quendam cum plurimis gregariis amissum, nec deletis plane hostibus, non satis lætus in castra*
ad

ad Principem Barcsaium. Sequenti die Gerendinum (castellum est Joannis Kemenyii) illinc (incerto quidem) Principistamen Rakocii juxta Vasarhely tunc morantis rumore perlato, Radnotinum translata sunt castra. Quo Princeps Rakocius audito, sub noctem Vasarhelyino Désinum versus discedens fugâ sibi consuluit. Eodem Purpuratus quoque Budensis sequenti appulit die, ubi per complures cum Principe Barcsaio commoranti dies, ex utraq; Valachiâ hæc nova afferuntur.

SECTIO XXI.

Exulem quendam Principem, Constantinum dictum, cum Clemente Mikes, certâque selectorum Sicularum manu, ad extirbandum (ut superius dictum) ejus regni Principem expediverat Princeps Rakocius, qui imparatum aggressus facile regno extirbat; Verum eodem, cum Sulteno Galgâ, multis Tartarorum superveniente millibus,

casus magnâ ex parte Siculis, Constantinum elapsum cum reliquiis devicti exercitus venire affertur.

Similiter Valachia quoque Transalpina Princeps Mihne, qui fedus contra Ottomanicam Portam cum Principe Rakocio pactus, contra eam per dictum Principem sub Generalatu Michaelis Mikes, Andreaque Gaudi, certorum Germanorum & Hungarorum militum subsidio fuluserat, ipso, subsidisque suis per Purpuratum Szilisztreensem, Tartarosque Bucsakienſes proſtigatis, cum reliquiis suorum Transylvaniam ingressum, Cibinium versus (ea est civitas totius Saxonica nationis in Transylvaniâ metropolis) tendere, seque cum Principe Rakocio velle conjungere, allatum. Movêre hæc purpuratum Budensem, cum principem Rakocium, Constantinum, ac Mihne Principes, ex tribus hostes futuros partibus sibi met persuasisset. Regnicolæ quoq; ac corû copię, ad iteratas Principis Barcsaii literas

ras non comparentes augebāt ejus metum, incitabantque ut honestā aliquā occasione imminentibus se subduceret periculis, nec id ipsum optanti tempus defuit, adeò enim intensissima per eos dies fuere frigora, ut ulteriùs miles vix in campis subsistere posse videretur. *Latus itaque arripit occasionem, nec se potentissimi Imperatoris exercitum frigore enecaturum dicens, Medgyesinum versus (ea est civitas Saxonicalis) adeò tamen lento reducit castra passu, ut per complures, ubi placuerat, subsisteret dies; Medgyesino Balasfalvinum translatis castris, ibi tam suorum quàm (qui intererant) Hungarorum proceribus convocatis, ut sufficienti Turcico praesidio munitus civitatem Cibiniensem ingrederetur, ibique exactā demùm hyeme subsidia potentissimi Imperatoris Princeps Barcsaius expectet, conclusum. Purpuratum Budensem cum exercitu retrocedere, principi Rakocio juxta oppidum Dés hærenti celeriter innotescit,*

scit, qui fugam id ipsum ratus, (velve-
riùs credidisse simulans) ut fugientes
Turcas, universi (cujuscunque condi-
tionis existant) regnicolæ, persequan-
tur, per celeres denunciât tabellarios.
A multis (maximè rusticis ignâris mi-
litia) creditum confestim; Quorum
non parvus numerus, dum Purpurato
Budensi castra ad Balasfalva habente,
pabulatores ejus ex insidiis adoritur,
excitæ è castris cohortes plurimos in-
terfecêre, adducti quidam vivi, quos
*auribus ac naribus mutilatos ad messem
ac aratra redire jussit*. Ex iisdem castris
cum mille peditibus Janizaris, quin-
gentisq; equitibus Cibinium expedi-
to Principe Barcsaio, ipse lento gradu
Temelvarinum versus tendens, tan-
demq; eodem regressus in hyberna
distribuit exercitum. Nondum Princi-
pi Rakocio quid in reditu Purpuratus
Budensis facturus, quove Princeps Bar-
csaius se recepturus esset, cognitum e-
rat. *Speculatum itaque, & (si occasio
suppe-*

suppeteret) *plura quoque tentaturum*
Michaëlem Mikes cum septemdecim
pramittit vexillis , ipsomet interea
Claudiopoli subsistente. Cognitum
Michaëli Mikes principis Barcsai iter,
cognitus comitivæ numerus , quippe
qui vix dimidium ab eo distabat milia-
re, nihil tamen contra eum ausus, cum
sibi adjunctis Cibinium permisit ingre-
di incolumem , quo ingressu sequenti
die ostentavit præsentem se , è civitate
spectantibus.

S E C T I O XXII.

Purpurati Budensis egressu, Princi-
pisque Barcsai in civitatem Cibi-
niensem ingressu cognito princeps Ra-
kocius, maturat illac in personâ pro-
fectus, lentâ urbem premere obsidio-
ne, disposito quæ per circumjacentiâ
Cibinio oppida exercitu , ipsemet in
oppido Selimberk (quadrante miliaris
ab urbe distante) subsistit. Justas quidẽ
ad eam expugnandam vires sibi deesse

consciis, interim (perspecto mobili Principis Barcsaii animo) dissensione aliquâ subortâ, deditiorem ejus sibi promittens. Tormentisq; muralibus quinq; nonnullisq; minoribus Fogarino advectis, Andreæ Gaudi Colonello suo urbem quatiendam committit. Qui tam præsidio quàm civitatis Cibi-niensis incolis contemptis, prædicta tormenta ab Oriente, contra propugnaculum (quod Hallerianum appellatur) collocat, nullas ad defensionem eorum fossas, aut aggeres erigit, paucas adversus propugnaculum, plures in urbem per complures septimanas, levi tamen cum ædificiorum, nullo præsidiorum damno facit explosiones.

Promissis interim variis, quandoque minis, mobile Principis Barcsaii ingenium ab obsequio Ottomanica Portæ avulsum, deditiorem urbis facere tentat Princeps Rakocius. Nec fuisset labor irritus, nisi præsidium Turcicum, Consiliariiq; ac nonnulli Hungarorum

rum procures urbem cum ipso ingressi, exitium regni prævidentes, dissensissent. Quamvis enim subsidium Imperatoris Turcarum indefinenter per literas imploraret dictus princeps, fratre tamen suo germano, sub prætextu aliarum rerum ad principem Rakocium (in oppidum Selimberk) misso, arcis Devæ, civitatisq; Cibiniensis (quæ solæ in fidelitate ipsius perstiterant) deditionem, renunciationemq; principatus concludit. *Curiam quandam Oermenyes dictam, cum bonis ad eam pertinentibus, pro his omnibus optans; Quam Princeps Rakocius (imò decuplo etiam majora) se libentissimè daturum spondet. Certa præterea aureorum millia, commeatum sufficientem, securumque iter præsidio Turcico pollicetur. Reque (quasi conclusâ) Andreæ Barcsai benepotum in urbem remittit. Regressus ille, Principi Barcsaio fratri suo rem conclusam, ejusque conditiones, aperitus: latius audit ille, Consiliariisque ac Ma-*

gnatibus Hungaricis convocatis, animum suum, remque conclusam aperit, inter reliqua (salvo honore sit dictum) pro Transylvaniâ, tanquam à scortis natum regno, se, morboque Deuâ jacentem charissimam suam conjugem non amplius periculis objecturum, iteratis dicens verbis. Humilique sorte (curiâ nimirum Oermenyesensi) contentum se refert.

Obstupuere his auditis illi, quo fundamento, quave sui ac regni securitatis spe Principi Pakocio adherere vellet sciscitari capere: Utrum eum armis Ottomanoparem putaret, aut aliqua suppetere cum eo paciscendi media, intelligere desiderantes, quibus utrisque destituto Principi Rakocio adherere, non esset sana mentis? Hæsit ad hæc Princeps Barcsaius, tandem, usque ad tempora vernalia, beatam se cum dicto Principe vitam victurum, ineunteque æstate libenter cum eodem periturum respondet. Nec assensum in re tam exitiosâ

tiosâ ab eis. Officialibus præsidii Turcici, magistratibusque civitatis eadem die convocatis, ad conclusam per fratrem suum diditionem eos quoque inducere nititur, sed ab iis acrius reclamatum.

S E C T I O XXIII.

PROPOSITO itaque illo, Rakccius, Barcsaiusque Principes unâ delusi, aliam id ipsum assequendi ingrediuntur viam. Turcicum præsidium, certus Hungarorum nobilium numerus, præter ejusdem urbis incolas, urbem protegebant; Dissensionem inter tres prædictas nationes Princeps Barcsaius spargere cæpit; *nonnunquam apud cives, insolentias præsidii Turcici in majus extollendo, antequam omnibus affecti contumeliis, manibus Principis Rakocii per eos assignarentur, maturarent urbis propria facere deditionem, hortatur; Interdum Hungaros apud utramque traducit nationem: Quandoque de*

levitate civium qui ex plebe constabant, facileque insciis extraneis, cum proprio commodo, illorumque exitio cum Principe pacisci poterant Rakocio, apud Turcas loquitur, dum honestam, utilemque facere deditionem in potestate eorum esset, ne occasione prasenti, facileque peritura deessent, monens. Tantaque his technis inter eos confusio orta, ut ferro plerumque inter se in urbe configere voverint. Serò propriis difficultatibus edocti, dissensionibusque universos perituros prævidentes, ad mutuam rediére concordiam.

Congregatiq̃ue è dictis tribus nationibus ad Supremi civium magistratus primores; Ex Hungaris Franciscum Keresztefi, Comitem Comitatus Tordensis, regniq̃; Consiliarium; ex civibus duos Primarios; ex præsidio Turcico Budensium & Agriensium Janizarorum Agas, legatos ad principem Barcsaium expediunt: *Ut sedatis affectibus cum patientiâ succorsum Otto-*

mani-

manica Porta præstolatur, nec ab eâ desciscendo, seque, regnumque extremo obijciat periculo, hortantur. Si verò principatui valedicendo, privatam vivere vitam apud se conclusit, expeditis ad Portam Ottomanicam legatis, pro Principe Rakocio intercedat, ex annuentiâ ejus, sive ei, sive alteri cuilibet parere, deditionemque facere urbis se paratos esse, dicunt.

Expavescens audit hæc dicentes Princeps Barcsaius, tandemq; in hæc erupit verba: *Principatu vos me velle exuere, ex præsentī constat legatione, cui tamen minimè renunciaturus sum.* Præ cæteris Gabrieli Haller, Joanniq; Betlenio, quibus ante alios tractatum suum, cum Principe Rakocio clàm initum, aperuerat, eidemque ipsos adversari intellexerat, indignabatur; Nullo præterea legatis responso dato, ipsos dimisit. Eodem die Hungarorum (exceptis Gabriele Haller, Joanneque Betlenio, qui non vocati aberant) Sa-

F 7 xonum,

xonum, Turcarumque primoribus in palatium vocatis, *prolixis ad deditio- nem urbis eos hortatur verbis*, verum illi (nisi prædicti duo Consiliarii quorum integritas ipsis esset perspecta, interessent) nihil se responsuros asserunt, quibus advocatis, *prolixius eadem de materiâ tractat, nullo tamen approbante*. Vehementi quocirca percitus irâ, omni, sub totâ obsidione, curâ urbis neglectâ, computationibus indulgit, officialibus prædictarum trium nationum strenuè interim defensionis urbis invigilantibus.

S E C T I O XXIV.

Informatus de his per occultas Principis Barcsaii literas Princeps Rakocius, universis, maximè verò Gabriele Haller Joanneque Betlenio, renitentibus, non successisse propositum, irâ contra eos commotus, universa eorum bona prædæ suorum exponit. Unius præterea (Joannis Betlenii) uxorem

cmm

cum filiola quinquenni in captivitatem
afferit, nullo tamen cum emolumento.
Rebus sic fluentibus unanimi totius
præsidii Cibiniensis consensu, octavam
circa cujusdam diei horam matutinam,
eruptio contra Rakociana tormenta
(quæ nullis defensis munita dictum
est) felici cum successu tentata est, pe-
dites enim pro custodiâ eorum locati,
prius sensere quàm videre hostem, iis-
que magnâ ex parte cæsis, Colonellus
Gaudi, sine pileo, distinctus, degene-
rique sine ephippio infiliens equo, vix
evasit; Incensus (qui aderat) pulvis py-
rius, tormentum grande, duoque mi-
nora in urbem translata, reliquorum
foramina clavis occlusa ferreis. Prope-
rat ad succursum (sed confecto nego-
tio) Princeps Rakocius; Regressi in
urbem cum ademptis tormentis, vexil-
lisque victores, Principi Barcsaio ab
hostibus invito se parta offerunt vexil-
la, ab eoque quamvis subtristi muneri-
bus afficiuntur. Victoriæ lætitiâ, lar-
goque

goque vini potu nonnihil exhilarati
præfidiarii ac cives , iteratam finito
prandio majori cum apparatu moliantur
eruptionem. Sed quo negligentiores
mane, eo vigilantiores pomeridie
invenère Rakocianos. Ipse Princeps
Rakocius universas equitum suorum
copias post latus cujusdam montis in-
structas tenebat, tormenta ex quibus
clavi ferrei eximi potuère , contra in-
gruentes onerata & directa : Nihil ta-
men his difficultatibus præpediti erū-
pentes, animosè tormenta contra eos
explosa invadunt, pedites , nonnullis
cæsis, in fugam conjiciunt, pulverem
succendunt pyrium, foramina tormen-
torum validiùs quàm antea clavis oc-
cludunt ferreis, quibus dum occupan-
tur, cum universo supervenit equitatu
Princeps Rakocius, resistitur tamen
ad occasum usque Solis ipsi, circa ve-
speram æquo tandem Marte discessum,
omnibus (præter unicum) incolumi-
bus in urbem regressis. Retrahit se-
quenti

quenti nocte destructa Princeps Rakocius tormenta, diebusq; nonnullis re-
fecta, versus occasum solis aggeribus
more militari erectis, civitatem Cibi-
nensem tormentis quater nititur, ir-
rito tamen cum effectu, magna enim
loci distantia, risui potius quam terrori
erat urbi. Animadverso Colonellus
Gaudi vitio, paulatim urbi appropin-
quans, tres successivè erigit aggeres, in
proximiori que collocatis tormentis,
partim propugnaculum quoddam ur-
bis, partim verò ipsam urbem tormen-
tis quinque quater non desistit. Nec
his contentus, ignitos sub noctes in ur-
bem globos jaculatur sine fructu. To-
tâ hyeme particulares è civitate adver-
sus obsidentes eruptiones, illorumq;
cum his pugnæ, cum levi nunc hujus,
nunc illius partis damno continuatæ.
Cognita hæc cuncta Ottomanicæ Por-
tæ, quamvis enim tabellariorum qui-
dam naso, auribusque mutilati, quidam
verò palo per Rakocianos insuti, duo
tamen

tamen feliciter iëre ac rediëre, de subsidiiis Vere ineunte mittendis asssecurationem reportantes. Purpurato interea Budensi, ut universis Europæis Turcarũ Imperatoris exercitibus congregatis, Hajdonibus, qui præcipui semper Principis Rakocii promotores extiterant, prius deletis, eum regno exturbet, obsidionemque solvat Cibiniensem, demandatum. Paret ille, congregatisque, præter lixas & calones, vigin-tiquinq; circiter millibus armatorum, motis mense Aprili castris, trajectoq; juxta oppidum Fellak Marusio, versus regionem Hajdonum dirigit gressum.

SECTIO XXV.

COgnita hæc obsidionẽ Cibiniensem continuanti principi Rakocio, *Vice Capitanco quocirca Varadiensi Francisco Gyulai*, ut Hajdonibus Comitatuque Bihariensi congregatis, imminenti resistat hosti, demandatum. Qui dicto audiens, eorum quos memini cohorti-

hortibus suffultus, vadum fluvii Hortobágy, quo hosti, Hájdones invadere volenti necessario transeundum erat, occupat, literisq̃ue per rusticum quendam ad Purpuratum Budensem (Szejdi Amhet Passam) missis, *nisi cum suis periclitari velit, ut à suscepto desistat itinere, hortatur.* Purpurato prædicto, unico à fluvio Hortobagy miliari castra habenti allatæ sunt literæ. Qui convocatis ex templò primoribus, *minis se Francisci Gyulai territum, ulterius non audere progredi simulat. Mirantur hominis (alias) audacissimi simulatum illi timorem, inceptoque ne desisteret, cum in acie fortiter dimicando cadi, quam jussu Imperatoris ignominiosam subire mortem honestius sit, hortantur.* Post vanas tandem simulationes, classicum repentè canere jubet, totoq̃ue exercitu celeriter moto, prius prædictum fluvii vadum superat, quàm de ipsius itinere quicquam Hajdonibus Gyulaioq̃ue constaret. Visis itaq̃ue ab
eorum

eorum excubiis purpurati exercitûs antecursoribus, relictis (sicut cœnæ affidebant) ferculis, cultris, aliaque supellectili, velocissimè omnes, quò quemque metus ferebat, nemine persequente aufugère : Franciscus Gyulaius ex fugâ Varadinum se recepit. Purpuratus Budensis eodem unde illi fugerant locat castra, quod unicum familiis Hajdonum salutem peperit, sub noctemque ad tutiora secedendi occasionem præbuit, eodem enim die persequentibus eas Turcis, omnes in propriis opprimi potuère domiciliis.

Sequenti die ad populandum egressi Turcæ, totam circumcirca regionem, usque ad oppidum Bihar, quod Varadino unicum saltem miliare distat, rapinis, incendiis que replevère, Franciso Gyulai, qui exitium Purpurato Budensi minatus fuerat, incendia ac fumos è muris prospectante, ob idque metu perculso. Similis Varadiensis quoque urbis incolæ terror invaserat,
con-

congregati itaque universi, quid facto opus sit, cum dicto Vice Capitanco consultant; tandem quicquid per eum cum Purpurato Budensi fuerit conclusum, sanctè se observaturos, præeunteque reliquos jurantes ipso Vice Capitanco Vice Comitem Comitatus Biharientis Martinum Boldvai jurejurando asscuratum, adeum cum adjunctis destinant legatam. Qui durioribus primum verbis ab eo exceptus, tandem in gratiam recepti Varadienses, populationes, incendiaque prohibita, quod tempestivè ad obedientiam redeundo, imminetia non præcavissent pericula, quibus libenter se parsurum fuisse jurat per caput potentissimi Imperatoris sui, negligentia eos multum accusante Purpurato; nihilque aliud nisi contra Principem Rakocium, capitalem Ottomanica Porta hostem certas sistant cohortes, imperat. Relata hæc per dictum Vice Comitem Martinum Boldvai, gratanterq; accepta à Gyulaio Varadiensibusque. Destina-

stinatus cum tribus ipsemet Vice Comes cohortibus, nonnullis è numero primorum superadditis, qui conjungens se Purpurato Budensi, fuit tam itineris, quàm pugnae, quae inter eum ac Principem Rakocium paucos post dies commissa est, individuus comes, ut inferius patebit.

SECTIO XXVI.

Progressus versus regionem Szilágy dictam cum exercitu Purpuratus Budensis, castellum Pocsaj dictum, (quod inter paludes fluvii Hortobágy per Georgiam Rakoci seniore erectum, cohorte Germanorum peditum, Hungarisque multis illuc se recipientibus munitum erat) uno praeterierat miliari, dum contra impedimenta se sequentia, eruptionem illinc factam, nonnullosque caesos, audit, fremit, laesus ab iis, quos laedere noluerat; Totoque cum exercitu regressus, quamvis circumcirca aqua humerotenus profunda, quin imò

imò nonnullis in locis eò profundiore, quæ nonnisi nando superari poterat, esset munitum, ipse inter natantes totus madidus, unico cepit insultu, universisq; cæsis, aut captis, castellum ipsum solo æquavit. Ulterius illinc per regionem Szilagy dictam Transylvaniam versus progressus, castellum Principissæ Rakocianæ Somlyo, prius expilatum, comburit.

Cognita hæc cuncta Principi Rakotio, obsidionem Cibiniensem solvere eum coëgere, generalem itaq; universi regni exercitibus expeditionem bellicam indicit, parvè cuncti, maximè verò Siculi, quorum vix major numerus memoriâ nostrâ in castris apparuit; Francisco quoque Gyulaio ac Varadiensibus, ut quanto plures possent in subsidium suum transmittant copias, demandatum. Qui, Martinum Boldvai, Comitatus illius Vice Comitem, cum certis cohortibus, nonnullisq; nobilibus ad Purpuratū Budensem per
COS

eos expeditum, seque summissimè ipsis juramento obstrictum, immemores, longè ampliores in succursum Principis Rakocii, quàm Purpurato Budensi tradiderant, misère copias. In pugna-
 que Gyaluinâ, raro, in Transylvaniâ exemplo, invicem cohortes Varadianæ inter se conflixère, sicut inferius clariùs patebit.

SECTIO XXVII.

Limitibus Transylvaniæ appropin-
 quante Purpurato Budensi, cum stipendiariis, regni-que exercitibus, inter Claudiopolim, vicum-que Szamosfalva, juxta fluvium Samosium habebat Princeps Rakocius castra, audita-
 que exercitûs hostilis numerositate, suos ampliare satagens, omnium delictorum per Sacrificulum quendam pagi Csüüllye, immunitate Valachis prædonibus promissâ, sexcentos ex iis congregatos secum habebat, universis præterea rusticis, ut contra commu-
 nem

nem Christianitatis hostem armati pre-
sto essent , inunctum : verum illi an-
gustiâ temporis exclusi interesse ne-
quivere. Exercitibus interea Turcicis
appropinquantibus , motis Princeps
Rakocius castris ultra Claudiopolim,
inter eam, arcemq; Gyalu, illinc ulte-
rius progressus inter pagum Kapus, ar-
cemq; Gyalu figit castra. Hoste unius
saltem diei itinere ab eo distante , pri-
matibus , universisq; exercitûs officia-
libus cōvocatis, quid factæ opus sit, de
summâ rerum consultatur. Apparebat-
que Principem Rakocium, multitudi-
ne hostis motum, spe majoris contra-
hendi ex Hungariâ exercitûs, ad retro-
cedendum fuisse proniorem.

Verum officiales pleriq;, inter quos
Michaël & Clemens Mikes, Andreas
Gaudi, Sicularum, stipendiariorum-
que cuncti fermè Capitanei, pugnam
vehementer urgebant, quin potius An-
dreas Gaudi, (cujus maxima in re mili-
tari erat opinio virtutis) plus iusto
G com.

cominotus, nisi pugnaretur, depositis in perpetuum armis, anui cuidam se ferviturum dicit. Intellecto cunctorum Princeps Rakocius consensu; *Ex visceribus suis quoque non lac sed sanguinem effluxurum respondit*; (Vetus illud apud milites inter Hungaros proverbium.) Decernitur itaque pugna, castraque ultra arcem Gyalu reducta, inter eam, vicumque Fenes collocantur. purpuratum Budensem cum suis Claudiopoli imminere, castraque inter eam ac pagum Szamosfalva fixisse eadem die auditum, ne itaque per eum ex improviso opprimeretur, eadem die, nocteque sequenti instructum cogitur Princeps Rakocius tenere exercitum.

Castra purpurato Budensi in vicinia civitatis Claudiopolis (ut præmissum) habente, Martinum Boldvai Comitatus Bihariensis Vice Comitem, quem cum certis cohortibus ad se à Varsadiensibus missum, secum habebat, acciri

acciri jubet, ut tribus è nobilibus sibi
subjectis Claudiopolim expeditis, no-
mine suo deditioem urbis, commea-
tusque iis imperet, mandat. Joannem
Szilágyium, Stephanum Décsei, ac ter-
tium, de cujus nomine non constat,
mittit ille. Qui urbem ingressi, extem-
ploque à civibus, nec omnino invitī,
(præcipuè Joannes Szilágyius, qui Ra-
kocianis semper partibus adhæserat) ad
Principem Rakocium sunt missi. Qui
austerioribus ab eo excepti verbis, in
captivitatemque conjecti, in scio (ut
plerique asserunt) dicto Principe, ius-
su Andreæ Gaudi paulò post occisi.
Quos ad Principem Rakocium misisse,
visâ exercitûs Turcici multitudinem, eo-
dem die pœnituit Claudiopolitanos,
terrore enim perculsi, largo in castra
Turcica commeatu præbito, non ipsis
cogentibus, sed suapte eos ad P. Rako-
ciū ivisse, juramento (utrum verè ipsi
norint) asserunt. Proximè sequenti die
(sabbato nimirum) ad pugnam utri-

que se accingunt, quod ut exactiùs intelligi possit, Turcicum ab Oriente Occidentem versus, Principis autem Rakocii exercitum ab Occidente Orientem versus inter se congressos consideres ; Acies autem inter se oppositæ hoc modo dispositæ erat.

SECTIO XXVIII.

CLaudiopolim, vicumque Monastor transgressus cum suis Purpuratus Budensis, juxtaque oppidum Fenes (cum eâ dispositione ut confestim tentoria erigerent, quod etiam factum) relictis caloribus ac impedimentis, perditatum omnem (inaudito antea apud nos exemplo) in duo exercitûs dividit cornua, partem à dextrâ fluvium Samosium (qui vado facile illic transiri poterat) trajicere, ex nemoreque quodam à latere Rakocianos ferire jubet ; partem à levâ sub radicibus cujusdam montis excelsi, versus pagum Lona tendere, à tergoque hostes adoriri mandat : Equitatum

tatum verò, quo adeò abundabat, ut vix, imò ne vix quidem caperet in uno dispositos ordine istius loci planicies, in duplicatum digerit corpus, Huszaim Passam, qui antea Agriensibus, tunc Jeneiensibus ac Temesvariensibus praeerat, cum viginti circiter vexillis in unam aciem coactis, precedere jubet, ipse verò reliquo equitatu in unam eamque contiguam aciem disposito, totam implet planiciem, ipseque cum equitibus Varadiensibus Vice Comiteque Martino Bolduai ac propriâ pratoriâ cohorte medius subsistit; contingente tam à dextrâ quàm sinistrâ peditatum equitatu.

Princeps Rakocius ex adverso, numero militum longè inferior, sic disposuerat acies: Quamvis exercitus ipsius totam planiciem (quemadmodum Turcicus) minimè impleret, ne interim prima cohortes subsidiis destituta flaccescerent duplicatas ipse quoque sed inter se distinctas ordinavit acies. Latum Hungarici exercitus cornu (quod dex-

tro erat oppositum Turcico) Gregorius Kováts cum decem vexillis in unum corpus redactis (veteranus miles) regebat, qui à dextrâ Siculos Sedium Siculicallium (provincias ita iis appellare mos) Sepsi, Kezdi, & Orbai, illi verò itidem à dextrâ reliquos Siculos in certas cohortes more militari dispositos habebant. In medio peditatus (qui tam numero quam robore mediocris) collocatus, octo in colliculo quodam tormenta campestria collocata habebat, à dextrâ ipsorum stipendiarum equites (præter Onadianos, quos pro sui custodiâ reliquerat, erant collocati, eis pariter à dextrâ Sacrificulus Csűrűtlyei cum sexcentis adjunctus erat predonibus, hæc erat tota exercitus Rakociani prima facies.

In subsidiis à levo suorum cornu Varadiensæ locaverat cohortes, quibus à dextrâ vexillum (quod Generale) cum aulicorum turmâ erat collocatum, à dextrâ itidem eorum, ipse Princeps cum decem cohortibus Onadianorum, quos
tan-

tanquam sibi fidelissimos, veteranosque milites ad incerta belli, sui que custodiam reservaverat, erat prasens. Ulterius dextram versus tendende in certas distributi cohortes Comitatus regni Transylvania locati.. Lixas verò & calones, in maximam turmam coactos, à tergo reliquerant, qui quamvis procul visi, ampliore vero representabant exercitum Rakocianum, verum (ut inferius patebit) sub initium pugnae, fuga sibi consulentes, hostibus addidère, suis verò ademerè animum.

S E C T I O XXIX.

DIspositos hoc ordine contrarios exercitus, fluviolus transitu difficilis interfluebat, hostes in ipso transitu hæsitantes invadere Princeps itaque Rakocius decreverat, cui intentus, Huszaim Passam cum suis fluviolum transire satagentem, Gregorius Kováts, Siculi que viriliter exceptum, cum toto suorum robore, plurimis cæsis, in fu-

gam compulêre; Properavêre in medio collocatæ quoque utriusque partis cohortes inter se pugnam inire, verum prædicti rivuli difficultas (cujus supra meminimus) utrinque eas inhibuit, in cujus ripis, quamvis valde vicinæ, sine pugna stare cogeantur. Quo equitatus Turcicus perspecto, versus vicum Lona, sursum tendendo, alam exercitus Rakociani dextram circuire cæpit, in quâ Sacrificulus Csürüllyei Georgius cum sexcentis prædonibus, ac stipendiarii equites Principis Rakocii erant locati. Quo lixarum & calorum à tergo relictæ multitudo viso, tota, nemine persequente fugiens, Turcas ad pugnandum incitavit, suis verò etiamnum pugnantibus metum incussit. Similis cohortibus in primâ fronte collocatis strenuè adhuc rem gerentibus in medio collocatas quoque subsidarias acies terror abstulit. Sacrificulus Csürüllyei cum suis prædonibus viriliter Turcas aggressus, universis amissis,
vix

vix cum paucis evasit. Dum hæc inter dextrum Rakocianorum sinistrumque Turcarum cornu gererentur, Huszaim Passæ cum suis fugienti, ac penè perituro succurrit Purpuratus Budensis, Gregoriique Kóváts ac Varadiensium cohortibus à toto exercitu seclusis, circumventisque, in orbem eas pugnare cogit. Quas Princeps Rakocius videns extremè laborantes, properat succurrere, periculoque eripere, cohortes Onadianas, quas pro sui custodiâ reservaverat, se non sequi minimè animadvertens, invadit itaque cum paucis animosè Turcas, occisisque ipsemet nonnullis, ingruente tandem multitudine, quatuor vulnera, duo in capite, reliqua in aliis corporis partibus sustinuit, quorum unum læso in capite cerebro, paucos post dies fatalem (ut inferius patebit) acceleravit ipsi horam, vulneratus tamen pugnae per suos exemptus. Sub idè fermè tempus supervenere dispositi ab utroque cornu Turcarum pe-

ditæ, circuitisq̃ue à lateribus ac tergo Hungaris, tanto omnes pavore in fugam compulêre, ut pars eorum obtrito proprio peditatu vitæ suæ consuleret, reliqui quo quemque sors ferret, dilaberentur. Gregorius Kováts (paucis exceptis) cum omnibus suis periit. Ex Varadiensibus, qui contra juramentū nuper præstitum (desertis in periculo iis, quos cum Vice Comite Martino Boldvai ad purpuratum Budensem miserant) in succursum principis Rakocii venerant, pauci evasêre: totus peditatus concisus; tormenta octo capta, vexillum prætorium (quod Generale appellatur) cum aliis multis interceptum, impedimenta q̃ue omnia. Inò (nisi Turcæ Húgaros persequi destitissent) ipse princeps Rakocius vulneribus debilitatus, ob id q̃ue equo ampliùs insidere minimè valens, vivus in potestatem eorum devenisset: sed iis ultra arcem Gyalu non progressis, carpento impositus per fluenta Crisii Varadinum

num versus, nemine persequente v-
ctus, dictam tandem arcem ingredi-
tur. Ne vulneribus quidem distentus
despondens animum, missis quin poti-
ùs per totum Transylvaniæ regnum li-
teris, eos qui viriliter in pugnâ se gesse-
rant laudat, ut ad bellum contra Otto-
manum denuò se accingant animat,
propediemq; se succursurum promit-
tit. Verum decimo octavo post accepta
vulnera die Varadini humanis exem-
ptus, per filium, conjugemq; Ecsedi-
num transportatur.

LIBER TERTIVS.

BREVIARIUM LIBRI

TERTII.

Princeps Barcsains Cibinio egresso Pur-
purato Budensi (Szeidi Amhet Passa
dicto) conjungitur. Cum eodem Hungariã
versus tendit. Mortem Principis Rakocsi
certas ob causas aliquandiu celat. Gabrie-

lem Haller legatum ad Ali Passam expedit, qui ab eo arestatur. Ipsemet Princeps Barcsaius Ali Passam adit. Quem ille Varadinum versus secum ducens aresto subijcit. Gabrieli Haller compedes ferreas rara magnitudinis injicit. Purpuratus Budensis Szecdi postquã Principẽ Rakociũ profligasset ab Ottomanicã Portã victoriã ipsius adhuc ignarã degradatur. Insignis fortalitii Varadiensis descriptio, obsidio, deditio. Princeps Barcsaius aresto, Gabriel Haller captivitate soluti Transylvaniam remeant. Rebello Siculorum Sepsi, Kezdi, Orbai ac Csikiensium orta, aliquantulum compressa. Joannes Kemenyius Transylvaniam invadit, occupat. Principem Barcsaim principatu, mox vitã exiit. Cum Imperatore Romanorum confederationem init. Purpuratus Ali Passa Transylvaniam invadit, urit, Kemenyium regno exturbat. Qui auxiliis Imperatoris Romanorum suffultus eam recuperare nititur, sed incassum. Ali Passa Michaëlem Apasiũ Principem Transylvan-

Sylvania constituit. Ipse Temesvarinam
inhyberna secedit. Kemenyius Apasium
Sessurgi obsidet. Cui Kucsuk Memhet
Passa succurrit. Cum Principe Kemenyio
pugnam init, Triumphat. Kemenyius la-
psus equi perit. Claudiopolis, Szamosujvar,
Betlen, Kôvar, Szekelyhida, praesidiis sua
Majestatis munita resistunt. Excursionibus
premuntur. Claudiopolis jubente Ali
Passa per Principem Apasium ac Kucsuk
Passam irrita successu obsidetur. Franci-
scus Szentgyörgius Episcopus Vaciensis iis-
dem in castris de pace quasi tractaturus
Principem Apasium adit. Qua prius
promiserat, revocat. Per Kucsuk Passam
Temesvarinum transmittitur. Generalis
Schnejdan praesidio Claudiopolitano suc-
currit. Quo appropinquante Kucsuk Pas-
sa retrocedit. Gabriel Haller ad Ali Pas-
sam legatus à Statibus regni expeditur.
Episcopus Vaciensis Temesvarini fato fun-
gitur. Kucsuk Passa insolita in Transyl-
vania exactiones. Pax inter duos Impe-
ratores diu tractata difficultatibus subin-
de

*de novis intervenientibus finem sortiri
nequit. Gesta hæc annis tribus.*

SECTIO I.

Purpuratus Budensis (Szeidi
Amhetpassa) audiverat quidē
(sed incerto authore) vulne-
ratū Principem rakociū, mi-
nimè tamen fidem adhibens, sive adhi-
buisse simulans, non persequitur Vara-
dinum versus ex pugnâ se recipientē ,
sed reflexo Claudiopolim, ac illinc op-
pidum Dés versus itinere , juxta flu-
vium Samosium paulatim ducit exer-
citum , dietim plurimos ex iis qui in
pugnâ vulnerati erant sepeliens. De
numero Turcarum in pugnâ cæso-
rum sciscitati nonnulli Transylva-
norum , verūm mirâ fide per eos
celatum , interim cruentissimam se
reportasse victoriam, pluresque non-
gentis illic vulneratos in castris es-
se fatebantur cuncti. Hungarorum ul-
tra

tratria millia cæsa; profligati principis Rakocii rumore ad principem Barcsaium perlato, Cibinio (ubi longam traxerat moram) egressus, purpurato Budensi castra penes Samosium juxta pagum Boncida habenti conjungitur, literis ad universos Status ut armati præstò essent confestim evulgatis, parvè plerique, nonnulli (inter quos Csikienses, ac Sepsi, Kézdi, & Orbai Sedium incolæ) auxilium à principe Rakocio (quem vivū credebant) certo certius sperantes, minimè. Expeditus inter reliquos à principe Barcsaio ad Siculos in bellū cogendos, Magnas quidam Michaël Toldalagius, cui, ut in itinere Sespurgum (civitatem Saxonicalem) divertat, eosque ad obedientiam declarandam, legatos ad principem Barcsaium expedire jubeat, demandatum. Infelici suo fato paret ille. Verum Sespurgenses, qui ex universis Saxonibus primi à principe Barcsaio desciverant, omnes ejus fideles acerrimè

mè erant persecuti, quid meriti essent, sibi conscii, Principemque Rakocium, in quo spem totam collocaverant, decessisse, aut victum esse, minimè credentes, eum ingressum, quave de re venisset inauditum, cum quodam nobili Michaële Simon, immani rabie frustratim diffecuerè.

Conjunctus juxta oppidum Boncida Princeps Barcsaius Turcicis castris ut penes fluentia Samosii Hungariam versus promoveret Purpuratus Budensis castra, diverso tamen utriq; respectu cōcludere, Princeps Barcsaius (qui excessum quamvis Principis Rakocii nondum audiverat, lethaliter tamen eum decumbere à nonnullis erat edoctus) ne decedente eo, intra limites regni Transylvaniæ id ipsum subaudiens Purpuratus Budensis, regnum occupaturus, subsisteret, metuens, ob idque quàm citissimè eum educere laborans. Ille, ut Rakocium (quem vivum & convaliturum credebat) exercitus reparātem,

tem, nondum satis instructum præocupare posset, festinans; Fratre itaque germano Gasparo Barcsaio, Georgioque Lázár Consiliario, ac regni Protototario, per Principem Barcsaium ad procuranda regni negotia relictis, motisque; oppidum Sibo versus castris; Judex quidam nobilium Comitatus Biharientis celeri circa meridiem cursu supervenit, decedenteque; in conspectu ejus Principe Rakocio, eorum à quibus missus erat, (hi erant universi ferme Varadienses primores) literas exhibet. Sed sub pœnâ mortis, donec Purpuratus Budensis cum suis regno excederet, tacere jussus. Continuat itaque per tres dies itinere, penetratis in ditionem Regis Hungariæ quarto die castris, dictum Judicem nobilium eadem quasi horâ Varadino appellentem, mittit ad Purpuratum Princeps Barcsaius, qui de morte Rakocii per eum edoctus, viginti aureis donatum latus dimittit.

SECTIO

SECTIO II.

Nondum haëtenus in Ottomanicâ
 Portâ Principis Rakocii interitus,
 resque Purpurati Budensis Szejdi Am-
 het Passæ feliciter gestæ cognitæ, ideo-
 que tanto impar negotio judicatus, cū
 universis Europæis, Asiaticisq; exer-
 citibus, ad dictum Principem (jam de-
 functum) armis persequendum Pur-
 puratus Ali Passa missus, Albam pri-
 mū Græcam, mox Temesvarinum
 pervenit. Omneque Szejdi Amhet Pas-
 sæ munus ademptum, Ismaële quodam
 in Purpuratum Budensem (qui tamen
 Ali Passæ subsit) ordinato. Miræ insu-
 per ex Ottomanicâ Portâ ab Oratore
 continuo Transylvanorum Valentino
 Szilvási ad principem Barcsaium lite-
 ræ, in quibus *propensum erga regnum
 Transylvanie ac Principem Barcsaium
 Ottomanica Porta ac Ali Passæ ani-
 mum multis verbis commendat, ut le-
 gatus confestim pro relaxandâ regno*
impo-

*impositâ summâ ad eum mittatur, (ir-
ritum minimè fore ejus laborem spon-
dens) suadet. Secutus consilium ipsius,
Gabrielem Haller Consilarium ad Ali
passam expedit princeps Barcsaius, qui
præter expectationem omnium, inho-
nestè ab eo exceptus, paucos post dies
arestatur; iterato Varadiensium ad
principem Rakocium transfugio, ejus-
demq; in arce Varadiensi decessu, (quæ
omnia in portâ Ottomanicâ jam cog-
nita) ansam indignationi præbentibus.
Integram præterea quingentorum im-
perialium summam (quæ regno erat
imposita) per dictum legatum se rece-
pturum crediderat Ali Passa, cujus per
Gabrielem Haller ne minima quidem
pars allata fuerat. Rescribit hæc omnia
Principi ac Regno dictus legatus, nisi
aliqua specificata summæ pars, ad le-
niendum Ali Passæ furorem extemplo
transmittatur, extremum regno immi-
nere periculum significans. Principi
Barcsaio cum Szejdi Amhet Passâ jux-
ta*

ta Ecsedinum castra habenti, allatæ literæ, qui, ante complures annos, dum Principe Rakocio seniore vivente, in Portâ Ottomanicâ legatione fungeretur, Ali Passæ notus, ob idque magnam in amicitia ipsius spem collocans, legatione prædictâ minimè succedente, ipse pro regno deprecatum adire Ali Passam statuit. Mittit etiam in Transylvaniam Joannem Betlenium & Franciscum Keresztesi, Consiliarios, regni Status (nisi funditus perire velint) ut extraordinario ipsimet imposito tributo, publicæ succurrant necessitati, per eos admonens.

Incertus antea apud Szejdi Amhet Passam degradationis suæ rumor, hic certius apud eum (nec sine ingenti animi mœrore) constitit. Impobat Principis Barcsaii Ali Passam adire volentis (sive ei perspectâ hominis naturâ, sive gloriâ adversarii ipsum pungente) intentionem, Szejdi Amhet Passa, sed manet in proposito ille.

SECTIO

SECTIO III.

Progressus itaq; Varadinum, illinc Jenõ versus dictus Princeps, Ali Passam, qui Gabriele Haller legato secum ducto, Temesvarino semoverat, inter Lippam & Jenõ arces habet obvium, à quo non satis læto excipitur vultu. Innumeram exercitûs ejus multitudinem, apparatusque tormentorum (nil boni ex iis præfagiens) cum stupore intuetur, obsidionem arcis Varadiensis (quamvis mirâ fide eam Ali Passa celaret) mœstus conjectans. Quam, dicto Ali Passæ contra solum principem Rakocium (qui renitente portâ Ottomanicâ Transylvaniam manutenere voluerat) expedito, sub initium itineris minimè demandatam fuisse, verum iteratâ istius arcis ad toties dictum principem defectione, ibidemq; facto ejus decessu innotescantibus, Temesvarini jâ moranti, eâ de re imperatoriû supervenisse mandatû certò constat.

stat. Degradatus quoque Szajdi Amhet passâ subtristis Ali passæ conjungitur, traditoque ipsi exercitu, per eundem, ut celeri cursu Varadinum properans, urbem occupet, incolâsq; ejus in captivitatem asserat, expeditur: verum Varadiensibus obsidionem arcis futuram, urbemque ne per hostes occupetur, ipsiisque nocumento sit, metuentibus, incendientibusque, inutilis fuit labor. Principi Barcsaio (de Varadino sibi tradendo) aperit tandem animum Ali passâ; Gabrieli Haller legato per ipsum arestato, qui Supremus ejusdem arcis Capitaneus quondam fuerat, sub poenâ mortis, ut confestim eam resignet, imperat. Verum illi nec voluntas, nec potestas erat jussu præstandi; compedibus quocirca ferreis duabus, sexaginta trium librarum pondere oneratur, nec prius nisi expugnato insigni hoc fortalitio dimissus, ut inferius patebit. Princeps quoque Barcsaius intensissimâ circumclusus custodiâ, are-

sto

sto subicitur. Cujus ut arcis situs, mun-
nitio, inæstimabiliq̃ue totius Christia-
nitatis cum jacturâ amissio, lucidiùs
constet, hæc mi lector breviter accipe.

S E C T I O IV.

INsigne fortalitium Varadiense, in
planitie juxta ripam Crisii fluvii ere-
ctum intelligas, quod dictus fluvius à
Septentrione præterlabitur, ab Oriente
carecta quædam, aliàs (ut incolæ cre-
diderant) vix pervia, in latitudinemq̃ue
justam patentia, à Meridie & Occasu
amplissimam urbem, aut veriùs pagum
(cum nullis mœnibus munita sit) à
Septentrione dictum fluvium ultraq̃
eum excelsa eaq̃ue plurima vineta,
adèò tamen remotè ab arce distantia
(ut nullis, sicut falsò hætenus credi-
tum, illinc tormentorum metus) habe-
bat; Arx ipsa duplex, exterior quin-
q̃ue latericiis, iisq̃ue maximis propu-
gnaculis, si antiquorum opera conside-
res, regularibus, latâ præterea profun-
daq̃ue

daque fossâ, quæ præ metu hostili undâ plena erat, muniebatur; interior, totidem quidem habebat propugnacula, sed ejus mœnia in altum erecta, palatiorum simul arcisque repræsentabant usum; egregia in pace degentium commoditas, sed (ut inferiùs patebit) magnum arcem defendentibus exitium. Tormenta grandia, minoraque, ac munitiones in tantâ copiâ, ut expugnata etiamnum arce, satis superesset. Cômatus non quidem multus, sed sufficiens. Verùm præsidium octingentorum & quinquaginta cujuscunque gradus & officii (præter pueros & fœmellas) virorum, cum capacitas arcis quinque ad minimum præsidiariorum exigeret millia: Ingens itaque hic defectus, certum arci peperit excidium. Verùm quo auctore intelligendum? Eorum, (quos supra meminimus) operâ ad Principem Rakocium desciscente arce Varadiensi, ibidemq; dicto Principe ante paucos dies fato fûcto, Frânciscus Gyulaius

larius ejusdē arcis Vice Capitaneus, Michaël Teleki, aliiq; factionis ejus principes, pietatis erga defunctum herum suū obtentu, Ecsedinum exanime Principis Rakocii corpus comitati, imminetibus se exemere periculis. Arx certo destituta Domino, quo in tantā extremitate confugeret dubia, tam Principem Barcsaium per literas, quàm regni Ungariæ Palatinum, eoq; intercedente Hungariæ Regē, per Martinum Boldvai Comitatus Bihariensis Vice Comitem (qui post pugnam Gyaluinam à Purpurato Budensi Szejdi Amhet Passā dimissus redierat) de subsidiis mittendis requirit. Verùm Princeps Barcsaius extra regnum in itinere Ali Passam versus suscepto requisitus, tempore simul & mediis destitutus, succurrere nequit, *Sacratissimam Imperatoriā Majestatem de subsidiis mittendis requirit alter*, sed tanti momenti negotio longū desiderante consilium, antequam, quid in re tam arduā facto opus esset, cōclu-

H decre-

deretur, (ut inferiùs patebit) actum de Varadino. Externis itaq; subsidiis destituti Varadienses, tam cives quàm præsidiarii, ad extremum usque arcem se propugnaturos, alteros alterisque si necessitas ingrueret auxiliaturos per Deum jurant: verùm prædictos octingentos & quinquaginta viros, violato juramento, reliquos clam se subducere metus compulit. Ad tam exiguum itaque redacti numerum, omni-que auxiliorum spe destituti, obsidionem tamen subeundam decernunt. Quæ inchoata est in hunc modum :

S E C T I O V.

DEcima quarta Julii [1660] cum innumerâ suorum, multitudine appropinquans arci Ali Passa, ab Oriente extra jactum tormentorum, locatis interdiu castris, in partem urbis (Vellence ab ipsis appellatam) inter arbores magno cum suorum commodo, arcis verò incommodo, sub noctem (ipse met

in

in iis præsens) principalia transfert castra; Altera ab Occidēte sub directione Szejdi Amhet Passæ, in utraq; Crisii fluvii ripa; Tertia à Septentrione intervineta, Aranyas & Ablakos dicta locat.

Sequenti 15. nimirum Julii per proprias, Principisq; Barcsaii, (quas extorserat) literas, deditiōem arcis sollicitat. *Dedentibus liberam omnium rerum cum incolumitate possessionem offerens, acerbissimam econtrà refragantibus mortem minatus. Verum præsidarii, etiamsi quicquam temporibus retroactis, quod Ottomanicæ Portæ displicuisset per eos patratum prætendi posset, in gratiam tamen à Szejdi Amhet Passæ ante paucos dies recepti, assécuratoriisque ejus literis muniti, pro fidelibus potentissimi Imperatoris semet agnoscētes, ne obsidione præmantur rogant, quæ nisi solvatur, juramentales dicti Szejdi Passæ literas perdice se appensuros, Deumque perfidiæ illius ultorem affuturum certò se credere asserunt.* Vide-

banturq; verba eorum aliquo niti fundamento, quamvis enim semel à dicto Szejdio in gratiam recepti, Martino Boldvai Vice Comite ejusque sociis (quos tanquam obsides ad ipsum expediverant) in periculo relictis, denuò Rakocio adheferant, decedente tamen eodem, iterum per Szejdium (degradationis propriæ ignarum) erant affecurati, sed nullus apud Ali Passam affecurationis illius respectus. Frustratus hac spe Ali Passa, è regione propugnaculi (quod Rubrum appellatur) ab ortu solis erecto aggere, undecimque in eum collocatis majoribus tormentis dictum propugnaculum, prætervolantibus tamen globis, parvo cum incommodo quaterere incipit. Nec eo contentus, ultra fluvium Crisium in promontorio Ablakos dicto à Septentrione erecto altero aggere, trigintaque Falconetis illuc trās latis, interiora arcis per quindecim continuos dies, sed prætervolantibus globis sine fructu infestat, ter-
tiâ

tiâ tandem septimanâ cognito errore, exactius deorsum directa tormēta, interioris arcis mœnibus (quæ in altum erecta erant) vi tormentorum corruētib, fragminibusque lapidum longè plures, quàm globis tormentorum, enecantibus, milites ad defensionem propugnaculorum collocatos, imbellemque in arce mulierum ac parvulorum multitudinem ingenti cum strage prostrarunt, hæcque prima & maxima præfidiariorum clades.

S E C T I O VI.

LEntius difficilisque opinione succedentibus Ali Passæ rebus, tormentisque Hungarorum, mille sine appropinquatione jam amissis militum, irâ simul & dolore exacerbatus, tertium ab ortu solis contra propugnaculum, quod Auratum dictum, erigit aggerem, desertoque proprio tentorio coopertam versus arcem cum imensâ suorum multitudine promovet viam.

tam capacia in quibusdam locis, ut mille Janizari simul subsistere, nec lædi, aut videri possint, excavans loca, usq; ad marginemq; fossæ procedens (ibi-
dem ipse met moratus) aggere immensæ capacitatis erecto, plura eaque maxima in iis collocat tormenta; quibus Auratum & Rubrum dicta propugnacula per complures dies magnâ cum moenium ruinâ, præsidiariorumque cæde quatit. Non tamen elanguere tot malis eorum animi. Quartus itaque à Septentrione in promontorio sancti Stephani denuò erigitur agger, unde pro lubitu Turcarum interiora arcis magno cum præsidii incommodo infestata.

Quintus itidem in promontorio sancti Petri erectus, simili eos clade affecit. Animosè econtrâ Hungaris vel tot calamitatibus pressis rem gerentibus. In præsentia tandem magnatum Turcicorum convocatis Ali Passa tormentorum suorum magistris, qui ferme

mè omnes dulcedine præmiorum pel-
lecti deserto Christi cultu ad Mahume-
ti sacra transfugerant, nationeque Itali
erant, *quid contra arcem factò opus sit,*
consultat. Illi, nisi aqua è fossâ alior-
sum derivetur, nec vineas promovere,
nec cuniculos posse moliri, respondent.
Toto itaque ad derivandam aliquor-
sum aquam intentus nisu, è regione
propugnaculi Aurati à fluvio Criho ar-
cem versus à Septentrione, ingenti per
viginti tres dies, totidemq; noctes to-
tius exercitus indefesso labore fossâ
ductâ, potiorem aquæ ibidem existen-
tis partem Crisium versus derivat. Non
parva tamen adhuc restabat in fossâ a-
quæ pars, prædictaque impedimenta
necdum sublata videbantur; Magna
interim aqua in conspectu Hungaro-
rum decrescens, eos mœrore simul &
timore perculerat. Interea in exitium
Transylvaniæ nata quædam meretri-
cula, in captivitatem per Turcas non
multos ante dies asserta, se, regnante

Principe Betlenio, ancillam Castellani illius arcis fuisse, dictoꝛque Principe propugnaculum (quod nunc Betlenianum appellatur) à fundamento erigente, ubinam aqua è fossâ penitus aliorsum derivata fuit, vidisse refert, magno itaq; cum applausu ad Ali Passam ducta, libertate promissâ, ad ea quę spononderat, monstranda ducitur, à quâ informati Turcæ, à fluviolo Pece dicto, rectâ versus propugnaculum Betlenianum profundâ fossâ ductâ, reliquum quod supererat circa arcem aquę exhaustum. Quo Turcæ pariter & Hungari viso, hi ingenti premi sollicitudine, illi tanquam arce jam obtentâ in immensum applaudere cœperent. Erectus itaque in spem potiundæ arcis (de quâ hæctenus planè desperârat) Ali Passa, contra propugnaculum, quod Mancum, sive destructum propterea appellabatur, (ante sexaginta quatuor enim annos Purpurato Szaterczi Memhet, cum centum sexaginta milli-

millibus oppugnante eandem arcem, sed septem millibus armatorum ipsam propugnantibus, divinaque clementiâ rejecto hoste, illud præcipuè vi tormentorum hostilium erat destructum) sextum denique erigit aggerem, dictique Mancivel destructi ac Aurati propugnaculorum defensores miserè illinc affligit, ut vix in iis cuiquam subsistendi suppeteret facultas. Ne præterea quicquam intentatum reliquisset videretur, à meridie in ripâ fossæ aggere quodam erecto, duobusque illuc tormentis grandibus collocatis, casamata Aurati propugnaculi, unde multa ipsi & suis inferebantur incommoda, occiso ejus moderatore, inutilem reddit. Nec tertium, quod Joannis Regis propugnaculum dicitur, intactum relinquere voluit, directis quin potius per complures dies illuc tormentis, superficie ejus totâ convulsâ, tormentorū ex eo usum (jaculationibus præsidiorum, multis tamen prius suorum

amissis) interioribus ademit ; ad futuram procul dubio hæc omnia præparans oppugnationem. Arcis quoque fossa aquâ jam destituta, machinationibus hostium facile patebat, prægrandis itaque (subterraneum cuniculum, cœno uliginibusque prohibentibus) in ejus ripa è regione Aurati propugnaculi erigitur agger, corbesque maximæ à dextra sinistraque terra plenæ versus dictum propugnaculum promoven-
tur, quæ ne tormentis per præsidiarios destrui possint, duplicantur, ac trabi-
bus superiùs coopertæ, terrâ profundâ contra incendia vestiuntur, totusque
per quatuor dies, totidemque noctes huic insudat operi cum suis Ali Passa,
verùm Hungari ingentia (quibus instructissimi erant) in Auratum & Man-
cum propugnacula per eosdē dies col-
locantes tormenta, totū eorum opus,
unâ cum iis qui aut laborabant, aut iis
præsidio erant, ingenti cum Ali Passæ
dolore contrivēre. Resistentibus qui-
dem

dem sed irritò cum effectu interioribus, reiteratur longe validiùs per eundem prædictum opus. Aurati, Mancì, ac Joannis Regis propugnaculorum partes superiores tormentis indefinenter interim quatientibus, exaggeribus verò, qui in promontoriis sanctorum Petri & Stephani erecti erant, interiora arcis infestantibus. Vix itaque ullus in totâ arce locus periculi expers, tormentis nihilominus sclopetisq̃ue strenuè ab interioribus res gesta, octo hostilia destructa tormenta, multi ex hostibus sclopetorum glandibus trajecti, plures vulnerati, versus itaque in furorem totus exercitus Turcicus, vix à cæde Principis Barcsaii ac suorum temperat, minas nihilominus & convicia plus satis ingerit.

S E C T I O VII.

TRigesimo secundo interea obsidionis die, 14. nimirum Augusti, miserabilis in arce casus, memoriaque
H 6 dignus

dignus contigit: Armamentariorum præcipuum, ubi granatæ, ignivomi globi, aliaque ad defensionem arcium excogitata in maximâ copiâ, pulverisque pyrii satis magnus asservabatur numerus, custodiæ Vice Castellani Joannis Kûrti commissum erat; admissio ille in domum dicto armamentario contiguam cum tota familia quodam, dum iteratis armamentarium ingreditur vicibus, ex admissi in domum jam dicti hominis familia nonnulli eum secuti, candelâ fortuitò è manibus eorum in terram delapsâ, repentino instrumenta illa ignita concepto igne, totum cum centum & amplius hominibus à fundamento, cum cohærentibus ædificiis, ingenti que fragore evertunt armamentarium. Jactura vel pacifico tempore multis florenorum millibus meritò æstimanda. In tanta autem istius insignis fortalitii extremitate, inæstimabile damnum.

Appropinquat interim ingenti cum
labo-

labore (spectantibus, sed resistere non valentibus. Hūgaris) versus propugnaculum Auratum, prius per Hungaros destructum, sed reiteratum opus, ac tandem eidem conjungitur, cuniculo-que fundamenta dicti propugnaculi aptantur. Quod præsidarios minimè latuit; concurrunt itaq; aliquid contra molituri, sed peritissimus tormentorum magister per Franciscum Gyulai, arcis Vice Capitaneum, eorum quæ in fortalitiis summè necessaria, penitus ignarum, non pridem levem ob causam exauctoratus, reliqui quamvis ad dirigenda satis periti tormenta, verum nec granatis (quibus abundabant) uti, nec contra minas promovere gnari. Unde maximus arcis defectus. Solus insignis quidam nobilis Michaël Ibranyi, supra omnium opinionem vir fortissimus, tam officialium qui se subdlexerant, supplet defectum, multus & indefessus undiquaque, quàm etiam contra cuniculum hostilem contrarium

promovere allaborat.

Egestâ itaque è propugnaculo (cui cuniculus admovebatur) terrâ, contra minam promoveri nititur, verùm advectitia, non autem solida propugnaculi terra, nisi latissimè amoveretur, facile subsidebat, duplicatus itaque, imò triplicatus labor, præsidariis, qui sub initium obsidionis, octingentorum & quinquaginta virorû non excedebant numerum, ad sexcentos jam reductis, iisque in capacissima arce adeò distractis, ut vix, imò ne vix quidem recentes fessis in labore succedere possent; Quibus mulieres puellæque promptissimè tam in labore, quàm rebus militaribus opitulabantur, sed earum non magnus numerus. Consimili (ut præmissum) contra propugnaculum Rubeum quoque artificio promotus cuniculus. Interioribus ut ei similiter ac alteri obviam irectur incumbentibus, ob idque maximè distractis, nec rem vires suas longè excedentem præstare valētibus.

Præ-

Præparati itaq; cuniculi 24. Augusti simul incensi, pro votó successére Turcarum, ingenti enim pulvis pyrius boatu ædito, trementeque totâ arce, murus propugnaculi Rubei à fundamento eversus, decem ulnarum latum aditum præbuit hostibus. Aurati propugnaculi non æquè lata ruina, integræ tamen cohorti facilem præbebat ascensum. Præstolabatur instructis ad insultumque ordinatis totius exercitûs cohortibus eventum hujus rei Alipassâ, succedente itaq; pro voto negotio, ad distrahendos procul dubio præsidarios, sex circiter millia, propugnaculum quod Mancum dicitur (ab ipso tamen illæsum) scalis adoriri mandat.

Innumeram præterea suorum multitudinem, per ruinas duorum propugnaculorum (ingentibus qui primùm arce potirentur promissis muneribus) insultum tentare jubet; Invadunt illi animosè murum, integræque cohortes cum compluribus vexillis in utrumque
itera-

iteratis vicibus evasere propugnaculum, sed plurimis cæsis, vexillisque nonnullis captis rejectæ; Mulieribus nec virorum nec priorum vulnorum metu se subducentibus, sed pice, fervefactâ aquâ, lapidibusque hostes animosè repellentibus, paucitatiq; virorum non mediocriter opitulantibus.

Ab ortu solis usque ad duodecimam duravit insultus, rejecta cum ignominia à paucissimis ingens Turcarum multitudo, cum quadraginta ad minimum insultui interfuisse millia ipsimet fateantur. Qui verò integrum propugnaculum scalis (ut præmissum) erant adorti, nullâ earum summitatem illius pertingente faciliè repulsi. Hic fuit exitus oppugnationis; Nec tamen incruenta Hungaris victoria. Promptissimus quisque cæsus, aut vulneratus. Magnanimus heros Michaël Ibranyi in primâ acie fortissimè dimicans, pulso extra propugnaculi ruinam hoste, lethaliter vulneratus, eadem die Deo, cui

cui se devoverat, reddit animam; Quo
cadente elanguit confestim in cunctis
militaris vigor. Trecenti jam, nō plu-
res è præsidio supererant sani, sed pau-
citatē eorum Ali Passa ignarus, univer-
sorū Janizarorum (pediteshi) supre-
mo officiali, Cancellario proprio, mul-
tis magnatibus, gregariisq̃ue tribus
(imò ampliùs) millibus cæsis, barbā
vellens, de victoriā simul & propriā vi-
tā dubitabat, nec turbulentæ totius
exercitūs, signanter Janizarorum, nisi
*iterato eoque unico arcem capiat insul-
tu, non ampliùs illic semoratu-
ros, sed mactato ipsomet Ali Passā, Manibus
fratrum suorum parentatu-
ros referebant, decrant voces.* Suo suorumq̃;
discrimine anxius itaq̃ue, manipulos
lignorum totum jubet comportare
exercitum, quo mirā celeritate conge-
sto, senantibus è cunctis aggeribus
versus arcem tormentis, aggerem, qui
summitatem propugnaculi Rubci æ-
quabat, satis latum promovere incipit,
quod

quod impediendi omnis facultas tam
vi tormentorum, quàm decem & pluri-
bus Janizarorum millibus indefinenter
contra eos jaculantibus præfidiariis
adempta, nec multùm à propugnaculo
dictus agger aberat, dum reliquæ
præfidiariorum, disjecta propugnacu-
la abscindentes, fossis, interioriq; ea-
rum margine recens erectis aggeribus
se munire incipiunt, loca quæ oppugna-
tioni magis opportuna subtus pulvere
pyrio replentes, irrumpentes Turcas
beneficio ejus ad Mahumetem patro-
num eorum expedire satagunt, eo ita-
que dum distinentur modo, Szemenius
quidam (hi sunt pedites è Tracibus or-
ti, audacissimi, sed inconstantissimi
milites, ex quibus integra cohors inter
præfidiarios erat) ad Turcas per ruinas
transfugiens, tam paucitatem præsidii,
quàm negotia, quibus occuparetur,
punctatim patefecit; Verùm in aliis
creditum ipsi, tam exiguum verò præ-
sidii numerum dicenti (quod quatuor
admi-

ad minimum millium Ali Passa credebatur) nulla fides adhibita, aliàs minime vel se dedentibus incolumitas data fuisset. Præsidiarii verò, ex dicto transfugâ totum eorum statum hosti cognitum, propugnacula duo convulsa amplum hostibus præbere adiuturum, aggeremque post insultum inchoatum propugnaculo ferme jam conjunctum videntes, indefinenterque ab hoste per ruinas corrente & recurrente inquietati, iteratum ipsos minime sustinere posse impetum prævidentes, nec auxilium ab ullo mortalium sperantes, 27 Augusti deditionem tandem arcis facere decernunt, albisque e propugnaculis in signum deditionis expansis vexillis, Ali Passæ, non satis pro voto hæcenus præsentis, læto hoc indicio fercula condiunt.

S E C T I O V I I I.

Puncta autem deditionis arcis Varadiensis per præsidiarios proposita hæc fuere:

I. Præ-

I. *Præter arcem Varadiensem, ab antiquoq³ eidem adjunctas possessiones, nulla arces, castella, oppida, villa, aut possessiones Transylvanici adimantur.*

II. *Quicumque arcis & civitatis Varadiensis incolarum, sive de præsentis illic persistere, sive successu temporis, cum uxoribus liberisq³ redire voluerit, proprias eidem substantias, domos, possessiones, portiones, aliaque bona possidere, juxta Canonesque Transylvanicos vivere liberum esto.*

III. *Tres vel quatuor, quibus ad ex-eundum se accingant, dies morari liceat, quibus transactis sufficientes ad avehenda quæ placuerint impedimenta currus Ali Passa subministrare veneatur. Armis decenter instructi cum totâ familiâ arce egressi, nullis contumeliis aut rapinis afficiuntur, quod ut commodius præstari possit, fanizari qui circumfident arcem, amoveantur, cum sufficientique comitiva quocumque voluerint eos transmittere teneantur.*

IV. *Litera, bonaque in Capitulo Varadiensis reposita Transylvania regno reddunto.*

V. *Typographia, exemplariaq₃ Bibliorum ibidem deposita restituito.*

VI. *Quicumque propter obsequium Ottomanicae Portae praestitum à Principe Rakocio incarcerati sunt, aut Purpurato Szejdio adherentes fidelem praestiterunt operam, non propria saltem iis possidere liceat bona, verum in quibuscunque Imperatoris Turcarum ditionibus degere voluerint, absque pensione tributi vivere liberum esto.*

VII. *Quoniam arx per eos in potestatem Imperatoris potentissimi traditur, ut de omnibus jacturis Princeps Transylvania eos contentet, Ali Passa demandato.*

VIII. *Quoniam Jenô, Karansebes, Lugos, Varad, arcibus à regno Transylvania avulsis, regnoque toto miserè devastato, vix reliquia supersunt, de relaxandâ impositâ summâ, annuoque tributo*

tributo minnendo coram potentissimo Imperatore Ali Passa intercedere obstrictus esto.

Ut pradietus Illustrissimus Ali Passa, reliqui Purpurati, Aga, Begi, universique primarii officiales de his omnibus sub juramento, proprioque chirographo scriptas transmittere literas tenetor.

Visis Ali Passa punctis per prasidiarios transmissis, rescribit: Quicquid postulatis, omnia approbamus, rata habemus, omnia vestra bona vobis possidere licitum esto, cavete tamen ne fraus actis vestris subsit: Ducentos subministrabo currus, nec comitiva deerit, cras arce egredi vos oportet. Janizarorum Aga cum certâ militum manu, qui vos exeuntes protegat, à nobis ordinabitur, ite securè in pace quocunque volueritis.

Locus Sigilli.

Subjungit iterum: Capitaneæ, Officiales, Nobiles, reliquique universi & singuli Varadienses; Postulata vestra intel-

intelleximus, omnibusq³ punctis annuimus, quoniam sub patrocinium potentissimi Imperatoris confugistis, juxta placitum vestrum fiant omnia, arce oportet egredimini, in quamcunque volueritis tendere partem, Passas, Begos vobis adjungam, tutum habituri estis iter. Qui vero vestrum hic residere maluerit, domos, hortos, vinea, agros, ipsi confestim restituam, absentes si redituri sunt, eadem immunitate gaudento.

Schola una cum appertinentiis illibata vobis maneto. Typographia cum instrumentis suis vestra esto. Coram potentissimo Imperatore de vestris rebus supplicare deinceps quoque paratum me fore, remque obtentam vos habituros spondeo.

Quae omnia nos observaturos juro per Deum omnipotentem, sanctissimum nostrum Prophetam Mahumetem, benedictumque potentissimi Imperatoris caput, in cujus rei memoriam praesentes literas sub sigillo & chirographo dedimus.

dimus. Datum Anno 1660, 30. Augusti, in castris juxta Varadpositis.

Eodemque die dicti presidii Varadiensis reliquia, quæ præter mulieres ac pueros trecenta circiter erant, arce egressæ, Szejdi Amhet Passâ comitante Debrecinum deductæ. Tam exiguum tandiu resistentium numerum ingenti cum stupore cernentibus Turcis, utrum reliqui fugâ sibi consulissent, interdum quærentibus.

Hac est nunquam satis Hungaris deploranda, sive negligentia, sive nostrâ ac aliorum discordiâ insignis fortalitiæ Varadiensis amissio; Sub totâ hujus obsidione, Palatino Hungarie, Generallique Zuzâ, cum Armadâ suæ Majestatis juxta oppidum Rakomaz, exitum ejus opperiente, nec in succursum se movente.

Conditiones verò deditiois ab Ali Passâ quàm facilè approbatæ, tam facilè violatæ, præterque tutum egresso-
rum

rum iter, qualiter etiamnum hodie observentur, infra liquidò perspiciet Lector. Proceres Turcarum quatuor, non ampliùs, gregarii verò decem sub totâ obsidione Varadiensi periisse Turcarum millia, fatentur ingenuè.

SECTIO IX.

PRinceps Barcsaius, sub totâ Varadiensis arcis obsidione aresto in castris per Ali Passam detentus, ob idq; de suâ, patriæq; salute desperans, multiplices easque diversas ad Locumtenentes, regniq; Status mittit litteras. *Interdum, ut impositam regno summam per extraordinarias congestam exactiones sine morâ in castra transmittant, imperans: nonnunquam, ut omni clementia Turcica spe semotâ, iis, qui è proceribus Transylvanicis, Rokocianis vicissitudinibus immixti, sponte aut metu solum verterant, revocatis, tam propria pro defensione patriæ sumerent arma, quàm aliorum sollicitent opem,*

I

sua-

suadens. Itaque superius specificati Locumtenentes (exceptis Siculis, Csik, Gyirgyo, Kászon, Sepsi, Kézdi, & Orbai, qui à demortuo Principe Rakocio (quem vivum credebant) auxilia expectantes, solito suo more, à reliquis Statibus dissentientes aberant) regni proceribus aliisque Statibus convocatis, Principis Barcsaii literas exhibent, quid in tantâ rerum extremitate facto opus sit consultant. *Ut Joannem Keményium* (qui, ut promissum, occasione nuptiarum in Hungariâ celebrandarum, Principe Rakocio in vivis agente, Transylvaniâ exiverat) tanquam curâ regni proceribus, prudentiâ, rebusque gestis illustriorem ante alios requirant, consilio operaque ejus usuri, reliquosque nobiles patriâ exules revocandos statuunt; Pro auxiliis præterea implorandis, ad regni Hungariae Status, Palatinumque destinantur literæ, negotio præsentî industria diligentiaque Joannis Keményii commisso.

Perve-

Pervenire ad eum (in arce Aranyas Medgyes, quam uxorio jure in ditione Regis Hungariæ possidebat, tunc degentem) Statuum literæ, qui patriæ suæ periculo motus, exulibus Transylvaniæ proceribus convocatis, ex assensu eorum, cum suis regniq̃ue Transylvaniæ Statuum literis, ab eo, ac per eum à Sacratissimâ Romanorum Imperatoriâ Majestate auxilia imploratum, ad regni Hungariæ Palatinum Comitem Franciscum Vefelenyi Dionysium Banfi mittit, qui unâ cum Zuzâ suæ Majestatis Generali, certa que ejusdem Armadâ juxta Tokaj, penes pagum Rakomaz, infelicissimæ obsidionis Varadiensis præstolabatur exitum.

Deflet calamitosû Transylvaniæ statû Palatinus regni Hungariæ, certamq̃; de eo per celerestabellarios suam majestatem facit, tam Transylvaniam, quam Hungariam, nisi maturè subveniatur, perituram significans; Verùm præsens

periculum excludebant remota subsidia, antequam de ferendis subsidiis consultationem, amisso (ut præmissum) Varadino.

Omni itaq; subsidiorum spe amisâ Transylvani, summam ipsis impostam, per insolitas à singulis extortam exactiones, Ali Passæ transmittendo furentem lenire satagunt. Congestaq; (quantam poterant) summæ parte, per Gregorium Gilanyi (nobilem quendam) in castra juxta arcem Varadiensem locata transmittentes, post occupatam jam arcem Varadiensem tertio offerunt die, qui partâ lætus victoriâ, eaq; sedatior (quasi) factus, tam Principem Barcsaium aresto, quàm Gabrielem Haller compedibus ferreis, solvit.

SECTIO X.

PRinceps itaque Barcsaius, qui de vitâ simul & principatu desperârat, in spem paulò meliorem erectus, tam *Locum tenentibus, quàm regni Statibus,*
qui

qui ipsomet suadente, Transylvanis exulibus reditum obtulerant, externaque sollicitabant auxilia, defectionem ab Ottomanicâ Portâ severe exprobans, per literas indignari cœpit. Regressus in Transylvaniam, obviis quoque regni proceribus in præsentia Kapucsi Passæ, per Ali Passam sibi adjuncto, illis, non inscio aut invito, sed ipso jubente hoc fecisse respondentibus, id ipsum objecit. Fidejussoriis Statuum literis exules Transylvani acceptis, plerique patriam repetere cœperant, sed intelligentes mutatum Principis Barcsaii animum, celerit cursu retrocessere.

Status quoque Siculorum Csikiensium, ac Sepsî, Kézdi, & Orbai denuò in pejus ruere cœpit, Csikienses enim Michaëlem Kalnaki, incolæ verò Sedium Sepsî, Kézdi, & Orbai Stephanum Donat Capitaneos à Principe Barcsaio sibi prepositos, (exuto obsequio) in vincula conjecerant, quorum alter Stephanus Donat paucos post dies per
• 1 3 eos

eos strangulatur. Non parvam Locumtenente Casparo Barcsaio, austeritate suâ seditioni huic anſam præbente, qui Stephanum Bako Sedis Siculicalis Marus Capitaneum, ſeditioſum quidem ac turbulentum hominem, non tamen legibus convictum, contra prærogativam nobilitarem, indiſtinctâ cauſâ ſuſpendio mulctaverat. Stephanum Lázár, Csikienſium Supremum Judicem Regium captum in arcem Gôrgény custodiendum tranſmiſerat, territis ob id à directione præſenti plerisque.

Apertè quocirca prædictæ Sedes Siculicales rebellavêre, nonnullisq; qui inter eos pacis amantiores erât occiſis, ruſticos quoq; jugo jobbagionatſis exuto, prædæ, libertatiſq; ſpe ſibi associavêre, Stephano Lázár, qui ademptis per Princípem Barcsaium certis ab eo imperialium millibus, ſub ſpe amplioris ſummæ perſolvendæ, nec dum diſmiſſo, ſed cuſtodibus vafrè deluſis, domum

nam reduce, magnam huic rebellioni momentum addente. Qui nec aliàs (ut pramissum) faris sedatus, acceptarum memor injuriarum, tam per se quàm Samuelem Székely, Stephanumque Tompa matrucles suos fratres, quo pacto igni inter rusticos ac plebem oleum posset addere, non prætermittebat. Nec rebellionis præcipuè rusticorum ad exteriores serpentis provincias facilis erat medicina.

Generalis quo circa insurrectio bellica reliquis regni partibus indicitur, quæ dicto audientes, sub Generali Casparo Barcsaio, germano Principis fratre, ad sedandam expeditæ rebellionem, vicatim in Sede Saxonicali Köhalmiensi distributæ substitère, ipso Generali Köhalmini quartirium proprium habente. Exercitum contra se collectum vicatim esse distributum Csikienses asleclæque eorum intelligentes, ex toto suorum numero, selectis quotquot potuère equitibus, Duce

Samuele Székely, ad eos qui in proximis erant quartitiis opprimendos certam militum manum mittunt; Qui famam velocitati prægressus, Sedis Sicularis Udvarhely cohortibus in proximo quartirio (Kacza dicto) ex inopinato oppressis, gregariis plerisque, è præcipuâ autem nobilitate, eximia indolis adolescente Simone Farkas, ocellis, similes ubique sperans successus, alterum quartirium, ubi equites stipendiarii Valachi erant locati, invadere parat: verum illos, aliorum casu audito, instructiores, viriliterque resistentes nactus est.

Velitantibus itaque contra cum illis, Casparus Barcsai cum reliquo equitatu, Dragonumque supervenit cohortibus, quo Samuel Székely (fugacissimus Dux) viso, panico extemplo cum suis terrore perculsus, fugâ sibi consuluit, cæsi quoque fermè omnes, iis solis quos latebræ sylvarum texerant, salvis. Ipse Samuel Székely, reliquos in fugâ prægressus,

gressus, properabat cum peditatu, quem juxta vicum Barot, ex colluvie rusticorum magno numero collectum reliquerat, se conjungere, verum prosequente victoriam Casparo Barcsaio, iis quoque desertis, cum dedecore, ad eos per quos erat expeditus, refugit. Deserta ab ipso miseræ plebis multitudo, superveniente victore, pro lubitu cæsa, complures naso auribusque mutilati dimissi.

SECTIO XI.

ULteriùs in provincias Sicularum, Sepsi, Kézdi, & Orbai promovet victorem Casparus Barcsaius (nemine resistente) exercitum, rebelliumque multis suspendio mulctatis pluribus naso ac auribus amputatis, pristini eos memores facit obsequii; Illinc Csikienses versustendenti, per Reverendum quendam Patrem Martinum Kászonium, nonnullosque è suorum numero adjunctos, deprecatoriæ Csikiensis

sum literæ afferuntur ; Antea cta excusantes fidelissimum obtulêre obsequium.

Casparus Barcsaius victoriâ ferox, naturaque ad sævitiam pronior, non facile annuit; Verùm exercitus è Comitatus regni conflatus commembrorum suorum compatiens calamitatibus, ut totum eorum negotium ad proxima (quæ in civitate Saxonicali Sespurgienfi celebranda erant) rejiceret Comitatus, obtinuêre.

Itaque ut per legatos ad eadem missos causam suam agerent, responsum per dictum patrem Csikiensibus. Verùm lenitas ista Comitatus, pluribus denuò malis fomentum addidit. Ut inferiùs patebit.

Rebellionem itaque prædictâ in hunc composita (quasi) modum victrices dissolvens Casparus Barcsaius copias, cum stipendiariis, proceribusque nonnullis, sub initium Comitiorum in prædicta civitate inchoatorum, (clatiores solito

solito arridente fortunâ gerens (spiritus) fratrem Principem adit.

Quî interea blandiente paululûm fortunâ, Status, Proceresque regni, ne hæctenus quidem satis molestè tractatos, despectui habere cœpit, præter proprios ipsius fratres, etiam si totum in orcum præcipitabitur regnum, se nihil curare sæpe dicens.

Simulatum sub iisdem Comitiis (legatis more consueto, secundum pactû nuper initum missis) Csikienses quoque præstitere obsequium, ex adverso Joannem Keményium continuis in regnum vocantes legationibus, Nec defuere ex proceribus nonnulli, qui mobile Principis Barcsaii ingenium, continuasque affectionum ejus exosi mutationes, Joannem Keményium, aut clientes ejus, ad hoc ipsum moliendum animabant. Exules præterea Transylvani, qui dicto Principe Barcsaio rerum potiente, reditum desperârant, totos se Joanni Keményio addixerant; Qui, in campo

Kéresztes, vivente Principe Rakocio, per Barcsaium ipsi donatum principatum, non immemor, tot se offerentibus non deest occasionibus, præcipuis (ut prætendebat) à Principe Barcsaio laceffit injuriis; quem adhuc in castris sub Varad positus commorantem, universa per Præfectum bonorum Fiscalium ipsius bona Transylvanica adimere voluisse, remque tunc dilatam ad iteratas ipsius requisitiones nunquam remisisse, asseribat.

Profligatis itaque exercitûs Rakociiani reliquiis, equitibus circiter mille (qui tamen quatuor, imò quinque milia esse spargebantur) convocatis, ad destinatum accingit se iter. Officialemque Principis Barcsaii, Nánási dictum, in limitibus regni pro speculâ cum ducentis equitibus collocatum, cum suis intercipit. Apparatus, intentioque Joannis Keményii per nonnullos nobiles sub iisdem Sespurgiensibus Comitibus innotescunt Principi Barcsaio,

csaio, verùm frater ipsius Casparus Barcsaius tanquam falsarios, naso auribusque mutilat. Fidelitatis hoc accepere præmium.

Finitis tandem, non sine tumultu, assiduisque querelis, Comitibus, Joannisque Keményii rumore magis ac magis in dies percrebescente, Princeps Görgényinum se confert, frater verò ipsius Casparus Barcsaius stipendiariis militibus, qui circiter mille & ducenti erant, in unum collectis, versus fluvium Samosium, unde irruptio Joannis Keményii erat metuenda, tendens, distributis vicatim cohortibus, ipse in curiâ Oerményesiensi, non pridem à fratre sibi donatâ, subsistit.

Officiales arcis Kőváriensis, (quæ Hungariæ vicinâ Principi Barcsaio parebat) captum cum suis à Joanne Keményio Capitaneum Nánási, perscripserant ipsi; unde manifesta jam hostilitas. Verùm fatali quadam socordiâ, nec convocati ad consultandum Con-

filiarii, nec congregati regni exercitus, unde extremo cum periculo velle objicere visa sunt fata ; Cognita hæc omnia Joanni Keményio, occulta Csi-kiensium, Sepsi, Kézdi, & Orbai ass-ecuratione non mediocriter fulto, ut Principem Barcsaium imparatum maturaret aggredi, impulêre ; Ad opprimendum itaq; Oerményesini Casparum Barcsaium cum certis cohortibus Joanne Szentpalio exule Transylvano præmisso, ipse ad occupandos Dragones ac Valachos Principis Barcsaii equites, tunc in pago Buzâ quartirium habentes proficiscitur. Arrisit utrobiq; fortuna. Casparus enim Barcsaius cum tribus saltem familiaribus, in prædictâ curiâ suâ occupatus, contra multos cum paucis, per duas ferme horas fortiter resistens, occiditur.

Valachi equites (quos cum Dragonibus in pago Buzâ quartirium habuisse dictum) multis suorum amissis, fugâ sibi consulere. Dragones verò in unū
con-

conglobati corpus, aliquandiu se tutati, Joanni tandem Keményio deditio-
nem fui fecêre.

S E C T I O XII.

AD universum interim regnum,
non principatum occupaturus,
sed publicæ consulturus paci, dissen-
sionesque intestinas sedandi gratiâ se
venisse, (conformes iis Principi quo-
que Barcsaio transmittens) per publi-
cas evulgat literas Joannes Kemé-
nyius. Audita hæc Principem Barcsa-
ium fermè exanguem reddidêre. Ga-
brielem Hallerac Joannem Betlenium
Consiliarios facit de his certiores, ut,
hostibus procul dubio eos opprimere
studentibus, propriæ consulant saluti
monet; Quos, jam Görgényinum ver-
sus ad Principem tendentes, obviæ nisi
monuissent literæ, eodê die certo cer-
tiùs, in hostium, vivi, aut mortui, de-
venissent potestatem; Itineris eorum
Georgius quoque Lázár, aliàs Locum-
tenens,

tenens, Consiliarius, ac Magister regni Protonotarius, comes erat; Qui his auditis terrore perculsi, inter se divisi, Gabriel Haller in castellum germani fratris Pauli (Fejéregyház dictum) divertit, Joannes Betlenius Ebesfalvinum, ad Michaëlem Apafi (qui paulò post in principatu, ut inferius patebit, successit) se confert; Georgius verò Lázár, gravi distentus morbo, longam quocirca non toleraturus fugam, magnatis cujusdam Ladislai Gyulafi viduæ castellum (Szentdemeter dictum) sibi vicinum intrat; Quos in loca tam debilia (angustia temporis urgente) se recepisse subaudiens Joannes Keményius, ne Principi Barcsaio (quæ à primordio regiminis ipsius in omnibus rebus enixè juverant) conjūgi possent, præmissis certis equitum cohortibus prævertere conatur. Simone Keményio proprio filio, ad Gabrielem Haller, Volfgango Betlenio matruele ejusdem fratre, ad Joannem Betleni-

um,

um, occupandos, missis; Utrisque de incolumi gressu, regressuque per eodem juramentales transmissæ literæ, diligentes interim custodiæ, ne renitentes elabi possent, circumcirca collocatæ. Nec castella præsidio munitionibusque destituta occlusos in spem erigere poterant.

In immensum eorum auxit metum, Georgii Lázár, per equites Joannis Keményii occisi insperatus rumor; Ad quem nomine Joannis Keményii deducendum, cum certâ equitum manu missus quidam Andreas Kis ex Hungariâ oriundus, à pueritiâ latro, Szentdemetrio eductum, cum sceleratâ suorum cohorte frustatim concidit; Utrû domino suo jubente id fecerit, nec crediderim, nec affirmare auserim: quosdam verò exulum Transylvanorum tunc ingressorû eum subordinasse, suspicor. Utcunque factum, inulta ad præsens ejus cædes; homo pius, pacis amans, magnique consilii, meliori dignus

gnus fortunâ , hunc exitum habuit ; Terrebat (ut præmissum) eos insperatus hujus casus, resistendi tamen mediis destituti, dubiam vitæ aleam subiere ; Hic Fejéregyháziho, ille Ebestfalvino egressi, in itinereque conjuncti, Volfgango Betlenio comitante, Joannem Keményium (qui Vasárhelyinum appulerat) adeuntes , sed contra datam ipsis fidem, arma nonnullis contra eos stringentibus , à militibus ad comitandum eos missis, parvum abfuit quin neci traderentur.

Simon Keményius ad tentandam , tam lentâ obsidione , quàm scissiones spargendo, arcem Fogaras, cui Andreas Barcsai , germanus Principis frater præerat, abit. Gabrielem Haller Joannemq; Betlenium læto (ut apparebat) excipit vultu Joannes Keményius, deductisq; in intimum cubiculum, privatas suas injurias brevibus, dissensiones autem Statuum , aliaque regni incommoda, prolixis exaggerat verbis, se non

se non principatûs occupandi, sed patriæ procellarum sedandarum gratiâ ingressum refert, in Generalibus regni Comitibus de propriis affecuratus bonis, sedatisq; patriæ tumultibus regno excessurum spondēs. Nec contra Principem Barcsaium, qui ex arce Görgény tremebundus præstolabatur præsentium procellarum exitum, quicquam se moliturum promittens. Interim ne in proposito tam pio patriæq; salutari à dictis Gabriele Haller Joanneq; Betlenio impediatur, literas ab utroq; reversales exigit, quibus denegatis, utroscq; pro hostibus se habiturum dicens. Æquitati (primo intuitu) minimè dissentanea videbatur hæc ejus voluntas, verùm illi ex initiis (quæ primâ fronte bona videbantur) malas plerumque sequi consequentias, metuentes, non sponte parebant jubēti, verùm recenti Georgii Lázár exemplo, quid ipsis sperandum aut metuendū esset docti, paruerunt. Csikienses quoq; ac Sediū Sepsi, Kézdi,

Kézdi, & Orbai incolæ optatæ diu occasione non defuere in regionem enim Sicularum Udvarhelyiensium fratrum suorum erumpentes, quicunq; aliquarum rerum jacturam facere poterant, per eos proditores appellati omnibus exuebantur bonis, imò in tecta etiam plerumque sævitum, quo quis opulentior, eo infestiores eos expertus. Expediti per eosdem ad Joannem Keményium legati, quid ampliùs eos facere, aut in quos sævire vellet interrogatum. Verùm ille haud rudis magister tractandi animos hominũ, seditionemq; cujus restringendæ gratiã se ingressum prætendebat, non sedari, sed augeri hoc modo videns, pro officio eorũ summas agit gratias, laudatosq; depositis armis, domum redire, Comitibusq; futuris interesse jubet. Iteratas ad Principẽ quoq; Barcsaium Váshelyino Görényinũ mittens literas, *tam utriusq; quàm publicæ hoc proficuum fore tranquillitati asserens, ad mutuum (fide data)*

ta) colloquium invitat.

In oppidis interim arcis Görgény vicinioribus arctis circumcirca custodiis, ne quicquam illuc inferri, aut literæ uspiam expediri possent, dispositis. Non detractat ille colloquium. Quod inter partes quo commodiùs, è loco propinquiore institui possit, Joannes Keményius in oppidum Regen (quod unicū ab arce Görgényiensi distat miliare) se transfert; Illinc missō ad Principem Barcsaium Dionysio Bánfi, de loco modalitatéq; colloquii per eum concludit, ut ambo in curiâ sub arce Görgényiensi sitâ, certo coirent die, decrevère. Quo adveniente Princeps Barcsaius, cum Sigismundo Bánfi, Comite Comitatus Dobocensis Consiliario, soceroq; suo, cujus filiam nō pridē sub Comitibus Sespurgiensibus duxerat uxorem, mediocriq; aulicorū comitativâ, Joannes verò Keményius Gabriele Haller, Joāne Betlenio (quos ad se vocatos redire ad sua non permiserat.)

ferat) Stephano Petki, & Stephano E-
beni (qui unà cum ipso in patriam red-
ierant) Consiliariis; Dionysio præterea
Bánfi, Völffgango & Gregorio Betle-
niis, unà cum eodem Transylvaniam
ingressis, comitatus adfuit.

*Illic multa utrinq; de personæ causaq;
propria justitiâ verba. Interdum con-
tentiones. Nulla tamen concordia spes.*
Cujus dicti proceres pertæsi, relictis
in cuiculo ambobus, omnes simul
egressi. Secretum ultra quadrantem
horæ denuò inter ipsos colloquium.
Revocati per eosdem dicti proce-
res, in quorum præsentia Princeps
Barcsaius, Joannem Betlenium (qui à
primordio regiminis sui cancellaria-
tûs munere fungebatur) ipso dictante
litteras Affecutorias scribere jubet,
quarum hæc erat continentia: *Nec ab
Ottomanicâ Portâ, nec à quopiam se au-
xilia sollicitaturum, quin potius absolutis
ab homagio sibi præstito universis regni
Statibus, quicquid illi in Commis præ-*
ximè

ximè celebrandis concluderent se assensurum, juramento confirmabat. Literæ præterea, quibus sub nomine ipsius, regnicolæ ad Comitia convocarentur, ipsomet assentiente formata, quas isdē subscribens per celeres tabellarios Joannes Keményius evulgari curavit.

Anno 1660. circa festum Nativitatis coivère regni Status, absolutosq; se à juramento Principi Barcsaio præstito, ex convocatoriis ejusdem literis videntes; Ex adverso, Joannis Keményii, Csikienfiumq; ac Sepsi, Kézdi, Orbai incolarum arma nonnihil metuentes, mobile præterea Principis Barcsaii ingenium (sub quo solidam impossibile erat sperare pacem) exosi, dictis Siculis Joanni Keményio adhærentibus, ferociterq; acclamantibus, utuntur libertate per eum ipsis concessâ. Clementiæ præterea Portæ Ottomanicæ desperatio, ingens ad rem pondus addebat, cui magnam summæ regno impositæ partem persolventes, nec relaxa-

laxationē residue ejus partis, nec si integra persolveretur, onerū recens non imponendorum affecurationem Status obtinere potuēre. His itaque impulsis causis, (certis ad sustentandum honestè Principem Barcsaium ordinatis bonis) Joannem Keményium in Principem eligunt, per quem paucis post diebus Regeninum ad colloquium à novo Principe vocatus Princeps Barcsaius, *litteras ad arcium Fogaras & Deva præsidarios, ut deditionem earum Principi Keményio faciant (adjuncto tamen legato novi Principis) per proprium hominem transmittit.* Sed occulta, eaque contraria (ut inferiùs patebit) ipsius informatio, laborem prædictum irritum reddidit. Ad Budensem pariter & Supremum, Purpuratos, Valachiaque Transalpinæ Principem, *pro auxiliis contra Joannem Keményium (jam novum Principem) ferendis à se sollicitatos, ut depositâ subveniendi intentione, Joannem Keményium, regno,*
Otto-

Ottomanicæque Porta se utiliore in gratiam recipiant, perscribit. Quibus contraria iterum eum scripsisse creditum à cunctis, ut inferiùs clariùs.

Ad Sacratissimam Romanorum Imperatoriam Majestatem, auxilia ejus ac patrocinium imploraturus, legatus sub eisdem Comitibus Dionysius Bánfi destinatur, mittiturque. Qui post longiorem opinione moram, promissa rescribit auxilia, ut in arces Székelyhidam, Kôvár, & Iliam suæ Majestatis præsidia extemplò pro ejusdem asscuratione recipi deberent significans; Assensêre sine controversiâ Status. Introducta que in arcem Szekelyhidam & Kôvár præsidia; Iliam sponte neglexere.

Increbescente in dies (quod novi aliquid contra pacta moliretur) de Principe Barcsaio suspicione: Ut in arcem Gôrgény, quam vi pactorum manutenebat (juxta Articulos regni, qui arces Fiscales apud privatas personas existē-

K

tes,

tes, præfidiis pro arbitrio Principum posse & debere muniri asserunt) ut à Principe Barcsaio admittatur, novus urget Princeps; qui, sive levitate ingenii, sive justitiæ causæ fretus, paret.

Admisso in arcem Gôrgény Principis Keményii præsidio, angustiam ille arcis prætendens, ut potiore peditum ipsius partem, tanquam in statu privato ipsi non necessariam, Princeps Barcsaius exauctoret monet. Cui, arcem valido tenenti præsidio, non facîle erat reniti, paret itaque jubenti veriùs, quàm monenti. Exauctoratos autem ab eo Hungaros & Germanos milites, ad se promisso stipendio recipit Princeps Keményius. Fogaras ac Deva arces nondum Principi Keményio dedicationem fecerant, quin potiùs pro Principe Barcsaio, jam degradato, per iteratas in Portâ Ottomanicâ intercedebant literas; Arx tandem Deva paucos post dies hac in potestatem Principis dicti devenit occasione; Duplici, Hun-

Hungarico nimirum, Germanicoque præsidio munita erat; nō Magnas quispiam, sed officiales nonnulli mediocris fortunæ, inter se tamen pares, Hungaris præerant. Germanis Thomas Pringer Major, vir promptæ audaciæ, eonstantiæque singularis, imperabat. Hic Principis Barcsaii literis, quibus à juramento præstito, præsidium absolvens, deditionem arcis mandabat, perlectis, ipsique ac regni Statibus conjunctim se juramento obstrictum sciens, absolutus, à Principe, regno se jam soli, suosque obstrictum asserens, deditionem arcis Statibus offerre vult. Hungari clandestinis (ut à nonnullis relatum) principis Barcsaii informationibus moti, etiam post resignationem principatus ejus, ipsi reservare nitebantur; imò de auxiliis ferendis, eos Turcis scriptitasse certum est. Hi itaque inter se dissentientes, officiales Hungari de Thomâ Pringer, nonnullisque officialibus ejus captivandis consilia ineunt,

subolfacit ille, conjectisq; in carcerem, qui hoc ipsum contra eum fuerant moliti, arcem suæ potestatis facit, regnoq; resignat.

SECTIO XIII.

Lætus hæc audit Princeps Kemenyius, eosq; qui per Thomam Pringer captivati erant, Turcis scriptitasse, ex interceptis cognoscens literis, (hi erant Pastor quidam orthodoxæ religionis Andreas Kallai, Joannes præterea Janosi, Thomas Rafai, Joannes Fodor, seculares) Radnotinum (est nomen castelli) translatos, paucis, aut fermè nullis scientibus, circa cujusdam dièi auroram indictâ causâ, capitibus plecti jubet.

Arx Fogarasiensis (cui Andreas Barcsai, Principis Barcsaii frater præerat) necdum deditionem fecerat; lentam Kemenyianorum obsidionem ab ingressu ejus, patientissimè sustinens.

*Ut per iteratas literas, certumque
homi-*

hominem denuò ejus demandet Princeps Barcsaius deditionem, sollicitatur à Principe Keményio ; Is itaque sacerdote suo aulico, Stephano Csengeri, ad fratrem misso : ne deditionem facere differat, se verè jubet.

Paret ille, acceptisque de propriâ securitate firmissimis à Principe Keményio juramentalibus literis, traditâ arce, ad fratrem Görgényinum se confert; Unde cum dicto Principe fratre suo, paucos post dies sub specie venationis à Principe Keményio evocatus, captivatur, Fogarasinum (cui ante paucos dies præfuerat) translatus, priùs excruciatu suspendio vitam finit.

Princeps Barcsaius Görgényinum regressus, seclusâ ab uxore arestatu. Sigismundus Budai, mediocris conditionis nobilis, extra regnum quædam non scribenda, scriptitasse convictus, incarceratus : Rebus Transylvanis sic periclitantibus, castella, quæ in viciniâ arcis Varadiensis, juris adhuc Trans-

sylvanici erant, Turcicum subiêre jugum. Castellum Papmezô ; præsidariis (qui ex Valachis constabant) Turcas sponte vocantibus. Arx Solyonkô; ejus loci Pastore (aut veriùs incarnato diabolo) Turcas recipiente. Szent Job ; custodiæ rusticorum commissa, per eosdem tradita. Quæ si præsidiis fidis munita forent, à nemine oppugnata Transylvanici juris essent vel hodie. Simile arci quoque Székelyhidenfi, quæ quatuor saltem Varadino distat milliaribus, periculum imminabat, verùm Albertus Borbély, raræ hoc ævo constantiæ, industriæque singularis, cum paucis diu arcem tutatus, tandem præsidio Sacratissimæ Imperatoriæ Majestatis superveniente conservata est.

Joannis Kemény in Transylvaniam ingressus, electio, Principis Barcsaii renunciatio, ejusdemque arrestatio, cognita hæc cuncta Ottomanicæ Portæ, iteratæ itaque, primùm Régeninum, mox Radnotinum, ejus ad Principem
 novum

novum legationes, ac literæ, placidis tamen verbis; *Ut filio in Portam Ottomanicam pro obside misso, ipse Temesvarinum ingressus, investituram, reliquasque principatus ceremonias ab Ali Passâ accipiat, oblatum.* Tacuit de filio; regno tamen de impositâ summâ, auctoq; tributo, remissis, prius asscurato, semetiturum promittit, legatosq; Ottomanicæ Portæ clementiam, prolixis ei pollicentes verbis benè donatos dimittit; exercitu interim Turcico in limitibus regni ad bellum se accingente.

Eodem anno 1661. Generalia Februario mense denuò Bistricium regni Comitia indicit. *Principem Barsanium contra pactum cum Statibus sequenitum, multa molitum, ex interceptis literis, conscientiosaque quorundam relatione probat ibidem Princeps Keményius; grandem præterea pecuniam, ad contentationem Ottomanicæ Portæ per extraordinarias exactiones à singulis extortam, nec dispositioni Principum*

*inquam subjectam, eum inutiliter ab-
ligurivisse asserit.*

*Ut diligens quocirca, ne ad extra
scriptitare posset regna, ipsi adhiberetur
custodia; De pecuniaque prædictâ, cui
(proventibus Fiscalibus ipsi salvis per-
manentibus) non licebat admove-
re manus, ratio ab eo exigatur, pro eademque,
propria Principis Barcsai bona, Joanni
Keményio Principi apprehendere liceat.
Ingruentibus autem propter eum in
Transsylvaniam periculis, de personâ
quoq₃ ejus secundum pacti ipsiusmet con-
ditiones agere fas esto, decrevere.*

*Malè interim propter occisum à se,
contra juramentum datum, Andream
Barcsaium audire, probè sciens dictus
Princeps, rationem facti sub iisdem
reddit Comitibus: Eum in captivitate
Crimensi, unâ secum captivum, ipsoq₃
vade carceris ea conditione relaxatas
fuisse molestias, ut ille incio invitoque
Principe Keményio non fugituum per
Sacrosanctam juraret Trinitatem, vio-
lato*

lato interim prædicto juramento , fugâ illinc elapsum , molestias ipsius tanquam vadis auxisse , se itaque (quod exclusis quibusvis juris processibus , eodem ita contrahente , licitum fuerat) perjurii ab ipso pœnas exegisse , dicit.

Summa ad contentationem Ottomanicæ Portæ collecta, (clementiæ ejusdem omni spe sublatâ) ad conducendos contra eam exercitus, ibidem destinata.

S E C T I O XIV.

Mense Junio, [1661] (ingravescentibus regni negotiis) Generalia iterum convocantur in civitatem Saxonicalem Medgyes Comitia ; *ibi violatis proprii contractûs conditionibus multa post renunciationem , Principem Barcsaium machinatum fuisse , manifestius comprobatum , exhibitisque propriis contractualibus literis , in quibus iisdem violatis , omnibus juridicis remediis & processibus exclusis , pœna semet*

submiserat, ut juxta continentiam illarum contra eum Princeps Keményius procedere posset, permissum. Apparatus verò Turcarum eidem Principi Keményio notus, per celeres tabellarios Sacræ Imperatoriæ Majestati jam pridem significatus erat; Quos Transylvaniam versus se cum exercitu movisse denuò perscriptum; non tamen integrafides (ut par erat) adhibita. Suam enim Majestatem, nisi Transylvania pax concederetur, non amplius cum Ottomanopacem culturam, apertè declarasse, nec contra hanc belli denunciationem quicquam (etiamsi minaretur) facturum Turcam certò credere rescriptum.

Quæ opinio tamdiu in aulâ suæ Majestatis perduravit, donec mense Junio Purpuratus Budensis (Ismaël dictus) per passum (quæ Porta ferrea olim dicebatur) cum parte exercitûs ingressus, igne ac ferro crudelissimè grassari inciperet, eumq; (subsequente cum mole belli Ali passâ) jam ingressum perscriberet

beret princeps Keményius. Quo sua Majestas (præter spem) audito, Generalem à Monte Cuculi ad succurrendū Transsylvanis, cum justo destinat & expedit exercitu, ut inferiùs clariùs.

Exercitum Turcicum Transylvaniam ingressum videns, id ipsumque ad liberandum ex aresto Principē Barcsaium venisse putans, quo sublato reconciliationem quoq; Ottomanicæ portæ, nonnihil sibi somnians princeps Keményius, Franciscum Kôvér Dapiferorum suorum Magistrum Siculum, ac Jonam Varadi, Capitaneum ex Hungaria oriundum, cum certis expedit equitibus, qui Gôrgényino (tanquam in arcem Kôvar translaturi) dictum Principem eductum in itinere occidunt, in pagoque Repâ per rusticos humili funere tumulatur. Similem cum eo Sigismundus Budai (quem captivatum scripsimus) sortitur exitum.

Pereosdem diēs Ali passa cum numerosissimo exercitu subsequitur pur-

puratum Budensem, in districtuque Haczog figit castra, crudelissimè circumcirca igne ac ferro grassatus, in interiora tamen Transylvaniæ, antequam cum Tartaris conjungeretur, non penetrat; Tartaristandem Bucsakienfibus conjunctus, iisdem ad interceptum cum suis Principem Keményium præmissis, ipse lentiori gradu omnia quocunq̃ue penetrare poterat igne cædibusq̃ue miscens, Szaszvaros & Szaszsebes (civitatibus Saxonicalib9, sed metu ipsius desertis) in itinere incensis, Albã Juliam versus progreditur.

Iteratas tam extra limites regni, quàm Transylvaniam ingressus, ad Status regni transmittit literas, *liberam* (Principe Keményio, tanquam invitâ Portâ Ottomanicâ Transylvaniam ingresso rejecto) Principis cujuslibet electionem, ejusq̃ confirmationem offerens, ab incendiisque ac populationibus destitutum se promittens; Verùm interceptæ à Principe Keményio literæ ad quos

quos destinatae erant non pervenire. Inter Enyed & Torda civitates, juxta pagum (dum haec gererentur) Decse, habebat Princeps Keményius castra, videntique Ali Passam, cum toto suorum robore versus se tendentem; arx Szamosujvariensis, quae mediocri praesidio munita obvia planè Ali Passae eum persequenti futura erat, ne ab eodem occuparetur, praemetuens; Commendantem praesidii Kôvariensis Comitem Hectorem à Brazen, *ut dicta arce, tanquam loco remoto, ob idq, tuto, sub quodam officiali cum parte praesidii relicta, ipse cum potiori suorum robore Szamosujvarinum, (ubi major ostentanda virtutis Christianitatisque suppeteret servientis occasio) se conferret, requirit, à quo assensum.*

Antecessores interim Ali Passae, (Tartari nimirum Bucsakienses) Alvincinum (quod unicum Albâ Juliâ, tria vero à castris Principis Keményii Hungaricis distat milliaribus) jam penetrave-

rant , dum dictus princeps cum hoste ante succursum (quem sperabat) Imperatoris Romanorum, ut aperto confligat Marte , imparem se videns, intactum interea reservare volens exercitum ; Partem quæ ex Sicularibus constabat, (octo cohortibus stipendiariorum adjunctis) Stephano Petkio Consiliario, Csikiensiumque Capitaneo regendam tradit, eidemque ut Cibinium, ac illinc Fogarasinum versus tendendo, incertum apud hostes suum reddat iter , pugnam interim omni ope præcavendo, ad meliora exercitum reservet tempora , demandat.

S E C T I O XV.

IPse exercitu reliquo, totâ nimirum Comitatum Transylvaniæ nobilitate, Sicularum quoq; nobilium præcipuis, stipendiariis nec non militibus Comitatus Egerbegyinum, illinc juxta vicum Boncida ad ripam fluvii Samosii (relictâ ubique more militari retro-
guar-

guardiâ) transfert castra. Quo in iisdem subsistente, Dionysius Bánfi, qui ante complures menses ad Sacram Romanorum Imperatoriam majestatem, auxilia imploratum, á Principe ac regno fuerat expeditus, cum benignâ suæ Majestatis resolutione supervenit, eam tam in scriptis exhibens, quam verbotenus hisce coram regni proceribus proferens verbis; *Sua Imperatoria Majestas, testato orbi Christiano paterno erga afflictos zelomota, (postpositis quæ Principes Transylvania contra Augustissimam ejus domum olim perperam fecêre) in tutelam patrociniumque suum Transylvaniam clementer recipit in pristinumque eam statum succursu, quem propediem visuri estis, restitutum benigne promittit.* Fumum jam per Ali passam ac flammâs vomebat Transylvania, verum subsidii ob oculos fermè versantis ejusque ope postliminio redituræ pacis spes, omnium leniebat dolorem.

Ob-

Obtentâ interim ope suâ Majestatis victoriâ, quibusnam regnum Transylvaniæ, ejusdemque Status Coronæ regni Hungariæ subjacere debeant conditionibus, qualiterque immunitates ipsorum observandæ forent, quoniam nihil horum resolutioni suæ Majestatis erat insertum, victoris hæc omnia reservata arbitrio perspiciebant oculatiores. Tartari interea ab AliPafsâ (ut superiùs scriptum) præmissi, sive fortuito, sive itineris Principis Keményii gnari, vestigiis ejus insitère, retroguardiâque ejus visâ, subsequentiū procul dubio sociorum conjunctionem præstolantes, substitère. Quo dictus Princeps intellecto, circa tertiam pomeridianam diei Veneri dicatæ, à vico Boncida motis repente castris, instructis tamen militariter ordinibus, circa occasum Solis, juxta Szamosujvár arcem paululùm substitit, eademq; nocte Hungariam versus ulteriùs progressus, sub radicē alpis Emberfö dictæ,
juxta

juxta pagum Negerfalva figit castra. Tartaris in tenebris minime eum prosequi ausis, aut volentibus.

Sequenti Sabbathi nimirum die dictam alpem Emberfô transgressus, sub radicibus alpium, quæ Maramarosinum, reliquasque interjacent Transsylvaniæ partes, juxta pagum Oláh Lápos, ibidem sequenti Dominico nimirum die moraturus, locat castra. Verum circa octavam ejus diei matutinam, Tartaros ad sinistram non procul visos certò allatum; Nec eventus defuit. Tartari enim ad persequendum dictum Principem missi, aberrantes per alpem Emberfô vestigiis ejus, ipsoque ad dextram per errorem relicto, Rivulinum versus (quæ Hungaris Nagy Bánya) properantes, Magnatis cujusdam Joannis Zombori viduam, cum multis rusticorum millibus ex inopinato intercepte, celerique ulterius proVecti cursu, in ditione Regis Hungariæ integras regiones in propriis oppress-

præfere domiciliis, die verò Lunæ & Martis, Szakmarinum prætervecti, multa per eos hominum millia in captivitatem afferta juxta pagum Domahidâ congregavêre, lento interim itinere cum totâ belli mole (non tentatâ arce Szamosujváriensi) Ali Passa eos subsequitur.

Audito (ut præmissum) in castris principis Keményii Tartarorum rumore, non mediocris eos perculit terror, maximè verò stipendiarios, qui à pueritiâ latrociniis rusticorumq; spoliationibus insueti, nec viso, nec persequente quopiam, fermè omnes Maramarosinum versus aufugêre, ubi nemine qui eos inlectaretur viso, tandem substitere, nobiles Transylvani unâ cum dicto Principe, lento eos subsequuti itinere, occlusis à tergo alpium itineribus, in Maramarosinum penetrârunt, positisque eodem die sub radicibus montis, sequenti juxta oppidum Sziget, tertiâ Técsö, quartâ in pratis

pratis arcis Hufztienſis, ubi regnum Transylvaniæ terminatur, caſtris, ibidem ſubſtitere, per eos (ut præmiſſum) dies, in ditione Regis Hungariæ, flammâ ferroque graſſantibus Tartaris.

SECTIO XVI.

INnumeram captivorum multitudinem ad pagum Domahida (ut ſuperius ſcriptum) congregavêre Tartari, quos ibi ſubſtitiffe, dũ præſidii Szakmarienſis Supremo Commendanti, Comiti ab Hejſter cognitum, *Principem Keményum*, ut ſecum conjunctus ad vindicandam libertatem tot Chriſtianorum millia properaret, per celeres requirit tabellarios. Annuir ille, maturatque ſub noctem (relictis impedimentis) Szakmarinum verſus iter; Unde duobus ſaltem jam diſtantẽ milliari- bus, recentiores dicti Commendantis literæ, quibus Tartaros cum multitudine captivorum ab Domahidâ diſceſſiſſe nũciabatur, ut ſubſiſteret coëgere.

Qvo

Quo Princeps Keményius intellecto, juxta Sásvár vicum in ripâ Tibisci locat castra; Ibidemq; iis relictis, ipse cum paucis Szakmarinum, ad educendam illinc Principissam, quæ Kôvári-
no Aranyas Medgyesinam, illinc Szakmarinum metu Tartarorum fugerat, se confert; Musquetariisq; centum pro comitivâ ejus à Generali ab Hejster impetratis, post unius diei moram, secum eam educit. Versus Rivulinum (quæ Nagy Bánya) præcipuis ad explorandos hostium conatus (de quibus nihil certi constabat) missis cohortibus. Cui in viciniâ castrorum in viculo quodam cum Principissâ prandenti, speculatores multa Tartarorum milia à se visa, totamq; Ali Passæ exercitûs molem, non procul subsequi referunt; Muliebrem itaq; comitivam ad tutiora transmittere congruum ratus, Principissam cum nonnullis magnatû Transylvanicorum familiis juxta arcem Nyaláb eodem, sequenti verò
dic,

die, in arcem Husztienfem cum dictâ centum musquetariorum, trecentorumque equitum comitivâ mittit; Plures interim ad iter conatusque hostium explorandos Aranyas Medgyefinum versus remittens equites.

Ut ab ingruentium (si casus ita ferret) hostiû interea impetu, quibus tam numero, quàm robore longè erat inferior, tutus esset, Tibisco juxta vicum Tiszabecs vado trajecto, in ulteriore ripâ, unde longè lateque fumantia pagorum vicorumque incendia intueri poterat, figens castra.

Subsequutus per longitudinem Transylvaniæ antecursores suos cum mole belli Ali Passa, ingenti que circumcirca cæde ac incendiis grassatus, signanter, templo Albano insignis structuræ bibliothecaq; maximæ præcii, incensis, solum Principem Keményium assequi studens, nullum fortalitium, nullam obsederat urbem, transgressusque juxta Rivulinum (Nagy Bánya

ingressus iter, iis non sine molestiâ superatis, juxta pagum Kis Lona fessum subsistere jubet exercitum, nec illic moratus, motis sequenti die castris, inter Tibisci Bodrogiq̃ue fluviorum fluenta, ex opposito oppidi Zemlyén locatis castris, ibidem Simonis Kernényi sibiq̃ue subordinatorum conjunctionem opperiri statuit; Qui versus Munkácsin (ut præmissum) tendens, à Principissâ Rakocianâ (Michaële Mikses, qui tam ad bellum polonicum maximè Principem Rakocium incitaverat, quàm sequentium propriæ patriæ procellarum semper princeps, pugnarum ad Portam Ferream, arcemq̃ue Gyaluinam ejusdem Principis cum Tureis initarum primus suasor, primusq̃ue sine vulnere defector fuerat, maximè contradicente) vix liberum passum, uniusq̃ue noctis in campo moram obtinere potuit.

Ulteriùs illinc sequentibus progressus diebus, juxta oppidum Zemlyén è regio-

regione exercitûs paterni positis castris, ipse ad patrem revertitur.

Habente juxta arcem Nyaláb castra Ali Passâ, dum nulla ampliùs Principem Keményium assequendi eum lactaret spes; Cum selectâ equitum manu, asscuratoriisq; literis ad arcem Hufzt, Passam Hufzain, qui Jeniensium Temesvariensiumq; Purpuratus erat, cum literis expedit; Quarum contentia hæc erat: *Summopere se mirari, cur in gratiam unius hominis, contra Ottomanicam Portam rebellare præsumerent, alteruter itaq; Comitum, Franciscus, vel filius ejusdem Ladislaus Redei, siue Nicolaus Zolyomi (qui per Keményianos in eadem arce àresto detinebatur) ad ipsum in castra se conferat, cui tam incolumitas, quam principatus Transylvanie sub juramento promittitur, populationes insuper ac incendia non ampliùs in dicto regno fore, jurat.*

SECTIO XVII.

Conficit prædictum ille iter, copiosq; sub arce in planitie collocatis per rusticum quendam duosque Turcas, literas fidei ipsius commissas, in arcem Huszt transmittit.

Verum directio arcis, iis qui vocabantur jam pridem adempta, Dionysio Bánfi, præsidioque Principis Keményii subjacebat; Rejetti itaq; cum ignominiâ legati, vulneratus quinimò per Centurionem quendam Principis Keményii, ignobili natum patre (Matthiam Madarász) alter eorum.

Explosa insuper contra cohortes Huszaim Passæ tormenta, qui re tandem infectâ ad Ali Passam, juxta arcem Nyaláb castra habentem revertitur.

Ille proposito suo non succedente, maximè verò ob inflictum legato vulnus excandescens, iterata in Maramarosium Tartarorum irruptione, incen-

diisq̃ue, injuriam ulciscitur; Destitutusq̃ue tam novi Principis ex Transylvanis magnatibus creandi, quàm Principem Keményium assequendi spe, non amplius illic moratus, tentato prius (sed sine tormentis) per Purpuratum Budensem repentino eoq̃ue iterato, incassum Aranyas Medgyesinum insultu, Transylvaniam versus reflectit iter, Rivulinum (Nagy Bánya) in egressu pariter & regressu minimè expilans, sed magnâ com meatûs copiâ ipsis impositâ, Judicem ejusdem civitatis, primoresq̃ue ad colloquium evocatos, secum abducens.

Ingressus Transylvaniam, locatisq̃ue inter oppidum Dés, & arcem Betlenianam castris, Tartaris simul ac universo equitatu Bistricium ac Marosvasarhelyinum versus emissis, integras regiones in favillas redigit, centenos & amplius vicos, uni quasi igni involvens, cæsisq̃; potiori ex parte adultis, imbellem utriusq̃; sexûs Christi-

anorum multitudinem in captivitatem
afferit; *Publicis præterea ad Saxonica-*
les aliasque civitates sub juramento
missis literis, se deditibus, (nullo su-
perimposito onere) incolumitatem, re-
sistentibus exitium promittit; Quæ, tot
cladibus, quid ipsis metuendum esset,
admonitæ, omniq[ue] spe subsidiorum
frustratæ, per legatos deditionem fe-
cêre.

Moranti è regione oppidi Zem-
lyen, (quod tribus à Tokaino distat
milliaribus) cum suis, ut præmissum,
Principi Keményio, Generalem Mon-
te Cuculi cum armadâ Imperatoriæ
Majestatis, accelerato quantum fieri
poterat itinere, in succursum ipsius ac
regni venire, nec procul distare, inno-
tescit; Qui extremâ Transylvaniæ
ruinâ cum suis penè exanimatus, re-
sumpto animo, *Michaëlem Téleki cele-*
ri cursu eum adire, ac intellectis Trans-
sylvaniæ periculis, ut matura iter, ob-
testari demandat, aliàs fortalitia quo-

que Transylvanica (arces nimirum) que hætenus in fidelitate perstiterant, ne desperatis auxiliis deditiorem faciant, maximè metuendum esse nunciat.

Paret ille, certoque loco ac die, ubi & quando, cum Principe Keményio se conjungeret præfixo, Michaëlem Teleki remittit.

Motis itaque è loco prædicto Princeps Keményius castris, ipse cum paucis equitibus ad Principissam in arcem Husztiensem divertit, illicque nihil moratus, juxta oppidum Majtin armadæ suæ Majestatis conjungitur. Cui egregiè instructum, moreque militari (quali eodem temporis momento pugnandum esset) decenter in cohortes distributum exercitum ostentat. Generalis Monte Cuculi, qui tam numero, quàm robore ad exturbandum è Transylvania Ali Passam sufficiens, ab eo, reliquisque Transylvanis judicatus, magnam in spem erexit, paulò antè despe-

ſperantēs: Tormentorū quoq; juſtus
aderat numerus, quicquid itaq; tem-
poris ad iter conficiendum intereſſet,
id ſolum victoriam morari videbatur.

Læti & alacres quocirca continuant
Transylvaniam verſus iter. *Stephanus*
quoq; Petkius (quem cum certâ exer-
citūs parte in Transylvaniā à Principe
Kemenyio relictum ſcripſimus) de ſubſidi-
is appropinquantibus admonetur, quibus
Transylvaniam ingreſſis, quanto am-
plioribus fieri poſſet Siculorum copiis, &
regione *Csikienſi*, (ubi hætenus muni-
mentis natura ſiſus ſubſtiterat) ut
egreſſus conjungere ſe ſtuderet, eidem
imperatum.

Arcium præterea *Görgény*, *Foga-
ras*, *Deva*, *Szamoſujvár*, (quæ hoſti vi-
ciniores erant) Cōmendantes ac præ-
ſidarii, ut in fidelitate perſiſtant, ad-
moniti. Conformes ad civitates Saxo-
nicales tranſmiſſæ literæ, ſed eas deſpe-
ratio terrorq; hoſtilis deditiōem (ut
præmiſſum) jam facere coëgerat, à ſin-

gulisque missi ad Ali Passam legati, vel verius obsides, in castris ejus, sub specie consultationis præsentes erant.

Translatis Marosvásárhelyinum Ali Passa castris, per literas juramentales medio duorum civium Marosvásárhelyiensium transmissas, principatum Stephano Petkio offert; verum ille deditionem pariter & principatum renuit. Rejectus ubique Ali Passa in furorem quasi actus, Tartaris, Turcicoq; equitatu emissis, Sedes Siculicales Marus & Udvarhely, cæsis quos nancisci potuit aut captis incolis, integras Vulcano tradit.

Sciscitari tandem à legatis civitatum in castris suis presentibus, utrum quempiam è Magnatibus, Transylvanicis principatu dignum in civitate aut castello sibi subjecto degentem scirent, incipit; Qui post multas meditationes, Magnatem quendam Michaëlem Apasium, qui è captivitate Crimensi grandi non pridem ere redemptus, ex

compassione domi relictus esset, in proprio castello Ebestsalviensi degere reserunt. Hic erat ex antiquissimâ Magnatum familiâ ortus, pius, sed tam naturâ, quàm propter diuturnas carceris Crimensis molestias, plus iusto demissus, ac lenis, ut adepto etiam principatu, nimix à plerisque lenitatis insimularetur.

Lætus audit hæc dicentes ille, certasque cum Magnate quodam ad eum evocandum, (aut veriùs educendum) mittit cohortes. Qui nihil unquam hac de re meditatus, audito Ali Passæ nuncio, extabescit, conjunx vero in horas partui vicina, utrum se, vel maritum, (de cuius salute desperabat) defleret, plane ignorat: Nunquã enim principatui eum inhiâsse, fateri coguntur vel ipsius inimici, ob idq; non spes principatûs, sed præsentissima veriùs ante oculos castellum proprium exeuntis obversabatur mors, verùm locus per se debilis, præsidioq; ac munitionibus de-

stitutus, parere eum coëgit.

Egressus itaque ingenti animi cum angore, ne territorium quidem proprii transferat castelli, dum citato eques cursu superveniens, *primogenitum peperisse uxorem suam lætus annunciat*, quo, utrum lætus aut tristis audiret, hærente, comites Turcæ felicem fortunatumque eum futurum Principem ominati sunt.

Ingressus castra Ali Passæ, tanquam Princeps honorificè excipitur, in territoriumque solenniter erectum deductus, sive gratificandi, sive (verius) custodiæ gratiâ, certus Janizarorum numerus eidem adjungitur.

Sub idem tempus, nobiles (qui securitatis gratiâ in civitates Saxonicales confugerant) jussu Ali Passæ castra Turcica adire compelluntur, inter quos Thomas Bafa Consiliarius pedibus æger, Franciscus Cassai, mole corporis ad labores castrenses inhabilis, (ob id utrique è bello Keményiano absen-

absentes) non magnus præterea medioerium nobilium numerus erat.

Rebus hoc ordine fluentibus; Principem Keményium cum armadâ suæ Majestatis limites Transylvaniæ ingressum, Claudiopolim appropinquare fertur Ali Passâ.

Ut itaque libera Transylvaniæ Principes eligendi facultas, non penitus Statibus adempta videretur, prædictos nobiles, legatosque civitatum in castris præsentem Principem Ali Passâ e suorum numero eligere jubet, nomine potentissimi Imperatoris insignia Principibus pro confirmatione dari solita, se daturum promittens, à quibus facile de Principe Michaële Apasio assensum.

In cujus principatu inter cætera memoratu dignum ; vocatum quidem (aut veriùs adductum) ab Ali Passâ, ut Principatum subiret, exceptumque honorificè constat, verùm antequam Principem Keményium, armadamque suæ Majestatis appropinquare consti-

tisset, minimè electum, aut insignia principatûs eidem tradita, sed his prius intellectis, principatum ejus sumpsisse initium; Non immeritò itaq; nisi succursus suæ Majestatis aliquem Turcis incussisset terrorem, non amplius eos Principem fuisse creaturos, perspicatiores suspicari possunt.

Appropinquante cum armadâ suæ Majestatis Claudiopolim Principe Kéményio, castraq; juxta vicum Sombor habente, Germani equites pabulatum egressi, in Tartaros per sylvas rusticos scrutantes fortuitò incidêre, occisisq; quatuor, quintum vivum in castra perduxêre. Promotis illinc castris, penes pagum Korod (qui exiguo Claudiopoli distat milliari) substitit exercitus Cæsareanus; Illinc, Georgius Vér, cum certâ equitum manu ad intercipiendos hostes missus, quinque postriduum captivis adductis, revertitur, ex quorum relationibus, ubinam Ali Passa esset, qualem haberet exercitum, quibusve
nego-

negotiis occuparetur, intellectum, quæ omnia hætenus incognita : Numerus verò hostium, armadam suæ Majestatis, adjunctosque ei Hungaros, quadruplo superabat.

Quo Generalis Monte Cuculi, substituti que eidem officiales intellecto, retepuit in cunctis, hætenus continuatus pugnandi ardor; *Dictusque Generalis, se Generalibus personis fermè omnibus (quarum pleraque in rei veritate febricitabant) agrotantibus, peditatuque inedia confecto, exercitum suæ Majestatis, in cuius salute totius orbis Christiani salus consistere videtur, periculum minimè objecturum soli Principi Keményio aperit.*

Et dictum quidem peditatum fame laborasse certissimum est, quamvis enim annus fertilissimus maximam frugum produxisset copiam, nihilominus pedites parato destituti pane, inter ipsos tritici acervos fame emoriebantur.

Obstupuit eo audito Princeps Keményius, è magnaq; spe puncto temporis ad extremitates cum suis redactus, vix lachrymas continere potuit, sed necessitate prædominante parere cogitur.

Generalem Monte Cuculi denuò, primùm per Gabrielem Haller, mox ipsemet coràm, de inducendo Claudiopolim præsidio, requirit; Quem ne in extremam ille deduceret desperationem, nihilque in gratiam ejus fecisse videretur, præsidium personarum circiter mille, se ei traditurum respondet; Quod effectivè eodem die circa occasum solis per ipsummet principem Keményium in civitatem introductum. Stephanus præterea Ebenius cum certis Hungarorum equitum cohortibus ibidem relictus.

SECTIO XVIII.

Stephano Petkio de insperato admonito regressu, ut cum Siculis in fidelitate

litate persisteret, ubi verò inevitabile videret imminere periculum, tempore cedendo, ad meliora se ac Sículos reservaret tempora, imperatur; Quem jam in procinctu stantem non mediocriter hic perculit rumor, totusque ad viam, quâ ex Sede Siculicali Udvarhely Csikinum versus pater iter, quaque hostem illuc penetrare posse conjectabat, aggeribus ac fossis muniendum se confert.

Princeps Keményius, Generalisque Monte Cuculi, sequenti die, mœsti, victis que similes, (nullo hoste hujus rei concilio, eo minus persequente) Hungariam versus retrocessere.

Et quod silentio minimè prætereundum, nec Ali Passa de principis Keményii regressu, nec his de illius intentione, quicquam scientes, eadem qua Princeps Keményius Hungariam versus reflexit iter, die, Michaël Apafius per Ali Passam in principem investitus; Ut in retrocedentis (quasi) illius lo-

cum, hunc fata Principem substituere viderentur.

Eadem, quâ dictus Princeps die regreditur, cum certâ Dragonum manu, nobiles qui è Siculis selecti hætenus cum eo fuerant, ut eos priùs tamen Szamosujvarinum (ubi mediocre erat præsidium) comitarentur, in sua dimissi.

Similiter, nobiles quoque Comitatum Transylvaniæ (exceptis nonnullis proceribus, Consiliariisq; quos secum reservârat) admoniti priùs, quamdiu extrema non ingrueret necessitas in fide persistere, dimissi ad conjuges liberosque, (quos in civitatibus Saxonice reliquerant) rediêre.

Exercitus verò suæ Majestatis, quinque millibus circiter suorum fame morboque absumptis, Szakmarinum, illinc in partes Hungariæ ultiores se recepit.

Quo Ali Passa audito, maximâ solutus solitudine, dimidiam quingentorum milium imperialium; quæ ante bien-
nium

nium regno imposita erant, partem, civitatibus Saxonibus imponit, quibus se tanto oneri impares asserentibus, universa nobilium, pro securitate illuc translata esse dicens bona, ex iis, propriisq, ut persolvant, urget.

Nec coniectos in captivitatem legatos, ante depositionem prædictæ summæ, è castris domum redire permittit.

Publicis præterea ad Siculos missis literis, semet dedentibus sub juramento securitatem offert, refractariis exitium minatur.

Csikienfibus munimentis naturæ, Sedium verò Sepfi, Kézdi, & Orbai incolis, præsentē jam autumnō, distantia loci fisis, ob idq, iussu apertè detrectantibus; Siculis verò Sedium Udvarhely & Marus, hostibus quavis ad eò vicinis, ut recentiores identidem pati cogerentur populationes, dubiis, interq, auxiliorum spem, metumq, hostilem hærentibus; Quorum contumaciâ Ali Passa exacerbatus, motis Radno-

Radnotino, ubi complures transegerat septimanas, versus Siculos castris, reliquis Sedis Siculicalis Marus, quæ intercipi potuere, deletis, relictaque ad dextram civitate Saxonicali Sespurgienſi, (jam cum reliquis dediticiâ) Sedem Siculicalem Udvarhely cum toto ingreditur exercitu, ferro flammâque crudeliſſimè graſſatus, tandem eos ad deditiōem cogit, fixisque juxta oppidum Udvarhely dictum (quod provinciæ ejus metropolis, denominationemque Sedis Udvarhely eidem dedit) castris, *per literas (quas medio deditiōrum Siculorum Sedis Udvarhelyienſis transmittit) Csikienſes, ac Sedinum Sepſi, Kézdi, & Orbai incolas, ad deditiōem hortatur*; Et hi quidem appropinquantis, crudeliſſimeque graſſantis exercitus multitudinem perterriti, deditiōem non abnuunt: Soli Csikienſes unâ cum Stephano Petkio, munimentis naturæ, quæ à nullis unquam hostibus ab ipſorum memoriâ penetrata, infelici-

feliciter, jactabant, fisci, bellum, quam pacem, maluere, cum maturas illic fieri nives gnari, deficiente jam autumno, in horas inaccessibiles se fore ominarentur.

Magna præterea auxiliorum principis Keményii, quem per literas ac nuncios indefinenter urgebant, alebat eos spes. Arces quoque Szamosújvár, Görgény, Fogaras, Deva, ac urbs Claudiopolis, nondum Ali passæ parentes, animabant eos.

Princeps verò Keményius, qui (post discessum exercitus Cæsariani) in limitibus Transylvaniæ, regno Hungariæ contiguus, cum stipendiariis, propriaque aulicorum cohorte, in quartiriis degebat, auditâ regni oppressione, extremitateque Siculorum, vehementer animo angebatur; aperto Marte succurrere posse, imparem se fatebatur; eosdem verò deserere, abjecti putabat esse animi.

Certis tandem à Generali Monte
Cuçuli

Cuculi equitum ac dragonum cohortibus impetratis, ipse met Transylvaniam ingredi, per alpesq; Csikiensium, arcis Görgényiensis (quæ sub potestate ipsius erat) vicinas, certam militum manum, quæ Siculis adjunctis defensioni angustiæ sufficeret, transmittere decrevit. Sed eo ad iter se accingente, repentinus filii junioris Francisci (ex quo post quadriduū decessit) morbus, irritum fore conatum indubitatè ominatus est. Mirabili præterea Dei dispositione, eadem, quâ ad succurrendum Csikiensibus, dictus Princeps Keményius se movit, die, imò horâ, (ut certò deinde cognitum, miserrimi, profligati, devastatiq; ut inferius.

SECTIO XIX.

REjectæ à Csikiensibus Ali Passæ admonitiones, in furorem rapuere eum, selectos itaq; ex toto exercitu tam pedites quàm equites, (imò totum exercitûs sui robur) unâ cum
Tar-

Tartaris, sub directione Ismaëlis Purpurati Budensis, ad expugnandos eos expedit. Ipse cum Principe Apasio in castris, juxta oppidum Udvarhely (ut præmissum) positus, eventum rei expectans.

Ingrreditur destinatum ille iter, per viam ipsemet, quæ e Sede Udvarhelyensi Csikinum commeantibus consue-ta erat, Janizaros, reliquosque ducens pedites. A dextrâ Turcarum equitatum, à sinistrâ Tartaros, aggeribus fossisque, quibus Csikienses ingressum fortiter munisse dicebantur, circuitis, à tergo eos adoriri mandat.

Ingentem præterea, (abundans multitudine militum) equitatum à tergo se sequi jubet.

Exadverso, Csikienses prædictam saltem viam, nonnullasque semitas, aggeribus ac fossis per eos munitas, universi, qui arma ferre poterant (alibi alpes suas inaccessibiles rati) defendere satagunt, quos tamen opinio ipsorum longe

longe fefellit ; Peditum enim cum Ismaële per prædictam viam irrumptum dum impetum fortissimè sustinent , imò rejiciunt ; à sinistrâ per avia & antea inaccessa, ingressi Tartari ; antequam de ingressu hostium apud eos quicquam constaret, integras Csikiensium familias, quæ tanquam in altâ pace, domesticis erant occupatæ negotiis, rapere, villasque incendere cœpère.

Penetravêre, à dextrâ quoque eorum , Turcici equites , Csikiensibus adhuc apud aggeres & fossas strenuè rem gerentibus.

Qui, vicos suos flammam vomere, seque ab hoste circumventos videntes, per sylvas alpesque, quo quemq; casus ferebat, fugere coacti sunt.

Armato, in sylvaq; pugnantes , eadem facile textit , pauci que cæsi. Verùm universæ totius ferme provinciæ familiæ in potestatem hostium devenêre ; Magnas quidam Franciscus Farkas è Siculis Udvarhelyiensibus ortus ibidem occubuit. Ste-

Stephanus Petkius, versus Gyirgyo, (quæ exigua provincia è novem saltem pagis constans, inter penitiores alpes sita, Csikiensibus subest,) salvus non sine difficultate evasit.

Quis hic, tot Christianorum millia (nemine vindicante) cæsa vel capta, stupra cædibus, cædes stupris intermixtas, incendia, populationes, aliaque grassantis barbari facinora animo cōplecti, multo minùs describere posset?

Miseremini, ô miseremini lectores, qui succurrere nec potuistis, nec potestis, saltem compatimini calamitatibus nostris !

Ingentis hujus cladis rumor, Principem Keményium, juxta arcem Szamcsujvariensem habentem castra vehementer perculit, in dolet perditis se supervenisse rebus ; Arci interim Fogarasiensi, quâ regressurum Ali Passam conjectabat, præsidio non satis contra tam potentem hostem munitæ, vehementer timere incipit ; Nec immeritò :
Cum

Cum ducentis itaque germanis, totidemque Hungaris ad eam muniendam missus magnas quidam Gregorius Betlen, Principis frater matruelis, qui adeo oportuno Fogarasinum ingreditur tempore, ut antecursores Ali Passæ non solum essent in conspectu, imò velitationes etiam conferrent.

Quorum adventu præsidarii simul, & metu hostili illuc congregata rusticorum multitudo, exhilarati, incensa civitate, ad obsidionem sustinendam se muniunt. Csikiensibus expugnatis, victoriæ istius, ab Ismaële Purpurato, ex aliis autem, iterati Principis Keményii in Transylvaniâ ingressus rumor, simul & semel innotuere Ali Passæ, qui his lætus simul & sollicitus, reliquis Csikiensium pacem petentibus facile ignoscit, motisque Udvarhelyino castris, autumnalibus temporibus in dies magis ac magis frigescentibus Fogarasinum versus tendit. Locatisque dimidio ab arce milliari castris; Con-
ciona-

cionatore aulico principis Apasii Joanne Enyedino ad præsidarios arcis Fogarasiensis misso, deditioem ejus tentat ex mandato ipsius princeps Apasius, sed irrito successu.

Quo Ali passa intellecto, sive propinquæ hyemis angustia exclusus, sive altiori consilio, formalem arcis obsidionem non molitur, repentinum tamen Janizaros reliquosque pedites (nulla procul dubio arcis bene munitæ, fossæque latissimæ eaque aquis plenæ circumdatæ, expugnandæ spe, sed extra fossam, juxta eorum stabula, congregata rusticorum aliquot millia prædæ suorum exponere studens) contra eam insultum facere mandat.

Qui dicto audientes, usque ad marginem fossæ audacissime penetravêre, verum majorum minorumque tormentorum explosionibus male excepti, multis suorum amissis, re infectâ retrocedentes, horreum, acervos tritici, pontemque super fluvium Olt erectum,

Etum ad vindicandum exculsere dolo-
rem.

E multitudine rusticorum (quos il-
luc congregatos diximus) nulli ab ho-
stibus capti, sed globis utriusque par-
tis plerique trajecti: Ali Passa die se-
quenti motis illinc castris Cibinium
versus se confert.

Princeps interim Keményius motis
ab arce Szamosujvariensi copiis; arcem
Betlenianam juxta subsistit, eamque
Germanico præsidio munit. Cui ibi-
dem moranti, *Michael Teleki* (inti-
mus ejus aulæ familiaris) saltem certa
ipsi Hungarorum, Germanorumq; mili-
tum traderetur manus, deditionem Saxo-
nibus Bistriciensibus (qui ipsi valde essent
noti) persuasurum, audacissime spon-
det.

Quo obtento, juxta civitatem Bi-
striciensem relictis suis, ad colloqui-
um produnt, hæc resolutio à civibus
data: *Nos infelicissimi propter obse-
quium Celsissimi Principis Kemenyii;*
Otto-

Ottomanica Porta resistentes, multis nostrorum amissis, totius circumsitæ regionis incendia sustinimus, reliquiis vix data salus; Quibus per iteratam rebellionem omnibus pereundum esset; Profligate itaq; potentissimam illam nationem, nos victori obsecundantes habebitis; Nec plura loquuti, contra nonnullos, qui in suburbis grassabantur exploso tormento, duos è Germanis occidere.

Reiectus itaq; Michaël Teleki ad dictū principē rediit; Qui reducto in Hūgariam exercitu, equitatū Germanicū Szakmarinum dimittit; Stipendiarios suos Debreceninū in hyberna collocat, ipse cū aulicâ cohorte sub radicibus alpium Maramarosensium in vico quodā ignobili, (Bikszáda dicto) in ditione Regis Hūgariæ, egressū è Transylvaniâ Ali Passæ, rerumq; opportunitates ibidem præstolaturus, hybernātū subsistit.

SECTIO XX.

MOrante juxta Cibinium in castris Ali Passæ, Generalia regni

M

Sta-

Statibus Comitatus Selykinum (opidum illud est Saxoniale) Princeps Apafius indicit; Ubi consueto per Principes Transylvaniæ ritu, juramentum de observandis eorum libertatibus (quod hætenus non deposuerat) præstat, reciprocumque ab iis fidelitatis exigit. *Ut ad trigesimum ab expiratione Diata diem Transylvani, qui hætenus Principi Keményio adhesere, sub amissione omnium bonorum redeant, ibidem cautum, missæque ad eosdem, sed interceptæ per Principem Keményium, literæ, nec prius, verum reduci termini expleto, redditz.*

Imminente hyeme, Ibrahimio Passa cum præsidio duorum circiter millium, octodecimque cohortibus Valachorum ad defensionem principis Apafii relicto, Ali Passa Temesvárinum redit, exercitumque in hyberna distribuit.

Apafius verò Princeps uxore Cbiniæ relicta, Medgyesinum (ea est civitas Saxonialis) cum dicto se confert præsidio.

Cogni-

Cognita hæc cuncta principi Keményio, ne itaq; occasionibus suis deesse videretur, cum extra regnum positus, diutiùs stipendiariis alendis se minimè suffecturum sentiret, quin potiùs iisdem Debrecinum metu Turcarum deserentibus, ne hyberna quidem posset impertiri, in privato præterea nec posse, nec velle se vivere statu, jam dudum apud se conclusisset, de ingressu in Transylvaniam denuò meditari cœpit.

Literisque Regni Statuum, in quibus de securâ priorum bonorum possessione asscuratus, ut novercanti cederet fortuna, nec in exitium regni & proprium potentissima nationis inquietaret victoriam, per misericordiam Christi rogabatur, rejectis, tam à Supremo Generali Monte Cueuli, quàm Commendante Szakmáriensi, Comite à Vallis (familiari quodam Francisco Piheni ad eos adducendos misso) certa Germanorum impetrat & obtinet subsidia.

fidia. Conclufam tamen & effectivè jam per fe inchoatam rem, ne inconſultis aggredi videretur Confiliariis, Gabriele Haller, Stephano Petki, (qui proſtigatis, ut dictum, Csikienſibus fugâ elapſus ad Principem Keményium ſe contulerat) Joanni Betlenio, Confiliariis, Volfgango Betlenio, Joanni Haller, Dionyſio Bánfi, Joanni Szent-páli, proceribus regni, tanquam rem nondum apud ſe definitam, eo minus in actum deductam aperit.

Extremeque urgentes ingreſſus ſui neceſſitates prolixis demonſtrat verbis. *Muſſare in re tam periculofa illi: Tandem ſubſequenturis illinc malis præconſideratis, intentionem ejus improbare cœpere.* Circa vesp̄eram in Bikszádâ hæc acta. Diſſolvit triſtis, princeps colloquium, conſenſoq; ſummo mane ſequenti carpento, Gabriele Haller, Stephano Petkio, Joanne Betlenio, Joanneq; Haller, ſecū currū conſcendere juſſis, dum Medgyeſinum itur, interruptam

ruptam vesperâ præteritâ materiam
resumens, apertè cum dictis magnati-
bus, quare proposito ipsius adversaren-
tur, contendere cæpit, hæc dicens:

*Quæ inevitabiles causa, ut ingressum
in Transylvaniam denuò moliamur, nos
urgeant, luculenter aperuimus; Qui-
bus auditis, nonnullas vestrarum Do-
minationum prorsus silentes, quasdam
verò contradicentes cum dolore animi
conspeximus, fatemur. Literæ forsitan
nōmine regni Transylvaniæ Statuum
ad vos perscriptæ, per nosque ante pau-
cos dies redditæ, in quibus restitutio bo-
norum promittitur, mutavêre animum
vestrum? Nos quidem de nullius dubi-
tamus fidelitate, interim singulos ma-
nemus, literas vel nuncios in Transyl-
vaniam expedire, nisi perire velint, mini-
mè presumant, Transylvaniâ nos ex-
clusi, ne eadem aliorum quoque patria
habeatur, efficiemus; Tandem extra se
quasi raptus, convictum se in conscientiâ,
sive salutare, sive exitiosum foret, in-*

*gressum in Transylvaniam tentaturum
aperiè pronunciat.*

Nec à proceribus vix hiscere ausis
quicquam responsum. Ingressus Med-
gyesinum, sorore matrueli Casparo
Zoltán nobili eloçatâ, ante festum na-
tivitatis Christi tribus diebus Biksza-
dinum redit.

S E C T I O XXI.

UNde anno sequenti tertiâ nimi-
rum Januarii Transylvaniam ver-
sus se movens, post duos dies Germa-
nis auxiliis conjungitur. Verùm inten-
sissima, quæ hætenus duraverant fri-
gora, eo iter ingresso, in largas con-
tinuò versa pluvias, unde inundationes
aquarum subsequutæ, difficilimaque
reddita itinera, ut ad exitium ruentem
ipsâ naturâ remorari videretur.

Continuatum nihilominus iter,
Principissæq; cum hætenus comitan-
ti, in pago Dobraviczâ, juxta Rivuli-
num (Nagy Bánya) sito, ultimum vale
dicens,

dicens, Joannem Szentpálum cum duobus equitum Hungarorum millibus præcedere, conjunctumque Stephano Ebenio, (qui Claudiopoli relictus erat) rectà Medgyesinum versus, quo Principem Apasium jam pridem se recepisse constabat, ad occludendū ejus iter, ne in civitatem aliquam munitiorem se recipere posset, properare jubet. Qui inter se juncti, rectaque quo jussu erat tendentes, ducentos equites ad explorandum statum Medgyesiensem præmittunt, ex quorum præsentia hostium conatus Principi Apasio patefacti, qui naturā pius ac lenis, Christianoq; parcere volens sanguini, convocatis qui secū erant regni Statibus, singulos ex singulis legatos ad Principem Keményium expedit nationibus, per quos tam suo quàm regni Statuum nomine, totius patrimonii ipsius quæta possessio offerebatur Principi Keményio, rogabatur insuper, ne contra potentissimam Turcarum nationem ar-

ma ostentando, in ruinam reliquias afflictissima patria precipitaret, à quâ si in gratiam reciperetur, paratum ab omnibus promittebatur obsequium; Quos juxta fluvium Samosium obvios, responso dilato, secum ducit Princeps Keményius. Nec in loco interim tam debili diutiùs morari dictus Princeps Apafius tutum ratus, Sespurgum sequenti die, cum præsidio adjuncto, Hungarisque præsentibus se iturum decernit.

Verùm superveniente nocte, octodecim vexilla Valachorum Transalpinensium, (quæ cum Turcis in subsidium ejus relictâ scriptum) hostili percussa metu, in patriam refugere.

Quorum fuga maturavit secundum hesternam conclusionem, Sespurgum transire Principem Apafium, qui tamen nemine laceßente, destinatum confecit iter, in civitateque inferiori cum totâ suorum comitativâ resedit.

Quo eum se contulisse, Stephanus
Ebe-

Ebeni, Joannesq; Szentpálius intelligentes, confestim subsequuti, in oppido Segesd, (quod dimidio ab urbe distat milliari) relictis impedimentis, ne illinc elabi, ut putabant, posset, arctis urbem circumdedere custodiis.

Informatus de his omnibus per eos princeps Keményius, ut acceleraret iter rogatur. Verum ille cunctator naturâ, tunc verò fataliter solito seriùs iter suum dirigebat, nunquam tempestivè, sed circa decimam, imò undecimam matutinam castra movens, sub noctemque, cum ingenti exercitûs jacturâ, propter breves & paucas diei horas, (sicut Januario mense fieri solet) subsistens, quod cunctis, maxime verò Germanis officialibus rei bellicæ peritis stupori erat.

Post longas tandem & inutiles moras, civitati Sespurgienti appropinquans, præmissos cum Stephano Ebenio, Joanneque Szentpálio equites, in eodem quo locati erant, relinquit quar-

tirio; Germanos in pagum Saxonica-
lem Valkány collocat, ipse cum præ-
toriâ cohorte, parteq; exercitûs in pa-
go Fejéregyház subsistit, quæ tria quar-
tiria prope invicem ordinata, per ho-
ram facilè adiri poterant. Dicto Prin-
cipe Keményio, unius ab urbe Sespur-
giensi diei itinere distante, Gregorio
Betlen, (quem Fogarasinum fuisse in-
gressum relatum) per eumque Step-
hano Ebenio, Joanni que Szentpáli octo
vexilla Valachorum Transalpinensi-
um; prope civitatem Coronensem,
(Braslo Hungaris dictam) alpes trans-
iisse, sub radicibusq; earum substitisse
innotescit, missi itaq; ad opprimendos
eos cum certis cohortibus Gregorius
Betlen ac Joannes Szentpáli, qui fa-
mam velocitate prægressi, prædictis
cohortibus dissipatis, duobusq; vexillis
captis, rem felicissimè confecêre.

Dum Princeps Keményius in pago
Fejéregyház moram trahit, excubiis-
que intensissimis, tam se quàm hostes
fati-

fatigat, advocato Joanne Betlenio, eum literas ad Franciscum Cassai, qui ipsius affinis, novi verò Principis Apasii Supremus Aula Præfectus erat, scribere jubet, in quibus, si pacem per legatos tentatâ sincere desiderarent, ut de modalitatibus ejus tractaturus, ad destinatum prodeat locum, hortatur.

Anxuit ille, sequentiq; se egressurum die rescribit. Quâ illucescente, dum portâ urbis egressus fuisset, ex aliâ civitatis parte equites Hungari impetu in stationes Turcarum facto, velitationem instituunt, quorum clamore, explosionibusq; sclopetorum auditis, regressus in urbem salvus evasit, cui (ut à nonnullis postea relatum) occultæ collocatæ erant, inscio tamen Joanne Betlenio, in campo insidiæ.

Mittit ad Sespurgienſes quoq; literas, pristini eos obsequii monens Princeps Keményius, qui perplexis respondentibus verbis, nec promissere, nec dene-gavere obedientiam.

Oppugnationem interim urbis muro non circumvallatę in horas metuens (nec immeritò) Princeps Apafius, dum ab iis se ac suos in arcem recipi desiderasset, apertè id ipsum denegantes, quo animo ducerentur aperuere.

Quare cuncti exanimati, sequenti-
que nocte deserto principe Apafio,
plerique Hungarorum per sylvas fuga
sibi consulere.

Vigesima tandem Januarii circa au-
roram egressus cum quibusdam offici-
alibus Princeps Keményius, civitatem
circumspicit Selpurgiensem, locaque
oppugnationi (quæ in sequentem diem
erat destinata) opportuna perlustrat.

Ex Hungaris Stephano Ebenjo, Mi-
chaëliq; Teleki, solis quid apud se con-
clusisset referens. Unde circa vesperam
in proprium regresso quartirium, duo
equites, qui in pagum Szász Almás, (in
viciniâ civitatis Saxonicalis Medgyes
situm) ad commeatus petendos ive-
rant, *magnum Turcarum exercitum eadem*

dem die Medgyesinum esse ingressum, non quidem se vidisse, sed ex fide dignâ rusticorum relatione certò scire, referunt; Qui non planè contempti, nec interim integra fides adhibita, missi itaque plures, qui re diligentius intellectâ, aut visâ, cuncta in veritate notificarent, per quos omnis sequenti die (nimirum Sabbathi, qui vigesimus primus Januarii) dubitatio exempta.

Requisitus enim à Principe Apasio de subsidiis contra ingressum hostem mittendis Ali Passa, Kucsuk Memhet Passam (Jeneiensem & Temesvariensem Purpuratum) virum non prudentem, sed temerarium, qui à pueritiâ prædo, mox rebellionis in Asiâ contra Ottomanum motæ princeps, dicto muneri præpositus erat, cum duobus (non amplius) sed selectissimis equitum millibus, in succursum mittit, ille celeritate rumorem præveniens, ac cū vexillis octodecim Valachorum (quos non pridem aufugisse diximus) jussu

Principis eorum, denuò ingressis, eadem die, nimirum Veneri dicatâ conjunctus, Medgyesinum ingressus, sequenti ad reficiendos longo labore suos (si necessitas ingrueret) resumptis ut paululùm viribus, aleam fortunæ exactiùs subire posset, ibidẽ substiterat.

Convocatis quocirca die Sabbathi (quæ vigesima prima Januarii) exercituum officialibus, quid factò opus sit, consultat.

Quibus, collectis proximè sequenti nocte universis copiis, obviam eundum hosti, fortuneque aleam, antequam cum Principe Apasio adjunctoque ipsi Turcico presidio conjungi posset, tentandam placuit; solo Principe Keményio (qui illinc quacunque de causa se movens, fugere à Principe Apasio suisque diceretur) propter ignominiosum, (ut ipse pretendebat) fuga nomen, salubri refragante consilio.

Tandem se de summa rerum deliberaturum, interim officiales in propria

pria regressi quartiria parati ordinantias à se expectent, dicit.

SECTIO XXII.

Quibus dimissis, ut lucescente die, vigesima secunda Jan. [1662] exercitus Germanici, ex quartirio suo (Valkány dicto) una cum impedimentis, Stephanusque Ebeni, cum sibi subiectis Ungaris, ex quartirio itidem suo se moventes Principi conjungantur, jussum.

Qui dicto audientes, circa nonam ejusdem diei matutinam, distributis in cohortes suis, extra quartirium Principis Keményii, in campo substitere; Diversi interea equites, Kucsuk Passam Medgyessino egressum, instructis copiis, Sespurgum versus venientem, se vidisse referunt, quorum verbis indubitata quamvis adhiberet Princeps Keményius fidem, non tamen ut inutilem ibi moram terentes suos in occursum hostis duceret, ab iis (quamvis enixè

nixè rogantibus) induci potuit, ignominiosum fugæ nomen se præcavere prætendens; Vel mediocris quocirca homo, fato eum torpentem occasionebus deesse bellicis perspiciens adversum ex eo rerum ominabatur exitum.

Eodem die detentos hætenus apud se Principis Apafii, ac regni Statuum legatos Sespurgum remittit; Ipse equum conscendens cum paucis civitatem versus progressus meditabundus complures spaciatur horas, aliis atque aliis, qui hostes appropinquare dicerent, identidem supervenientibus.

Circa tertiam tandem pomeridianam, motis suorum cohortibus, versus pagum Hetur, paulatim & subtristis progreditur, hostes dimidio saltè milliari abesse referente quodam, quibus obviam eundi ne tunc quidem deerat occasio, eo minus alacritas militum, sed ille exercitu juxta pagum Hetur (prædictum) subsistere jussio, reliquum diei cum Germanis officialibus consultando transigit.

Circa

Circa occasum tandem solis, nullâ in exercitu dispositione factâ, cum trecentis circiter, versus pagum Nagy Szôlôs, ac illinc ad planitiem, per quam hostis jam abierat, progreditur. Verum ex tormentorum sclopetorûque quæ Sespurgi in signum applausûs conjunctionis Kucsuk Rassæ explodebantur boati, irritum se laborâsse vident, in tenebris ad pagum Nagy Szôlôs regredi, totumque exercitum magnâ cum confusione, ibidem locare cogitur.

Illucescente sequenti die, vigesimâ tertiâ nimirum Januarii, Germanis pariter Hungariisque officialibus convocatis, de summâ rerum tractatur. Quibus, conjunctione Kucsuk Memhet Passæ, cum reliquis jam factâ, omnem moram periculosam; regressumque versus Hungariam maturandum, censentibus, solus Princeps Keményius, ignominiosum tunc quoque fugæ obiciens nomen, contradixit, quamvis de expu-

gnatio-

gnatione Sessurgienſi omni ſe excidiſſe
ſſe , plureſque tam ex utraque Vala-
chia , quàm ab Ali Paſſa poſſe ſuperve-
nire exercitus , fateretur ingenuè ; In-
terim inter fugam diutinamque moram
medium ſe ſequuturum dicens , ut ea-
dem ibidem morarentur die ; ſequenti
verò Berethalminum (eſt oppidum Sa-
xonicale in mediotulio Tranſylvanie ,
non procul Medgyeſino ſitum) tranſeun-
tes , in itinere caſtellum Principis Apa-
ſii Ebeſfalva expugnarent , duosque in
prædicto oppido morati dies , illinc ex-
pugnata iterum in itinere civitate Sa-
xonicali Medgyeſ , verſus Hungariam
retrocederent apud ſe decreviſſe , refert ,
cum exercitus Turcicus longo feſſus iti-
nere , procul dubio conjunctione conten-
tus , eruptionem minimè meditaretur ;
Tacendo aſſenſère officiales , eruptio-
nem hoſtilem (præter magnatem quen-
dam Petrum Huſzar , qui è captivitate
Tartarorum non pridem redemptus ,
Kucſuk Paſſam , e quâ heſternâ die in-
greſ-

gressum, eadem temeritate egressum quoq;
ejus diei posse experiri dixerat) nullo
eorum reformidante.

Conclusa itaque ejus diei quiete,
pabulatum emissi milites, literas præ-
terea Joannem Beslenium Cancellari-
um, ad Generalem Monte Cuculi, Com-
mendantemque Szakmáriensem, Comi-
tem à Vallis, de subsidiis contra recentem
hostem denuò mittendis scribere jubet, quo
eas scribente, rusticus quidam in conspe-
ctum Principis Keményii adductus, cir-
ca occasum solis diei præteritæ, integrum
se hostium vidisse exercitum, quin-
quaginta triaque ejus refert numerasse
vexilla, nec falsò, verùm conjunctus
cum Valachis (ut præmissum) Kuksuk
Memhet Passæ exercitus, mihimet, sub
initium pugnae spectanti duorum mil-
lium numerum non excedere visus
est.

Imminente interim prandii horâ,
cunctisq; aut mensæ accumbentibus,
aut accumbere volentibus, pabulato-

rum

rum nonnulli, Turcarum se vidisse referunt cohortes. Signum itaque in campum prodeundi tubâ datum consensuque ipse Princeps equo, cohortes subsequi jubet, quæ partim exivêre, partim verò nihil magni illic agi credentes, in pago suis occupabantur negotiis, vixque dimidiam tam Hungarici, quàm Germanici exercitûs partem prodiisse asseveraverim.

Appropinquabat interim, (pagum Hetur prætervectus) cum suis Kucsuk Memhet Passa, cujus cum Principe Keményio conflictus ut exactius intelligi possit, hæc prius intelligas oportet: Exercitum Turcicum ab ortu occasum, Principis verò Keményii ab occasu ortum versus inter se congressos; solem utrisque obliquum consideres.

1. *Principis Keményii exercitus hoc modo erat dispositus. Quoniam vallis, in quâ pugnandum erat, vix capiebat exercitum, à dextrâ juxta marginem cujusdam sylva. sub Emerico Radak sexcen-*

sexcenti collocati pedites.

Princeps Keményius, cum Hungaricis equitibus, Stephano Ebeni præsenti subiectis, in unum corpus coactis, in medio subsistebat, qui universi si interfuissent pugna, quatuor millium numerum excedebant; verum dimidiam partem absentem putes. A sinistrâ sub vineto quodam, Croatarum Germanorumque collocatae erant cohortes, horum quoq³ non parvo numero in pago vacante.

Trecentos præterea è Germanis, ac totidem Hungaros, (insidias Turcarum veriti) ne circumveniri possent, in alterâ pagi margine collocarant. Disposito sic (ut præmissum) Principis Keményii exercitu, eques quidam ex Hungariâ ortus, albâ vestitus tunicâ, Principem Keményium adiens; Ut magnates Transylvanos, tanquam vitæ ejus insidiantes, à se in pugnam sejungat, hortatur, cui (nec anthore, nec veritate rei considerata) extemplo paret ille, missoque ad eos Michaelē Teleki, quodam aulae fami-

familiari, ut juxta cohortes Germanorum, quo ipse quoque confestim rediturus esset, se recipiant, jubet. Hi fuere Gabriel Haller, Joannes & Volfgangus Betlenii, fratres Principis matruales, Paulus Haller, Dionysius Bánfi, Petrus Huszár, Franciscus Redei, Andreas Ugron, omnes è Transylvaniâ oriundi, qui dicto parvère, nec quisquam è Transylvanis proceribus, præter Stephanum Ebeni, Simonemq, Keményium, Principis filium, ipsi in pugná astitit. Quæ res illorum saluti sola profuit, ut inferius patebit.

SECTIO XXIII.

Immimente jam planè hoste, alterum dictus Princeps infelici suo fato (quem tempore primi ingressûs sui in curiâ Oerményiensi Cissaro Baresaia occiso obtinuerat) conscendit equum. Ex adverso Kucsuk Memhet Passa duas validissimas cohortes in fronte constitit, ipse in eâ quæ rectâ Hungaris

ERRAT

erat opposita subsistens. Tertiâ satîs validam, quartâ verò debilem à tergo suorum collocans, nullisque velitationibus præmissis, Kemenyianos aggreditur, à quibus diversimodè excipitur: Turma enim Turcarum, quæ ipsis à dextrâ erat collocata, cum sinistro Keményianorum cornu, ubi Germani ac Croatae erant, congressa, primis ordinibus fermè omnibus casis, nutare, fugamq; meditari cœpit.

Partaque illinc procul dubio victoriâ, nisi Hungari, quos Kucsuk Memhet Passa ipse invaserat, panico correpti timore, desertis sociis fugâ omnes sibi consulerent, incruentamque hosti, ipsomet teste, debitori, reliquissent victoriam.

Emericus Radak cum sexcentis pedibus neminem laceffens, nec laceffitus à quoquam proximas in sylvas se recepit. Princeps ipse lapsu equi à suis obtritius perit, cui dum suum Stephanus Gyulaius, Dapiferorum ejus Magister obtu-

obtulisset, ipse equo destitutus pro fidelitate periit, non tamen Principem suum contra fata tutari potuit, ejus cades tunc incognita, ex spoliis tandem ejus, relationeque suorum innotuit, corpus nec tempestivè quæsitum, nec unquam inventum.

Destituti à sociis Germani, ipsi quoq³ fugâ sibi consulere coguntur. Casiq³ plerique, major procul dubio victorum, si diutius hostis eos persequi perseverâisset, edita fuisset cades; Verùm ultra quadran-tem miliaris persequi destitit, regressusq³ in pagum Nagy Szölös, cunctis totius exercitûs impedimentis, duobus præterea campestribus tormentis, multisque spoliis ditatus, ovans sub noctem Sespurgum, ubi Principem Apasium reliquerat, explosionibus tormentorum exceptus regreditur.

Magnates Transylvani (quos juxta Germanos à Principe Keményio collocatos diximus) inter se divisi, Dionysius Bánfi ac Volfgangus Betlenius ver-
sus

ius arcem Betlenianam, Gabriel & Paulus Haller, Joannes Betlenius, Petrus Hufzár, ac Franciscus Redei Górgényinum se recepêre; Simon Keményius ac Stephanus Ebeni cum reliquis devicti exercitûs Marosvásárhelyinum, ac illinc Hungariam versus velocissimè (nemine tamen persequente) aufugêre.

Andreas Ugron Fogarasinum properans, à Saxonibus oppidi Kacza interceptus, ad Principem Apasium (qui eum grandem in redemptionem sui mutuo dedisse pecuniam meminerat) perductus, ab eo conservatus est.

Dictus Simon Kemény, occisi principis filius, ad Principissam, patris sui viduam reducto, ex quo pater lapsus erat equo, eum utrum viveret, nec ne, se latere, (quod tamen certò sciebat) referens, lenire per complures dies nitabatur extremè deflentis dolorem, verùm successu temporis dubitatio menti ejus exempta, globoque trajectus ex

N

ejus

ejus mandato mariti equus.

Paucos post dies Dionysius Bánfi, ac Volfgangus Betlenius, qui in arce Betlenianâ substituerant, cum aliis nobilibus securitatis gratiâ illuc congregatis, literas ad proceres in arce Gôrgényiensitunc morantes transmittunt, quid illi Principe Keményio fato functo facturi essent, sciscitantes, simul, et consensuros se promittentes.

Conformes Stephanus Lázár quoque ac Csikienses ad eosdem misere literas. Quibus per eosdem, quoniam occulto, extraordinarioque Dei judicio, Princeps Keményius in vivis esse desisset, ulterius potentissimam Turcarum nationem irritando, in majus patriam precipitare periculum inconsultum putare, seque deditione arcis Gôrgényiensis factâ presenti cessuros fortuna, rescriptum; Assensere cum Stephano Lázár Csikienses.

Verum Dionysius Bánfi, Volfgangusq; Betlenius, contemptis eorû literis,

ris, communicatîsq; cum Stephano & Joanne Torma, qui in arce Betleniannâ erant, ac Stephano Ebeni, (qui Szamosujvarinum se ex fugâ receperat) Petro Keményio, occisi Principis germano fratre ibidem existente, consiliis, nonnullis mediocris statûs nobilibus adjunctis, firmissimo inter se juramento inito, Principi Apasio resistere, Sacratissimâq; Imperatoriæ Majestatis opem denuò implorare decrevêre; Missisq; ad Simonem Keményium (qui apud novercam Aranyas Medgyesini degebat) literis, ex assensu ejus Balthasarem Matskasi ad Sacratissimam Imperatoriam Majestatem expediunt, *ne è fortalitiis Transylvanicis præsidia educat, quin potius bellum renovet, suppliciter obtestantur, Patre Martino Kaszoni, qui jam pridem per defunctum Principem Keményium Viennam expeditus, nondum redierat, diligentissimè causam hanc promovente.*

Paucasque post septimanas Volfan-

gus iterum Betlenius communē quasi Statuum nomine (sed illis nec consensu, nec approbantibus) ad sollicitanda per eosdem missus auxilia, promissisque (ut progressus rerum docuit) procul dubio oneratus ad suos rediit.

Princeps interim Apafius, suis ac Kucsuk Memhet Passa asscuratoriis literis, ad eos qui Görgenyini morabantur procures missis, ad se Sessurgum evocat, arcemque prae dictam ab iis deditioe recipit.

Ad Sacratissimam præterea Imperatoriam Majestatem, quamvis jam pridem expeditus ejus legatus Gregorius Sárosi nondum rediisset, suo ac Statuum nomine, Stephano Daniel procedere nihilominus misso, pro paterno erga afflictissimum Transylvaniae regnum ejus patrocinio demississimas agit gratias; ingentem regni, quod spe succursus suae Majestatis, oblatam ab Ottomanicâ Portâ rejecisset pacem, eodem, occulto Dei judicio, non succedente, centum

tum ad minimum Christianorum mil-
lia miserat, deflet ruinam, reliquias
affluctissimiregni, tot afflictionibus pri-
us exantlatis, inevitabili semet submi-
sisse iugo significat, solam fortalitiorem
Transylvanicorum prasidiis sue Ma-
jestatis munitorum expugnationem, de
quâ iterata jam supervenisse mandata,
restare, cui malo de educendis illinc
prasidiis sue Majestatis ordinantiam
solam posse mederi, alias ne ingressus
est Fussa eas expugnet, occupetque,
maximè metuendum scribit, se in eo es-
se statu, qui nec jussa detractare, nec
quicquam agere volenti prescribere pos-
sit. Ne itaque jubente barbaro quod
sue Majestati displiceret facere coge-
rentur, demississimè hæc notificare volu-
isse. Expeditus legatus per complu-
res Viennæ moratus menses, cum exi-
guo (ut inferiùs patebit) fructu mense
tandem Aprili rediit; Pater enim Mar-
tinus Kászoni prædictarum persona-
rum, imò (insciis illis) regni Statuum

nomine, contrariam non destitit promovere causam.

SECTIO XXIV.

Importunissime interea Principem Apasium (nec sine minis) ad fortalitia praesidiis Germanicis munita obsidenda urget Kucsuk Memhet Passa, Ali Passa quoque nomine Imperatoris sui idem se verè imperat, quibus inopiam (tempore hyemali) pabuli causatus, antequam herba in campis proventiant, bellum minimè posse gerere respondit, dilatoque per hanc moram negotio, resolutio interim suæ Majestatis magnâ cum spe expectatur.

In hybernaq; inter Saxones exercitus Turcicus distributus, Princeps Apasius cum Kucsuk Memhet Passa, in oppido Nagy Sink (quod unico Fogarasino distat milliari) subsistit.

Gregorius interea Betlenius, ac Joannes Szentpáli, qui hætenus arcis Fogaras praesuerant, traditâ Principi Apasio

fio arce , ad obsequium ejus firmissimo se obstringunt juramento ; Germanicum præsidium salvum in Hungariam dimissum, quibus Commissarii dicti duo proceres à Principe dati, ipsi tam longæ (quâ de causâ sit) conscii moræ , nondum ad obsequium Principis, cui juraverant, rediére.

Franciscus Kercsztesi, Consiliarius, qui arci Dévensi præerat, traditâ similiter arce , ad Principem Apasium se confert. Lacrymosæ eæque continuæ, per totam hyemem rusticorum, nobiliumque in viciniâ Claudiopolis degentium, qui excurrentibus indefinenter præsidiariis , omnibus se per eos exutos bonis deflebant , non deerant querelæ.

Cui malo placidis regni Status volentes mederi modis, Commendantem Claudiopolitanum, ut ab excursionibus suos contineret, per literas modestissimis rogant verbis. Eum ac suos, nec Sacratissimâ Imperatoriâ Majestate jubente, nec requirenti-

*bus Statibus ipsis, sed per Principem sal-
tem Keményium, in civitatem prædictam
collocatos, quo è vivis sublato, nullam
ipsis illic ulterius moram trahendi impo-
sitam esse necessitatem, asserentes, amica-
biliter quapropter tutum ac honestum illi
offerentes egressum, ne potentissimâ Tur-
carum natione iubente, quod ipsismet ma-
ximè displiceret, id tandem facere co-
gerentur.*

Verùm ille, (cui nomen David à
Redano) seu fidelitatem erga suam
Majestatem, seu illud summum mili-
tiæ genus putans, immodestissimis, ac
nunquam per quempiam mortalium
contra regnum Transylvaniæ (in qua-
cunq; fortunâ) prolatis respondet ver-
bis, quod ut lectorem minus lateat,
verbotenus inferere placuit.

Spectabiles, Magnifici, Generosi,
Egregii & Nobiles, Prudentes item &
Circumspecti Domini mihi observan-
dissimi.

Quam-

*Q*uamvis literæ , quæ 26. Febr. nec consuetis regni sigillis sint firmata, nec ordinariâ trium Statuum unionē corroborata , tamen prout mihi licitum est, debito cum respectu juxta Magnificentiarum vestrarum merita respondere non prætermitto : Transeant interim pacta & vincula unionis cum Sacratissimo Cesare stipulatæ , ad quæ per instantissimas totius regni supplicationes Clementissimus Imperator permotus , quantum pro Celsissimo Principe auxiliando impenderit , quantaque ejus exercitus sustulerit , in interna Magnificentiarum vestrarum corde non latebit , si tamen justis desideriis felices non successerunt eventus , causis ab Augustissimi Caesaris bonâ mente longè remotis tribuendum.

Execrandum enim proditiōis scelus in ultimâ belli expeditione omnibus satis innotescit , quod quamvis ego silentio obtegam , tamen delusæ patriæ spes , proditi Principis exitium , derelicta Christianitas in æ-

ternum universo orbi testabuntur , interdum si pejora mala miserando huic regno superstiterint , sibi ipsis justè imputandum ; vi enim non coacti , ut demonstrant , sed vel vili timore , vel pravo natura instinctu impulsì , propria suorumque confederatorum damna perquirunt ; Quod præsidium huic urbi impositum , non tantùm Celsissimus Princeps Joannes Kemény , sed sufficientes regni magnates , quomodo , quibusque conditionibus (nempe juxta Ziglizianas) pro victu factum sit non ignorant. Sed quod meum tantùm particulare spectat juramentum , unà cum meis Celsissimo Principi præstiti , in cuius fidelitate constans , nec minis perterresiam , nec ullo pacto retrocedam , consultant quos debent consulere Magnifici Domini , mei enim Principales non procul absunt , interim nec ruinam , nec desolationem hujus districtus exopto , dummodò obligatum proviantum prædiariis non impediatur , imò ordinatè
alimen-

alimenta, de quibus hinc tria seu quatuor milliaria distantes pagi & vici satis abundant, subministrarentur, præcipue dum justæ exponuntur petitiones, sic excursions removebuntur, quæ non nisi necessaria præsentî tempore permittuntur, nec usque adhuc apparuit quod aliena bona retinerentur, & si aliquid sub sigillo occlusum est, urgente absque necessitate non appropriabitur, quam tamen Deo favente non tam citò spero adfuturam. Quòd deinde homines

Christianæ gentis obnoxii, gentilisque populi fautores castigentur, durum nulli unquam fore arbitrarer, imò tales aliquando impunitos non relinquo, ne justitiam credant semper dormituram. Sed quàm maligna illorum dolenda cecitas, quorum Christianos paganis non pudeat equiparare. Adducant illi à Germanis conculcatos nobilium ordines, trucidatam, seu in æternum captivatam regni plebem, exustam provinciam. O miseram amicorum conditionem!

quibus summâ adjudicatur barbarie ,
tritico, farinâ, bove, ultimâ stipulatis
penuriâ , iis uti, quæ tantum natura ad
vitam sustentandam decrevit, dum pa-
ganis minimo ipsorum nutu ad illorum
adimplenda expostulata abundè satis
consultatur : Civium opes & substantias
exurbibus extorqueat Turca, filios ve-
stros perpetuo vinctos compede in exte-
ras regiones extrahant barbari, incen-
dis, rapinis, captivitatibus, domos,
templa, regnum depopuletur Scythia,
quod ab hujuscemodi facinoribus profe-
ctò abhorret Christianus, nec talia Chri-
stianam mentem usque adeò cogitasse
compertum est: Non ergo in talia hor-
renda mendacia inconsideratè precipi-
tandum. Verum hoc tantum, inaudit-
um, detestandum, inhumanumque in-
venio, ullâ sine causâ nostros amicos, vel
qui saltem deberent esse, severis ordina-
tionibus indicere, jubere, cogere, ut mi-
lites pro bono tantum totius Christianita-
tis in hoc regnum immisos, profligent, ca-
ptivent,

pti vent, atq; ad illorum ultimam perniciem pervigilent, sed ad damna nostra consurgite! beneficii immemores, Christiana auxilia à vestris Magnificentiis ardentissimè ex postulata, de lege agite! sic enim alia, in aliis vestris necessitatibus, vobis ipsis auxilia comparabitis; Sic enim augustissimum Imperatorem præmissa expeditione, Fogarasinum & alia ab inimici communis aggressionē conservata fortalitia remuneramini. Profecto non amplius clamoribus vestris aperientur aures, surdaque Christianitas justis vestris imposterum consolabitur punitionibus. Talia igitur Magnificos Dominos obtestor ut meditentur, medeantur, jugumque huic regno imponendum ab infidelibus generosè excutiant, pusillanimo timore exuto rectam imbuant voluntatem, cui innixi, simul unanimes & constantes ad libertatem patriæ, ad bonum regni, ad Christianitatis augmentum contendant, diuque valeant. Claudiop. 9. Martii, 1662.

Speſtabilium, Magnificarum, Generoſarum, Egregiarum ac Nobilium; Prudentum item & Circumſpectarum Dominationum veſtrarum, ad officia paratus. A Rejdan.

Movêre hæc Status regni, per eodemque reſcriptum ipſi in hæc verba.

SECTIO XXV.

Magnifice Domine nobis obſervandiſſime,

Modetiſſimis noſtris literis, non pridem veſtra Magnificentia tranſmiſſis, ſperabamus communi conſultũ fore utriusque partis quieti, verũm literis veſtra Magnificentia ſub datog. Martii ſcriptis, ad nos perlatis, præter omne meritum & expectationem noſtram, immeritas exprobrationes, virisque vel mediocribus indignas dehonestationes experimur; Diu quocirca inter nos fuit conſultatum, utrũ modeſtie litando nihil reſpondere, aut immeritas ſugillationes, juſtis conducibilius ſit reſellere reſponſis, tandem prævidentes, nihil reſpõdẽdo aſſenſum videbimur cõtra
nos

nos objectis præbere enormitatibus, posterius sequi placuit. Sacratissima Imperatoria Majestas, absit ut per nos dicto vel facto unquam læsa sit, aut ledatur, cujus clementissimam in promovendis nostris rebus opem nunc quoq; iteratis exoramus legationibus. Execrandum in ultimâ belli expeditione proditoris scelus, quibusnam obiciat ipse novit, cui pugne (aut veriùs fugæ) pauci nostrum interfuerunt, si verò proditione illa clades est illata, procul dubio officiales, qui exercitui præerant, nec alius quispiam, id patrare potuerunt, cum in potestate eorum (non aliorum) erat, tam regere sibi parentes, quam cum iisdem pro fidelitate domini sui fortiter pugnam capessere. Quis quæso vetuit eos viriliter rem gerere? Quis è manibus pugnantium excussit arma? Nos longè aliter in his omnibus sentimus, à paucioribus, nec validioribus, dum tot viros fortes fusos audivimus, occultissima Dei judicia cum tremore intuemur. Nisi enim panico fermè omnes timore perculsi, incruentam hosti reliquis-

sent victoriam, se impares fuisse, fatentur ipsi victores: Pejora prateritis, fatemur, metuimus, non minimã iis prabente occasionem, praesentiã, excursionibusq; vestrarũ Magnificentiarum è civitate tam debili, & facile periturã. Juramentum (quo (el-
fissimo Principi jam defuncto se obstrictum prætendit) quo pacto post decessum ejus, nisi in eo ubi est seculo continuare possit nõ videmus. Dum vestra Magnificentiaprolixè exaggerat, multa millia nostrorum per potentissimam Turcarum nationem in captivitatem asserta, nec tale quidpiam per dominos Germanos patratum, bonã pace vestre Magnifica dominationis verum dicere liceat, hoc ipsum nos quoq; gementes querimur; Certum est, potio-
rem regnicolarum partem in captivitatem esse abdu-
ctam, nec vestris Magnificentis, nec alio quopiam, ipsis, ac nobis opem ferre volente: nec potest quispiam inficiari, id solũ potentissimæ nationi in hoc regno non licuisse, quod non libuit; Lubet audire, quo pacto, vel saltem exercitui Turcico nunc in visceribus regni hærenti vestre Magnifi-

centiæ pares se præsumant, nedum numerosissimo Ali Passæ exercitui, in confinis regni erectis oculis rebus Transylvanicis invigilanti, quomodo eos proditores accusatis, qui à vobis minimè defensi, in faucibusq; potentissimæ nationis relictis, incendia, ac devastationes patriæ nostræ prius sustinuimus, ac tandè inevitabili nosmet submisimus jugo? Nec inficiamur, quod inter tot ruinas reliquum nobis fortuna fecerat, ab iis qui nobis (etiam si maxime velint) opitulari minimè possunt, consumi agrè ferimus; Quæ omnià cum in prioribus nostris literis modestissime ac verissime scripta sint, mendacii propterea impudenter arguere, perfricta est frontis. Verius nos exclamare possumus. O miseram amicorum conditionem! Quippe dum tam incolumitati vestrarum Magnificentiarum, quàm saluti civitatis, imò totius regni consulere volumus, tam inhumaniter tractamur. Si ab iis, qui barbarè audiunt, tam inhonestas accepissemus literas, non miraremur, sed è natione benè moratâ, ac cultissimâ extitisse quem-

piā, qui tam procaciter abutatur stilo, non immerito stupore dignum. Monemur per vestram Magnificentiam, ut excutiamus jugum, cujus quæsumus ope ? omnibus Christianorum conatibus occulto Dei iudicio in fumum abeuntibus ; Nobis, nisi perire malimus, presenti imperio parendum est. Sed verbis ulterius digladiari nolentes, denuò vestram Magnificentiam (sit amen salutare consilium obstinato præbere fas est) amicabiliter monemus, cedat urbe tam debili, ne provocet ad proprium, & ejus exitium potentissimam nationem, qua si obsidionem ejus inchoaverit, minime in eo quid agat, à nobis sibi præscribi patietur ; Testamur Deum, exitio vestrarum Magnificentiarum non inhiamus, imò liberum, honestum, & securum passum procuraturi sumus, sin minus, ut ad oblatas, ac contemptas, nunc conditiones, tunc recursura erit vestra Magnificentia, dum nec nostrum erit dare, nec ejus accipere, prævidemus. De cætero eidem prosperam valetudinem precamur. Datum in Generalibus nostris Comitibus, &c.

S E C T I O XXVI.

Nondum Stephanus Daniel redierat Viennâ, dum Simonis Keményii, fato functi Principis filij, Claudiopolim, Szamosújvárinum, ac in arcem Betlenianam directæ literæ interceptiuntur, in quibus ad præfixum ab ipso diem (de rebus communem, ut assererat, regni utilitatem spectantibus) tractaturi; Aranyas Medgyesinum in Hungariam evocantur Status ac proceres regni, quorum quicunq; in personâ interesse non poterunt, ut per literas proprio sigillo munitas se sistant, admonentur, Illustrissimum ac Reverendissimum Dominum Franciscum Szent-Györgyinum, electum Episcopum Váciensem, ac Præpositum Posoniensem, Consiliarium & Legatum suæ Majestatis affuturum; Cujus quo major scriptis fides in Transylvaniâ adhiberetur, paria literarum Patris Martini Kászoniensis, qui de his omnibus

bus per literas Viennia ipsum informârat; transmissa, quarum contentia hæc erat.

Illustrissime Domine : Deus vestram Illustrissimam Dominationem, eosq; qui Deum & Christianitatem venerantur, Spiritu suo soletur, ad felicitatæque traducat tempora.

Trinas post decessum desideratissimi mei Domini, accepi vestra Magnificentia literas, emori quidem non erat in potestate meâ situm, qualiter tamen res afficere, presentes vestra Magnificentia servitæstificari possunt; Charissimi mei Domini dilectissimæ proli quacunq; in re potero, me fidelissimè servitutum semet asscurect, rogo, nec me ingratum, aut inconstantem quisquam deprehendet. Quantum verò negotium præsens spectat, primis vestra Magnifica Dominationis literis acceptis, de non educendis sine securitate vestrarum Magnificentiarum, quin potius augendis in Transylvaniâ præidiis, suæ Majestati intercessi, simul & obtinui. Certè
non

non educuntur, quinimò augebuntur. Res
Husztienses non sunt agrè ferenda, quicū-
q; Christianitati adhærebunt, damno ibi
minimè afficientur. Qui verò ad Turcas
desciverunt, de bonis eorum providendū
est. Sacratissima Imperatoria Majestas
vestram Magnificentiam, cum eodemq;
consentientes benignitate prosequitur. So-
lennem ad eandem nunc expedit legatio-
nem, Illustrissimum nempe Dominum
Franciscum Szent-Györgyium Episcopū
Váciensem, ea quidem auctoritate, ut rectā
Aranyas Medgyesinum eat, ibidemq; (aut
in alio, si placuerit, loco) cum vestrā Ma-
gnificentia, Christianitatiq; adherenti-
bus fratribus, de eo, quis nā in Principē Trā-
sylvania eligatur, tractet, imò electio in
presentiā ipsius effectuetur, qui vestigiis in-
estimabili nostro damno defuncti Principis
insistere, tractatusq; hætenus conclusos
continuatione valeat, eligendus est; Electio in
toto ad arbitrium vestrarū Magnificen-
tiarum rejecta est; Liberam Principes
eligendi facultatem sua Majestas regno
eri-

eripere non vult ; Ut recens eligendus Princeps, vestigiis defuncti desideratissimi Principis in omnibus inhereat, hoc unicum requiritur. Homagium fidelitatis sua Majestas à Principe novo, a seclisq³ ejus exiget, qua in re, aliisq³ honestis conditionibus, refragari non congruit, quoniam postulata sua Majestatis certe sunt aequissima. Ex legato hac omnia manifestius intelligere poterit.

Vestra quoq³ Magnificentia in bonâ formâ asssecurationē per legatum à suâ Majestate obtineant, requiritur hoc unicum, ut Princeps eligendus vestigiis defuncti insistat. Legato sua Majestatis, omnia ex assensu vestra Magnificentia, & sibi adjunctorum facere demandatum est.

Quoscunq³ itaq³ Medgyesinum convocare poterit, nō pratermittat, qui personaliter interesse non poterunt, per literas sigillis munitas se sistant, (verbo) animos hominū in electione bene disponere nitatur. Expensa presenti in negotio non est curanda. Quem Transylvanorum adiit tam solennis sua Majestatis legatio ? hoc est exem-

plum primum; Res exigit, ut præstet se vi-
rum; Vestram Magnificentiam obtestor
per Deum, simili, ac Imperatorem ipsum,
honore afficiat legatum suæ Majestatis,
ejusq; homines. Literas hæc in paribus
communicet cum fratribus, animet & af-
securet eosdem. Arcem Deam manute-
nere studeamus. Re cum Domino Stepha-
no Petkio communicatâ ad se eum accer-
sat. Similiter Dominos Dionysium Bánfi,
Stephanumq; Ebenium. Ex literis suæ
Majestatis pleniorẽ poterit habere rerũ
informationem, quas (si voluerit) per va-
ria partia evulget in Transylvaniâ, uno
intercepto ne res occultari possit. Arrestatus
cum Turcâ Apafi nunciis, ne audienti-
am à suâ Majestate habeat, unanimiter
conclusimus. Per Comitem tamen à Lob-
koviez verbotenus, aut in scriptis, reso-
lutionem hanc habiturus est. 1. Apafi-
um suæ Majestatis, tanquam contra con-
stitutiones regni per Turcas Transylva-
niæ impositum Principem, non agnoscit.
2. Quoniam licet metu armorum Tur-
cicorum per nonnullos fuerit electus, ac-

ceptatio tamen veriùs quàm electio dici potest. 3. Quia magnā Transylvania partem Turcis se daturum promisit, imò annuendo etiamnum donavit. 4. Quia contra suam Majestatem arma se moturum, saltē Turca ipsi patrocinetur, sponndit. Monet quocirca eundem sua Majestas, ab incepto desistat, alioquin mavult omnium ditionum jacturam facere, quàm hæc & similia pati, quoniam brevi non Christianum, sed Turcam Transylvania præfuturum, acta Apasii testificentur. Summa summarum. In rebus præmissis, ingenia hominum disponat. Balihasarē Matskásium, & Franciscum Jeneium cum Legato sua Majestatis expedivi, quos præmittere, per eosq³ de rebus necessariis vestram Magnificentiam informare poterit. Archiepiscopum Sirigoniensem, Franciscum Nádasdiū, totamq³ sua Majestatis aulam, simili ac erga pia memoria defunctū Principem amore affici sciat. Archiepiscopus præ ceteris totus est pater vestra Magnificentia. Ego hic Vienna subsistam; Præstolor adventum domini Volfgangi

gi Betlenii; in rebus parvi momenti proprium ne fatiget hominem, Comes à Vallis, literas per Postas transmittere poterit: Per Samsondium omnia nunciavi, cui indubitata adhibeatur fides. Somnum excutiat ex oculis oportet, de securitate tam privatâ quam publicâ cum Legato cōcludat; Singulis hebdomadidis de progressu rerum me certificet, quod scire multum interest. In electione hac observet; Ipse cum fratribus Principem eligat, sua Majestas confirmatura est. Itaq; ante adventum legati, cōvocandi essent fratres, concludendumq; de eligendo Principe, quo superveniente coctus saltem cibus apponendus esset mensa, non solum fideles sunt sollicitandi, verum qui ad Turcas desciverunt, ii etiam ut ad fidelitatem redeant, monendi sunt. Calamum ingeniumq; meum multa excedunt, faciat secundum prudentiam suam. De adventu legati sua Majestatis, praesidarios, officialesque eorum, signanter autem Devaienses certificet. Obtestor per Deum vestram Magnificentiam, cum le-

O

gato

galot tanquam viro pio, & sincero, sincerè agat, sincerè enim esse expeditum à suâ Majestate, credat. Deus adsit eidem. Viennæ 28. Febr. An. 1662. Vestræ Magnificentiae humilimus servus & Sacerdos, Martinus Kászoni.

SECTION XXVII.

Perlectæ in Comitibus interceptæ cum paribus literæ, in spem denudò erexere moderni Principis æmulos, qui tamen vel in statu privato, per illustri ac antiquissimâ magnatum familiâ ortus, meritò ipsis præferri poterat. Stephanus Petkius, qui Principe Keményio postremum in Transylvaniam ingressum moliente, non satis fatus, in arce Hufztienfi remanserat, ut Comitibus ab ipso (ut sperabat) Aranyas Medgyefini celebrandis interesset, sollicitatus à Simone Keményio, sed ille provectæ jam ætatis, nullo intentionem eorum fundamento niti perspicuus, puerilibus rebus immisceri erubuit, paucosque post dies Transylvaniam

niam ingressus Principi Apafio reconciliatur.

Adfuit ad præfixum dictus suæ Majestatis legatus Franciscus Szent-Györgyius diem, honestissimeq; à Principisâ viduâ, Simone Kemény, ac tribus adolescentulis Transylvaniis excipitur, nec per literas (præter eos qui Betlenianâ ac Szamosujvárino arcibus se incluserant) quenquam Transylvanorum præsentem cernit, quod a promissis patris Martini Kászoni, qui universos regni Status, ac proceres, in alio Principe eligendo consensuros sponderat, longè diversum erat; Destitutus iis, quibuseum de electione alterius Principis tractandum erat, occulto prius (ob idq; ignoto) cum Simone Keményio colloquio habito, Husztinum, ad Comites Franciscum & Ladislaum Redei se confert, *ibi* (vir facundus) *de propenso erga Transylvaniam, signanter autem præfatos Comites suæ Majestatis, animo multa præsa-*

tus, tandem (ejus quasi nomine) alterutri eorum principatum Transylvania, (nullis tamen Credentialibus exhibitis literis) offert, qui pro verbis, honestissima dantes verba, non indonatum dimisere. Unde Szakmarinum regressus, complures illic moratur septimanas.

Iterata iterum incipiente vere ad Principem Apasium, ac regni Status, de fortalitus sua Majestatis praesidiis munitis, obsidendis expugnandisque ab Ali Passâ supervenere mandata, in quibus (nisi dicto audientes essent) manifestam cum Sacratissimâ Imperatoriâ Majestate collusionem se deprehendere scribit.

Terruere hæc Principem ac regnicolas, longioremque dilationem exitiosam rati, unâ cum Kucsuk Memhet Passâ; Szamosujvárinum versus adeo lentissimo ducunt exercitum, eumque tormentis minimè instructum passu, ut duodecim milliaria viginti conficerent diebus,

diebus, resolutionē interea benignam suæ Majestatis, per Stephanum Daniel superventuram, magnâ spe præstolantes, illucque tandem appellentes, quadrante ab arce Szamosujvár milliari juxta pagum (Mikola dictum) locavêre castra, quo post diuturnam expectationem, dictus Stephanus Daniel, hanc suæ Majestatis reportavit scriptotenus resolutionem.

S*Acratissima Casarea Regiaque Majestatis Domini Domini nostri Clementissimi nomine, Egregio Stephano Daniel presentibus significandum: Prælibatam suam Majestatem, singula per ipsum proposita clementer intellexisse, nil itaque magis in votis habuisse, quàm ut Transylvania, ac in ea Christianitati, in perturbato hoc, & afflicto rerum statu, quàm optimè consuleretur, ac subveniretur, quemadmodum in futurum etiam eam daturum esse operam, ut pro paterno suo, quo in dictam Transylvaniam, & in eâ Christiani-*

O 3

stianitatem sincero fertur zelo & affectu, conservationi ejusdem (quo in pristino statu vivere, privilegiis & immunitatibus suis inperturbatè frui possit) omnibus opportunioribus mediis, ubicunque necessitas postulaverit, clementer prospicere valeat.

Quantum porro ad fortalitia, in præmemoratâ Transylvaniâ presidii Germanicis munita attinet, siquidem non minùs eorundem, quam universe Christianitatis conservationi tantum momenti intersit, suam Majestatem eadem per hoc sibi minimè vendicare, quin præmissum duntaxat in finem securitatis conservare, cessantibusq; periculis inde dicta sua presidia educi facere velle. De reliquo idem Stephano Daniel sapesata suâ Majestate gratiâ & benignitate suâ Cæsareâ Regiâq; Majestate clementer dispensâ manente. Per Sacratissimam Cæsaream Regiamque Majestatem. Viennæ die 15. Mens. Aprilis, An. 1662. Steph. Orban.

Quæ

Quæ suæ Majestatis resolutio, conditionalis quamvis, valdeque circumscriptiva videretur, nihilominus iteratâ legatione, expositis in rei veritate regni difficultatibus, uberiores Status regni suæ Majestatis benignitatem obtenturos serati, acquievêre.

Kucsuk Passa tormentorum interea, non sine minis, urget advectione, quo jubente, ne nihil fecisse Status viderentur, post trium septimanarum moram, duo Gôrgényino advexêre tormenta.

Obsidionem præterea contra arcem Szamosújváriensem, quæ centum triginta septem (non amplius) Germanorum, paucorumque Hungarorum peditum præsidio erat munita, molientem, munitissimam, instructissimamque afferendo arcem, elusêre; Ut Claudiopolim potius, in quo firmitus erat præsidium, obsideret suadentes, qui persuasus, nec formali obsidione, nec repentino cum universis copiis insultu eâ tentatâ, velitatione etiam (e-

rumpentibus ad abigenda pecora ex arce præfidiariis, Turcisque recuperare volentibus) unicâ saltem institutâ cum Principe Apasio, Claudiopolim versus motis illinc castris, quatuor diebus confecto tam brevi itinere, inter Claudiopolim oppidumque Szamofalva locat castra.

Quo paucos post dies, literas ad regni Status, Principemque Apasium Ali Passa mittit; *Ut sufficienti tormentorum apparatu Claudiopolim oppugnent, simul & expugnent, imperat; alioquin semet cum universis ingressurum copiis, expugnataque dictâ urbe, nunquam Hungaris redditurum jurat.*

Nec Kucsuk Memhet Passa inhonestis (tanquam barbarus, inter eosque bestia veriùs quàm homo) verbis, rem urgere desinit; Adducta quocirca Fogarasino tria majora, duoque minora tormenta, cum apparatu mediocri; Quæ præ manibus habens dictus barbarus, obsidendarum prorsus ignarus urbium,

urbium, alieni autem consilii temerarius contemptor, Claudiopoli instituit obsidionem: *Locatis in specificato loco castris, Valachis verò inter oppidum Fenes ac civitatem ab occasu solis residere iussis, ipse cum nonnullis suorum prius circumspiciens urbem, juxta hortum ubi plerique sepeliri consuevère, à meridie situm, erecto aggere, duobusq; collocatis tormentis, non murum, sed aedificia domorum, nullo cum praesidii damno quatere incipit.*

Quarto rursus die, è regione propugnaculi (sartorum dicti) quo firmitus civitas non habet, altero erecto aggere, tormentisque reliquis illuc collocatis, murum dicto propugnaculo conjunctum quatit, plures tamen undiquaque in civitatem, quàm contra murum faciens explosiones, quippe qui Principis Apasfu tormentorum magistris rejectis, suisque ejus artis prorsus ignaris substitutis, custodiaque tormentorum Zanizaris commissa, solo tormentorum boatu

Claudiopolim se obtenturum crederet, quibus tormenta sine artificio implentibus, simul & explodentibus totam plerumq; civitatem globi prætervolabant, tormenta quoque plus justo onerata rumpi, inutiliaque reddi necesse erat.

Deliramenta hæc præsidio simul & Hungaris meritò videbantur; Verùm ad requirendam denuò per literas ac legatū suā Majestatem tempus hac occasione ipsis subministrari, lætabantur.

Commendans interea *Claudiopolitanus David à Redano*, nullas (ubi murus quatiebatur) extrinsecus facit munitiones, sed tanquam occupato, aut confestim occupando muro, transversas in urbe fossas, aliaque in extremitatibus rerum à recentioribus excogitata erigit.

SECTIO XXVIII.

Memorabilis præterea sub eadem obsidione contigit casus; A Christianismo ad suam hæresim quampluri-

plurimos plecturus Kucsuk Memhet Passa, producto vexillo, quicumque Christianorum sub auspiciis suis potentissimo Imperatori militare voluerint, quinque singulis mensibus, præter gratuitum comitatum, iis imperiales, se persoluturum promittit.

Inventique intra paucos dies transfugæ triginta octo, qui magnâ à Turcis cum solennitate orco initiati, ex ipsius præposito eorum Capitano, infra aggerem, ubi tormenta locata erant, in fossâ quadam recens versus urbem promotâ locati.

Ignari horum præsidarii (divino procul dubio impulsu zelo) eruptionem contra tormenta moliuntur, quibus proposito suo potiri studentibus, prædictam transfugarum cohortem prætergredi necesse erat, eosque tanquam in altâ pace sopitos nacti, Capitano cum viginti septem sociis transfugis occiso, vexilloque ipsorum raptō, felicissimè, facillimèque, ante-

quam subveniri posset, in urbem rediēre.

Iusta & præpropera ultio divina. Nullus præter transfugas eo die cæsus. Exhilarati incruentâ victoriâ præsidarii, alteram paucos post dies majori cum apparatu tentant eruptionem, clavisque ferreis, quibus tormentorum foramina obstrui possint, singillatim equitibus distributis, plus iusto poti tormenta versus audacissimè prorumpunt, sed infeliciori exitu. Intensissimæ enim à Kucsuk Memhet Passâ dispositæ erant excubiæ, ipse toto exercitu equos frenatos habere iussu, cum primoribus suorum Baccho libabat, perlato itaque ad eum eruptionis rumore, primus ipse equum insiliens, adeò vehementi in excurrentes provectus est impetu, ut Capitaneo cum nonnullis cæso, dissipataque totâ Germanorum cohorte, mixti cum iis Turcæ gladiis rem gererent, fugâ itaque versus urbem, (ubi extra portulam Musquetarii
pedi-

pedites in subsidium locati erant) sibi consuluere, explosisque dicti pedites sclopetis, nitebantur equitatum eripere periculo, sed Turcæ iis mixti, contemptâ sclopetorum procellâ acerrimè insistentes, eos quoque in fugam compulere, quibus nisi propinquitas urbis salutis fuisset, de omnibus actum erat.

Sequenti die Commendans urbis sepulchrum cadaverum, signanter officialis demortui, qui illustri erat ortus familiâ, per literas à Principe Apasio petit, à quo tanquam in re Christiano non denegandâ facilè fuisset assensum; Verùm Kucsuk Passa (per quem res erat gesta) minimè vel in re exili sibi præscribi permittens, renuit, Commendantiq; ut se virum præstet, armisque suorum recuperet cadavera, nunciat. Inspectanteq; sed prodire non auso præsidio, cadavera in castra transportata, ante tentorium proprium relinquijubet, ubi triduo jacuere insepulta, foetescenciaq; ex permis-

sione ipsius per Hungaros humata.

Phrænetizante veriùs, quàm obsidionem continuante, per complures septimanas Kucsuk Memhet Passâ, dum satis magnam pulveris copiam imprudenter abligurivisset, Principe inopiam ejus prætendente, nec amplius administrare volente, tormenta insuperplus justo per suos (arcis ejus ignaros) onerata, vitium fecissent, ex prædictis aggeribus in castra reductis iis, novum denuò à Septentrionali urbis parte erigit aggerem, exilibusque duobus tormentis, quæ non magnam requirebant pulveris copiam, illuc translatis, contra molendinum ac portam explosiones faciendo, plus quàm in totâ hæctenus præstiterat obsidione, peperit oblessis negotii.

Dionysius Bánfi, quem ex fugâ in arcem Betlenianam se recepisse, adjunctisque nonnullis, adversatum hæctenus Principi Apasio scripsimus; literas ineunte vere nonnullis cognatorum

rum suorum , qui in castris erant scribens literas , si dictum Principem coram alloquendi sibi facultas daretur , donataque per Principem Keményium ipsi bona possidere liceat , non alienum à concordia animum suum aperit , eo Princeps Apafius , mitis ac pacis amans , intellecto , facile annuit , qui ingressus castra , prolixis (ut erat facundus) quam sincero erga dictum Principem ducatur affectus , verbis exaggerat , in mensa tantaem Principis incalescens mero , eos , qui jussu dicti Principis ipsius literas , quas iis qui contrariam sequuti erant factionem scripta verat , intercepte , immodestis afficit convitiis , pluraque prolocutus , cum nonnullis proceribus , qui Principi et spasio serviebant , in eodem se nunquam victurum regno jurat ; Unde superiorem , imò ne parem quidem cum in Transylvaniâ vel le pati , manifestè aperuit. Quamvis nec ætate , nec opibus , nec rerum gestarum claritudine plerisque præferendus

duſ eſſet. Patienter tamen hæc omnia audita à Principe Apafio, incolumem-
 que in arcem Betlenianam, unde exie-
 rat, remittit, qui per complures ſepti-
 manas illinc Simoni Keményio miſſi-
 tans literas, rebus non pro voto fluen-
 tibus, tandem ipſemet ad eum Aranyas
 Medgyeſinum (ubi apud novercam re-
 ſidebat) proficiſcitur.

Interea Illuſtriſſimus dominus Fran-
 ciſcus Szent-Györgyinus Epiſcopus
 Váciensis, poſt longam, quam Szak-
 mári ni tranſegerat moram, literas ad
 Principem Apafium mittens, *calami-
 tates Tranſylvania (propria ſua pa-
 tria) deſlet, ipſius ac Kucsuk Paſſe ſal-
 vi paſſus literis, ad eum prius miſſis,
 Tranſylvaniam ſe ingreſſurum offert.*

Quem in rebus ad communem pa-
 cem pertinentibus aliquid magni mo-
 menti moliri imaginans dictus Prin-
 ceſ Apafius, optatas ſalvi paſſus lite-
 ras mittit; Verum dum nonnullas in
 iis difficultates prætenderet, non ſince-
 rē rem

rè rem ab eo agi suspicio orta.

Quòd jussu aut nomine Sacrae Imperatoriae Majestatis quicquam tractaturus esset, nullam faciens mentionem, tanquam privata persona ad rem tanti momenti, quæ controvertebatur, definiendam vix idoneus judicatus, nil itaq; ipsi rescriptum.

S E C T I O XXIX.

ALix sub eadem obsidione Claudiopolitanâ tam ad Principem, quàm Status regni ab Ali Passâ mittuntur literæ, in quibus quòd hætenus dictam urbem non expugnauerint, negligentia simul & contumacia eos arguit, nisi ad certum, sive pactis, sive armis eam recipiant diem, ingressurum, occupaturumq; ; Si verò absq; ipsius ingressu, sine auxiliaribus Turcarum copiis expugnari, sive deditioe capi possit, Transylvanis minimè adempturum, per omnipotentem Deum jurat.

Comitia quocirca Statibus Regni,
de re

dere tanti momenti deliberaturis in
 iisdem castris celebranda indicuntur,
 ubi Sacratissimam Imperatoriam Ma-
 jestatem, rebus genuinè expositis, de
 educendo præsidio Claudiopolitano li-
 teris humilimè per Generosum Petrum
 Fekete, ablegatum requirendam de-
 crevêre, quarum continentia hæc erat.

Sacratissima Imperatoria Majestas,
 Domine nobis clementissime, beni-
 gnissime.

*T*estata toties erga nos afflictissimos ve-
 stre Majestatis paterna benignitas cri-
 git immeritos, ut humilimis hisce nostris
 supplicationibus thronum ejusdem demis-
 sissimè adire, luctuosumq; nostrum sta-
 tum aperire non vereamur; Quanta anno
 proximè præterito (dum vestra Sacratif-
 sima Majestatis pientissimos conatus oc-
 culto peccatis nostris ita promerentibus,
 Dei judicio, nonnulla difficultates irritos
 reddiderunt) sustinuumus à potentissimâ
 natione mala, fatemur, excedit calamum
 nostrum, hæc unicum notificare sufficiat.

Gen-

Centum ad minimum hominum millia
nos amifisse, potioremq; totius regni partem
in favillas esse redactam, testamur bonâ
fide; Tot malorum pauci superstites coacti
sumus inevitabili nosmet submittere iugo.
Sed utinam hic fuisset malorum finis!
Necdum ultio divina afflictionibus nostris
finem imponit, ante proximè præteritos
enim menses, extraordinario vicissitudi-
num humanarum exemplo, profligato
cum exercitu Illustrissimo Principe, Do-
mino Joanne Keményio, casq; confestim
imperatum nobis, ut victori potentissima
nationis exercitui nosmet adjungentes,
victoriam prosequamur, fortalitiaque
Transylvanica, vestra Majestatis præsidi-
is munita, pactis vel armis recuperare non
differamus, hic (tanquam alieno subjectis
licuit iugo) Augustissima vestra Majesta-
tis paternam erga nos affectionem præ ocu-
lis habentes, eamque (ut par est) congruâ
cum submissione venerantes, ne per nos,
quamvis invitos offenderetur, præcavere
studuimus, eoque sine internunciû, Gene-
resum

rosam Stephanum Daniel, adeandem cum humilimis literis ac precibus nostris expedi veramus, quo opinione diutius redditum differente, non possumus non fateri, potentissimam nationem, nobis etiam adjunctis, civitatem Claudiopolim presidio vestre Majestatis munitam obsedisse, illibusque tormentorum petiisse, quod non facere, non erat in nostrâ potestate, vires nostras exercitu ejus longè exuperante, numerosissimo præterea Ali Passa exercitu in consiniis existente.

Superveniente tandem cum clementissimâ vestre Majestatis resolutione internuncio nostro, celeri cursu legatum ad Ali Passam Temesvarinum expedi vimus, orantes, Passam cum exercitu nobis adjunctum educeret, placidisq; mediis rem totam componere in fulgidâ Ottomanorum Portâ niteretur, à quo hanc categoricam hodie accepimus resolutionem: Quamdiu fortalitia presidii vestre Majestatis non evacuabuntur, exercitum minimè educet, imò ut de globulis ac pulvere pyrio, quibus fortalitia illa expugna-

ri possint, abundè prospiciamus, severè jubet, asscurat insuper, quòd si evacuatis præsidiis occupationem fortalitorum istorum metuamus, literas juramentales, qualescunq; desideraverimus, dare paratū se esse, Ottomanicam nationem nunquam illa occupaturam, dummodo deditio eorum absq; Ali Passa, exercitusq; cum eo nunc juxta Temesvarinum hærentis ingressu fiat; Se propediem Varadinum versus moturum, neque impedire velle, quin interea pactis vel armis fortalitia reciperemus, sin protrahatur negotium, se Varadino rectâ hâc unâ cum illo belli apparatu quo Varadinū expugnârat moturū, jurareq; per Deum & caput potentissimi sui Imperatoris, quæcunq; fortalitia ipse expugnaverit, nostri juris ampliùs non futura. Hæc autem omnia ne pro fictis habeantur, ita Deum nobis propitium optamus, sicut in veritate rem totam sincerè vestra Majestati transcribimus. Civitatem porro (Claudiopolitanam adeò naturâ esse invalidam, ut quamvis longo temporis intervallo, nullo labore congruè fortificari pos-

fit, qui eam viderunt ingenuè possunt testari; unde non abs re persuasissimum nobis est, eam ne tridui quidem tanti exercitus oppugnationem sustinere posse, quæ si pereat, omnes nos periisse, Transylvaniamque simul & semel occupandam, pro certissimo habendum est: In tantis itaq; rerum nostrarum angustiis constituti, ad pedes vestrae Majestatis provoluti, suppliciter oramus, obtestamurque per misericordiam Christi, maturet ante ingressum Ali Passæ, praesidiis evacuatis, ex hoc extremo nos eripere periculo: longos tractatus, tot successibus elatae nationis spiritus, afflictissimusq; noster status non patiuntur, in unicâ vestrae Majestatis maturâ benignaque resolutione (post Deum) vita & salus nostra pendet, quam summâ cum fiduciâ sperantes, cum propriae desint serviendi vires, Deum pro incolumi ac longevâ Augustissimæ vestrae Majestatis vitâ suppliciter oramus. Data.

Missæ ad universos Hungariæ regni Status, ac Palatinum quoque, ut pro ipsis coram suâ Majestate intercede-

rent, per eundem literæ. Qui tandem
reversus, hanc suæ Majestatis refert re-
solutionem

Sacratissima Casarea Regique Maje-
statis, Domini Domini nostri Clemen-
tissimi nomine, Generoso Petro Fekete præ-
sentibus significandum. Prælibatam suam
Majestatem literas principalium suorum
accepisse, omniaque & singula in eisdem
proposita clementer intellexisse, nil itaque
hactenus magis in votis habuisse, quàm ut
Transylvania, ejusdemque avitarum li-
bertatum assertioni ac tuitioni, regnorum-
que & ditionum suarum, atque adeò to-
tius Christianitatis securitati & conser-
vationi quàm optimè prospiceretur,
neque aliâ intentione præsidia sua in for-
talitia ibidem habita intromisisse, quàm
ut cessantibus periculis, restituta-
que tranquillitate ac libertate Transyl-
vanorum, in pristinum statum reductâ,
eadem inde educerentur, neve à Turcis
quemadmodum hactenus Varadinum, &
alia, cum summo totius Christianitatis pe-
ricula

riculo ac detrimento occuparentur & detinerentur. In cuius quidem eximii suae Majestatis affectus & animi, in conservationem eorundem intenti argumentum, annuentionem quoque à Portâ Ottomanicâ habere, ut Generalis tractatus, & commissio per certos Commissarios, utrinque cum sufficientibus plenipotentibus mittendos ac destinandos instituatur. Interea verò ab armis & hostilitatibus utrinque cessetur & abstinenceatur. Quare praestolandum omnino sua Majestas judicaret ab eventu dictae ac institutae cum praememoratae Portâ commissionis, ac generalis tractatus, neque particulares aliquos seorsim cum Passa Zeniensi instituendos, cum non constet, ipsum à praedictâ Portâ delegationem ejusmodi habere; Et in tali casu suam quoque Majestatem ex parte hac certos suos Commissarios requisitis instructos mittendos fore decrevisse. Velint igitur ipsi etiam conatum suum eo dirigere, ut in tractatu illo Generali, de toties dictis fortalitiis agatur, neque medio tempore eadem oppugnentur aut impetantur. De reliquo

eadem suâ Majestate ipsi Petro Fekete gratiâ & benignitate suâ Casareâ & Regiâ clementer propensâ manente. Per Sacratissimam Casaream Regiamque Majestatem. Posonii 10. Junii, An. 1662. Stephanus Urban.

SECTIO XXX.

INhumanis interim quoslibet, imò ipsum Principem Apasium tractabat Kucsuk Memhet Passa verbis, rusticis præterea ingentem extorquebat per suos commeatum, cujus dimidium alendis suis suffecisset, nec his contentus, torquebantur, spoliabantur, omnibusq; exuebantur plerique bonis, fatigavêre hæc longam Principis Apasi patientiam, misso itaq; ad Ottomanicam portam expostulatum magnate quodam Joanne Daczo, sub pœnâ mortis ut se contineat, Kucsuk Passæ injunctum. Sub iisdem Comitibus, de relaxatione summæ regno impositæ, annuo tributo nuper aucto, ad anti-

P

quum

quum reducendo modum , distinguendisq; Transylvaniæ limitibus tractaturus Gabriel Haller Temesvárinum ad Ali Passam, cui hæc omnia à Portâ Ottomanicâ commissæ erant, expeditur à Statibus.

Nec Episcopus Váciensis toties à Principe Apafio neglectus propositum suum negligit, nullam enim quamvis ad nuperas suas literas accepisset resolutionem, alteras tamen eidem denuò mittit, tenoris hujusmodi.

Illustrissime Princeps, Domine observandissime.

NUllam quamvis ad iteratas à Vestra Celsitudine (incognitâ quidem mihi causâ) acceperim resolutionem. Ex aulâ tamen sue Majestatis certa quædam allata, necessarioq; Celsitudini vestra significanda urgent, antequam revertar, Transylvaniam ingredi; Eandem quocirca summâ cum confidentiâ rogo, suo ac Kucsuk Passæ nomine literas salvi passus,

sus, comitivamq³ sufficientem transmittere dignetur, sciatq³ cum scitu sua Majestatis vestram (celsitudinem me velle adire; Crastino die (Deo favente) Kövárinum versus memet moturus sum, illic necessarium est comitiva sit præsens, moram rebus non patientibus. Spero Deo propitio publica paci consultum fore. Eandem interea divina protectioni commendat, & manet paratissimus servitor. Franciscus Szent-Georginus, electus Episcopus Váciensis, & Præpositus Posoniensis. Datæ Szakmárini, &c. die, anno, &c.

Acceptis princeps apafius literis. Quoniam in iis, cum scitu Sacratissimæ Imperatoriæ Majestatis, de comuniq³ pace se tractaturum ingredi velle scripserat, missæ ut optabat, tam ab eo, quam Kucsuk Memhet passâ literæ salvi passûs. Scribit præterea princeps eidem, ut suæ Majestatis satisfieri possit existimationi, utrum legatus ejus ad Principem veniat, infor-

mare ne gravetur, qui Principi Apafio
rescripsit his verbis.

Celsissime Princeps, Domine
observantissime.

REm Christianâ pietate dignam ve-
stra Celsitudo præstitit, literas salvi
passus ad requisitionem meam trans-
mittendo. Intelligo vestram Celsitudi-
nem scire velle, utrum legatus Sacratif-
sime Imperatorie Majestatis eam, quod
ex præcedentibus meis literis intelligere
potuit, me cum scitu suæ Majestatis
vestram Celsitudinem adituram, cum
ab aula dictæ Majestatis, nova quæ-
dam necessario vestræ Celsitudini signifi-
canda acceperim; Magnam in Deo spem
habens, publicæ consultum fore quieti,
saltem comitiva quanto citius expedia-
tur, ne restanti momenti per inutilem
hanc moram perditum eat. De cætero
Deus vestram Celsitudinem conservet.
Cujus manet paratissimus servitor Fran-
ciscus Szent Georginus, electus Episco-
pus

pus Vaciensis. Ex Kôvár die &c. Maji,
Anno &c.

Ad eum itaq; comitandum Georgius Szûrtei officialis cum alâ equitum Kôvárinum usque missus, cui ut rectâ in castra deduceret, nec eum Szamosujvárinum divertere sineret injunctum. Verùm contemptis ejus monitis, qui virtute literarum salvi passûs, non aliorum, sed per quos datæ erant ad illos eundem esse assereret, rectâ Szamosujvárinum versus profectus, evocatis illinc Commendante ac Stephano Ebenio, occulta cum iis in colloquia, impetratisque à Stephano Ebenio equis, illis vectus ad Principem Apasium, castra penes Claudiopolim, ut præmissum, habentem proficiscitur, à quo certis in occursum ejus Hungarorum missis cohortibus honorificè exceptus, in tentorium erectum deducitur.

Reliquum diei quieti datum. Sequenti, nomine Principis salutatus, ne

quàm hæctenus unquam factum, ex urbe subsequuntæ.

Circa vesperam ejus diei, equos ac aurigas, à Stephano Ebenio rogatos, proprio servo (quidnam ejus commiserit fidei ipse novit) adjuncto, insciis omnibus Szamosujvarinum Episcopus Váciensis remittit. Sed excubiis rem subolfacientibus, revocatus servus, aurigæ ac equi dimissi.

Kuksuk Memhet Passa quoq; officio humanitatis (si illius quoquomodo particeps dici potest) satisfacere volens, Olaj Begum Gyulaiensem, hominem vafrum, linguæque Hungaricæ peritissimum, ad salutandum dictum Episcopum mittit, *per quem ignorantiam horæ ingressus ipsius, qua præpeditus (tanquam Sacratissima Imperatoria Majestatis congruebat legatum) obviis Turcarum cohortibus solenniter excipere nequivisset, excusat, cum publica insudantem paci, qualiter colere deceat, nec ipse sit ignarus. Eum itaque*

que ianquam amicum suum, ut conscenso sequenti die, phalerato, quem ipse missurus est, equo, se adire, de modalitatibusq. pacis tractare, ne gravetur, rogat.

SECTIO XXXI.

ATille, à sua Majestate, ipsius quicquam commissum fidei negat, nec educendorum è fortalitiis Transylvanicis presidiorum potestatem habere; Verùm ad perspiciendas res Transylvanicas, ut de us suam Majestatem in veritate informet, se ingressum refert. Cum stupore audit Olaj Begus, verbis per quatuor Consiliarios Principi nuntiatis contraria dicentem, quorum ut memor, promissis suis satisfaciat, paceque inter duos potentissimos (ut ipse ait) Imperatores renovata, è fortalitiis presidia educat, hortatur; verùm ille quicquid specificati quatuor Consilarii ipsius nomine dixerant, se dixisse, vel facturum, apertiùs negat.

Discedit turbatus è tentorio ipsius Olaj Begus , ac principi Apasio primum, mox Kucsuk Memhet passæ, Episcopum Vacientem, omnia verba revocasse, significat.

Quo dictus princeps ac Transylvani audito, è magna pacis spe tristes excidère; Kucsuk Memhet passa autem, (natura impatientissimus, ac omnis expers humanitatis) vehementer excandescit; Janizaris tentorio ejus circumdato, legati autoritate destitutus, *curexpiscatum, technasq, moliturus, interruptâ domesticâ quiete Transylvaniam ingredi præsumpsit, quærens.*

Nisi itaque promissis satisfecerit, castris non egressurum jurat. Vacientem Episcopum quicquid libuerit sub nomine suæ Majestatis licere sibi hætenus credentem, non mediocris (his auditis) incescit timor.

Regni itaque Transylvanie Status, (qui ibidem in castris congregati erant) ut Sacratissima Imperatoria Majestatis
(ex

(ex cuius scitu ipse Transylvaniam ingressus) nomen præ oculis habentes, liberum à Kucsuk Memhet Passa, à quo iuramentales missæ fuere ei literæ, sibi obtineant passum, rogat; Apud quos dictum Episcopum, (etiam si legatus esset) deflectendo Szamosujvarinum, (quo divertendi licentia, literis iuramentalibus minimè erat inserta;) Expediendo clam ad Stephanum Ebenium servo suo; Principe Apasio ac Kucsuk Memhet Passa insciis in Civitatem ingressu; revocando præterea prolata in præsentia quatuor Consiliariorum verba, ipsummet sibi exitium peperisse, quamvis constaret; Falli tamen per eum, quàm Sacratissimam Imperatoriam Majestatem offendere maluere. Singulosque è tribus nationibus ad Kucsuk Memhet Passam mittentes legatos, ut liber dimitteretur enixè rogare, sed ille pro deprehenso in re tam manifestâ intercedentes, non imprudenter, verum ex collusione malitiosè face-

re, obsequio Ottomanica Porta (ut par erat) non satisficientibus nunquam se assensurum ; Quin potius per celeres tabellarios hac omnia Ali Passæ significaturum, ejusq³ dispositioni rem totam subiecturum, respondet ; Regnum Transylvania potentissimi Imperatoris hereditarium, seque (donec fortalitia Germanicis praesidiis evacuabuntur) cum plenaria auctoritate defensionis ejus praepositum, nemini in negotiis regni velle subjacere subnectens. Severis praeterea verbis, cur dictus Episcopus potentissimum Imperatorem fallere praesumpisset, exemplumq³ in ipso ne talia alii attentent facturum se dicit.

Displicuere hæc Episcopo, multisque per complures dies vicibus, si ipsi Szakmarinum regredi permetteretur, certo certiùs pacem (se intercedente) coalituram, asserenti, eadem à Kucsuk Passâ resolutio data.

Pollicitationibus itaq³ se posse elabi, non ampliùs sperans dictus Episcopus

pus

pus. *Arrestationem suam, extremè periclitantis Transylvaniæ statum, per literas (quæ celerè cursu per Principem Apasium fuere transmissæ) Sacratissimæ Imperatoriæ Majestati, totique ejusdem aulæ, non sine lacrymis aperit, ut eductis præsidis publicæ consulatur paci, per viscera Christi obtestans, quæ antequam obsignarentur, Kucsuk Memhet Passa præsentē, ut perlegantur ab eodem imperatum. Generali præterea Francisco à Schnejdau (qui juxta Rivulinum (Nagy Bánya) cum certis erat armatorum millibus) ut ibidem subsistat, nec ulterius versus Transylvaniam moveat gradum, literas interim ad Sacratissimam Imperatoriam Majestatem scriptas promoveat, scribit.*

Nil interea horum, quid Episcopus Vaciensis ageret, quibusque negotiis occuparetur, cognitum in aulâ suæ Majestatis; Literæ quocirca ab eadem ad illum mittuntur in hæc verba.

S E C T I O XXXII.

L Eopoldus Divinâ favente clemenciâ, Electus Romanorum Imperator semper Augustus. Reverende fidelis nobis dilectæ. Intellexerit fidelitastua ex nostris die 15. & 20. Maji, Nos benignè resolvisse, quòd si Claudio-
polis, quæ arctissimâ obsidione premi nunciabatur, non amplius manuteneri, neque etiam succurri possit, tunc præsidium impositum educendum esse, eâ conditione, quando Apafius affecuratus fuerit, quòd Turca nihil ulterius sint prætensuri, sed omnia in pristinum & antiquum statum reposituri, cum nullatenus sit nostra intentio, ut præsidium Germanicum Claudio poli egrediatur, si Turca illam occupare vellent, potius verò ut dicta civitas in libertate suâ permaneat, & omni meliore modo defendatur.

Necessarium judicavimus per expressum Cursorem hanc benignam nostram
stram

stram intentionem melius explicare, ne
fortè prematuris tractatibus communi
patriæ bono quoddam damnum adferatur,
& proinde noverit fidelitas tua, eam no-
stram esse resolutionem, ut præsidium Clau-
diopoli non educatur, neq; de educatione
ejusdem tractetur, nisi extremâ neces-
sitate postulante, nempe si locus ille ab im-
posito præsidio ulterius defendi, sive et-
iam eidem exteriori militiâ succurri
nullatenus posset, tunc primò fidelitas
tua tractatus, sub conditione tamen in
anterioribus literis nostris expressâ, ut
Turcæ præsidium non imponant, &
omnia in pristino tranquillo statu, atque
libertate permittant, inire poterit. Se-
cundò, cum plurimum intersit, ne dicta
ordinantia ad notitiam aliorum perve-
niat, adeoq; nostri servitii ratio omni-
modè exposcat, ut eadem ordinantia in
secreto servetur, & nulli mortalium
communicetur, ea propter eandem fide-
litati tue prout 15. Maji notificavi-
mus, in benignâ confidentiâ detegere, &
ejus-

quum reducendo modum, distinguendisq; Transylvaniæ limitibus tractaturus Gabriel Haller Temesvárinum ad Ali Passam, cui hæc omnia à Portâ Ottomanicâ commissæ erant, expeditur à Statibus.

Nec Episcopus Váciensis toties à Principe Apasio neglectus propositum suum negligit, nullam enim quamvis ad nuperas suas literas accepisset resolutionem, alteras tamen eidem denuò mittit, tenoris hujusmodi.

Illustrissime Princeps, Domine observandissime.

NUllam quamvis aditeratas à Vestra Celsitudine (incognitâ quidem mihi causâ) acceperim resolutionem. Ex aulâ tamen suæ Majestatis certa quedam allata, necessarioq; Celsitudini vestra significanda urgent, antequam revertar, Transylvaniam ingredi; Eandem quocirca summâ cum confidentiâ rogo, suo ac Kucsuk Passæ nomine literas salvi passas,

sus, comitivamq; sufficientem transmittere dignetur, sciatq; cum scitu sua Majestatis vestram Celsitudinem me velle adire; Crastino die (Deo favente) Kovárinum versus memet moturus sum, illic necessarium est comitiva sit præsens, moram rebus non patientibus. Spero Deo propitio publicæ paci consultum fore. Eandem interea divina protectioni commendat, & manet paratissimus servitor Franciscus Szent-Georginus, electus Episcopus Váciensis, & Præpositus Posoniensis. Datæ Szakmárin, &c. die, anno, &c.

Acceptis princeps apafius literis. Quoniam in iis, cum scitu Sacratissimæ Imperatoriæ Majestatis, de comuniq; pace se tractaturum ingredi velle scripserat, missæ ut optabat, tam ab eo, quam Kucsuk Memhet passâ literæ salvi passûs. Scribit præterea princeps eidem, ut suæ Majestatis satisfieri possit existimationi, utrum legatus ejus ad Principem veniat, infor-

mare ne gravetur, qui Principi Apafio
rescripsit his verbis.

Celsissime Princeps, Domine
observantissime.

REm Christianâ pietate dignam ve-
stra Celsitudo præstitit, literas salvi
passus ad requisitionem meam trans-
mittendo. Intelligo vestram Celsitudi-
nem scire velle, utrum legatus Sacratif-
sima Imperatoria Majestatis eam, quod
ex præcedentibus meis literis intelligere
potuit, me cum scitu sua Majestatis
vestram Celsitudinem adituram, cum
ab aula dictæ Majestatis, nova qua-
dam necessario vestra Celsitudini signifi-
canda acceperim; Magnam in Deo spem
habens, publicæ consultum fore quieti,
saltem comitiva quanto citius expedia-
tur, ne restanti momenti per inutilem
hanc moram perditum eat. De cætero
Deus vestram Celsitudinem conservet.
Cujus manet paratissimus servitor Fran-
ciscus Szent Georginus, electus Episco-
pus

pus Vaciensis. Ex Kővár die &c. Maji,
Anno &c.

Ad eum itaq; comitandum Georgius Szürtei officialis cum alâ equitum Kővárinum usque missus, cui ut rectâ in castra deduceret, nec eum Szamosújvárinum divertere sineret injunctum. Verùm contemptis ejus monitis, qui virtute literarum salvi passûs, non aliorum, sed per quos datæ erant ad illos eundem esse assereret, rectâ Szamosújvárinum versus profectus, evocatis illinc Commendante ac Stephano Ebenio, occulta cum iis in colloquia, impetratisque à Stephano Ebenio equis, illis vectus ad Principem Apasium, castra penes Claudiopolim, ut præmissum, habentem proficiscitur, à quo certis in occursum ejus Hungarorum missis cohortibus honorificè exceptus, in tentorium erectum deducitur.

Reliquum diei quieti datum. Sequenti, nomine Principis salutatus, ne

itineris sui causam aperire gravaretur, rogatur, ipsius verò arbitrio, quâ principem die coram alloqui vellet permissum.

Quatuor Consiliarii, per quos propositum suum Principi aperire possit, ut ad se mittantur, optat; Comes itaque Ladislaus Redei, Joannes Betlenius, Sigismundus Bánfi, ac Franciscus Kerelztesi, Consiliarii à Principe missi, in quorum præsentia, homo eloquentissimus, quantopere *Transylvania* (*patriæ suæ charissima*) calamitatibus compatiatur, prolixis recenset verbis, nec se ipso quemquam ejus amantiorem gloriatur, cum scitu itaq³ suæ Majestatis ad sedandos regni tumultus, educendaq³ è fortalitiis *Transylvanicis* præsidia *Germanica* se venisse refert. Verùm nisi Commendantem *Claudiopolitanum* ipsimet alloqui liceat, irritum fore laborem, nec secretum Domini sui, etiamsi præsentissima immineret mors, se charta commissurum, dicit.

Non

Non mediocrem dictis Consiliariis, quod secretum cum Commendante Claudiopolitano colloquium tanto preurget, ne aliquid diversi moliretur, suspicionem iniecit, verum optatam offerenti pacem, maximè verò viro spirituali, quem a fūco alienum esse oportebat, non poterant non credere. Cuncta itaque ab eo prolata Principi Apasio referunt; Ut sequenti die ante portam Claudiopolitānam, cum dicto Commendante coram loquatur, tam a Principe, quàm Kucsuk Palsa permissum.

Sequenti itaque die tubicine Principis præeunte, carpento vectus, urbem versus se movet, occlusamque metu hostili portam carpento ingredi non valens, Principe, ac Kucsuk Memhet Palsa, insciis, pedes urbem ingreditur, tres, imò plures cum Commendante horas in secreto de rebus ipsis solis notis tractat, consensuque; curru regressus in castra, explosiones longè frequentiores

quàm hactenus unquam factum, ex urbe subsequutæ.

Circavesperam ejus diei, equos ac aurigas, à Stephano Ebenio rogatos, proprio servo (quidnam ejus commiserit fidei ipse novit) adjuncto, insciis omnibus Szamosujvarinum Episcopus Váciensis remittit. Sed excubiis rem subolfacientibus, revocatus servus, aurigæ ac equi dimissi.

Kuksuk Memhet Passa quoq; officio humanitatis (si illius quoquomodo particeps dici potest) satisfacere volens, Olaj Begum Gyulaiensem, hominem vatum, linguæque Hungaricæ peritissimum, ad salutandum dictum Episcopum mittit, *per quem ignorantiam horæ ingressus ipsius, qua præpeditus (tanquam Sacratissima Imperatorie Majestatis congruebat legatum) obviis Turcarum cohortibus solenniter excipere nequivisset, excusat, cum publica insudantem paci, qualiter colere deceat, nec ipse sit ignarus. Eum itaque*

que ianquam amicum suum, ut conscenso sequenti die, phalerato, quem ipse missurus est, equo, se adire, de modalitatibusq. pacis tractare, ne gravetur, rogat.

SECTIO XXXI.

ATille, à sua Majestate, ipsius quicquam commissum fidei negat, nec educendorum è fortalitiis Transylvanicis presidiorum potestatem habere; Verùm ad perspiciendas res Transylvanicas, ut de us suam Majestatem in veritate informet, se ingressum refert. Cum stupore audit Olaj Begus, verbis per quatuor Consiliarios Principi nunciatis contraria dicentem, quorum ut memor, promissis suis satisfaciat, paceque inter duos potentissimos (ut ipse ait) Imperatores renovata, è fortalitiis presidia educat, hortatur; verùm ille quicquid specificati quatuor Consilarii ipsius nomine dixerant, se dixisse, vel facturum, apertius negat.

Discedit turbatus è tentorio ipsius Olaj Begus , ac principi Apasio primum, mox Kucsuk Memhet passæ, Episcopum Vaciensem, omnia verba revocasse, significat.

Quo dictus princeps ac Transylvani audito, è magna pacis spe tristes excidère; Kucsuk Memhet passa autem, (natura impatientissimus, ac omnis expers humanitatis) vehementer excandescit; Janizaris tentorio ejus circumdato, legati autoritate destitutus, *cure expiscatum, technasq; moliturus, interruptâ domesticâ quiete Transylvaniam ingredi præsumpserit, quærens.*

Nisi itaque promissis satisfecerit, castris non egressurum jurat. Vaciensem Episcopum quicquid libuerit sub nomine suæ Majestatis licere sibi hætenus credentem, non mediocris (his auditis) incessit timor.

Regni itaque Transylvanie Status, (qui ibidem in castris congregati erant) ut Sacratissima Imperatoria Majestatis
(ex

(ex cujus scitu ipse Transylvaniam ingressus) nomen præ oculis habentes, liberum à Kucsuk Memhet Passa, à quo juramentales missæ fuere ei literæ, sibi obtineant passum, rogat; Apud quos dictum Episcopum, (etiam si legatus esset) deflectendo Szamosujvarinum, (quo divertendi licentia, literis juramentalibus minimè erat inserta;) Expediendo clam ad Stephanum Ebenium servo suo; Principe Apasio ac Kucsuk Memhet Passa insciis in Civitatem ingressu; revocando præterea prolata in præsentiam quatuor Consiliariorum verba, ipsummet sibi exitium peperisse, quamvis constaret; Falli tamen per eum, quàm Sacratissimam Imperatoriam Majestatem offendere maluere. Singulosque è tribus nationibus ad Kucsuk Memhet Passam mittentes legatos, ut liber dimitteretur enixè rogavere, sed ille pro deprehenso in re tam manifestâ intercedentes, non imprudenter, verum ex collusione malitiosè face-

re, obsequio Ottomanica Porta (ut par erat) non satisfaciens nunquam se assensurum; Quin potius per celeres tabellarios hac omnia Ali Passa significaturum, ejusq; dispositioni rem totam subiecturum, respondet; Regnum Transylvania potentissimi Imperatoris hereditarium, seque (donec fortalitia Germanicis praesidiis evacuabuntur) cum plenaria auctoritate defensionis ejus praepositum, nemini in negotiis regni velle subjacere subnectens. Severis praeterea verbis, cur dictus Episcopus potentissimum Imperatorem fallere praesumpisset, exemplumq; in ipso ne talia alii attentent facturum se dicit.

Displicuere haec Episcopo, multisque per complures dies vicibus, si ipsi Szakmarinum regredi permitteretur, certo certius pacem (se intercedente) coalituram, asserenti, eadem à Kucsuk Passa resolutio data.

Pollicitationibus itaq; se posse elabi, non amplius sperans dictus Episcopus

pus. *Arrestationem suam, extremè periclitantis Transylvania statum, per litteras (quæ celerè cursu per Principem Apasium fuere transmissæ) Sacratissimæ Imperatoriæ Majestati, totique ejusdem aulæ, non sine lacrymis aperit, ut eductis prasidiis publicæ consulatur paci, per viscera Christi obtestans, quæ antequam obsignarentur, Kucsuk Memhet Passa præfente, ut perlegantur ab eodem imperatum. Generali præterea Francisco à Schnejdau (qui juxta Rivulinum (Nagy Bánya) cum certis erat armatorum millibus) ut ibidem subsistat, nec ulterius versus Transylvaniam moveat gradum, litteras interim ad Sacratissimam Imperatoriam Majestatem scriptas promoveat, scribit.*

Nil interea horum, quid Episcopus Vacienſis ageret, quibusque negotiis occuparetur, cognitum in aulâ suæ Majestatis; Literæ quocirca ab eadem ad illum mittuntur in hæc verba.

S E C T I O XXXII.

L Eopoldus Divinâ favente clemenciâ, Electus Romanorum Imperator semper Augustus. Reverende fidelis nobis dilecte. Intellexerit fidelitastua ex nostris die 15. & 20. Maji, Nos benignè resolvisse, quòd si Claudio-
polis, quæ arctissimâ obsidione premi nunciabatur, non ampliùs manuteneri, neque etiam succurri possit, tunc presidium impositum educendum esse, eâ conditione, quando Apafius affecuratus fuerit, quòd Turcæ nihil ulteriùs sint prætensuri, sed omnia in pristinum & antiquum statum reposituri, cum nullatenus sit nostra intentio, ut presidium Germanicum Claudiopoli egrediatur, si Turcæ illam occupare vellent, potiùs verò ut dicta civitas in libertate suâ permaneat, & omni meliore modo defendatur.

Necessarium judicavimus per expressum Cursorem hanc benignam nostram

stram intentionem melius explicare, ne
fortè pramaturis tractatibus communi
patriæ bono quoddam damnū adferatur,
& proinde noverit fidelitas tua, eam no-
stram esse resolutionem, ut præsidium Clau-
diopoli non educatur, neq; de educatione
ejusdem tractetur, nisi extremâ neces-
sitate postulante, nempe si locus ille ab im-
posito præsidio ulterius defendi, siue et-
iam eidem exteriori militiâ succurri
nullatenus posset, tunc primò fidelitas
tua tractatus, sub conditione tamen in
anterioribus literis nostris expressa, ut
Turcæ præsidium non imponant, &
omnia in pristino tranquillo statu, atque
libertate permittant, inire poterit. Se-
cundò, cū plurimum intersit, ne dicta
ordinantia ad notitiam aliorum perve-
niat, adcoq; nostri servitii ratio omni-
modè exposcat, ut eadem ordinantia in
secreto servetur, & nulli mortalium
communicetur, capropter eandem fide-
litati tue prout 15. Maji notificavi-
mus, in benignâ confidentiâ detegere, &
ejus-

ejusmodi tractatus, posito supra memorato necessuatis casu, eidem committere volumus, non dubitantes fidelitatem tuam omnia in summo secreto habituram. Tertiò, prestolamur per latorem presentium, exactissimam informationem omnium rerum, quæ in partibus illis aguntur, quarum notitiam fidelitas tua per diligentes & fideles exploratores acquirere, & nos de iis per hunc Cursorem informare non intermittat, prouti id ipsum quoque nostro constituto Colònello Francisco de Schnejdau mandari curavimus, & pro sine Imperialem Regiamque gratiam nostram fidelitati tue benignè confirmamus. Dabantur in arce nostrâ Regiâ Posoniensi die 1 Mensis Junii, Anno. 1662. Regnorum nostrorum Romani quarto, Hungarici septimo, Bohemici verò sexto. Leopoldus.

Generalis Schnejdau (adjunctis propriis) Episcopo Vaciensi in castra Claudiopolim juxta sita has transmittit, in

tut, in superficie literarum, præter ipsius Episcopale manus, Consiliarium per partesque regni Hungariæ superiores Generalem eum Comissarium intitulans. Integræ utræque operâ Principis Apasii quo destinatae erant penetravêre literæ, verùm ex informatione Janizarorum, qui arctâ Episcopum circumdederant custodiâ, allatas eas esse intelligens Kucsuk Mēhet Passa, invitum coëgit Episcopum, ipsi, ac per eum cunctis evulgare. Ex quibus certam de educendis sub conditione præsidiis tempore in Transylvaniam ingressûs eum habuisse constitit ordinantiam, verùm donec resistendi suppeterent vires, ne deditionem urbis Commendans Claudiopolitanus faceret, apertè in literis posterioribus vetabatur. Quod præter expectationem Statuum incognitâ nobis factum causâ fatemur.

*In Transylvaniam ingressu, actisque
præmemoratis Episcopi Vaciensis in-
terea*

terea intellectis ex literis Kucsuk Memhet Passa, Ali Passa ad se Temesvarinum deduci imperat, cui morem gerens ille, dum dicto Episcopo ut adsequentis diei iter se accingat, nunciat, nonnulli servorum metuperculsi, (eos in campo pascentes equos nemine custodiente) deserto hæro aufugere, quostamen non proprios, sed à Simone Kéményio ipsi adjunctos fuisse, deinde constitit. Episcopus cum trecentorum equitum comitivâ Temesvarinum versus sequenti die promotus, appropinquanti, quingenti equites ab Ali Passâ in occursum missi, exceptusque satis honestè, hospitium nihilominus ipsius arcta Janizarorum custodiâ circumdatum.

Evulgata undiquaque dicti Episcopi arrestatione, motis versus Transylvaniam Generalis Schnejdau castris, Kucsuk Memhet Passam, ex inopinato in castris adoriri statuit, verum intentio ipsius minimè alios latere potuit; Un-
versis

versis itaque Turcicis proceribus, ut impedimentis calonibusq₃ Marosvasarbelinum versus ad interiora regni sub noctem remissis, ex inopinato eos qui ipsum opprimere student, cum toto suorum robore aggrediatur, velocitateque famam sui praveniens, fessos eos, quos spes victoria, nil tale metuentes reddit, (cum eodem in loco hostem præstolanti, cum triplici hoste Claudiopolitano nimirum, ac Szamosujvariensi presidis, exercituq₃ Generalis Schnejdau ipsi pugnandum esset, invadat, suasêre.

Sed ille omnium (nisi stolidam temeritatem eam dicas) virtutum expers, consilio eorum prudentiæ pleno contempto, nunquam Generalem Schnejdau se invasurum sibi met persuadens, si ille hostili erga se esset animo, ibidem expectaturum respondit, verum non satis prudenter sibi consultuisse, paucis post diebus experientia docuit.

rubus, non mediocri ejus parte illic relictâ, duo milliaria Hungarica retrocedere, castraque juxta civitatem Tordam in campum Keresztes transferre cogitur; procul dubio ne ulterius recederet, auxiliorum duorum dierum itinere distantium, quæ effectivè intra triduum supervenêre, spe animatus.

Claudiopolim usque penetrans cum suis Generalis Schnejdau deserta reperit hostilia castra, renovatoque praesidio Claudiopolitano, nil moratus, Desinum versus, illinc in regiones Hungariae vicinas regressus, ingentem pecorum vim, miserrimis eripit rusticis, castraque juxta pagum Szilszeg in ripâ Samosii fluvii Szakmarinum versus currentis locat.

Principe Apasio unâ cum Kucsuk Memhet Palsa castra in campo Keresztes (ut praemissum) habente, Joannes Daczo jam pridem ad Ottomanicam Portam expeditus, cum supremi Vezirii supervenit literis, in quibus inter
reliqua

reliqua scribit ille, *Sacratissimæ Imperatoris Majestatis legatus*, qui ad pacem tractandam Constantinopolim fuerat expeditus, ad Ali Passam (cui plenaria tractandi data fuerat potestas) rejectus quamvis fuisset, superveniente tamen recentiori ejusdem *Majestatis legato*, ibidem Constantinopoli tractatum definiri placuisse, conclusam quocirca intelligat Princeps Apasius inter duos Imperatores pacem, quam violare minimè præsumat, omnes quin potius actiones suas ad eam tuendam dirigat.

Conformes Kucsuk Memhet Passæ quoq; missæ, ne aliquid hostile molia-
tur interdictum. Quæ in castris promulgata, non mediocriter exhilaravê-
re cunctos.

Verùm successu temporis optatæ pacis rumor paulatim evanescere cœ-
pit, Purpuratus enim Supremus con-
clusam inter duos Imperatores pacem
qualiter sibi persuaserit, ipse novit.

Con-

Continuatus tamen per totam Æstatem ac Autumnum ejus tractatus, præcipitiq̃ hyeme, exercitus suæ Majestatis (qui mediocris erat) in arces Hungariæ, Turcis vicinas, in hyberna distributus; Ali passâ cum immensa suorum multitudine, Temesvarini, Albæ Græcæ, in aliisq̃ fortalitiis Turcicis, Kucsuk Memhet passâ cum iis, quibuscum in Transylvaniâ bellum gesserat, ibidem quartiria sua fixêre.

Nec Gabriel Haller (quem regni Transylvaniæ Status cum quibusdam adjunctis, ad Ali passam de re jam specificata expediverant, per longū temporis intervallum negotiis regni cum emolumento Temesvarini incumbere poterat, mellitissimis quamvis enim cū Ali passâ & sui demulcerent verbis, nec contra puncta deditiois Varadiensis quicquam terminis regni Transylvaniæ adempturum Ali Passâ assereret, insigni tamen magnus ille nequam perfidiâ, violatis (quas juramento firmaverat) dedi-

deditionis Varadiensis conditionibus, officialem quendam suum (Piri Passa dictum) Regestum quoddam (ipsi Tefstier nominant) clam scribere, prater Comitatum Bihariensem, in quo arx Varad sita erat, Karaszensem, ac Szolnok Mediocre integros Comitatus Comitatum verò Colosiensis, Szolnok Interioris, & Dobocensis potiores partes tanquam ad arcem Varad pertinentes, iis inserere jubet, expeditoq; clandestinè ad Imperatorem Turcarum cum dicto Regesto eodem, confirmationem consignationis suæ vafre urget, ne ipsum contra propria pacta fecisse Ottomanica Porta (à quâ ut obligationi suæ tempore deditionis arcis Varadiensis facta satisfaciat, severè erat injunctum) subolfacere posset, omni celans industriâ.

Non tamen hæc latere potuere sagacem Gabriëlis Haller animum, per quem empti muneribus Ali Passæ Consiliarii, nefarium hocce mysterium in lucem

lucem prodidêre. Informatus itaq; Princeps Apafius, tam ad Purpuratum Varadiensem Hufzaim Passam, per cuius subiectos indefinenter contra miserimos rusticos Transylvaniæ subiectos excursiones fiebant, *litteras ac legatum* (cur contra mandatum potentissimi Imperatoris talia attentaret) *expostulatum* mittit; *Quam etiam Ottomanicam Portam iteratis vicibus demissè eadem de re legationibus & literis vel hodie fatigat*, nullâ tamen specificâ Ali Passæ (quem mater Imperatoris Turcarum singulari patrocinio tuebatur, minimè itaque accusare tutum erat) mentione factâ, sed omnia Purpurati Varadiensis (Hufzaim Passæ) ab ipsoq; (quasi) subordinati Piri Passæ machinationibus imputans. Utrum labor hic Principis felicem (quem faxit Deus) sortiatur effectum, exitus docebit.

Circa hæc tempora Reverendissimus ac Illustrissimus Dominus Franciscus

Q

Szent-

Szent-Georgius Episcopus Vaciensis, suæ Majestatis Consiliarius (quem ut præmissum) Kucsuk Memhet Passa, è castris juxta Claudiopolim positis Temesvarinum transmiserat, aresto quidem solutus, vir mollis, ad sustinenda-que vicissitudinum humanarum onera, non satis firmus, dum mœrore se conficit de exituq; tractatûs felici desperat, in humanis esse desiit.

Gabriel Haller quoq; ac reliqui regni Statuum legati hæctenus minimè dimissi, honestè quidem absque aresto ibidem commorantes, optatâ cum resolutione eos propediem se dimissurum spondente Ali Passâ, quæ qualiter præstabit, exitus rei docebit.

Nec Kucsuk Memhet Passa (quem per magnatem quendam Joannem Daczo in Portâ Ottomanicâ de excessibus compluribus accusatum, comminationeque mortis ut se contineat admonitum scripsimus) res Transylvanicas, Principemq; Apasium, in Ottomanicâ Portâ,

Portâ, per Cancellarium ejusdē (Rez-
Effendi ipsis dictum) cujus filiam uxo-
rem habebat, traducere, *Ali Passâm-*
que, cujus omnes actiones sub specie pro-
bitatis hætenus factæ Transylvania exi-
tiöse sunt fuerêque, indefinenter ir-
ritare præmittebat, intervenientis
nonnullis fidem verbis ejus adstruenti-
bus, quæ sic se habebant : Sub specie
comineatûs miseris rusticis extorquē-
di, divisi in toto regno Turcæ, ubi vel
meticulosos, vel debiles nancisci pote-
rant, equis aliisq; rebus exuere pro
nibilo ducebant, paulatim verò vires
sumente audaciâ, humiliû quoq; tho-
ros incæstare ausi; Quod dum in subur-
bio civitatis Coronensis (Brasso Hun-
garis) quidam Turca tentare præsum-
fisset, resistentem mulierculæ maritum
gladio brevi (quali fermè omnes Tur-
cæ, depositis etiam aliis armis utuntur)
transfixum occidit. Concurrent ad ex-
citatum vicini tumultum, captumq;ue
homicidam ad supremum ejus urbis Ju-

dicem deducunt, qui convocato Senatu, in homicidio tam manifesto deprehensum juxta leges regni capite plekti jussit, nondum exolescente antiquæ libertatis memoriâ, patriarumq; legum rigore mentibus eorum.

Hoc Kucsuk Passa audito, homicidam quidem tam manifestum directè excusare erubuit; *Verùm potentissimi Imperatoris milites ipsius solius directioni pœneque subjectos prætendens, non licuisse tributariis Imperatoris subditis manus militi suo injicere asserit, ultionemque de iis qui in alienam (ut ipse ait) messem falcem immisere, flagitat.* Cui modestissimis Princeps Apafius respondens verbis lenire nitebatur immeritò exoptulantem; sed illæ antiquæ non immemor offensæ, per homicide capite mulctati cognatos à se subordinatos *Ali Passam eodem de negotio, non juxta rei veritatem informatum requirit, Principem præterea Apasium (ad quem Germanicis præsidiis*

*diis munitorum fortalitorum Com-
mendantes de rebus non magni momen-
ti literas per tubicines missitabant,) oc-
cultam cum Casareanis correspondenti-
am habere pretendens, in tantam de-
ducit diffidentiam, ut literæ ejus quam-
vis verissimæ nullius efficacix, Kucsuk
Memhet Passæ autem omnia scripta ve-
ritatis plena coram Ali Pafsâ cense-
rentur.*

Obtinuitque hoc astu, ut hyberna
quæ in civitate Marusvasarhelyiensi se-
cundùm dispositionē Principis Apasî-
ac regni Statuum fieri debebant, ipsius
solius arbitrio submitterentur, pro lu-
bituq; suo in civitate Saxonicali Med-
gyes, ingenti cum totius regni jacturâ
hybernatum subsisteret; abusus itaque
authoritate talibus technis partâ, com-
meatum qui modestè & proportionali-
ter distributus, numero triplo pluri-
bus quàm ipsius erant milites suffecif-
set, miseris regnicolis extorquet, vici-
nas circumcirca regiones vicatim suis

Q 3 distri-

distribuit, nec ita eos emunxisse contentus, singulis pagis literas protectionales invitis incolis (quieas inutiles prævidebant) obtrudens, certam pro eis summam exigit, superadditi per singulos pagos ejusdem milites, qui dum quartiria pro suis cōmilitonibus tuentur, pro mense à pago quolibet quinque Imperiales Passiæ suo administrant. Ipse Kucsuk Passa ex comœatu tot sceleribus extorto, macellum in civitate Medgyesiensi per suos erigit; Ex farinâ verò similiter partâ, per pistorum panum in foro ejusdem urbis publicè quæsturam instituit, eamq; per complures septimanas Medgyesini exercens, cum totam circumcirca sitam regionem penitus exinanivisset, majori cum emolumento se cum suis piscaturum sperans, cum adjacentis provinciae jacturâ ac lacrymis Sespurgum non hybernatum, sed quæstûs exercendi gratiâ transit, eademque continuat.

Imminutâ itaque coram Ali Passâ dicti

dicti Principis existimatione, necessitati parere cogitur. Accedebant aliae quoque contra eum calumniandi occasiones. Nicolaum enim Davidis Zolyomi filium res novas moliri suspectum, Turcis autem multis largitionibus acceptum, in arrestum conjecerat, cujus casui Kucsuk Passam indoluisse certò creditum.

S E C T I O XXXIV.

Circa hæc tempora præcipiti hymne à Sacratiss. Imperatoria Majestate, certos ad Principem Apasium expeditos legatos Szakmarinum appulisse auditum, qui tam ad dictum Principem quam Ali Passam pro literis salvi passus expedivere cursores, obtinuerèque quod optabant. Ali Passa tamen ut antequam Transylvaniam ingrederentur, ad ipsum Temesvarinum deflecterent literis suis inferente, quorum adventus ob causam nobis ignotam per totam hyemem dilatus.

Verum alii ejusdem Imperatoriæ Majestatis legati Temesvarinum Vienne ad tractandam pacem cum literis plenipotentialibus expediti prædicto muneri insudantes, magnâ coalituræ pacis spe circa finem Februarii exhilararunt cunctos, quo exitu inferius lucidè perspiciet lector.

Duplici eoque gravissimo morbo laborabat interea Transylvania; macello enim foroq; Selpurgi occupatis, Kucsuk Passa extortas miseris rusticis pecudes, coctosq; panes vendendo nefariam quæsturam per suos exercebat, exutaq; per eum omnibus bonis regiones, id quod impossibile erat præstare cogens, dum inexplebili ejus desiderio satisfieri non poterat, crudelissimis miseros homines afficiebat verberibus.

Impositum ex adverso octuaginta millium Imperialium tributum, Ottomanica porta non sine minis administrari jubebat; Magnam Transylvaniæ partem, contra pacta deditionis Varadien-

diensis à purpurato ejusdem insignis fortalitii occupari; Claudiopolim, Szamosujvar, Betlen, & Kôvar arces, adjunctasque regiones per Cæsareanos possideri; Kucsuk passam præspecificatis modis quod residuum in regno erat expilasse non perpendens.

Tot rerum difficultates terruere non mediocriter Principem Apasium, qui exhausto (usq; ad grossum) per prædecessores suos regni ærario, solum Principis nomen insigniaque ejus nactus, nullos inter tot rerum procellas regni proventus hætenus percipiens succurrendi destituebatur mediis. Extraordinaria quocirca eaq; Generalia Mense Februario Anno [1663] in oppidum Szafzkéezd cogitur indicere regni Comitia, ubi propositis rerum extremitatibus, non rusticis (uti aliàs moris erat) sed prærogativâ nobilitari hætenus usis, impositum juxta proportionem facultatum, tributum. Proceres quoq; Transylvani qui post in-

opinatum Illustrissimæ Principis Kemenyicæ, felicioræ Cæsareanarum rerum successum etiamnum sperantes, à Principe Apasio, regniq̃ue Statibus tamdiu dissenferant, exoratis sub iisdem Comitibus regnicolis, ad unionem reliquorum admissi, Constitutionesq̃ue contra eos hæcenus latæ annihilatæ sunt. Patientiam Divinam ad ultionem provocantibus tot afflictissimorum lacrymis Kucsuk passam quoq̃; comitari cœpère factorum suorum (ut crediderim) fata, dissensione enim inter eum, subordinatosq̃ue ipsi officiales orta, universa ejus facinora Ali Passæ, qui supremus Imperatoris Turcarum Generalis (Szerdar ipsis dictus) erat, per eosdem manifestata, in exitiam ejus ad eò irritavêre eum, ut tãquam potentissimi Imperatoris regni depopulatori palam mortem minaretur; Quod utinam Divina faxit bonitas, justoq̃; nostro dolori hac victima litet Ali Passa.

LIBER QUARTUS. BREVIARIUM LIBRI

QUARTI.

Longus inter duos orbis Monarchas
pacis tractatus, & fermè jam conclu-
sus iniquas subinde Turcis subnectentibus
conditiones evanescit. Multiformis per
Kucsuk Passam Transylvania oppressio.
Tributum ingens toti regno Transylvania
impositum ab exigua qua superest ejus
parte crudeliter extorquetur; Preces
Transylvanorum pro relaxando eo habi-
ta irritæ. Supremus Purpuratus cum du-
centis circiter millibus armatorum bellum
Romanorum Imperatori infert, & Bu-
dam versus se movet. Chami Tartarorum
sive Pracopitarum Principis filius utrius-
q; præterea Valachia Principes per Tran-
sylvaniam transeuntes, Budam versus
properant, rapinisq; accedibus grassantur.

SECTIO I.

Anno 1663. senescente Mar-
tio desideratæ tandem inter
Romanorum Turcarumque
Q 6 Im-

Imperatores pacis spes, denuò in fumum abire cœpit, quod Gabriel Haller Principis Apasii, regniq̃ue Transylvaniæ Statuum legatus ex variis subolfaciens circumstantiis duabus indubitatè tandem deprehendit occasionibus, legato enim suæ Majestatis categorica iteratis vicibus est data per Ali passam Temesvarino abeundi facultas. Quocum si de pace sincerè tractandi eidem animus fuisset, non roganti minimè facultatem abeundi obtulisset. Iisdem præterea diebus legatus Chami Tartarorum Temesvarinum appulit, per quem cum Ali passa bellum gesturo ubinam Tartarici se conjungant exercitus, tractatum. Quæ omnia Gabrieli Haller per eumq̃ue principi Apasio nota; Universas præterea cum supremo purpurato Turcarum Imperatoris copias Constantinopoli Hadrianopolim, ac illinc Albam Græcam versus se movere constitit, ipso Imperatore Hadrianopoli subsistente, quorum

fum

sum colluvies ista immensa Barbarorum erumpat, non solum nobis afflictissimis, in faucibusque eorum gementibus, verum aliis quoque nationibus cum tremore expectantibus, nisi, subsidiis humanis deficientibus, misericordia divina medicas rei admoveat manus.

Kucsuk Passa interim ne vulpem agere desiisse videretur, nonnullos magnatum Transylvanorum, quorum vel prudentiam, vel robur militare obicem machinationibus ipsius injicere posse suspicari poterat, fictis obruere criminibus non prætermittit; quosdam eorum tacitum cum Commendantibus præsidiorum Germanicorum consensum habere, alios verò aperte ad eosdem jam transfugisse spargens, signanter Stephanum Petkium ac Joannem Betlenium hujus facti insimulans; Convocatisque Turcicis magnatibus, quod ipse finxerat, pro re sibi comperita proponens, socordiae ac negligentiae

vehementer Principem Apasium accusat, quo negotiis regni juxta muneris sui requisita non invigilante, proditorem Transylvani procures contra potentissimum Imperatorem nullo vindice foverent, hæc omnia fidelitatis officio id exigente, Ali Passæ, ac per eum potentissimo Imperatori se significare decrevisse; Audiunt fictitia ejus mendacia cum risu potius, quàm stupore convocati magnates, quippe cujus (apud eos extremè exosi) pravissimi mores magis quàm Hungaris cogniti erant, nec assensum à quoquam. Quin potius unus eorum Olaj Begus Gyulaiensis per occultos nuncios rem totam Principi Apasio patefecit, ut Ali Passam de scelarato hoc figmento præmoneret, per literasque machinationes istas Kucsuk Passæ tempestivè præveniret, admonens; qui sequutus ejus consilium celeri Temesvarinum expedito tabellario, vafrum hoc figmentum legato Gabrieli Haller, per eumque

Ali

Ali passæ notificavit, quo effectu, ex progressu rerum subsequen-
tium perspicere poterit lector.

Fatiscentibus inter tot angustias cunctorum in Transylvaniâ animis, tributum portæ Ottomanicæ debitum administrandi jam præterierat tempus, quod ne in contumaciam interpreta-
tum ad exitium denuò eorum provo-
caret potentissimam nationem, non abs re formidabant regni Status; In-
ternuncius quocirca Michaël Csepregi per Principem Apasium, ne paucorum dierum dilatio regno noxæ imputetur, ad Ottomanicam Portam missus Im-
peratorem Turcarum, supremumque purpuratum (qui ante appulsum ejus, præcedenti die Constantinopoli egres-
si erant) in castris cum ingenti exerci-
tu Hadrianopolim versus tendentes, obvios habuit, redditisque principis Apasii literis, moræ jam exactæ venia data, tributum interim ut sine ullâ pro-
craftinatione transmittatur severè jus-
sum.

SE-

S E C T I O II.

Kucsuk Passa quoque Principi Apasio in dies molestior, circa vigesimum Aprilis dum infatiabili ejus desiderio ab incolis, quos ipse exhausserat, satisfieri nequivisset, inhumanissimis per Olaj Begum Jeniensem ipsi nunciat verbis, triumphæ cæteris, Gregorii Gilányi, Petri Vizaknai, ac Michaëlis Arkosi (qui reliquis fermè omnibus metu istius belluæ ex aulâ Principis se subducentibus, soli crebrius lateri ejus adhærebant) fraude com meatum ab ipso præscriptum interverti compertum se habere; Ita que nisi intra præfixum ab ipso diem omnia absque defectu administrantur, è fenestrâ prospectante, nec facinus ipsum inhibere valente Principe, truncatis in foro Selpurgensiis, injuriæ suæ litaturum, jurare se per Deum; Quo dictus Princeps non sine stupore audito, tam à civibus civitatis istius, quàm privatis non-

nonnullis commeatu qui reperiri poterat sub spe mutuæ restitutionis sumpto, eoq̃ue in buccam toties fato Kucsuk coniecto, eos, qui viri honesti, melioriꝫ fortunâ digni periclitabantur, eripuit exitio ipsis intentato.

Exilis interea momenti res magnum Kucsuk Passæ sibiꝫque subiectis terrorem incussit, quæ sic se habebat: Continuas per integram hyemem Princeps Apasius Kucsuk Passæ, qui hospitio ipsius cōtiguâ utebatur domo, sustinens Sespurgi sollicitationes ac molestias, earum pertæsus, ibidem per complures dies cum principisâ, quæ hætenus earundem difficultatum spectatrix fuerat, inoraturus, animi relaxandi gratia Ebestsalvinum (hæreditarium suum castellum, duobusꝫ Sespurgo distans miliaribus) cum tota aula transire decrevit; Accingunt se ad iter cuiuscunꝫque gradus aulæ ipsius familiares, in transportandis reculis suis vociferatur clamitatꝫ; gynæcéum, Germanorum quo-

quoq; ac alterius nationis dicti Principis peditum uxores ac familiæ confestim urbe egressuræ cursitant in foro spectante Kucsuk Palsâ.

Suspicax veteratoris, quidve à Principe ac regno mereretur probe conscii animus hæc patienter ferre nequivit, quippe qui non discessum Principis, sed ad Cæsareanos transfugium id ipsum interpretando, extremum, quo dignissimus erat, sibi suisque exitium imminere crederet; Mittit quocirca cursum ad dictum Principem Olaj Begum Jeneiensem, quæ causa offensæ? cui ipse amicissimus semper extiterit, interrogat, nec prius, nisi reditu post trium dierum moram Principis promisso (quod effectivè factum est) sedari potuit.

Respirante inter tot ardua regni negotia Ebestfalyini triduum Principe, intimus supremi Purpurati internuncius Sespurgum cum literis heri sui apulisse nunciatur; Qui à Kucsuk Palsâ
noties

toties dicto principi indefinenter insidiantes, nulla eum tributi ad Ottomanicam portam mittendi sollicitudine tangi, contraria quin potius aut meditari, aut moliri, persuasus, ad explorandas res Transylvanicas fidissimum suorum expediverat, isque literas ejus, per quem missus erat, principi Apasio exhibet, quarum contentia hæc est:

P Rincipum Messiam colentium gloriosissime Michael Apasi, diversas proximè præteritis diebus quamvis à te acceperimus literas, in nullis tamen earum tributi Porta Ottomanica debiti mentionem te fecisse miramur, cum ejus administrandi tempus consuetum jam præterisse constet; Beneficii quocirca à potentissimo Imperatore accepti memorem te esse, tributumque absque ullâ dilatione transmittere oportet; Quo præfито album, non variegatum te gerere vultum experientia testabitur, clementiaque potentissimi Imperatoris parti-

*particeps semper futurus es ; quippe qui
nec fidelitatis, nec maleficii immemor esse
solet. Vale.*

SECTIO III.

PER lectis dictus Princeps literis, ad-
hibitoque Consiliarium judicio,
tributum quamvis regno impositum,
(Purpurato Varadiensi, Germanicil-
q; præfidiis potiozem ejus partem ma-
nutenentibus) ex illis, quibus præerat
regionibus, haud integrum colligere
potuisset, minimè tamen id, quod para-
tum erat, non administrare tutum
censuit ; expeditus quocirca cum eo
legatus Joannes Daczo non Con-
stantinopolim (ut aliàs moris erat) sed
ex mandato supremi Purpurati Albam
Græcam versus, quem laborum suo-
rum fortietur fructum, inferiùs intel-
liget lector.

Nec Barbarus interea bellum an pa-
cem cum Imperatore Romanorum
mallet, apud se certò concluderat, cir-
ca fi-

ca finem enim Aprilis ejusdem anni, ad pacem cum Romanorum Imperatore renovandam, bellumq; in Dalmatiam contra Venetos transferendum pronior visus, tormenta majora minoraq; , universum præterea apparatus bellicum cum Janizaris (peditum præcipuorum genus) Temesvarino Albam Græcam versus movere, illicque Savum (qui ponte junctus erat) trajicere jubet. Sequentem autem mensem, nimirum Majorem, iis omnibus Temesvarinum cum Ali Passa denuò reflectentibus, non solum Hungaria, ditioni Regis Hungariæ subiecta, verum Transylvania quoque sub Ottomanico gemens iugo (Ali Passam aliud in ore, aliud in corde semper volvere, suo malignara) quid & contra quos machinetur, non immeritò metuere potest. Mense denuò Junio, tormenta reliquiæ belli apparatus Temesvarino Albam Græcam vicissim transvecti, illic Eszékm (est antiqua sed ruinata civi-

civitas Budam commenantibus obvia)
ac consequenter Budā versus promoti.

Circa hæc tempora viciatim, imò
domatim grassantium Kucsuk passæ
militum petulantia servilem Transyl-
vanorū patientiam adeò fatigavit, ut
velii, qui inter regnicolas infimi ha-
bebantur, non catervatim quidem, sed
privatim proprias meditarentur (imò
attentarent) ulcisci injurias, quod par-
tim veritatem clariùs exprimendi, par-
tim lectoris ingenium hætenus nihil,
nisi tristitia legentis, ridiculo hoc diver-
ticulo relaxandi gratiā subijcere pla-
cuit: Siculorum (qui ex antiquā Hun-
garorum prosapiā, Scythis nimirum
oriundi) primaria provincia (sedem
ipsi nominant) Udvarhelyiensis nun-
cupata, inter plures, vicum quendam
Gagy dictum habere visitur, qui inter
convalles situs, certoque destitutus flu-
vio, fontibus quidem scaturientibus,
sapore bonis, plus satis abundat, ve-
rū adeò noxiis, ut quicunq; à pueri-
tiā iis

tia iis utuntur, strumis omnes infici soleant, quam naturæ deformitatem æquius tolleraveris, nisi ferme omnes mentibus capti, statuz veriùs quàm homines à reliquis censeantur Transylvanis; vix religionis, vix necessitudinum humanarum congrua apud eos cognitio; Dominico quidam eorum die, à vicino, qui ipso paulò prudentior erat, campanæ sonitu in templum ad preces fundēdas vocari admonitus, (quisnam campanarum usus esset, sensum ejus excedente) sues à lupo infestatos grunnire, iis succurrendum esse respondit. Alter, nuptiarum ipsius die, dum finitâ jam cœnâ sponsam invisere ab Architriclino jussus esset, inter sanctum matrimonium, adulteriumque nullius discretionis gnarus, se nolle adulterium committere respondit, cuiusdamque mercenario id negotii consummandi facultatem concessit. Tertius, dum uxorem suam filium peperisse intellexisset, discinctus sine pileo in
viâ

viâ publicâ cursitando, qui filiū suū (jā natū) procrearet, duodecim se grossis conduxisse gloriatus est, quæ tandiu in ingenio ejus perseveravit opinio, donec infelix ille pater (si is dicendus est) fato functus, filium qui vel hodie vivit superstitem relinqueret. Alter, dammarum vitulorumque nullum agnoscens discrimen, dum par capreolorum inter segetes vidisset, rustici nonnullius vitulos esse ratus, versus vicum cogere, pro damnoque illato in curiâ propriâ arecto subjicere nixus est, quibus velocissimè fugâ elapsis, in congregatione reliquorum non sine murmure questus est, segetes quidem à nonnullorum vitulis obteri; eosque prima occasione è manibus suis esse elapsos, interim diligentia heri eorum nisi huic damno occurrat, donec vitulos istos suæ potestatis fecerit se minime quieturum. Alius verò autūnali tempore ad visendas segetes egressus, dum vulpem quæ ibidem muribus insidiabatur vidisset, do-
mesti-

mesticum ratus esse molossum, ne damnum per canes segetibus suis inferrent in congregatione monuit oppidanos; paucosq; post dies iterum versus segetes suas exspatiatus visâ vulpeculâ, dum ea fugâ sibi consulisset, furibundus in pagum regressus, quotquot in toto vico rubri coloris canes nancisci potuit, neci tradens, non amplius eos cujuspîam segetibus damna illaturos gloriatus est.

Restant plura alia, quæ prætereo. Ex præmissis, dicti Viculi Gagy incolæ quâ sagaci polleant ingenio, mi lector, perspicere poteris; Memorabilis tamē non pridem inter eos contigit casus; Nonnulli enim Turcici equites, toties fatum ingressi pagum, reliqui aliorum, duo verò Judicis, cui nomen Joannes Derfi, adiēre pro hospitio domum, cujus uxorem unus eorum videns juvenculam, confestimque in eam exardescens, quo facinoris patrandi uberior suppeteret occasio, quædam victualia,

R

qua-

qualia ex proprio largiri non poterat, non sine verberibus ac minis iussit ex vico maritū adducere, qui foras egressus, celeriusq; opinione regressus, dum in ipso adulterio Turcam cum uxore deprehendisset, (nonnulla vestigia virtutis vel in eo qui non satis sapit, repræsentante naturâ) unico lanceæ ictu ambos pariter confodit; Cædes inulta mansit, ne mentionem quidem rei facientibus Turcis.

SECTIO IV.

Legatus Joannes Daczo cum tributum suæ fidei commissum Temesvarinum (ubi Ali Passa erat) per hos dies appulit, eâ quidem intentione, ut eodem obiter salutato Albam Græcam versus iter continuaret, supremumque Purpuratum, quem in dies obvium se habiturum credebat, adiret; Exceptus insigni cum pompâ, cohortibusque splendidissimè vestitis obviam missis ab eo, consimili sequenti quoque die solenni-

lennitate ad colloquiū admissus, Turcico amictu donatur, de quantitate tandem summæ ipsius fidei commissæ interrogatus, magnam regni Transylvaniæ partem contra pacta deditio- nis Varadiensis à Purpurato ejusdem fortalitii occupari, alteram à præliis Imperatoris Romanorum manuteneri significans, ex residuâ, quæ Principi Apasio paret regni parte integrum se non potuisse adducere tributum, quin- quaginta tamen Imperialium millia, adduxisse respondet. Modestis (qua- si) ad hæc respondens Ali Passa verbis, sequenti die iter susceptum continua- turo repetere hospitium jubet. Disce- dit ille spei bonæ plenus; Gabriel Hal- ler etiam qui per integros octo menses sub specie legationis ab eo ibi detine- batur, brevi in in patriam se rediturum persuasus exhilaratur; Verùm sequente die luceſcente longè alium experti sunt Ali Passam, ambo enim cum adire jussi, non hilari (ut præcedenti die unus eo-

Joannes Daczo) excepti sunt ab eo vultu, quin potius austerioribus verbis, *cur integrum Princeps Apasius non transmississet tributum ? utrum in exitium suum & regni Turcarum Tartarorumque nationem provocare vellet ?* interrogatur Gabriel Haller ; qui per integros octo menses ibi se detentum, rerum Transylvanicarum statum exactius legato recentiori Joanni Daczo cognitum respondens, amovit à se hanc verborum contentionem ; Consequenter Joannes Daczo (& quidem non sine minis) interrogatus, dum defectus istius præspecificatas rationes redderet, parvum abfuit, quin in vincula conjiceretur ; Ut hac de re Principem Apasium informare, imminentiumq; nisi residuam tributum partem transmitteret periculorum præmonere liceret, vix demississimis obtinens precibus. Ad dictum itaq; Principem Michaël Csepregi cum legatorum literis remittitur, cui Ali Passa proprium adjungens homi-

hominem, per eum literas transmittit
in hæc verba:

P Rincipum Christianorum gloriossi-
me Michaël Apafi, prolixis tuam
fidelitatem (tanquam filii nostri) co-
ram potentissimo Imperatore commen-
dantes verbis, quanta faciei nostræ in-
uritur ignominia, dum integrum (quod
debebas) non transmisisti tributum?
ipse perspicere potes. Utrum Transylva-
ni calamitatum ac ruinarum, quas per-
vicaciâ sibi peperere, jam obliti sunt?
Imò scire lubet, utrum Tartaros, reli-
quosque potentissimi Imperatoris innu-
merabiles exercitus hostiliter terram
ipsorum ingressos videre avertant? Si his
malis mederi vultis, residuam tributæ
partem citissime transmittas necessari-
um est; Quod si integrum transmis-
sum fuisset, me intercedente omnia pro
voto vestro per legatos obtinere potuis-
setis. Vale.

Princeps Apafius regniq; Transyl-

vanæ Status justissimas eorum excusationes à barbaro minimè admitti, inevitabile quin potius, nisi residuam tributi partem transmitterent, exitium imminere videntes, exhausto per Principes Rakocianos usque ad quadrante nummi ærario, pecuniam mutuam sumendi, extremam in tantâ rerum extremitate coguntur ingredi viam, quicunque non saltem patriciorum, verùm Græcorum ac Turcarum quoque, aliquam summam dederit, eximie quantitatis centum frustra falis, quæ triginta imperialibus vendi solebant, viginti quinque imperialibus de facto ipsis daturos offerentes, reperti que sunt ex Turcis plerique qui satis grandem expendentes summam, spacio duarum aut trium septimanarum nondum exacto, pro centum, centum viginti, pro mille imperialibus, mille & ducentos obtinere; Quo magis exhausti sumus, ut eo plus expendamus, ad hoc ipsum cogente crudelitate re-

te regentis ; congestaque (non sine lacrymis) quæ jubebatur summa , per fidos homines Albam Græcam ubi legati substituerant, transmissa, verum antequam supremo Purpurato administrari posset, suâ & aliorum opinione, ob intervenientes quosdam casus (ut inferius intelliget lector) celerius eum Budam versus gradum promovere necessitas compulit.

SECTIO V.

Circa finem Maji incalescente tempore æstivo Kucsuk passa Sefpurg (ubi integram transegerat hyemem) se cum sibi subiectis , ad loca fortalitiis quæ per Cæsareanos tenebantur viciniora transferens, ultra Marusium juxta vicum Kocsárd figit castra ; Quo iter ingressio, certus eorum, quos ex colluvie Asiaticorum prædonum proprio alebat ære, militum numerus, tam diutini pertæsus ocii, Temesvarinum versus fugâ se proripit,

R. 4

quo-

quorū discessu Kucsuk cognito, principem Apasium adiens, ut celeri expedito nuncio, angustiis itinerum, per quas iis exeundum esset, occupatis, universos neci tradi jubeat, per Deum obtestatur, universa eorum bona illis qui hoc effecturi essent, lubentissimè offerens; Annuit dictus Princeps, expeditoque cum literis quodam, dum provinciae istius incolæ, quod multis anhelabant suspiriis, hoc ipsum juberi audiunt, multiplices (quas ab ipsis perpassi erant) injurias ulcisci occasionem divinitus ipsis oblatam rati, lubentius quàm jussi erant, offerunt operam, occupatisque alpibus, quamvis animosè ab iis, qui evadere satagebant, pugnatum fuisset, nonnullique è numero Transylvanorum caderent, omnes tamen præter tres, qui tempestivè fugâ sibi consulere, ad Mahumetum Patriarcham eorum transmissi; Summas Principi Apasio præstiti hujus officii tunc gratias agente Kucsuk Passâ, verum

rùm non satis prudenter suis hoc facto eum consuluisse, consequentiæ rerum testatæ sunt, semel enim ad delendos clam secedentes Turcas excitirustici, quamvis quiescere juberentur, injuriarum tamen illatarum non immemores, dulcedine præterea prædæ illecti, quoscunq; Turcarum à reliquis sejunctos, ob idque injuriæ oportunos nancisci poterant, vitâ simul bonisque exuebant, cur potentissimi Imperatoris milites, in regno ejusdem tam hostiliter tractentur multum quærente Kucsuk Passa, ipsiusmet pessimo consilio excitos, per quos fierent eidem regerente Principe Apasio.

Iisdem diebus è ditione Regis Hungariæ indefinenter contra finitimas Turcarum arces excursiones exercentibus Hungaris, potior exercitus Kucsuk Passæ pars, quæ ex eis educta erat, per Ali Passam ad easdem tutandas è Transylvania evocatur, quo dictus Kucsuk Passa viso, imparem se, si ab

R s hoste

Imperatoris invigilare soliti, per eosq;
 Purpuratis, Passis, Begis, deditiisque
 Ottomanicæ Portæ principibus, ac
 aliisque quibuslibet tam læta quàm ad-
 versa nunciare mos est) citato cursu
 cum muneribus lætoque nuncio ap-
 propinquare significat, ut pro digni-
 tate mittentis, singulari cum solenni-
 tate excipiat suadens; Per Gabrie-
 lem Haller ac Joannem Daczo legatos,
 perscriptus ejus adventus pariter eidẽ
 Principi, quos supremus Purpuratus,
 ac Ali Passa, (qui Albæ Græcæ conjun-
 cti jam erant, dictosq; legatos Temes-
 varino illuc transmigrare jusserant)
 quamvis iter Kapucsi Passæ causamq;
 ejus latere nisi sint, intentos illi tamen
 ad procuranda regni negotia habentes
 oculos, omnia intellexere, quæ regno
 pariter & Principi exitiosa præviden-
 tes, adjecto quid in re tam ardua factò
 opus esset, (ut inferiùs patebit) consi-
 lio, per Cubicularium principis Fran-
 ciscum Fekete compendiose literis,

prolixius verbotenus significavêre.

Hoc itaq; toties fatus Princeps intellecto, celeribus expeditis tabellariis, Consiliarios (qui omnes absentes propriis occupabantur negociis) tanquam de rebus quibus regni exitium extremè agitari videretur tractaturos, ad se acciri jubet, verùm præter Joannem Betlen Cancellarium, Franciscum Keresztesi, Sigismundum Banfi, hunc Albenfis, illum Tordenfis, Comitatum Comites, reliqui omnes, quidam eorum distantiam locorum, alii repentinos prætendentes morbos, se absentarunt.

SECTIO VI.

INtroduetus singulari cum solennitate Albam Juliam Imperatoris Turcarum Kapucsi Passa, ejus, supremique purpurati literas Principi Apasio exhibet, binisq; Turcicis, iisque versicoloribus stolis talos pertingentibus nomine Imperatoris sui cum donat, ut mandata literis prædictis inserta pro-

ta protinus effectuct, subjungens; Quorum utrarumque quoniam continentia fermè conformis erat, unas, supremi nimirum purpurati inserere placuit in hæc verba :

Messia Religionis cultor Princeps Transylvania Michael Apafi, officiosâ nostrâ salutatione pramissâ. Quoniam Germanorum natio rupto, quodcum gente Mussurmanorum pepigerat, fœdere, complura fortalitia Transylvanica, Germanicis munivit præsidis, contra Canisam recentem à fundamento crexit arcem, in aliis quoque rebus infidelitatis sc polluit labe, nos quoque divinâ favente clementiâ, unâ cum exercitibus Potentissimi Imperatoris, qui in magna Anadolia, Rumellia, Samo, Halipo, aliisque complurimis regnis ac provinciis imperio ejus subiectis degunt, sex præterea generibus militum (hic ego trium peditum genera; Janizaros nimirum qui omnibus reliquis

Ottoman exercitibus longè præminent,
 usque non tantùm Purpuratorum, ve-
 rum etiam Imperatoris ipsius vita ac ne-
 cis sibi met usurpant; Szemenos, qui pro re-
 rum ac temporũ occasionibus conducì ex-
 auctorariq; solent. Asappos, qui ex certis
 Asiaticis Europaisq; regionibus tempore
 bellorum mitti consuevère; totidem præte-
 rea equitum genera; Szpahias videlicet,
 qui Aula Imperatoria semper interesse
 menstruo ex arario ejus ali stipendio, nul-
 lasq; possessiones aut prædia manutenere so-
 lent; ac Timmariotas, qui certas regiones
 possessionesq; obtinent, stipendio minimè
 accepto, ex iis se sustentant, pro iisq; bel-
 ligerare tenentur; Huszaros, qui in arci-
 bus hostibus finitimis degunt, eas prote-
 gunt, diurnumque accipiunt stipendi-
 um, intelligi puto) illatas ultiri injurias,
 nosmet moventes Albam Gracam appuli-
 mus; Cum itaque Vasallum potentissimi
 Imperatoris te esse constet, perlectis ejus
 mandatis, universis regni tibi commissi
 magnatibus, nobilibus, equitibus, pedi-
 tibus,

tibus, scloppetariis, eorum ductoribus, quicumque sub totâ jurisdictione tuâ inveniri poterunt, in certum absque morâ convocatis locum, mandamus ut optimè instructus iteratum præstoleris nostrum mandatum, quo (si ita Deo visum fuerit) superveniente minimè vel quadrantem horâ moraturus, quocunque jussum fuerit, absque tergiversatione cum tibi subjectis ire possis, Imperatoria hac de re sunt tibi per Kapuci Passam transmissa literæ, binæ præterea stola, munera Imperatoria, quibus debitâ cum reverentiâ submissioneque acceptis, cum proceribus, primatibus, equitibus, scloppetariis, eorumque generalibus ac aliis officialibus in unum congregatis locum, apertos oculos, erectasque aures habeas oportet, ad mandatum, nuntiumque nostrum, quò necessitas exiger, te cum tuis moturus. Deo res nostras felicitante, illis qui hætenus Ottomanicæ Portæ fideles extitère, felicior futurus. Residua tributi pars si
per te

*per te est transmissa, bene quidem, fin
minus, per legatos trium nationum re-
gni Transylvania potentissimo Impera-
tori absque morâ transmittas oportet,
Dum te iter suscipere iusserimus Kucsuk
Memhet Passa, qui potentissimi Im-
peratoris fidelis servus est, Imperatori-
umq; hac de re habet mandatum, indivi-
duus esto comes, cum eoq; nostra debes adi-
re castra.*

S E C T I O VII.

PErlectis cum stupore Princeps A-
pafius literis, diversæ, eaq; magni
momenti ob oculos ejus versabantur
rerum difficultates; Kucsuk Memhet
Passæ, cui supremus purpuratus pro-
pter enormitates in Transylvania pa-
tratas non pridem mortem minatus
erat, versâ præter spem rerum fortunâ,
directioni (quasi) & regimini se subjici
spectabat attonitus; Nec statu Tran-
sylvaniæ pacato, universas regni vires
(& quod magis eum angebat contra
Chri-

Christianos) dum educere jubebatur, quorsum, nisi ad exitium ejus ac totius regni hæ machinationes fierent, animo vix satis capere poterat. Legatorum quoque Gabrielis Haller ac Joannis Daczo, ne qualitercunque jussus, totum regni educeret robur, quin potius per literas, ac Kapucsi Passiam muneribus emptum, honestis quibusvis excusationibus hoc ipsum declinaret iter, quibus (quod absit) non suffragantibus, invictis potius quam bellum gerentis modo, cum paucis magnatum, medio-crique comitivâ mandato imperio morem gereret, enixe suadentium opinio augebat ejus metum.

Habito itaque eorum, quos è Consiliariis Albam Juliam ingressos superius scriptum consilio, Imperatori Turcarum compendiosius, supremo verò Purpurato prolixius per eum rescriptum in hæc verba:

Illu-

potentissimi Imperatoris milites lateri meo
praesentes appello) accepi summam, conge-
stamq; transmissi, are alieno potius obrui,
quam potentissimi Imperatoris indignatio-
nem provocare praecipians, tam prompta
mea, regniq; Transylvania obsequia, ve-
strâ Illustrissimâ Dominatione interce-
dente, coram potentissimo Imperatore non
ingrata fore, quin potius misericordiam
me, meosq; obtenturum non ambigens.

Dum verò universos regni proceres, no-
biles, ac totum (verbo) regni robur iterato
mandato superveniente quo jussum fuerit
ducturus, instructum tenere jubeor; Ab-
sit vel nutu mandato potentissimi Impera-
toris (tam propriam quam regni vitam,
spes, ac omnia in manu sua Majestatis
(post Deum) posita esse non igna-
rus) refragari praesumam; Imò in
momenta paratus, vel cum decem aut vi-
ginti saltem personarum comitivâ, me abi-
turum spondeo: Interim ut regni diligen-
gentia mea commisit tam prosperos, quam
adversos status, contingentesque ejus diffi-
cultates

dic ibidem detinentur, pro obsidibus re-
lictis dum per me pro dimittendis istis re-
quisitis fuissent, nihil præter munas (nisi
summam per Principem Rakocium pro-
missam persolverem) obtinere potui; Ingē-
ti autem nunc ii conflato exercitu sub al-
pibus adeò vicini hærent, ut unico Mara-
marosium die, (regni Transylvania pro-
vinciam) facillime invadere possint; Quo
proposito ducantur ipsi norunt, interim ni-
si regnum periclitari malim, angustia iti-
neris, per quas eis penetrandum esset, certâ
armatarum manu custodienda sunt; Cer-
ta præterea fortalitia, tam civitates quàm
arces habet potentissimus Imperator sub
directione meâ, quæ nisi congruis mu-
niantur præsidiis, facile in extraneorum
devenire poterunt potestatem, quod si con-
tigerit, negligentia procul dubio mea im-
putabitur. De his quantum ex reliquiis
afflictissimi hujus regni (quod per inte-
grum annum & amplius potentissimi Im-
peratoris exercitum gratuito comæatu
alere cogitur) præstari potest, officii mei
manne-

munere id exigente, diligentissimè providereres ipsa cogit.

Hac itaque non à demandatâ expeditione memetipsum excusandi gratiâ, sed obsequio Ottomanica Porta debito exigente significare debui, dum pauculis, qui c numero nobilium militumque regni huius supersunt, ad tuitionem limitum, fortalitorumque ordinatis, minùs instructi eduxero exercitum, regno, mihi que ne noxa imputetur, obsecrans; Interim vel saltem viginti aut triginta personarum comitiva (pluribus non existentibus) quo iussu fuerit promptissimè me abiturum spondens. Dum propriam offero obedientiam (nisi viribus destituerer) aliis comminùs parsurus; officii attamen mei est ita rebus Transylvanicis invigilare, ne per negligentiam aliquâ ingruente ruinâ, debitas socordia pœnas luere debeam.

Quarelas præterea jam aliquoties iteratas cogor denno contra Purpuratû Varadiensem per præsentes instituire, qui regiones ad arcem Varadiensensem minime pertinentes vi ad deditionem cogens, tributum

ingens ab illis extorquet, nec unâ cum reli-
quis Transylvania provinciis consuetum
potentissimo Imperatori tributum persol-
vere sinit, præterea cum præjudicio condi-
tionum deditiois Varadiensis insigni, qua
juramentalis Ali Passe literis firmata
erant, præsidarii quoque oppidi Belinyes,
terrore mortis ac depopulationum integrâ
tentant occupare Transylvania regionem;
A quibus in præsentia propriâ dum hac
tentari video, quid me absente molituri
sint ipsi norunt. Quisve harum procella-
rum exitus futurus, in arcano solius Dei
mysterio situm est.

Vestram quocirca Illustrissimam Domi-
nationem demissè rogo, præmissis diligen-
ter ruminatis, de relaxandis oneribus, me-
dendisq, difficultatibus afflictissimi hujus
regni coram potētissimo Imperatore inter-
cedere ne gravetur, clementis, si man eâ in-
tercedēte sua Imperatoria Majestatis reso-
lutionē obtenturos, tã ego quàm regnicola
persuasi sumus, cui demississima cū iisdē of-
ficia offerens, divina de cætero protectioni
commendamus. Dat. Alb. J. 24. Jun. -- 63.

S E C T I O V I I I .

ADvocato princeps Apafius Kapucsi pafsa ad ipsum expedito , præinfertas ei exhibet literas, ut coram fupremo purpurato caufam præfentem ageret, multis obteftans verbis; verùm ille, antequam cum toto regni robore ad iter bene inftitutum in castris viderit principem, (hoc ipfum in mandatis cum fe habere fciat) minimè vel pedem moturum refpondet; ægrè tandem benè donatus fequenti iter fufcipit die, cui fuum dictus princeps adiungens hominem, Gabrielem Haller Johannemq; Daczo de toto certos reddit negotio, ut ipfi quoque pro virili huic obici mederentur admonens, quo fructu inferiùs patebit ; Utrùm prærecenfitæ regni difficultates à demando abfolvant itinere, dubitans interim princeps Apafius, ne iterato fuperveniente mandato, planè imparatus deprehendatur, ad generalem univerfi regni

regni Status ut se accingant expeditionem, paratiq̃ue dum jussum fuerit se in castris sistere possint, nonnullis præterea magnatum ac nobilium, ut in castra supremi Purpurati Principem Apasum comitaturi intra decimum diem congruo cum apparatu præsentēs sint, demandat.

Et illi quidem tepidè (quamvis non sine fletu ac expostulationibus) parere videbantur, hi verò accepto cā de re Principis mandato penè exanimēs facti, quid dicerent aut facerent, penitus ignorabant; Nonnulli itaq̃ue eorum paroxysmis (quasi) recentibus correpti, jussum devitare nituntur iter; Alii simulatione qualibet sepositā, omnibus se bonis exui, quā patriā, familiāq̃; relictis, contra Christianos cū barbaro belligerare se malle apertè rescripsere.

Hærebat inter tot rerum labyrinthos Principis Apasii plus justo lenis ac demissa natura, quippe qui ab eodē pla-

nè abhorrebat itinere, omnibus præterea (etiam si maximè Turcico parere vellet mandato) belligerandi, imò iter solùm usque ad castra supremi Purpurati distans, conficiendi destituere-tur mediis.

Auxerant ejus ac regnicolarum metum supervenientes Principis Valachiae Transalpinæ literæ, in quibus, ne Chami Tartarorum filium ac Moldaviae Principem, qui cum valido exercitu confestim ipsum subsequentes, per Transylvaniam transitori sunt, præstoleatur, verùm absque omni tergiversatione se movens, penetratis alpibus Transylvanicis Budam properet, seque cum ipso conjungat, supremi Purpurati ad se missum mandatum scribit, paribus literarum dicti Purpurati inclusivè transmissis, omnem in re dubitationem se moventibus. Nec eventus rei defuit, dictus enim Princeps Valachiae Transalpinæ Georgius Dika cum quinque millibus equitum, sexcentisq; pediti-

ditibus se movens, Transylvaniæ alpes per passum Boza superare cœpit. (mense Julio). Cui quidam multis rebus exercitatus, sagaciq̃ue pollens ingenio Petrus Budai, quid in secreto Turcarum consilio de hoc bello conclusum fuisset, expiscaturus obviam expeditur, qui continuato per dies noctesq̃ue itinere, mutatisq̃; ad celeritatem jumentis, extra limites Transylvaniæ dicto Principi obviis, in secretumq̃ue ejus tentorium ductus, ne præter Principem Apasium, Joannemq̃ue Betlenium Cancellarium, ulli in Transylvaniâ mortalium rem aperiret, firmissimo juramento obstringitur, eoq̃ue deposito, hæc ad Principem per eum nunciata verba:

Multis verborum ambagibus in re maximè periculosa moramq̃ue non patiente uti, cum incongruum censeam, Principi, meo nomine salutato, significes; Per genitorem meum, qui jussu Ottomanicæ Portæ Constantinopoli conti-

nus degere cogitur, significatum est mihi, eâ Principem Apasium, totiusque regni Transylvania procures intentione è proprio Turcas velle educere regno, ut eos unico manutinentes compendio, necique aut perpetua tradentes custodia, seu benè, seu malè expeditio contra Romanorum Imperatorem suscepta ipsis successerit, regnum capite protecto-ribusque destitutum facile occupare possint, obtestor itaque eum per Deum, ne Turcarum se fidei committere præsumat, fido potius se ex hoc periculo subducatur morbo, nisi semet, Transylvaniam, nosque utriusque Valachia incolas in perpetuum perditos velit, nec procures regni castra Turcica sequi compellat, consilium interim ipsi datum nisi in arcano reservet, exemplò de me actum esse nil dubitet: Relata hæc per eum cuius fidei commissæ erant Principi Apasio, (cum omnem captum auxiliūque humanum prærecensitæ superarent rerum difficultates) qualiter ipsum affecere,

cere, lector per se conjectare potest.

SECTIO IX.

NE interim Kucsuk passa quoque calamitates nostras augere pratermitteret, ut universos regni Status princeps Apasius ad prædictum iter se moturus convocare jubeat, severe, nec sine minis, urget; Chami præcopitarum Tartarorum principis filium, cum quinquaginta millibus selectissimorum militum, quadragintaque tormentis prægrandibus ad expugnationem Claudiopolis iter ingressum, conjunctumque cum exercitibus utriusque Valachiae, qui quadraginta millium numerum æquaturi sunt, propediem superventurum impudentissime mentitur; Cum Tartaros, qui solâ velocitate reliquis nationibus terrori esse solent, tormenta prægrandia secum vehere, obsidionesque fortaliciorum (rerum talium rudes) moliri contra omnem rationem esse, cæcus sit qui non

videat. Numerum etiam Tartarorum
iisq; adjunctorum Valachorum in im-
menſum falſò augebat; Quippe Tar-
tari vix decem millium numerum ex-
cedeabant, utriusq; Valachiæ Principi-
bus ne parem quidem ſecum ducenti-
bus exercitum.

Jubebat inſuper mandata Principi-
pem Apafium ad Commendantes for-
talitiorum præſidiis Imperatoris Ro-
manorum munitorum, niſi tam poten-
te hoſte imminente perire velint, ut
confeſtim regno excedant, ſcribere;
Verùm tam apertè mentienti dictus
Princeps aſſentiri erubuit.

Per eoſdem dies legati principis A-
paſii Albæ Græcæ apud ſupremum
Purpuratum commorantes, dictum
Purpuratum ſuâ & aliorum opinione
celeriùs Budam verſus cum univerſis
Imperatoris Turcarum exercitibus in
ſuccurſum Huſzaimpaſſæ (qui non pri-
dè Purpuratus Budenſis creatus, caſtra
juxta Budam in aperto campo figens,

ab Hungaris, Regi Hungariæ subiectis, particulari strage affectus fuerat) prosperasse, ipsosque Albæ Græcæ relictos, perscripsere principi ac regnicolis. Quod Christianorū facinus, per quos, quibus mediis, quantaque clade hostium patratum sit, iis, qui interessati fuere perscribenda relinquo; Orandus interim misericors Deus, ut primitias istas victoriæ Christianorum ad maturum tandem perducatur triumphum, interque tot blandientis fortunæ successus elatum barbarum potenti dexterâ confringat.

Quantopere princeps Apasius, regnicolaque à barbaro coarctarentur, in bellumque contra Christianos cogerentur, non latebat interea fortalitorum Germanicis præfidiis munitorum Commendantes, qui procul dubio iussu superiorum talia in regno promulgavere manifesta:

Celsissimus Princeps Transylvania,
(titulus) Dominus Dominus Mi-
S 4 chael

chaël Apafi per edictum Turcarum sub
ficto pretextu, tanquam Sacratissima
Cæsarea Romanorum Majestas Domi-
nus meus clementissimus factam inter
ipsum confederationem diffregerit (circa
illum dubium coactivè) insurrectio-
nem in regno Transylvania per speciale
mandatum injunxit, ut nobiles una
cum plebe in subsidium Turcarum ad
bellum separarent, & consurgerent. No-
tum autem est omnibus & singulis quan-
tiam prefata Sacratissima sua Majestas
per hos annorum cursus curam gesserit,
regnum illud, ejusdemque libertates &
jura conservandi. Eapropter tot tantos-
que sumptus hucusque prestavit, & ad-
huc præstat, dum numerosum exerci-
tum cum gravissimâ & copiosissimâ su-
stentatione in nullum alium finem has
versus partes introduci fecerit, quam
ut per amicam conventionem pranomi-
natum regnum tranquillitate gaudere,
& ejusdem immunitates protegi possent;
Super quo negotio tractata compositio-

nis etiamnum continuantur; Evidenter autem apparet, quòd Turca & regni libertates tollere, & idem suo jugo barbarico subdere studeant. Proinde omnibus & singulis regni Transylvania Magnatibus, Comitibus, Baronibus, Nobilibus, plebeis, supremis Capitaneis, ac Judicibus Regis Siculorum, primoribus, potioribus, primipilis, pixidariis, toti denique universitati Siculorum, item nationi etiam Saxonica benè consulendo proponitur, seriò deliberent, quàm irreparabile damnum illismetipsis ex hoc edicto obventurum sit; Ideoque ad hos Celsissimi Principis (verè non aliter sine veritatis errore) coactivè expressum mandatum non insurgant, nec moveant, & horum obedientia se non subjugent, verum vigore Armistitii domi sua permaneant. Secus si facturi sunt, & quidem contra in eosdem positam confidentiam se hostes apertos monstraverint, causæ dabitur loco laboriosissima quesita protectionis, contra illos similiter agendi, &

persequendi, quæ omnia omnibus & singulis ad cuiusvis notitiam significare volui, sibi de damno precaverentes. Datum in Szamosujvar die quinta Julii, Anno 1663.

Suæ Sac. Cæs. Regiæque Majestatis
Vice Colonellus Supremus Cõ-
mendans in arce Szamosujvar &
Betlen,

S E C T I O X.

NEc Romanorum Imperator sub-
dolo pacis tractatu ad bellum se
accingendi tempus sibi velle barba-
rum eripere ignorabat, requisiti quo-
circa universi per eum contra elatum
hostem Europæi Reges ac principes, de
quorum assensu, subsidiis, alioque ap-
paratu ii qui viciniore, rerumque o-
culati testes procul dubio scripturi
sunt, ego res Transylvanicas, conne-
xioneque rerum hoc ipsum nonnun-
quam exigente, Hungaricas verbo
complecti decrevi; Universis quocirca
Hun-

Hungariæ Proceribus ac Statibus, per
Sacratissimam Romanorum Imperato-
riam Regiamque Majestatem, patentes
publicatæ sunt in hæc verba:

LEOPOLDUS, &c.

Magnifici, &c. Innotuisse fidelitati-
bus vestris non ambigimus, quan-
to studio & conatu laboraverimus, ut post
acceptam ab hostibus Christiani nominis
gladem & expugnatum fortissimum pro-
pugnaculum, aliaq; in partibus Transyl-
vaniae fortalitia & presidia intercepta, jū-
elis cum aliis Christianæ Reipublicæ
Regibus & Principibus armis & viribus,
feroci conatui inimicorum, non modo ob-
viam ire, & per summam injuriam a-
dempta recuperare, verum & nosmet &
Christianum nomen vindicare, crescen-
temq; & auctam in dies Ottomanicam
potentiam retundere & enervare posse-
mus.

Verum cum saluberrimo huic instituto,
qua propter discordias & bella inter Prin-
cipes Christianos, qua alia intervenientia

gravissima impedimenta optatus eventus minime respondisset, Deo ex occultis suis consiliis permittente, applicuimus animū, media, ac modos adhibere, quibus gliscentem & grassantem adversariorum furorem, si reprimi nequiret, placare, placidisq; mediis regnum vel maximè hoc nostrum conservare, & quietum ac tranquillum reddere niteremur: Et jam eo usq; ventum erat, ut honestæ pacis conditiones per Turcas admisse, & ab utraq; parte acceptata, quin etiam ab ipso Turcarum Imperatore approbata spem nobis indubiam facerent indubie pacis.

Cum ex insperato & repenti primus Vezirius, atq; adeò Porta ipsa, omnes hætenus initos tractatus, & conclusos irritos esse declaravit, & quicquid eousq; accordatum fuerat rescidit, & cassavit, nobisq; arma & bellum indixit. Interim dum pax tractaretur preparato valido & numeroso exercitu, movit, & jam Belgrado, sive Alba Gracæ appropinquavit. Cujus inexpectata hostilitati invocato Divino numine &

ne & auxilio, magno animo ac in Deum
fiduciâ resistere, & Christianam Rempu-
blicam, signanter autem regnum hoc no-
strum Hungaria, propugnaculū ejusdem,
nobisq; cum primis charum tutari decre-
vimus, pro quo & majores nostri, & præ-
decessores, avi, atavique, tot myriades,
tantam expensarū molem, gazas, & the-
sauros erogare, tantum sanguinis Christi-
ani profunderenon dubitarunt. Quibus
uti in dignitate & Imperiali fastigio, non
modo carne & sanguine successimus, ita
laudatissimis eorum vestigiis insistendo,
omnia prorsus possibilia adhibiturū sumus,
adhibemusque de factō media, quibus ho-
stim viribus & conatū contraire, pares-
que & justas, si non validiores, opponere
vires possimus, signanter autem Sacrum
Romanum Imperium asistentiam suam
præbere, validaque auxilia, bellicque sum-
ptus & arma nobis suppeditare recenter
deliberavit. Requisivimus & alios Princi-
pes, de quibus benè speramus, ipsos quantiū
possibile erit defensionī Christianitatis non
defuturos; Siquidem autem regnum hoc

nostrum Hungaria, primum est in periculo
& proximum, vicinumq³ Turcarum in-
petui & furori, quod regnum nostrum &
natio, à ducentis jam & amplius annis,
summâ virtute, cum naturalibus istis ho-
stibus, pro suâ & Christianitatis propu-
gnatione colluctatur, & nunquam parce-
re dubitavit sanguini & vitæ, pro conser-
vatione & defensione patriæ charissimæ,
sed laudabili & alacri non in universa
duntaxat Christianitate, verum etiam
apud hostes deprædicato animo, generositate
& virtute sese opposuit, non solum quan-
do florentibus adhuc rebus, & integris vi-
ribus vigeret, verum etiam fractis ac de-
bilitatis, ademptisq³ regni partibus, nihil
omisit eorum, quæ à vitâ & Martialem
à maioribus acceptam virtutem ac forti-
tudinem decerent, ita ipsos nunc quoque
pro dulcissimâ patriâ, proq³ aris & focus,
pro liberis & conjugibus, atq³ adeo vitâ
propriâ ac libertate præstituros, omniaq³
possibilia media & supremos conatus ad-
hibituros non ambigimus.

Quare omnibus & singulis regni hujus

nostri Hungaria, partiumq³ eidem annexarum fidelibus nostris, Statibus & ordinibus, cum primis autem vobis ac reliquis Comitatibus, generalem seu personalem insurrectionem in Articulis regni, sive legibus decretam, nominatim verò continentias Articuli Quinti proxime Diate, & reliquorum ibidem citatorum indicimus & promulgamus, serioque ac firmiter sub pœnis in eisdem contentis & expressis, injungimus & mandamus, ut omnes & singuli è Statibus, prout citata continent leges, propriâ in personâ comparere, cum apparatu ibidem expresso debeatis & teneamini. Lustrationesque vestras instituere, & habere properetis & acceleretis, ita ut ad festum divi Ladislai Regis Hungaria parati esse possitis. Quibus lustrationib⁹ peractis, nris de super illicò informare, ab ulterioriq³ benignâ nostrâ eatenus fiendâ dispositione ac ordinatione præstolari, & conatus vestros cò dirigere velitis, ne fortè adventum totius roboris præveniando, in partes quasdam ac regiones vestras irruptiones dânosas & pe-

riculosus facere, ac in vos non satis provisos idem hostis ferro flammâq, grassari valeat, remedia adhibere, remota omni mora ac dilatione studeatis. Securi de nostro sincero & plus quàm paterno affectu & animo, quibus inducti, nihil planè eorum, quæ quidem possibilia sunt, aut erunt, pro conservatione ac vestrum omnium defensione, florentiq, ac prospero statu, assumere prætermisuri sumus. Quem etiam in finem militem Hungaricum ac nationem, majore quo possit numero ætutum conduci, & stipendiis nostris interteneri jussimus ac seriò demandamus.

Porro in prædicta hac insurrectione vestra, mutuam cum fidele nostro, nobis sincere dilecto Comite, regni hujus nostro Hungariae Palatino intelligentiam, cum directione ejusdem, juxta leges superinde sancitas, habeatis, benignè annuimus. Quod ipsum per speciales litteras nostras eidem clementer significavimus ac deduximus. Aderit conatibus nostris justus Deus, & fidei ac federis violatores præpotenti manu sua humiliabit, & meritis subjeci-

*et pœnis. Secus non facturis gratiâ nostrâ
Casareâ & Regiâ vobis in reliquo clemen-
ter propensimanemus. Datum in civitate
nostrâ Viennâ, 7. Junii, Anno 1663.*

Excute o tandem ex oculis veter-
num gloriosissimę olim nationis nostrę
reliquiæ ! seponite rixas & contentio-
nes, cesset Politicus Clero, Catholicus
Reformato invidere, nostro proprioq;
malo edocti, communi communibus
resistite armis, aliàs (utinam falsus sim
vates) dum ambitione præcipites, vix
parem inter vosmet plerique ferre vul-
tis, aut sub prætextu religionis alii alios
persequimini, religionis simul regio-
nisque jacturam vos facturos experie-
mini. Sed ad propositum, unde con-
tēplatio publici boni rapuerat, redeo.

S E C T I O XI.

PRæter propriam & aliorum opinio-
nem, (ut superius scriptum) resi-
duæ tributi Transylvanici partis non
expectans supremus Purpuratus admi-
nistr-

nistrationem, Gabriele Haller, recentioreque regni Statuum legato Joanne Daczo Albæ Græcæ relictis, cum immensâ suorum mole, quorum numerus ducenta millia excedere ferebatur, Eszéikum versus se movens, Dravum fluvium ponte erecto transire maturat, cui intentus, ad Gabrielem Haller accersendum duos è suis Csauziis celeri cursu Albam Græcam remittit; Audit inter spem mortisque metum dubius vocantiū ille verba; Joanneq; Daczo recentiore legato ibidē relictō, supremū purpuratam in prædicto affequitur loco, à quo insigni cum pompâ admissus, stolaque Turcicâ donatus, eidem pari (quasi) honoris gradu assidere jubetur, colloquioq; per horam & ulterius familiari habito, inter reliqua bono illesanimo Gabrielem Haller esse, apertaşque quandocunq; ipsum adire voluerit fores ejus futuras dicens, plenum bonæ spei in tentorium sibi erectum dimittit. Joannem quoq; Daczo consequen-

sequenter accersitum, tributum Transylvanicum per eum administratum supremi Thesaurarii (Testedar ipsis dicti) sigillo obsignatum, Hadrianopolim ad Imperatorem Turcarum transmittit. Tam solennis Gabrielis Haller exceptio, insperatusque favor, suspicionem nonnullis injecit; Principe Apasio (qui per Kucsuk passam, aut fictis, aut verisimilibus indefinenter traducebatur criminibus) degradato, supremum Purpuratum (dicto Gabriele inscio, vel veriùs conscio, ii qui exactiùs norunt judicent) cum velle in principatu substituere; Quain re nonnullorum, qui in aulâ supremi purpurati intimi, alienam à Principe Apasio ejus mentem referentium verba augebant metum ac suspicionem, promissis itaque sat luculentis Joannes Daczo recentior legatus præcipuos eorum aggreditur, per eosque flexo in gratiam (ut apparebat) supremi purpurati animo, ad secundariam admissus audientiam,

tiam, familiariùs quàm aliàs, excipitur;
Quærit ab eo Purpuratus, utrum aliqui
in regno Transylvaniæ, vitæ vel hono-
ri Principis insidiantes existant, quibus
resistendi destitueretur dictus Princeps
mediis?

Non existere talem pervicacem ipso
gnaro, respondet legatus Daczo. Quâ
Purpurati quæstionem, sinceræ erga
Principem Apasium affectionis indi-
cium licet nonnulli autument, exitium
attamen successu temporis multis no-
strum, qui in afflictissimo hoc regno
reliquis pauxillum præminere vide-
mur præstrui crediderim, quippe quos-
cunq; inter nos oculatiores, antiquæ-
que libertatis amantiore intellexerit,
fictis sub coloribus ad dicendam corâ
se causam evocatos, neci aut custodiz
tradere poterit; quod Deus avertat.
Tandem Gabriel Haller solo apud se
toties fatus Purpuratus manere jussu,
Joannem Daczo ad Principem Apa-
sium remittens, literas per eum trans-
mittit,

mittit, quarum continentia hæc erat:

Messia religionis cultor Princeps
Michael Aspasi, salutem pre-
camur. Residua tributi pars, literaq;
tua eidem adjuncta, juxta civitatem
Eszék sunt nobis redditæ; Quibus intel-
lectis, approbantesque factum tuum,
album perficimus te habere vultum,
deinceps quoque fidelem te futurum
sperantes. Continuum tuum Oratorem,
recens ad nos missum (adjuncto ipsi fi-
deli nostro officiali Aga) una cum tri-
buto ad potentissimum Imperatorem ex-
pedivimus; quo Hadrianopolim appel-
lente, alter qui Constantinopoli nunc de-
git, in Transylvaniam redire poterit.
Deo nos secundante, 29. Junii, Anni
præsentis, unà cum numerosissimis po-
tentissimi Imperatoris exercitibus, tor-
mentorumq; sufficienti apparatu, Dra-
vam transeuntes, destinatum continua-
mus iter. Mi amice, Domini mei cle-
mentissimi clientem te esse, regnoque

ejus

ejus Transylvania (quod optimum non abs re censi debet) prapositum consideres, si fidem cum sinceritate colueris, Gabrielem Betlenium, reliquosq³ Transylvaniæ Principes, obsequio Ottomanicæ Portæ illustres, pro exemplo ob oculos ponas, longè majora quàm ipsi obtinuerant premia accepturus. Potentissimi Imperatoris exercitibus adjungi oportet copias Transylvanicas hoc anno præsentis, quod ad ostentandam fidelitatem tuam plurimum interest. Exercitus itaque tuos instructos teneas, quod per nos iussum fuerit factururus, Deo nos benedicente, à potentissimo Imperatore, meque, digna virtutis obtenturus brabeja. Petitiones tuas justissimas esse constat, confecto hoc nostro itinere, supra votum tuum omnia felicissimè successura experieris. Vale.

SECTIO XII.

IAm alpibus Transylvaniæ per passum (ut præmissum) Boza penetra-
tis,

tis, Valachiæ Transalpinæ princeps, provinciam Barcza, consequenter districtum Fogarasiensem transiens, Cibinio cum suis appropinquabat, dum princeps Apafius, qui relictâ pridem Albâ Juliâ castra juxta oppidum Alvincz, cum Kucsuk passâ conjuncta per complures dies habuerat, seu adversa (ut ferebatur) correptus valetudine, seu Turcarum Tartarorumque qui Transalpinæ principem brevissubsequuturi credebantur, insidias honesto præcavere studens prætextu, civitatem Szászsebes, unico à castris distantem milliari, cum aulicorum cohorte intrat, exercitum quem secum habebat extra murum in ripâ fluvii cujusdam collocans, illincque ulterius progressus Cibinium se cum suis recipit.

Principis verò præcopitarum filius cum decem circiter Tartarorum selectissimorum millibus, Moldaviæque palatinus, cum mille peditibus, ac tribus equitum Valachorum millibus eodem

dem subsequētes itinere, captivos quidem (ut hactenus apud me constat) nullos ferme abduxerunt, verū cum mole exercitūs Cibinium versus sensim procedentes, longè lateq; tanquam in hostico populationes per regiones itineri eorum vicinas exercent, ne à cædibus quidem eorū qui sua eripi recusantes resistere nitebantur temperantes. Longè dispar Valachiæ Transalpinæ Principis in itinere disciplina, quippe qui supra multorum opinionem ne segetibus quidem ulla per suos intulit damna, eo minus excursions & populationes fieri permisit, iteratis quin potius in præsentia Commissarii Petri Budai, non sine angore animi ait vicibus, se quidem obtorto contra Christianos collo in bellum compelli, nunquam tamen sua suorumque arma, etiam si capite plectatur, Christianis noxæ fore, imò libentissimè, saltem Christianis victoriam Deus largiatur, in eodem bello se per Turcas cæsum, victi-

ma pro Christianis futurum.

Isdem unico ab urbe Cibiniensi militari castra figens, salutatum per nonnullos suorum, Principem Apasium, ut duos è Consiliariis, Stephanum nimirum Petkium, ac Georgium Kapium ad se transmittat, enixè rogat. Cui dictus Princeps assentiens, expeditisquæ qui rogabantur iis; postquam de crudeli ad totiusquæ Christianitatis exitium obstinato Turcarum animo multa præfatus fuisset, tandem ad evitandas, quas Præcopitarum Principis filius, ac Kucsuk Passa Principi Apasio (ut ipse assererat) molirentur, insidias, ut Cibinio clam deserto fugâ sibi consulens Gôrgenyinum, ac illinc Claudio-polim (urbem præsidio suæ Majestatis munitam) se conferat, nec in fidelitate Cibiniensem, qui victum eum Turcis tradituri sunt, spem ullam collocet, suadet; Utrum salubre suum consilium approbaturus sit, nec ne, ut Georgius Kapi alter Consiliarium ad se missorum

T rum

rum denuò rediens significet, subnectens. Reportant Cibinium quod per ipsos nunciatum erat, dicti Consiliarii, verùm Princeps Apafius nihil se contra Ottomanicam portam deliquisse, plus iusto quin potius obsequentem fuisse dicens, interdum de synceritate quoque suadentis non nihil dubitans parere reuit; Principi q̃; Valachiæ Transalpinæ per Georgium Kapi alienum ab eadem re animum suum aperuit; Qui eo proposito non succedente Cibinium præteriens, juxta civitatem Szászsebes dictam, Kucsuk Memhet Passam, filium Principis præcopitarum salutare volentem obvium habuit, quocū quid de principe Apafio, rebusq̃; Transylvanicis tractaverit, ipse novit, non syncerè tamen ipsum Christianitati satisfecisse, non mediocris (ut inferiùs patebit) orta suspicio.

SECTIO XIII.

Tertio post discessum Principis Transalpinæ die, præcopitarum
 Priu-

Principis quoq; filius Cibinium juxta castra figit, qui ex profapia Imperatoris Turcarum se esse jactans, Principem Apasium tanquam suum subditum se debere adire ait iis, qui a dicto Principe ad salutandum ipsum fuerant expediti, sed in gravissimo dictum Principem morbo detineri dicentes, tam ipsum quam suorum primores muneribus delinivere, satisque sedatus illinc discedens juxta civitatem Szászsebes Kucsuk Memhet Passæ, ac Valachia Transalpinæ Principi conjungitur. Per integrum biduum hinc secretum de nobis (ut circumstantiæ rerum testantur) initum est consilium, tertioq; die Olaj Begus Gyulaiensis Hungaricæ peritissimus linguæ Cibinium ad Principem Apasium per eos expeditur, qui staturâ semigigas in præsentia Consiliariorum ingenti cum clamore, qui vel in tertio hypocausto punctatim intelligi poterat, ita Principem Apasium alloquitur.

Potentissimi Tartarorum Præcopi-

T 2

tarum:

tarum Principis filius , unâ cum Kucsuk Memhet Passa optant; Cur juxta mandatum Potentissimi Imperatoris totius regni Transylvaniæ exercitus , ad bellum instructos non habes, quin potius in hanc te recepisti civitatem, ut rationem reddas, cum iisq; quostecum præsentis habes, confestim ad iter temet moveas, mecum eos absq; ullâ morâ & tergiversatione sequuturus nec rem parvi momenti, aut jubentem facilè contemnendum putes, cum supremi Tartarorum Chami filius, eadem qua genitor ipsius polleat auctoritate, quemq; rejiciens Potentissimum Turcarum Imperatorem contemptum quilibet facilè perspiciet. Hærebat hic cunctorum animus, in reque tam exitiosâ, nec consilium, nec vox suppetebat; Tandem suppresso metu Princeps Apafius dicto Olaj Bego respondet in hæc verba:

Potentissimi Præcopitarum Principis filium, eâ quâ par reverentiâ nostro nonni-

nomine salutato, quem (nisi morbo præpediti fuisset) in personâ adire, demississimeque salutare non prætermissemus; Exercitum Transylvanicum (omnibus ad familias resque suas tutandas dilapsis) propter metum Tartaricarum copiarum non possumus habere præsentem, penetratis interim ad exterarum regiones Tartaris, unâ cum regnicolis Kucsuk Memket Passæ conjuncti, officio nostro non deerimus, à supremo Purpurato, quid agendû nobis sit, ordinantiam de toto negotio præstolantes. Ipsoq; donis conciliato, proprium adjungens hominem, per eû ac literas Kucsuk Passam, ut corâ Præcopitarum principis filio causam suam ageret, suspicionemque contra se conceptam eluere niteretur enixè rogat, qui ingentium spe præmiorum inductus, in præsentia hominis per principem Apasium missi, multis dictum principem coram præcopita excusans verbis, tandem ille Claudiopolim, ac

Illinc Hungariam versus se movens, nos in eo, quo hodie fluctuamus, reliquit statu; Kucsuk Passa autem remisso Principis Apafii internuncio, cum juramento (utrum vero Deus novit) nunciavit ei, per Principem Valachiae Transalpinæ accusatum ipsum coram præcopita crimine proditionis, eoque instigante commotum (qui non pridem delinquitus erat) denuò contra toties dictum principem, præcopitarum Principis filium; Quamvis non ab ipso quidem Principe, (qui Turcico Imperio plus justo in omnibus obsequentissimus erat) sed civitatis Coronensis Judice civibusque satis jam antea se offensum putabat, cujus ultionem, Budam versus ex mandato supremi purpurati properantem in aliud tempus necessitas differre coëgit, quod cum magni (sed mali) momenti credam, inferere volui:

Ingresso limites Transylvaniæ cum sibi subjectis præcopitarum Principis filio,

filio, tam honoris exhibendi quàm victualia administrandi gratiâ nobilis quidam Petrus Budai Commissarius ipsi obviam missus, dum in Confiniis civitatis Coronensis (Brasso) cum salutasset, duos è primoribus Tartarorum ipsiis adjungens, Coronam cum certis expedit mandatis, qui vix suburbia civitatis ingressi, antequam Judicem adire, quave de re missi fuissent exponere possent, à civibus benè (vel veriùs malè) potis, inhumanè excepti, unus Tartarorum frustatim concisus excoriatur, alter vulneratus evadit, Commissarius verò Petrus Budai, per complures dies aresto detentus, agrè libertatem obtinuit; Cujus facti utinam tota Transylvania non luat poenas, cum nunquam se ejus memoriam animo deponiturum, confectoq; suscepto itinere in districtu Coronensi hybernaturum, centies & amplius juraverit præcopitarum principis filius. Ego talibus enormitatibus viam ad exitium

nostrum crediderim præstruere fata.

SECTIO XIV.

TArtaris Valachisq̃ue in Hungariam (ut præmissum) penetratis, Cibinii morantem principem Apasium per literas ac nuncium certificat Kucsuk Passa, quoniam suorum sparsim negotiis propriis occupatorum in Transylvaniâ iter non fatisse tutum multorum nece compertum habeat, eosdemq̃; rebus ad quotidianum usum necessariis, quæ in civitatibus emi solent, plurimum indigere constet, difficultatis istius medendi gratiâ Cibinium juxta se locaturum castra, quod propositum suum, ne aliquid Princeps aut Cibinienses mali subesse putarent, se significare decrevisse.

Improbat quidem, sed refragari vix præsumens, rem Princeps Apasius, officiales autem civitatis Cibiniensis, Judex nimirum Regius, ac Consul penè exanimis facti, vixq̃ue lacrymas continen-

tinentes, adito Principe, ne in vicini-
am urbis Kucsuk Passam cum suis trans-
ire pateretur, qui in propinquo siti,
indefinenter procul dubio urbem in-
gredi volentes, à civibus, vel reni-
tentibus ipsis rejiciendi forent, per De-
um obtestantur, alioquin adeò alienos
à Turcarum admissione civium ani-
mos, qui vitam priùs amissuri, quàm
eos amissuri essent significantes; Nec
mirum: præter recensitas enim ac ma-
lo usu in regno suctas Kucsuk Passæ
enormitates, terrebat eos recens in ci-
vitate Szászsebes per ipsum patratum
facinus, à cujus incolis ante sex dies ad-
missus, superveniente cum suis Præco-
pitarum Principis filio, nequissimus
alienarum rerum dispensator, currus,
jumenta universaque dictæ civitatis
frumenta, victualiaque Tartaris largi-
tus, omnibus iis afflictissimos cives
emungens, ad extremam redegerat
pauperiem.

Quamvis itaque munimento urbis

T s satis

fatis validæ tuti, Cibinienses violentam ejus irruptionem minimè formidarent, ne interim non admissus segetibus, quæ jam maturæ erant, damna inferens commeatu destituerentur, lentæ-que (quasi) obsidionis illud initium fieret, non abs re vercbantur.

Solatur modestissimis eos verbis Princeps Apafius, obviam Kucsuk passæ se iturum, nec in viciniam urbis admissurum promittens. Motis interim à civitate Száfzsebes Kucsuk passæ suis, juxta oppidum Szeredahely, quod tribus Cibinio distat milliaribus, figit castra, Cibiniensium animis pejora in horas sibi ominantibus; Quem ibi morantem Supremi purpurati Kapucsi Passa cum literis ejusdem adiens, ut cum Transylvania confestim egressus, Váradinum properet, ibiq; contraktum Imperatoris, confederatæ-que ejus exercitus intentos habeat oculos, mandat. Vulgari prius rumore, mox per literas Kucsuk passæ

Passæ significatur Principi Apasio demandatum ejus iter.

Exhilarantur Cibinienſes ; conſequenter, ad quas fauſtus ille rumor penetrare poterat vicinæ provinciæ, comportantur ad auerhenda ejus impedimenta curruſ; princeps quoque Apafius ultimum Vale ipſi dicturus, Cibinio egreſſus adit eum, humaniſſimeque (præternaturam) exceptus, ſummas pro beneficiis, quæ reverà non pauca acceperat, agit dicto principi gratias, convivioq; inter ſe celebrato, hic Cibinium, ille Varadinum verſus digrediuntur.

Verba eadem die (forſitan non ſpernenda) per Olaj Begum Gyulaienſem prolata inferere placuit, qui Joanne Toldalagi ac Franciſco Fekete, Cubiculariis Principis in ſecretis reductis ita fatus eſt: *Multis Principis aliorumque complurium beneficiis devinctus, hoc vobis conſilium à me datum ſciatis: Diffenſiones per complures annos conti-*

nuatas seponite, manete quieti, nec contra quempiam auxilia nostra imploretis, si enim in succursum vestrum denuò ingredi compellemur, nunquam nos Transylvaniâ egressuros juro per Deum omnipotentem.

Dictus supremi Purpurati Kapucsi Passa Cibinium cum Principe Apasio ingressus, eidem quoq; literas hæri sui exhibet, quas antequam infertas mi lector perlegeris, præmonitum te velim, dum quasdam verborum tautologias, insuetosq; & veritatem excedentes titulos videris, non à mè additos, sed verbotenus ita scriptos scias, cum præter nudam & verissimam rerum descriptionem nihil in animo habeam; Literæ autem jam dictæ, hujus erant tenoris:

Qui in toto Hungaria regno degunt, magnatum procerumque domine; omnium Christianorum præminentissime, mitissime, eorumque realis Domine, qui ex annuentia Potentissimi Imperato-

peratoris, toti nationi Hungarica praes,
iisq³ praeominaris, regnaque complura
moderaris, Princeps Michael Apafi,
Deus actus tuos, ingressum, egressumque
secundet. Ex intimo cordis affectu saluto
te, salutationeque praemissâ, cum singula-
rem in te confidentiam habeam, tanquam
amicus amico significare volo, Deo auspice
cũ innumerabilibus potentissimi Impera-
toris exercitibus 24. Mensis praeteriti Bu-
dâ me movisse, recentique juxta Stri-
gonium super Danubium ponte erecto
trajecisse, arcem Archienopolitanam
(Ersek Ujvár) à me esse obsessam scias eo
me negotio distineri.

Kucsuk Passam cum suis Transylva-
niâ egredi, Varadinumque juxta, pro
speculâ residere oportet, milites potentis-
simi Imperatoris, qui in confinis degunt
eidem adjunximus.

Tu quoque cum toto tuorum robore
in Transylvaniâ paratissimus esto, ad
quatuor mundi plagas apertos habens

oculos, sinceritate tuâ id ipsum exigente nulli labori parcas, indefinenter tuos ad me expedias, de rebusque vel mediocris momenti certifies. Deus te diu incolumem conservet. Datæ in Castris, inter Budam & Strigonium ad Veres-Vár positis.

Perlectis Princeps Apafius literis, diverso, eoque penitus contrario cum sibi subiectis afficiebatur affectu; Cum toto enim regni robore ad bellum Christianis inferendum eum non cogi singularem exprimebat lætitiâ, ex adverso Novæ Arci, quæ, fatendum est, præter omnem expectationem nostram cincta est obsidione, ne imparata inventa sit, in extraneorumque deveniat potestatem, non immerito metuebat, sed hac de re ii, quibus res est perspecta, procul dubio scripturi sunt.

Tandem bene donato Kapucsi passâ proprium Princeps Apafius adjungens hominem, literas ad supremum purpuratum mittit, pro officiis præstitis demissas

missas agit gratias, Kucsuk Passam ex mandato ipsius Varadinum versus se movisse, interim ut ducentos pedites Janizaros qui lateri ejus adhæreant mittere non dedignetur subjungens, quo sine id optetur, norunt consilii ejusdem authores: ut cunq; res cesserit, me nec optâsse, nec approbare fateor ingenuè.

Hæc sunt, mi Lector, quæ rudi Minervâ tecum communicare placuit. Actus, exitumque ingentium motuum qui inter duos orbis Monarchas in apertum belli incendium nunc prorupere, doctioribus transcribendos relinquo; Interim afflictiones nostras, earumq; in pejus aut melius vergentes progressus, si vita suppetet, alioq; me aptiores huic operi manus admoveere non contigerit, perscripturum polliceor, ita tamen si præsentia non ingrata fore experiar. Interim vale.

IN-

INDEX.

A.

A Murates Imperator Turcarum ob non persolutum quod jussu erat tributum bellum P. Rakocio indicit. fol. 25 Legates ejusdē aresto subjecit. ibid. Repentino morbo obiit. ibidem. *Andreas Barcsai* arcem Fogaras Principi Keményio resignat. paucosq; dies per eum suspendio mulclatur. 220
Ali Passa Transylvaniam invadit, 226. *Ioannem Keményium* Principem Hungariam usq; persequitur, 234
In Transylvania regreditur 242. Civitates Saxonicales deditioe subjecit, 243
Apafius Princeps constituitur, 248. Comitum Regni celebrat, & juramentū regnicolū prestat. f. 266. Per *Ioannem Keményium* Sepsburgi obsidetur, sed eidē *Cucsuk Passa* succurrit, 273
Claudiopolim non sponte obsidet, 320
Turcarum Tartarorumq; insidias metuens *Cibinium* se recipit, 431

B.

Baresaius Princeps à Turcis constituitur, 64
Barcsaius *Ioanni Keményio* donat principatum, 79
Barcsaius Principē *Rakocium* metuens, Devā, illinc *Temesvarinum* ad *Turcas* se recipit, 84
Barcsaius Princeps per *Turcas* in regnum restituitur. 110

Barcsai

I N D E X,

- Barcsaius Princeps metu Principis Rakocii Cibinium se recipit,* 126
Ejusdem obsidio & res consequentes, ibid.
Barcsaius Princeps Cibinio egressus purpurato Szeydi conjungitur. 157
Ali Passam adiit, 165. Per eum arestatur,
171. Dimittitur, 186
Barcsaius Princeps principatui renunciat, 215
Barcsaius Princeps captivatur, 221. Occiditur, 227
Basilius Moldavia Princeps à Principe Rakocio secundo sede pettitur, 31
A Kozasus adjutus regnum recuperat. ibid.
Iterum regno eficitur, ibid.
Budensis Purpurati & Rakocianorum ad Szalantam pugna. 20
Budensis Purpurati & Principis Rakocii secundi juxta Lippam pugna. 59
C.
Catharina Brandeburgica Principi Bethlenio succedit, 5
Principatui renunciare cogitur, 6
Filium Principis Rakocii Sigismundum adoptat, 13
Eidem Princeps Rakocius Munkacs & Fogaras arces adimit, 13
Cibinium per Principem Rakocium secundum obsidetur, 127
Sub eadem obsidione gesta, foliis seqq.
Csikienses Siculi à Principe Barcsaio desciunt, 191

I N D E X.

- Ab eodem bello premuntur.* 200
- Ali Passa deditionem facere renuunt, per e-*
umque devastantur, 259
- Coronenses legatum Tartarum excoriant,* 439.
- Constantinus Valachia Princeps per suos capti-*
vatur, 32
- eidem P. Rakocius secundus succurrit,* 33
- Cucusk Memhet Passa Principi Apafio succur-*
rit, contra Kemenyium Principem pugnat &
triumphat, 284
- Ejusdem infinita in Transylvaniâ exactiones,*
ibid. & seq.
- Claudiopolim frustra obsidet,* 320
- Territus rumore appropinquantis Generalis*
Snejdau. retrocedit, 356
- Medgessinum in hyberna abit,* 365
- Illinc se movens Sesspurgum hybernatum trā-*
sit, 366. Sesspurgo se movet 391. Varadinum
se confert, 442
- Chami Tartarorum filius per Transylvaniam*
versus Hungariam properans Supremo Pur-
purato conjungitur, 431
- D.
- David Zolyomius Rakocium primū ad prin-*
cipatum Transylvanie evehit, 7. Ab eodem
captivatus in carcere moritur, 31
- E.
- Franciscus Redei in Principem eligitur.* 45
- A Principe Rakocio Secundo opprimitur,* 54
- Franciscus à Schnejdau urbis Claudiopolita-*
na obsidionem solvit, 536

I N D E X.

Franciscus Szent-Georgius de Principe novo
 eligendo sine fructu laborat, 316
 Principem Apasium adit, 351. Germanica
 praesidiaeducturum se promittit, 342. pro-
 missa revocat, 345
 Per Cucsuk Passam arestat, Temesvari-
 numque transmissus obit, 344.

G.

Gabriel Haller legatus P. Barcsaii per Ali Pas-
 sam aresto subicitur, 163. Compeditibus ferre-
 is rara magnitudinis oneratur, 166. Dimitti-
tur, fol. 359. Iterum legatus ad Ali Passam
 expeditur, 359. Vbi ad praesens usq; detinetur.

I.

Ioannes Balingarcis Munkácsiensis Commen-
 dans, arcis ejusdem Domina Catharina Brä-
 deburgica exclusa, Rakocio Principi tradit, 13
 Ioannes Betlenius Commendans Krakoviensis
 à Principe Rakocio constitutus finito pace bel-
 lo dimittitur incolumis, 39. Keményius P. Ra-
 kocii supremus Generalis cum toto exercitu à
 Tartaris capitur, 40
 Ienõ arx à Turcis deditione capitur, 62
 Ioannus Daczo ad supremum Purpuratum le-
 gatio, 389

K.

Keményius Transylvaniam invadit, 206. In
 Principem eligitur, 216. Barcsaium aresto
 subicit, 220. Eundem necari jubet, 217. Im-
 par hosti Hungariam versus se recipit, 234
Auxi-

I N D E X.

Auxiliis Casarianis conjungitur, 243
Cum iisdem Transylvaniam intrat, &
Claudiopolim praesidio munit, 252
In Hungariam regreditur, 253. Siculis suc-
currere satagens iterum Transylvaniam in-
trat sed serò, 270

Arces Betlenianã & Fogaras praesidio Ger-
manico munit, 263. In Hungariam regre-
ditur. 246

Tertio Transylvaniam intrat, 270. Sesspur-
gum obsidet, 273

Contra Cucuk Passam pugnat & occūhit,
M 284

Mihne Princeps Transalpina contra Ottomani-
cam Portam rebellat, cum Rakocioq; fedus
init, 97

Montecuculi Generalis in succursum Transyl-
vania mittitur, 243. Transylvaniam intrat,
240. Audiopolim praesidio munit, 252. In
Hungariam regreditur, 253

P

Petrum Betlenium Comitem propter homicidiũ
quoddam Princeps Rakocius persequitur, 17

Petrus Eketse ad sacram Imperatoriam Maje-
statem expeditur, 330

Resolutio sua Majestatis per eum transmissa, 335

Pax inter duos Imperatores diu tractata evane-
scit, 371

Vnde bellum apertè sumptum, in consequ.
R. Ra-

I N D E X.

R

*Rakocius primus per Stephanum Betlenium Iuniorum ac Davidem Zolyomium ad cape-
sendum principatum vocatur, 7*

*In principem eligitur, 11. Zolyomium incarce-
rat, 13. Fogaras arcem Catharina Brandebur-
gica adimit, 13. Gothardum Kun Magnatem
Transylvanum ob verbum contingenter pro-
latum bonis exuit & in carcere necat, 22. I-
bidem multiplex aliorum oppressio. Contra
Romanorum Imperatorem fedus cum Suecis
init, 23. Bellum eidem infert. Conjunctus
cum Suecis Brinnam incassum oppugnat, ibi.
Iis in Moravia relictis pacem cum Imperato-
re Romanorum sancit, ibidem.*

*Polonia Regnum ambit, moritur, Alba Lu-
lia tumultatur, 27*

*P. Rakocius secundus succedit, 30. Bellum per
Generales suos Moldavia infert, Basilium ejus
Principem exturbat, & Cancellarium ipsius
Stephanum substituit, 31. Arcem Szuisva
deditione capit, grandique Basilii thesauro po-
nitur, ibid. Contra Szemenios in Valachia
Transalpina feliciter pugnat, 33. Subsidia
contra Tartaros regno Polonia mittit, 36. Iis-
dem bellum infert, 38. Krakoviam tradenti-
bus Suecis occupat & presidio munit, 38. Bris-
ciam deditione capit, ibid. Cum Polonis pa-
cem (sed coactus) facit, 39. Cum paucis fu-
ga se in Transylvaniam recipit, 40. Princi-
patui*

I N D E X.

patui renunciat, 44. Principatum armis recuperat, 54. Purpuratum Budensem profligat. 60. Barcsaium Principem invadit, 80. Ad se denuò recipiendum armis Transylvanos cogit. Aliaque in iisdem Comitibus memoratu digna, 95. Contra Purpuratū Szejdium ad Portam ferream infeliciter pugnatur, 110

Iuxta arcem Gyalu contra Purpuratum Szeidi iterum fortissimè pugnatur, & lethaliter vulneratur, 148. Ex vulnere moritur, 155.

S.

Stephanus Beilenius Gabrielus frater in Principem eligitur. 8. Principatui renunciare cogitur, 11

Budam ad Turcas transit, 18

Sigismundus Rakoci obit, 35

Szejdi Amhet Passa Purpuratus Budensis contra P. Rakocium feliciter pugnatur ad Portam ferream, P. Barcsaium restituit, 126. Castellum Pocsai & Somlyo devastat, 147. Iuxta arcem Gyalu contra Rakocium pugnatur, triumphat, 148

Transylvaniam Supremus Purpuratus, Chammus Tartarorum & Principes Valachia invadunt, 62


V.

Varadiensis arx P. Rakocio deditionem facit,

I N D E X.

cit, deserto Principe Barcsaio, 102. Va-
radiensis arcis descriptio, 167. Obsidio,
170. Deditio, ejusq; conditiones, 187
Valachia utriusque Principes Transylvaniam
cum exercitibus transeuntes, Supremo Pur-
purato junguntur, 411


F I N I S.



AOL 1473840







L 184.

